

ASO LUA, 27 IANUARI 2015

Na nofoia le Nofoa e le Fofoga Fetalai i le itula e 9.00 i le taeao.

Tatalo.

FOFOGA FETALAI: E i ai le talitonuga ma le agaga maualalo o lea ua toe potopoto moli i futiafu e tasi i le Maota i lenei taeao fou, i le alafai mai i faguga lelei o le paia maualuga o le Maota i le soifua manuia i a outou Afioga i sui usufono filifilia o itumalo taitasi o lo tatou atunuu. Sui usufono mamalu uma o le Palemene i lau Afioga i le Taitai o le Malo ma lau Kapeneta, aemaise foi le paia maualuga o le Palemene i ona tulaga faalupelupe. Afifio maia ma tala mai aao i le soifua manuia i lenei taeao fou aua ou te manatu o lea ua tatou toe faatasi i a tatou galuega faaauauina, aemaise a tatou polokalame ua faataatia i lenei Aso Fono. E momoli atu le agaga faafetai ona o le onosai mai aemaise foi le taumafai mai pea aua le faaauauina o a tatou galuega e pei ona faatulaga.

Ua tatou taunuu i le amataga o a tatou galuega i lenei aso, alo maia le paia ma le mamalu o lo tatou Maota. E tatalo atu pea le Fofoga Fetalai ona o le faatauaina o lo tatou taimi. E talitonu lava le faamoemoe e le o ni ai e avea, pe tau faatauvaaina outou finagalo, le tofa ma le moe pe a tatou agai e sailiili mataupu taitasi. A o le tatalo lava, ia tatou maua le femalamalamaai ina ia aua ne i tatou toe asaina ogasami ua uma ona asa e nisi o tuleiga ma saunoaga a sui usufono.

O le agaga ma le faamoemoe, ia aumai le tofa atoatoa ma le tofa sauni, ia aua ne i faaosofia moegaluaga i saunoaga ona o se saunoaga po o se manatu o se isi sui usufono, a o lea ua faataatia a tatou galuega mo lenei aso, e tele nisi o a tatou Lipoti aemaise foi nisi o Tulafono Tau Faaofi; tatou te velo aso ae tatou te velo aso i mea taua ma mea ogaoga e taatia ai i lagatonu la tatou Fonotaga. A o le tatalo, ia tatou manumanu i o tatou taimi.

O lo o i ina pea le tofa ma le faautautaga i sui usufono mamalu aua o fea lava e aga i ai tuleiga ma saunoaga, ia tautata i le moa o le ala ina ia tusa ma a tatou Tulafono Tumau, aemaise mataupu uma o lo o aafia i le taimi e talanoaina ai, ae a tatou o loa e toso le laau felefele, ona ou manatu lea ua umi lo tatou taimi ma maumau ai tulaga i le faatulagaina o se mataupu ua leva ona vave ona uma.

O le Saunoaga Faa-Minisita a le Afioga i le Palemia. Ou te tapa lau Afioga i le Palemia mo le Saunoaga Faa-Minisita.

27 IANUARI 2015

SAUNOAGA FAA-MINISITA A LE AFIOGA I LE PALEMIA

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI (Palemia): Lau Afioga i le Fofoga Fetalai ma le mamalu o le Maota, e auai foi i le taofi ma le saunoaga ua e tulei i ai, aemaise le viiga ma le faafetai i lo tatou Matai Sili i Lana pule faasoifua ua faafoi mai ai Lana Palemene i lenei taeao fou e faaauau a tatou felafolafoaiga i a tatou Tulafono ma Lipoti i vaega eseese o le Malo. Ae e le mafai ai lava ona tuua se manatu i le faagasologa o a tatou atinae o lo o fai nei ma a tatou galuega. E i ai le taofi e le uma le fai aso o le Atua, tatou taumafai e ausia le tele o galuega i le aso, ona tatou malolo ai lea ona o le Kapeneta nei e faulai galuega ma feau, e le mafai foi ona faatalitali le atunuu i a latou mataupu. O le ala lena o lea matou te tutulai atu ai pea i nisi o taimi i le tele o mataupu tatou te taamilomilo ai lava ma taamilomilo ai lava, ae e le na o le pau lenei o a tatou galuega fai, ae e tele a tatou galuega. E le fou foi nisi o taofi e lagaia mai pea lagaia mai pea.

O lea lava e matau atu foi ma le totoa iinei ma taumafai e talitali atu i mataupu. A o le tele lava o mataupu e malamalama lava, ae ua le mafai ona tuua le manatu e lelei pea ona fai sina au faamatalaga ona o le taimi sa ou tulai atu ai agai i le tulaga lenei i a tatou faiga paaga ma Malo o lo o taumafai e fesoasoani mai, ma le tulaga o lo o agai i ai nisi o finagalo e alu atu lava i le Maota lenei. O le ala lena ua ou taofi ai, e tataua pea ona fai sina au faamatalaga aloaia i le tulaga Faa-Minisita, ona o le taimi sa ou tulai muamua atu ai ma tau talitali atu i le tulaga maemaea o le Maota nei e taofi ai uiga ia ona o aso nei ma si tamai atunuu, a o le tóatele o tagata o lo o faalagolago i tala faasalalau e saili ai o latou soifua manuia. O le ala lena e tataua ai lava ona faataua e au nei ma le Kapeneta, so o se saunoaga e alu atu i le Maota lenei, aemaise se saunoaga e faaono lamatia ai taumafaiga a le Malo mo le atinae o le atunuu lenei ma saili galuega ai mo a tatou fanau - o le ala lena lau Afioga i le Fofoga Fetalai, aemaise foi o lo tatou atunuu o se tasi o atunuu o lo o maua i matatia e faamasino ai le sologa lelei o ana galuega i tulaga ia i le malamalama o mataupu (accountability ma le transparency), pe a fua i le tapenaina o Lipoti ma faamatalaga auiliili e tuuina atu i luma o le Maota. Ia taatia ia a tatou faiga polokiki o le auma avat , a o mea tatou te faia e faafoliga pu moomoo ma faaataata a lafoga, ae alu atu lava i fafo i le lalolagi atoa ma tauau ina aafia ai foi ma faamasinoga a i latou o lo o aumai a latou fesoasoani ia Samoa, ma tauau ina afaina ai taumafaiga a lo tatou Malo o lo o taumafai ina ia faamama i o tatou tagata, ae faamamafa i a i latou i fafo ina ia maua mai ai seleni e fesoasoani i lo tatou atunuu. Aua o le mea moni afai loa e le maua mai fesoasoani ia, ona tifato loa lea i lalo o galuega fai pe a faapea lea tatou te faalagolago i lo tatou lava malos. O le ala lena e mafua ai ona tautoaluaia taumafaiga a le Malo i le le masino o le tapatapa i fafo pe a o atu Minisita uma lava nei o le Kapeneta i fafo pe a fai a latou fonotaga, po o a lava tiute e feagai ma i latou, latou te talanoa ma toso mai ai fesoasoani mo lo tatou atunuu. Afai la e aumai mea ia ae tilotilo mai ua alu atu i nusipepa e laulau atu ai tulaga matautia ona o aso nei ua le o toe mamafi nisi i ni a latou faamatalaga, ona o le manatu foi lea o lea e alu atu faalilolilo i facebook i fafo; a o upu lava e tutupu ai vesiga ma tulaga faapena.

27 IANUARI 2015

Saunoaga Faa-Minisita a le Afioga i le Palemia

O le ala lea ua ou manatu ai ou te tulai atu ma le agaga faaaloalo e fia fai sina au faamatalaga. Pe pao-papa, a o faamatalaga mo le puipuiga o le tatou Malo ma taumafaiga a lo tatou Malo ina ia atiae ai lo tatou atunuu.

Lau Afioga i le Fofoga Fetalai, ua uma ma tea atu lena vaiaso o a tatou talanoaga i le Tala Faataau Faaopoopo o le Tupe. Na o le \$8miliona, ae fa aso lua po o tatou vavao ai ma noatia uma ai lava tatou uma aemaise Afioga i Minisita mai le faatinoina o le mau galuega o lo o faatalitali mai i ai le atunuu, ae tele lava se taimi sa tatau ona faasaoina mai tatou te taumafai ai e talanoa Tulafono ma Lipoti o i lumamea i le Fono. E ui i lea o lea o le a tatou Fono sosoo i lenei tausaga i masina uma ona o le faamoemoe ia uma galuega tuua o i ai a le Palemene a o le i faataapeina. Aua o le faataape o le Palemene lenei o lea ou te matau atu o le toe 11 masina. O lona uiga e le o toe atoa se tausaga ona faataape loa lea ma tapena i le tatou faiga palota lautele i le amataga o le tausaga fou, ae lua ni mataupu lau Afioga i le Fofoga Fetalai ma lenei Maota ua ou tulai atu ai.

Muamua, o le faasinoinomia pea o atunuu o lo o latou lagolago mai i le atinae o Samoa e pei o Saina, o nisi foi taimi o Iapani ma o latou tagata ua tatou nonofo faatasi iinei e fesoasoani mai i le atiaeina o Samoa. O nisi ua fai paolo mai i tamaitai Samoa ma ua tóatele foi a latou fanau ma o fanau e totolua. E le gata la i alii mai Saina ma Iapani ua usu i ai o tatou tagata i tamaitai ae faapena foi i alii ua usu i tamaitai o na foi atunuu i taimi sa aooga ai nisi ma foi mai ai i totonu o lo tatou atunuu ma nai o latou taitoalua, ua tóatele foi fanau. Ua taua lava o Samoa ae e le o toe taua o ni tagata mai fafo.

Sa ou laga faalua lenei mataupu i lena vaiaso ua tuanai ona o talaave atu i fafo i nei paaga taua i le atinae o Samoa ma ua latou lagalaga mai foi, òPo o le a le mea ua faapea ai? Ua tele fesoasoani ua aumai, a o lea latou te faitau ma tilotilo i televise o alu atu ai nei taufaifaiga o i latou. Ua taufaifai ma tuuaiina sese ai i latou.ö

O le ala lea e mafua ai ona i ai sui o Malo iinei i Hai Komisi ma Amapasa. E pei foi ona i ai o tatou Hai Komisi ma Amapasa i atunuu i fafo ma Konesula. O taliga ia ma fofoga o le Malo e faalogologo, o mata ia o le Malo e faalogologo ma matamata ma lipoti mai i le Malo tulaga e faaono tatau ona silafia e le Malo. O uiga ia o lea aua o lea e iinei sui o Malo nei ma o la foi e ave a latou aveai i fafo ma galo uma ai lava ia i latou o faia nei tuuaiga le aoga tele o nei atunuu ia Samoa.

E le tau faamatala atu i lenei Maota le tele o le sao o na foi atunuu, e le gata i le afuafua mai o le Malo o Samoa mai lava i le amataga e pei o Niu Sila, a o le taimi nei i le latou sasaa mai. O le mea moni e leai se atunuu e fia faipaaga ia Samoa pe afai o le faiga lea le tuuai seseina ma taufaifai i ai ma tau atagia, ae nana ai foi i lalo, a o lea latou te iloa lelei lava o upu faailoga lanu o lo o avatu, e tatou te lagona ai foi lo latou le fiafia e fesoasoani pe afai e le gata ina le amanaia se fesoasoani, ae toe faifai i ni upu mataga.

27 IANUARI 2015

Saunoaga Faa-Minisita a le Afioga i le Palemia

Lau Afioga i le Fofoga Fetalai, aemaise lava pe a tausolomua i ni Taitai o le Palemene lenei o Samoa ia tuuaiga matuia, ae fiafia lava le nusipepa e faasalalau, ona foliga ai lea o o lo o faia faasalalau faapea, e alolofa ia Samoa, a o le tele o le Palemene lenei, o lea o lo o taumafai e fai ni uiga faatalale e faamalaia ai le atunuu lenei i le lumanai.

Lau Afioga i le Fofoga Fetalai, o lo o tatou taulagi pea i aso uma aso uma, o Samoa o le atunuu tofi e faavae i le Atua, ma o tatou o tagata kerisiano, ae pe faapefea ona tatou lalagi o tatou talitonuga o kerisiano ae tatou te le amioai e pei o le tatou Faaola o Keriso Iesu, na mafua ai ona tau kerisianoina i tatou.

Lau Afioga i le Fofoga Fetalai, e matilatila lava nisi o Afioga a lo tatou Alii, oia alofa i tagata ese o lo o mau faatasi ma oe. E ogatasi ma Tulafono Autu e lua a le Atua, muamua, oia e alofa i le Atua ma lou loto atoa ma lou agaga atoa ma lou malosi atoa. Lua, oia e alofa atu i le lua te tuaoi e pei o oe lava ia te oe. E le mafai ona faitau eseese Tulafono ia e lua, e o faatasi, aua o lou alofa i le Atua, e te alofa ai foi i le lua te tuaoi. Aisea? Aua foi o lo o afio le Agaga Paia o le Atua i totonu o i tatou uma. A ua faafagogo tagiao le usui usui pea ma le tautuuai o tatou uso a tagata.

Lau Afioga i le Fofoga Fetalai, taoto ia le faaleagaga aua e faamasinoina taitasi i tatou uma e tusa o tatou loto ma a tatou mea e fai, ae le mafai le mafai ona tuuaunua e le Malo nei tuuaiga le faavaea, aua o lea e tau atu ai ma le Malo, a o le tulaga sili ona le lelei, e tausolomua ai sui usufono o le Maota lenei i uiga ia. O lo o aliali mai pea i nusipepa, o lo o feala ma faapunafanau i manatu sese ua fai manatu ai tagata i le social media, o Samoa ua faatau ia Saina ma le anoano o tuuaiga le faavaea, ae mafua atu lava i totonu o le Maota lenei.

Lau Afioga i le Fofoga Fetalai, a manatu i le 30 tausaga talu ai, sa faatau ipuapa tatou mai lava ia Pipi ma Moles, tiga ona taetaei ma matogitogi ipuapa, ae tatou te o lava faatau mai ma tatou o aai ai, aua tatou te le gafatia le tau taugata o ipu omea sa faaoga e se toaitiiti na maua seleni. Ua a nei? Na amata ona tatou tausasami i ipu mea ina ua faipisinisi o tatou tagata e tupuga mai ia i latou nei mai fafo, o Saina, o Siamani, o Peretania, Amerika, ma isi ua tatou gafatia ai ona faatau le mau mea ua taugofie i faiga ia faatauvaga ua siitia ina ua tele mai pisinisi o lo o fai e i latou nei mai fafo. E le i mamao atu ona tatou molimau ai le taunuuga o le feala ma le faapunafanau lea ou te fai atu ai, o tulaga ia na oo i le Malo o Toga na sunui faletetele ma fale tu taulaga o lo o faia ai pisinisi. O tulaga tonu ia na ou taua ai le matautia o manatu tuulafoai ma le l faavaea o lo o fai nei ma mausa ai nisi o sui usufono o le tatou Maota.

Lau Afioga i le Fofoga Fetalai, e galo e talitonuina a outou saunoaga e o tatou tagata ona o outou tulaga faa-Taitai o le atunuu lenei. Ia manatua lelei, o le siitai o le taualoa, o le siitai foi lena o le talitonuina, a o le siitai foi lena o le tiute e amio ai i le taualoa e tataua ona ogatasi ma mamalu o tofiga.

O le mataupu lona lua, o le aveseina o taualumaga a le tatou Palemene lenei, ua logo -i logo -a faasalalau a nisi o sui usufono o le Komiti o Ofisa o le Palemene i le mea e tupu pe a le amanaia e le Malo a latou fautuaga i le Lipoti a le Pule ma Suetusi Sili lea e tuliaupu e nusipepa.

27 IANUARI 2015

Saunoaga Faa-Minisita a le Afioga i le Palemia

O ia faasalalauga o lo o atagia ai e i ai se isi tulaga ma se malosi e oo i ai Tali a le Malo pe a le faamalieina le Komiti. O se tulaga tuulafoai tele ma limataitaiseseina ai le atunuu, e faatupu manatu e i ai se isi malosi i se Komiti faasaga i Tali a le Malo ma le Palemene, lea o lo o i totonu o faamaumauga a le Palemene. O le isi foi Faaululuga o le Malo na alu molia le Kapeneta, molia le Palemene i le tulaga faapea ua le fiafia i le auala ua tagofia ai e le Palemene a latou Lipoti. O le a le mea na tupu? Na sau le iuga a le Faamasino Sili, òE leai sa outou feau i Lipoti na, o le mea e saunoa i ai ma fai i ai faaiuga a le Fono Aoaofaitulafono, o le mea lena. ò Ona faagaulemalie lea o le Faaululuga o le Matagaluega i le tausaga e 1996, ona alu loa lea molia i le apili, le Faamasinoga aupito maualuga. O le taugata ia o na Faamasinoga. Ona omai ai lea o Faamasino mai fafo na talosaga, e toatolu lea ou te tau manatua, omai fai le iuga. O le tele ia o le mafiafia o le faaiuga, a o lena faaiuga, ua aumaia ai, o le mea e alu atu ai le iuga a le Fono Aoaofaitulafono lenei, lau Afioga i le Fofoga Fetalai ma le 48 lenei o faipule, o le iuga lena. E leai lava se isi malosi e i luga atu o le Palemene lenei. Ma e talu ai ona o le Palemene lenei o sui o le atunuu atoa, e pule lava le Palemene i ana auala e faatino ai ana galuega. A loto lava e fai le iuga e sui ai lea Tulafono, sui. A loto lava e fai le iuga e sui ai lea mea ua uma foi ona fai i ai lana faaiuga muamua, sui. Aisea? E leaga o sui ia o le atunuu atoa o Samoa lea e nofoia le Palemene.

Lau Afioga i le Fofoga Fetalai, ua fia masina o taulagi pea e sui usufono o le Komiti o le Palemene, e le tuumamaina e Komiti le Tali a le Malo pe a le amanaia a latou fautuaga, ma e oo lava i le Faamasinoga pe a le faia e le Malo tulaga ia e fautuaga mai ai le Komiti. O ni lafoga e aliali mai ai ua sili ae le pule a le Komiti i le pule a le Palemene. Ua foi mai ai le Palemene lenei, ua foi mai ai i mea na, ma ua oo lava i le Faamasinoga Maualuga a le Malo lenei. O le mea e aiaia i totonu o le Palemene lenei ma fai i ai le faaiuga a lau Afioga i le Fofoga Fetalai ma le Palemene lenei e 48 sui usufono ia 49 i lau Afioga i le lafo faatu ma talia i luga o le Fesili ua aumai, o i ina le faaiuga o mea uma. A o sui usufono o le Komiti lea e taulamua, o ni sui usufono foi ua leva, e tataua ona silafia e leai se isi mea i tua atu. A avatu loa Tali a le Malo, o Tali na.

O le tausaga o le Paeaiaga lea 1982-1985, 1985-1988, 1988-1991, 1991-1996, o le tele ia o mataupu faapenei, o le avatu o le Tali a le Malo, tu mai le Itu Agai toe lui le tali. E tasi lava le upu a le Fofoga Fetalai, le tatou Tulafono, o le Tali lava e avatu, o le Tali lena, na faauma ai loa lena mataupu. Ae o faaupuga ma folafolaga lea e toso ai le mamalu o le atunuu, e foliga mai a le malilie lava le Komiti i Tali a le Malo, e i ai se isi tulaga i tua atu ina ia faamalieina lava le Komiti.

Lau Afioga i le Fofoga Fetalai, e pei ona fai atu, ua taoto a tatou faiga faa-Palemene o lo o aiaia i a tatou Tulafono Tumau, o isi o faiga masani po o practices e faavae mai faiga faa-Palemene a isi atunuu Temokarasi o le tatou Taupulega o lo o tatou faaitaitai i ai. O le ala lea e tiga lava ona tau le lava a tatou seleni na aiaia, ae avatu loa se pepa o le a malaga faipule e o e mataitu faiga faa-Palemene e ioe lava le Kapeneta. Aisea?

27 IANUARI 2015

Saunoaga Faa-Minisita a le Afioga i le Palemia

O le naunau o le Kapeneta ina ia maua e tatou faipule le malamalama i faiga faavae o lo o fai ai isi Palemene ina ia toe talii mai ona agai ai lea i luma a tatou felafolafoaiga.

Lau Afioga i le Fofoga Fetalai, ua taoto atu i tatou faiga faa-Palemene, o lo o aiaia i totonu o tatou Tulafono Tumau, o isi na o practices e faavae mai faiga faa-Palemene a atunuu i fafo, o le 35 lenei o ou tausaga i le Maota lenei, e leai ni felafolafoaiga i Tali a le Malo. O le tatou faiga faa-Palemene lena na sau ai mai le amataga ina ua tutoatasi Samoa, na tatou faaaogaina ai faiga faa-Palemene a Niu Sila, lea e oo mai lava i le taimi nei ma nai suiga laiti. E mafua ona ou fai atu, ona o lea ua lata mai le masina o Mati, toe o le vaiaso Fepuari, ona Mati lea, e soloia ai mataupu o lenei Tauaofiaga, a o lea foi ua maua i faasalalauga saunoaga a le sui usufono lava o le Komiti o Ofisa o le Palemene e faapea, ua deliberate le faamulimuli o Tali a le Malo i le Lipoti a le Komiti i le Lipoti a le Pule ma Suetusi Sili. A o sui usufono ua leva, ua leva ona i totonu o le Palemene, o saunoaga ia tuulafoai, pei e foliga o i ai ni faiga piopio o fai e le aufaigaluega a le tatou Fono, e leai, o le faasologa masani o galuega a le tatou Malo, lea o lo o sosolo lelei ai lava e i ai le faasologa o mataupu o Fono, e muamua mataupu na muai toai mai, e alu lava i le faasologa. Ae o nei saunoaga faalauaitele, e pei ua atagia ai le Maota ma lana aufaigaluega e le o amiotonu ona fai le galuega.

O faiga faavae a le tatou Palemene, e le o ni tulaga faatoa fai nei lau Afioga, ina ua pale mai le HRPP i le 30 ma ona tupu tausaga talu ai, o faiga faavae lava o lo o sosolo lelei ma ituaiga Faigamalo o lo o faatautaia ai foi lo tatou Malo, o le West Minister Democracy, Faigamalo Faatemokarasi a Peretania, e aloaia ai le tuu eseese o Pule, separation of powers e ui ai i le mataituina e le Palemene o galuega a le Malo, ae i ai le va fealoaloai e le faatonua e le isi poutu le isi poutu o a tatou Faigamalo. O le fa lenei o tausaga o le tatou Paeaiga Lona XV, mo nisi ua tai lua tai tolu pe sili atu foi i Paeaiga o avea pea ma sui usufono o lenei Maota, e malamalama lelei i a tatou faiga Faa-Palemene, e leai ni felafolafoaiga i Tali a le Malo. A o faaupuga ia e faalele, e le uma ai i i, e oo i le Faamasinoga, o ni saunoaga tuulafoai, taufaasese, e foliga e i ai se isi malosi i tua atu o le Fono Aoaofaitulafono, e tagofia ai ma fai faaiuga i ana mataupu e tusa ma ana faiga Faa-Palemene, e pei ona ou fai atu, ua foi mai ai le Palemene mai le mea lena, ma e tasi lava le faaiuga ua faia e le Faamasinoga, o le mea lava e finagalo i ai le Fono Aoaofaitulafono, o le mea lena e fai.

Ou te iloa o le toatele e le o silafia, ae ua manino le finagalo o le Faamasinoga i le va vavae ma le Palemene i le tele o mataupu sa tagofia e le Faamasinoga, pei lava ona ou taumafai e faamalamalama atu, e aloalosa le Faamasinoga e aia i mataupu tau Palemene, e vagana o ni mataupu o lo o aafia ai le Faavae, pau lea, a o nei faasalalauga o le a o i le Faamasinoga pe a le faamalieina le Komiti i le Tali a le Malo, e taitaiseseina ai lo tatou atunuu.

27 IANUARI 2015

Saunoaga Faa-Minisita a le Afioga i le Palemia

O le tuualalo, afai e i ai ni finagalo o sui o le tatou Komiti i faiga Faa-Palemene, e i ai le avanoa i le tausaga mulimuli lenei o le Paeaiga e toe iloilo ai a tatou Tulafono Tumau, e mafai ona agai i le Komiti o Tulafono Tumau e faaali i ai ni o outou finagalo mo ni fautuaga e atiae ai a tatou faiga Faa-Palemene, ae soia ia le taufaasese i nusipepa ma toso le malamalama atu ai le laau mamafa, ona faafoliga ai lea o le Komiti, pau lava lea o le Komiti amiotonu, a o le Palemene atoa e piopio e corrupt.

Ua ou taua nei tulaga lau Afioga, ona ua tulata foi le taimi e ono lapse uma ai galuega o lenei Tauaofiaga e tusa o faiga sa sau ai, o lea lava tatou te o ai, i lapse foi ae laga ma tuu alaga i magaala o le Malo, ua a? A o lea lava e aumai uma i le Palemene.

Lau Afioga ua ou tautalagia nei tulaga ona o lea ua lalaga tia o le tau tiaga o le Palota 2016, ne i avea le naunau i le ia, ae maumau ai le upega. Aua o tatou upu ia o le tatou galuega ma faiga faavae o lo tatou i .upuia lava lea o tatou, o le anu i le matagi, o lo o tatou faifai i tagata fai mai aemaise o malo o lo o fesoasoani mai i lo tatou atinae, o le tatou fai atu foi lena i malo o lo o autovaa ma saili manuia atu i ai o tatou tagata, o le faiga foi lea e tataua ona fai ai o tatou tagata i o latou foi malo. O le auga ma le faamoemoe, ia tautuana ma tatou o tatou o Taitai ua tofia ua valaauina o le atunuu lenei ona fuafua ma fetuunai lelei a tatou saunoaga ma mafaufau i aafiaga, o le uta a le poto o le fetalai. Aua o tatou manatu, e mafai ona fua i ai le tali mai foi o a tatou paaga o lo o maua mai ai fesoasoani mo nai o tatou tagata ma lo latou atinaeina ma saili ai ma galuega mo a latou fanau, e mafai foi i nei tuuaiga ona limataitaiseseina ma o tatou tagata. Ua uma ona faatino a tatou Tautoga. O a ia Tautoga? O Tautoga o le loto faamaoni i luma o le Maota lenei, faamaoni o le Tautoga i le Atua. O lo o manino foi le Tulafono o Amio Taualoa Faa-Palemene, o lo o lima taitai ai le faatinoina o tatou tiute, e matua taua ai ia i tatou ona tatou manatua.

Lau Afioga i le Fofoga Fetalai, o lena ua maua mai le agaga o le tautalaga, e faamalulu atu foi pe afai ua i ai se pati ua paopapa, ae e le mafai ona tuua le mea e tataua ona fai, e tataua ona ou tata logo pea, ina ne i tupu mai ni pefea, ae le mafai ona tuuaia au ma le Malo, o Minisita ma vaega uma lava o sui usufono o le vaega lenei, i lou nofonono ae le tau atu i ai, faamanatu atu mea taua nei i le tatou va tapuia ma le va fealoai ai ma Malo o lo o latou fesoasoani. Ia faamanuia le Atua i lo latou agalelei, ma ia faatupu manatu foi i o latou taitai, aua ne i avea le se ma mea mamafa, ae ia sau pea le fesoasoani ia, ina ia maua e tagata uma o Samoa se soifuaga siitia e manuia ai tagata uma.

Lau Afioga i le Fofoga Fetalai, o lau faamatalaga lea i lenei taeao, soifua ma ia manuia.

Afioga Hon Palusalua Faapo II (Taitai o le Itu Agai): Lau Afioga i le Fofoga Fetalai o se mea e fia malamalama ai, lau Afioga.

FOFOGA FETALAI: Ia, se i alaala mai i lalo ae se i fai atu muamua le faaaliga a le Fofoga Fetalai.

27 IANUARI 2015

Saunoaga Faa-Minisita a le Afioga i le Palemia

E momoli atu le agaga faafetai i lau Afioga i le Palemia e tusa ai foi ma le tuleiga ma le saunoaga i lenei taeao, e manatu foi ua faafogafoga ma le manino le tatou Maota i tulaga masani, ia pe a faapea e finagalo lava le Taitai o le Malo ia po o se Minisita i tulaga o saunoaga faa-Minisita, e talitonu foi o lea ua logona le feau aemaise foi le tuualalo a lau Afioga i le Taitai ona o nisi o mataupu, aga ma tu ua tatou i ai i lenei vaitaimi a o faagasolo le tatou Fono. Oo lea ua ou talia ma aloaia le tuuina mai o le Saunoaga Faa-Minisita ma ua faafogafoga foi i ai le Maota i ona tulaga masani.

O le a le mea lea e te finagalo i ai? (*I le Taitai o le Itu Agai sa tulai*).

Afioga Hon Palusalua Faapo II: Leai, ou te tulai atu ma lou agaga faaaloalo, e toeitiiti atoa le itula i le Saunoaga a leí ..

E muamua fai atu lau tala lea faatu ai le lafo aua leaga e taua le Saunoaga a le Afioga i le Palemia. Ona pau lava lea lau Afioga leaga o lea e faalauaitele le tala. Ia manatua o Samoa e i ai le aiatatau a le tagata e faasalalau ai.

FOFOGA FETALAI: O lea ua ou maua lou finagalo.

Afioga Hon Palusalua Faapo II: Ou te faatu le lafo, *Ina ia faataoto le Saunoaga a le Afioga i le Palemia i luga o le Laulau a Fono, ma e tatalo atu ina ia faanatinati ia mafai ona tatou talanoa ai taeao, leaga e taua mataupu ia e tuuina ai le atunuu aemaise lenei Itu ma ou te faatu atu ai le lafo ia faataatia le Saunoaga Faa-Minisita a le Afioga i le Palemia ma ia vave talanoaina.*

E le i faamaonia le lafo.

FOFOGA FETALAI: O lea o le a ou faamalamalama atua aga o le Tulafono. O le mea muamua, Palu, ia e manatua lelei o Saunoaga Faa-Minisita a Taitai ma mea faapena, e leai se mea faapena o le tuu taimiina. Ia e silafia lelei ua e malamalama foi i tulaga i mea uma i le faatulagaga, a saunoa loa le Minisita po o le Taitai i tulaga faa-Minisita, e le faapea e tau i ai se agaga tuu taimiina pe tau puipuia. E tuu saoloto le saunoaga a le Taitai po o se Minisita ona o se mataupu ua tulai mai. O lea ua faaalua mai lona finagalo, e tatau ona ou faasaoina le tulaga lena. O le a le tulaga i mataupu e tulai mai e aafia e tuu talaloa ona o se mea ua tulai mai i lea taimi i lea taimi. O lea la ua e saunoa mai i tulaga ia, se i tulai mai lau Afioga i le Minisita mo Tina ma Tamaitai, Atinae o Nuu ma Afioga ma Agafesootai.

Tofa Hon Tolofuaivalelei Falemoe Leiataua (Minisita mo Tina ma Tamaitai, Atinae o Nuu ma Afioga ma Agafesootai): Faafetai i lau Afioga i le Fofoga Fetalai. Sa faa lava e le faatagaina ae faafetai lau Afioga, o lea ua e saunoa malamalama. Ou te alofa foi i le Taitai o le Itu Agai aua o mea lava ia o lea e opuina ai faavae o le Maota ona o le le malamalama, e leai ni taimi e pei ona e malele.

27 IANUARI 2015

Saunoaga Faa-Minisita a le Afioga i le Palemia

Ona pau lava o lea, o lea ua faatu le lafo ma ou te faaluaina, ia faataatia le Saunoaga Faa-Minisita a le Afioga i le Palemia i luma o le Laulau a Fono. Ona pau lava lea, faafetai.

FOFOGA FETALAI: Ia, o le agaga lena lea sa taumafai atu.

Afioga Hon Aeau Peniamina Leavaiseeta (Falealupo): Lau Afioga i le Fofoga Fetalai ma le faaaloalo lava, ua ou tulai atu lava i le tulaga lea. Lau Afioga i le Fofoga Fetalai, o le itula atoa lea na saunoa ai i, o le fautuaina o lau Afioga i le mea e tatau ona fai.

Lua, o le fautuaina o lana talanoa sa tatau ona fai i le HRPP, ia faafetai.

FOFOGA FETALAI: Malie le sui usufono mo Falealupo o lea ua ou maua lou finagalo. Taatia mai pea lau galuega ia te au, o lea tatou te matau uma lava, o lea foi e fai foi o la outou faafofoga a o lea foi ou te faalogologo au ia. Let me do my job, aua tou te atugalua i le tulaga lena. O lea e faafofoga le Atua Silisiliese o lea e faamasino i le tagata ma lana e fai. O lea e taatia le mea lea, silasila outou, lea, le Standing Order, o le Bible lena a le tatou Palemene, ae tasi lava le tagata e faia le interpretation o le mea lea, o au lea e saofai atu i i, one man. Ia outou faatuatua mai la i le mea lea e avatu, ua uma ona faataatia le tulaga o le tatou galuega, ae le o le tou tutulalai mai ma outou fai mai ia te au ua ova le taimi ma outou fai mai e aoai mai au, e leai. O lea lava ou te lavapapale, a aumai foi a outou saunoaga silasila o lea e avatu le avanoa, o le ava lena i lo ta va nonofo ai, e ava tele leaga o le atunuu lena o le atunuu ua uma ona fai ona tapui ma ona va tuaoi, e le aumaia foi tulafono a papalagi ananafi e fai ai lo tatou ava fatafata ma lo tatou ava faatamalii. O lea ua tatou o i le aganuu ma mea e tatau ona i aif í .

Afioga Hon Palusalua Faapo II: Lau Afioga i le Fofoga Fetalai ma le faaaloalo lava.

FOFOGA FETALAI: Alaala i lalo Palu, e te ava i le Fofoga Fetalai?

Afioga Hon Palusalua Faapo II: Ou te ava ae ou te puipui foi i lou mamalu.

FOFOGA FETALAI: Alaala i lalo, alaala i lalo. *(I le Taitai o le Itu Agai).* Ana e puipui e te usitai mai i le mea lea ou te fai atu ai. Usitai mai ma e lavapapale mai i le mea lea e taumafai atu ai le Fofoga Fetalai, o lea e tau tuu i le ogatotonu le tatou Fono.

O lea ua faatu le lafo o lea ua faaluaina.

Faaluaina e le Minisita mo Tina ma Tamaitai, Atinae o Nuu ma Afioga ma Agafesootai.

Na faamaonia le lafo.

27 IANUARI 2015

Saunoaga Faa-Minisita a le Afioga i le Palemia

FOFOGA FETALAI: Ia, faasolo loa le Pepa o a tatou Galuega. O se taimi se aso, ona aumai lea i lumafale tatou te talanoa i ai ona fale lea o le mataupu, ae soia tou te agai e tau ta, e pei o lea e naumati Vailoa ma galala le atunuu e tele mataupu taua e tatau ona tatou talanoaina, a lea e faamanatu atu mea ua tulai mai i lenei taimi ina ia o tatou liolio ma puipui o lea tatou te tau lagi nei, o iinei o le Maota e to ai manu o Samoa, ia tatou agai la e tausii le manulauti lenei, ia moni a tatou upu ma ia agai le tatou galuega tatou galulue faatasi ina ia manuia le atunuu.

Afioga Hon Palusalua Faapo II: Lau Afioga i le Fofoga Fetalai, e toe tasi lava si mea lea faamolemole, leai ou te le toe agai i le mataupu lea ua e taua. Pau lava le mea, o lea o le a uma le Paeaiga, ae leai ma se mea ua faataatia mai i Saunoaga Faa-Minisita nei?

FOFOGA FETALAI: O lea foi ua e toe fesiligia au, alaala i lalo Palu.

Afioga Hon Palusalua Faapo II: Ae leaga e tatau ona ou fesiligia, o lea o le a uma le masina e leai ma se mea o faataatia mai.

FOFOGA FETALAI: O lea e faasolo galuega. A lea e alaala atu le Failautusi o le Fono? Silasila o lea faatoa lavelavea mai? O au le isi tagata lea e tuuaia tele. O lea e pisa le atunuu po o le a le mea lea e tupu i le tuai ona aumai o Lipoti, a o lea e saofafai mai Taitaifono o lea e tele ina le faatinoa le galuega i nisi taimi. O ou pisa? O lea lava ou te taumafai e amo le tuuaiga lea e aumai, o fea o fai i ai a tatou galuega ma mea ia e fai. O ou fai atu ea? O lea faatoa ou fai atu nei, o lea foi ua e toe fai mai foi. Ia malilie le Maota, taatia mai pea le galuega a Fepuleai ma latou ma au nei lea e tau faasoasoa a tatou galuega. O le agaga lenei, ia lavapapale mai le tatou Maota o lea e faasolo le tatou galuega i ala o Tulafono Tumau ma mea e tatau ona i ai. O lea ou te tagitagi atu. Ua fia sefulu ma ona tupu Tulafono, fia Lipoti ma mea, ia outou onosai mai o lea e tau faasolo le tatou galuega. O le aso ananafi, faafetai. O le aso, faafetai atu o lea o le a tele le tatou galuega o le a tatou agai i ai.

**TULAFONO TAU FAAOFI O TEUTEUGA O LE TULAFONO O LE
FAALAPOTOPOTOGA FAAVAE TAU FATUGAO A SAMOA 2015
– faitauga faatolu**

FOFOGA FETALAI: Tulai mai lau Afioga i le Minisita mo le Soifua Maloloina.

Afioga Hon TUITAMA TALALELEI TUITAMA (Minisita mo le Soifua Maloloina): Ia, e auai faatasi foi lenei sui usufono i le taulaga molia e lau Afioga i lenei taeao e sulaina ai le alofa ma le agalelei o le Atua i lau Afioga ma sui usufono mamalu o lenei Palemene.

27 IANUARI 2015

**Tulafono Tau Faaofi o Teuteuga o le Tulafono o le Faalapotopotoga
Faavae tau Fatugao a Samoa 2015 – faitauga faatolu**

Ua o se matagi lava e agi malu le faalogologo i lenei taeao i le Saunoaga Faa-Minisita a le Afioga i le Palemia. E ese lava auala a le Alii e oo mai ai Lona finagalo i totonu o le Maota. Ia, o le tatalo, ina ia ave ma le mana ma ia ulufale i aai o finagalo pogisa pea, ina ia faamalamalamaina i le upu moni ma Tulafono o lo o limataitaiina ai le tatou Faigamalo ma le tatou Palemene.

Lau Afioga i le Fofoga Fetalai, ua ou tulai atu e faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faalapotopotoga Faavae tau Fatugao a Samoa 2015 i lona faitauga faatolu.*

Faaluaina e le Minisita mo Galuega Tau Alamanuia ma Atinae a le Malo, Minisita mo Fesootaiga ma Faamatalaga Tekonolosi, Minisita mo Aoga, Taaloga ma Aganuu ma le Minisita mo Punaoa Faanatura ma le Siosiomaga.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoaofaitulafono.

**TULAFONO TAU FAAOFI O TEUTEUGA O LE TULAFONO O LE
FAALAPOTOPOTOGA O SUESUEGA FAASAIENISI A SAMOA 2015
– faitauga faatolu**

FOFOGA FETALAI: Tulai mai lau Afioga i le Minisita mo Punaoa Faanatura ma le Siosiomaga.

Tofa Hon FAAMOETAU LOA LEALAI AULOTO ULAITINO FAALE TUMAALII (Minisita mo Punaoa Faanatura ma le Siosiomaga): Lau Afioga i le Fofoga Fetalai, ma lou ava tele ou te tulai atu ai e faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faalapotopotoga o Suesuega Faasaienisi a Samoa 2015 i lona faitauga faatolu.*

Faaluaina e le Minisita mo Aoga, Taaloga ma Aganuu, Minisita mo Galuega, Felauaiga ma Atinae Eseeese ma le Minisita mo Leoleo, Falepuipui ma Auaunaga Tau Tinei Mu.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoaofaitulafono.

**TULAFONO TAU FAAOFI O TEUTEUGA O LE TULAFONO O
FEFAATAUAIGA TALAFEAGAI 2015 – faitauga faatolu**

FOFOGA FETALAI: Tulai mai lau Afioga i le Minisita mo Pisinisi, Alamanuia ma Leipa.

27 IANUARI 2015

**Tulafono Tau Faaofi o Teuteuga o le Tulafono o Fefaatauaiga
Talafeagai 2015 – faitauga faatolu**

Tofa Hon FONOTOE NUAFESILI PIERRE LAUOFO (Minisita mo Pisinisi, Alamanuia ma Leipa): Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Fefaatauaiga Talafeagai 2015 i lona faitauga faatolu.*

Faaluaina e le Minisita mo Galuega Tau Alamanuia ma Atinae a le Malo, Minisita mo Tina ma Tamaitai, Atinae o Nuu ma Afioga ma Agafesootai.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoa Faitulafono.

**TULAFONO TAU FAAOFI O TEUTEUGA O LE TULAFONO O
SONE TAU FOLAUGA I LE SAMI 2015 – faitauga faatolu**

FOFOGA FETALAI: Tulai mai lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai ou te tulai atu e faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Sone tau Folauga i le Sami 2015 i lona faitauga faatolu.*

Faaluaina e le Sui Palemia, Minisita mo Galuega Tau Alamanuia ma Atinae a le Malo, Minisita mo le Soifua Maloloina, Minisita mo Aoga, Taaloga ma Aganuu ma le Minisita mo Tina ma Tamaitai, Atinae o Nuu ma Afioga ma Agafesootai.

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoa Faitulafono.

**TULAFONO TAU FAAOFI O TEUTEUGA O LE TULAFONO O
FAAMALUMALUGA E FAAMAU AI MEATOTINO TAU LE
TAGATA LAVA IA 2015 – faitauga faatolu**

Tofa Hon FONOTOE NUAFESILI PIERRE LAUOFO: Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Faamalumaluga e Faamau ai Meatotino tau le Tagata lava Ia 2015 i lona faitauga faatolu.*

Faaluaina e le Minisita mo Galuega Tau Alamanuia ma Atinae a le Malo, Minisita mo le Soifua Maloloina ma le Minisita mo Aoga, Taaloga ma Aganuu.

27 IANUARI 2015

P.P.2014/2015 Nu.132, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2014/2015 Nu.33, 34, 35, 36 & 37, Lipoti Faaletausaga a le Pulega o Faailoga ma Tusi Pasi Taualoa a Samoa mo tausaga 2008/2009, 2009/2010, 2010/2011, 2011/2012 & 2012/2013 - Iloiloga

Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoa Fautulafono.

ILOILOGA O LIPOTI A KOMITI FILIFILIA

**P.P.2014/2015 NU.132, LIPOTI A LE KOMITI O MATAUPU TAU AOGA, SAIENISI, FESOOTAIGA MA FAAMATALAGA TEKONOLOSI I LE P.P.2014/2015 NU.33, 34, 35, 36 & 37, LIPOTI FAALETAUSAGA A LE PULEGA O FAAILOGA MA TUSI PASI TAUALOA A SAMOA MO TAUSAGA 2008/2009, 2009/2010, 2010/2011, 2011/2012 & 2012/2013
– Iloiloga**

Susuga IFOPO MATIA FILISI (Sui Taitaifono, Komiti o Mataupu tau Aoga, Saienisi, Fesootaiga ma Faamatalaga Tekonolosi): Lau Afioga i le Fofoga Fetalai ou te faatu le lafo, *Ina ia faautagia e lenei Fono Aoa le Lipoti a le Komiti o lo o tuuina atu ai ana SAILIILIGA, FAUTUAGA MA IUGAFONO.*

Faaluaina e se tasi o sui usufono mo Falealili, Tofa Tusa Misi Tupuola, sui usufono mo le Vaa o Fonoti, se tasi o sui usufono mo le Au Palota Taitoatasi Afioga Maualaivao Pat Ah Him, sui usufono mo Palauli ma le sui usufono mo Sagaga le Falefa.

Susuga IFOPO MATIA FILISI: Lau Afioga i le Fofoga Fetalai;

“FAUTUAGA:

E fautuaina e le Komiti le Malo ma le Pulega ina ia:-

1. **Tatau i le Pulega ona tapena e latou ia Polokalame mo Aoga resitalaina, ina ia mafai ona tutusa Polokalame aoaoina i aoga taitasi, fua i le laasaga o Tusi Pasi ua tapena e le Pulega.**
2. **Ia tulituliloa e le Pulega ia aoga ua resitalaina ae le i tuuina ni Polokalame mo le siakina ma le faamaoniaina.**
3. **Mo aoga mai fafo e pei o le APTC, e tatau lava ona usitaia pea aiaiga o le Tulafono mo le siakiina ma le faamaoniaina e le Pulega o ana Polokalame faaleaoaoga, ina ia laugatasia ma isi aoga i totonu o le atunuu.**

27 IANUARI 2015

P.P.2014/2015 Nu.132, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2014/2015 Nu.33, 34, 35, 36 & 37, Lipoti Faaletausaga a le Pulega o Faailoga ma Tusi Pasi Taualoa a Samoa mo tausaga 2008/2009, 2009/2010, 2010/2011, 2011/2012 & 2012/2013 - Iloiloga

IUGAFONO:

E fautuaina e le Komiti ia le Fono Aoaoina ia faamaonia:

- P.P.2014/2015, Nu. 33, Lipoti Faaletausaga a le Pulega o Faailoga ma Tusi Pasi Taualoa a Samoa mo le Tausaga Faaletupe na faaiuina i le aso 30 Iuni 2009;
- P.P.2014/2015, Nu. 34, Lipoti Faaletausaga a le Pulega o Faailoga ma Tusi Pasi Taualoa a Samoa mo le Tausaga Faaletupe na faaiuina i le aso 30 Iuni 2010;
- P.P.2014/2015, Nu. 35, Lipoti Faaletausaga a le Pulega o Faailoga ma Tusi Pasi Taualoa a Samoa mo le Tausaga Faaletupe na faaiuina i le aso 30 Iuni 2011;
- P.P.2014/2015, Nu. 36, Lipoti Faaletausaga a le Pulega o Faailoga ma Tusi Pasi Taualoa a Samoa mo le Tausaga Faaletupe na faaiuina i le aso 30 Iuni 2012;
- P.P.2014/2015, Nu. 37, Lipoti Faaletausaga a le Pulega o Faailoga ma Tusi Pasi Taualoa a Samoa mo le Tausaga Faaletupe na faaiuina i le aso 30 Iuni 2013:ma
- Fautuaga a le Komiti ua tuuina atu i lalo.”

FOFOGA FETALAI: Malo saunoa i lau Afioga i le Taitaifono o le Komiti.

Tulai mai lau Afioga i le sui usufono mamalu mo Faleata Sisifo.

Tofa LEALAILLEPULE RIMONI AIAFI (Faleata Sisifo): Faafetai lava i lau Afioga mo le avanoa. Faafetai foi i lenei taeao fou i le malosi faafouina mai le Atua aua le tatou galuega faaauau. Malo foi i lau Afioga le onosai, e leai se isi Fofoga Fetalai e tusa ma oe i le tele o lou loto ma le lelei o le faagasologa o le tatou Fono. Faafetai i le Komiti mo le Lipoti. Muamua, ua ou fiu e vaavaaai fautuaga a le Komiti e le o sau ai i i. Lua, faafetai o lea e matau e lima Lipoti faaletausaga lea e talanoaina i le Lipoti lenei. Ia, lelei lea faiga, manaia. A o le mea lea e fia fesili ai i lau Afioga i le Taitaifono ma le Komiti i le faaupuga lea e faapea mai, ÷E ono aoga mai le 20, na o le 6 aoga be set secondary mai le 20 o aoga ua resitalaina. A fua la i ai, mai le 2009 seia oo mai i le 2014, e lima tausaga ae na o le ono aoga ua resitala. O le fesili la i lau Afioga i le Minisita, aisea ua mafua ai lea vaega? E i ai se mafuaaga ua tuai ai ona resitala isi aoga? O lona uiga na o le tasi le aoga i le tausaga? O le isi mea, po o le mea o fesetai le tatou Komiti, po o le aoga lea e refer i ai po o qualifications aua e lua mea?

FOFOGA FETALAI: Se i tulai mai le Minisita mo Aoga, Taaloga ma Aganuu.

27 IANUARI 2015

P.P.2014/2015 Nu.132, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2014/2015 Nu.33, 34, 35, 36 & 37, Lipoti Faaletausaga a le Pulega o Faailoga ma Tusi Pasi Tauloa a Samoa mo tausaga 2008/2009, 2009/2010, 2010/2011, 2011/2012 & 2012/2013 - Iloiloga

Afioga Hon Magele Mauiliu (Minisita mo Aoga, Taaloga ma Aganuu): Lau Afioga i le Fofoga Fetalai ou te tulai atu ma le faaaloalo i le fesili a le sui usufono.

O le taimi nei masalo ua ova atu i le 20 aoga ua uma ona resitala. O le tali atu lea ma le faaaloalo.

FOFOGA FETALAI: Se i tulai mai le sui usufono mamalu.

Tofa LEALAILEPULE RIMONI AIAFI: Faafetai i lau Afioga i le Minisita. O le ala o lau fesili leaga o lea ou te fesili atu i mea o lo o sau i le Lipoti. O lo o manino lava le faamatalaga, na o le ono aoga mai le 20 ua resitalaina. O le mea la lena o lea ua faapopoleina ai lou manatu, pe aisea ua na o le ono ai aoga ae ova i le 20 aoga o i ai nei mai le fia sefulu tausaga talu ona faavae lenei itutino taua, a o lea na o le ono.

O le mea la lea aua o lea e faitau ane foi i lalo i qualifications. O lea la ua saunoa lau Afioga i le Minisita o lea ua resitala le 20 aoga, a o lea e maua e le o tele ni qualification o talia. Po o fea la o i ai le isi aofaiga aua e leai foi se aoga e na o le resitala ae le talia qualifications?

FOFOGA FETALAI: O lea o le a tali atu le Minisita. Tulai mai lau Afioga i le Minisita.

Afioga Hon Magele Mauiliu: E le o se galuega faigofie. O le tele ia o le process e faaaoaga i nei mea. E matua vaavaai lelei le Matagaluega ma o e suesue uma auala po o lelei faatino uma mea e pei o le curriculum, o needs, o le level ma tulaga uma faapena. E vaai le fale o fai aoga ma vaai le anoafale ma tulaga uma faapena. E le o se mea la e faigofie, e tele le taimi e alu ai. E i ai foi taimi e o atu ai e asiase e le talia aoga ma toe tuu i ai le avanoa ma toe o e asiase. E pei o le tulaga lena o lea o lo o i ai nei, ma o le taimi nei ua gasolo lelei lava galuega a le vaega lea. Na faatoa amata i le 2006 le SQA, faafetai.

FOFOGA FETALAI: Malo, e manatu ua malamalama le folasaga a le Minisita le sui usufono mamalu. Tulai mai e faaauau le saunoaga.

Tofa LEALAILEPULE RIMONI AIAFI: Faafetai i lau Afioga i le Minisita. Ua aoga le fesili tatou te malamalama uma ai aua a tatou faitau ma tatou ave le Lipoti lea, i lou lava sui usufono, e le o lelei, ae faafetai i le Afioga i le Minisita o lea ua faamalamalama mai o lea ua faatupulaiaí í .

Afioga Tufuga Gafaleata Faitua (Vaisigano Nu.1): Lau Afioga i le Fofoga Fetalai í .

27 IANUARI 2015

P.P.2014/2015 Nu.132, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2014/2015 Nu.33, 34, 35, 36 & 37, Lipoti Faaletausaga a le Pulega o Faailoga ma Tusi Pasi Taualoa a Samoa mo tausaga 2008/2009, 2009/2010, 2010/2011, 2011/2012 & 2012/2013 - Iloiloga

FOFOGA FETALAI: Malie lava le sui usufono o saunoa, se i tulai mai le sui usufono mamalu.

O se mea e fia faamalamalama pe fia faasao le sui usufono mo Vaisigano Nu.1?

Tulai mai le sui usufono mamalu.

Afioga Tufuga Gafualeata Faitua: O le Lipoti lea lau Afioga i le Fofoga Fetalai a le matou Komiti, o le mafuaaga e ala ai ona laitiiti le au resitala, ia manatua foi e i ai standards a le SQA. A le meet ina la e aoga auunaga ia, ona le mafai lea ona resitala. E moni lava e fai a latou aoga, ae e le resitalaina i lalo o le Matagaluega. E pei o le mafuaaga lea e ala ai ona le tóatele ae na o le toaono aoga e mafai ona latou meet ina le standard o lo o manaomia e le SQA.

Ma le faaaloalo lava, faafetai.

FOFOGA FETALAI: O lea ua mafai ona fesoasoani mai le sui o le Komiti. E fai sina tulaga maioio o standard o lo o i ai a le SQA e pei foi ona taumafai mai ai le Minisita. O lea ua molimauina i le finagalo o le sui usufono, e 20+ a tatou aoga ia ua resitala. Ia manatua foi o a tatou Lipoti nei ua fai sina out of date laitiiti, a o le update lea ua aumai e le Afioga i le Minisita ma le Matagaluega. O lea ua tele le suiga mai le taimi na tuuina mai ai le tatou Lipoti i tulaga masani.

Se i tulai mai lau Afioga i le Minisita mo Faamasinoga ma Pulega tau Faamasinoga, lau Afioga i le Sao Faapito.

Afioga Hon Fiamé Naomi Mataafa (Minisita mo Faamasinoga ma Pulega Tau Faamasinoga): Lau Afioga i le Fofoga Fetalai, e taua le tatou mataupu lea e laga e le sui usufono ma e ao ona tatou manatua, o le vasega lea o aoaoga o le Post Secondary, e le tele ni aoga o i ai. A fua foi i le Iunivesite, a tatou tau matau i ai, o lea ua tuu uma i totonu o le Iunivesite aoga sa taape e pei o le Aoga Faafaiaoga, o le Aoga mo Tausimai, o le Aoga mo Matata Eseeese ma le Aoga a Marine. E pei la e faafoliga mai o le ono o se fuainumera e laitiiti, a o le mea moni lava e le tele ni a tatou aoga o le vasega lea. O le tele foi o na aoga o lea ua i totonu o le Iunivesite, ae tele le faamalu lea e tuu ai i lalo.

Na o se fesoasoani atu i le tatou mataupu, faafetai.

FOFOGA FETALAI: Tulai mai le sui usufono mamalu mo Faleata Sisifo.

Tofa LEALAILEPULE RIMONI AIAFI: O lea e avatu lava lou manatu i le tatou Lipoti lea e aumai. O lau suesuega i ai e 29 aoga Post Secondary lea e i ai, ae 20 aoga ia ua resitala up to date.

27 IANUARI 2015

P.P.2014/2015 Nu.132, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2014/2015 Nu.33, 34, 35, 36 & 37, Lipoti Faaletausaga a le Pulega o Faailoga ma Tusi Pasi Tauloa a Samoa mo tausaga 2008/2009, 2009/2010, 2010/2011, 2011/2012 & 2012/2013 - Iloiloga

O lea la e feteenai le finagalo o le Afioga i le Minisita ma le sui o le Komiti, e ese la le mea e tau ina tau mai ua resitala, ese le taliaina o le qualification. E pei la o le mea lena o lea e faatuai i le taimi nei pe a ou faitau i ai e fua i le curriculum ma standard ia e require ma moomia e le SQA, ae e le aveesea lou manatu i le taua na faavae ai lenei itutino o le Malo. A o le mea lea e avatu ai lau fesili, afai e i ai ni mafuaaga ogaoga ua ala ai ona faatuai le faatinoga o le auaunaga, e tatau ona malamalama i ai tatou pe aisea. Ia tatou fesoasoani uma ina ia fai ia lelei ma faamautu.

O le isi vaega, o le a le mea ua gata ai i le secondary school? Ua tatau ona toe tilotilo le Afioga i le Minisita ma le Malo, ia amata mai le quality i lalo. Ia amata mai i Pre-Schools ma faasau ai e tau i luga. Aua o le taimi nei, ou te talitonu o lea e faatino e le Ofisa o Aoga le vaega lea, ae ou te talitonu ua tatau ona aveane uma i le itutino lea, ona alo lava lea o le Ofisa o Aoga e concentrate i le aoaoina o tamaiti, ae tuu ane le vaaiga o le quality i le itutino lea ia mautinoa ia sau lava mai lalo e tau i luga ua i ai le quality lea tatou te talanoa i ai.

FOFOGA FETALAI: Malie le sui usufono se i tulai mai le Afioga i le Minisita.

Afioga Hon Magele Mauiliu: Lau Afioga i le Fofoga Fetalai, faafetai lava mo le avanoa. O lea o le a toso solo e le sui usufono lea a tatou aoaoga.

O le SQA ia e mo mea e igoa o Post Secondary Education, e le aafia ai fua a tatou Primary Schools and Secondary Schools, se i vagana foi ua fai ni polokalame a na aoga e fall i le category lea o le Post School Education.

Lau Afioga i le Fofoga Fetalai, o lea ua 20 a tatou aoga ua uma ona resitala ma ua meet foi quality standards. E ono a tatou polokalame ia ua meet foi le quality standard e include ai ma le Maritime. O se faaaliga lata mai lea, a o lea ua alualu lava i luma, o lea ua 20 a tatou aoga ia ua resitala ma ua meet le quality standard, faafetai.

FOFOGA FETALAI: E manatu o lea ua malamalamaí í ..

Tofa Aveau Tuala Lepale Niko Palamo (Faleata Sasae): Lau Afioga i le Fofoga Fetalai, o au o le sui o le Komiti lea leaga o lea ua fesiligia so o lava le itu lea.

FOFOGA FETALAI: Se i fesoasoani la faamolemole i le sui usufono.

Tofa Aveau Tuala Lepale Niko Palamo: O aoga ia e lavea ai aoga foi ia e i ai Don Bosco ma aoga faapea. O aoga la ia sa alu lava i lalo o a latou polokalame po o a latou lava curriculum.

27 IANUARI 2015

P.P.2014/2015 Nu.132, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2014/2015 Nu.33, 34, 35, 36 & 37, Lipoti Faaletausaga a le Pulega o Faailoga ma Tusi Pasi Taualoa a Samoa mo tausaga 2008/2009, 2009/2010, 2010/2011, 2011/2012 & 2012/2013 - Iloiloga

O lea la ua i ai le manatu o le Malo i lalo o le polokalame lea ia fai ni qualification standards e faatatau a iu mai le tamaitiiti aoga i aoga ia, ae ua mafai ona meet standard e faigaluega ai. O le tele la o aoga ia ua uma ona qualify standards lea e taumafai le SQA e fai se standard e tasi e o uma ai aoga e tai pei o le Aoga a le Metotisi lea e fai i Uesiliana ma aoga faapena, lea e ala ai ona tuai ona resitala ma taumafai se standard e resitala ai, a o la ua i ai aoga ua leva ona faatu.

E pei o le mea lena o lea e ala ai ona tuai ona o aoga ia o aoga o la e i ai a latou curriculum. Ma le faaaloalo lava.

FOFOGA FETALAI: Ua e faafofoga la Leala, ua e faafofoga e le maŋi le Komiti. O lea e matua tutu aai mai lava le Komiti.

Tofa LEALAILEPULE RIMONI AIAFI: E le o fesiligia le Komiti aua o le matua vaivai o le sui o le Komiti lenei.

E leai o si ou uso foi, e leai e faamalulu atu. E le o fesiligia le mandate, a o lea e fesiligia le performance. Ia manatua foi e pei ona ou fai atu i lau Afioga i le Fofoga Fetalai, e 20 aoga ua uma ona resitala ae ono mataupu. E le sese lau tala, o lea ua faamaonia e le Minisita? Leaga e fai lau research í .

FOFOGA FETALAI: Ia, agai ia o lea ua manino le saunoaga a le Afioga i le Minisita.

Tofa LEALAILEPULE RIMONI AIAFI: O le quality lea na saunoa i ai le Afioga i le Minisitaí í ..

Tofa Aveau Tuala Lepale Niko Palamo: Lau Afioga i le Fofoga Fetalai, e leai e tataua ona faasao le saunoaga a le sui usufono mamalu.

FOFOGA FETALAI: Ia, se i tulai ae le sui o le Komiti e faasao le saunoaga a le sui usufono.

Tofa Aveau Tuala Lepale Niko Palamo: O lea na fesili le sui usufono po o le a le mea e ala ai ona tuai ona resitala po o le performance. O lea la ua ou faamalamalama atu le mafuaaga e ala ai ona tuai. Ua tuai ona resitala ona o aoga nei e le o ni aoga fou, a o aoga ua leva ona faataatia mai a latou polokalame, e pei ona ou taua atu ai le aoga lea a Don Bosco, e i ai lava a latou polokalame sa mulimuli ai. A o lea ua taumafai le SQA i le isi level i luga ma fai se isi ituaiga polokalame, o lea la e tau faatulaga polokalame ia.

Ma le faaaloalo lava.

27 IANUARI 2015

P.P.2014/2015 Nu.132, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2014/2015 Nu.33, 34, 35, 36 & 37, Lipoti Faaletausaga a le Pulega o Faailoga ma Tusi Pasi Tauloa a Samoa mo tausaga 2008/2009, 2009/2010, 2010/2011, 2011/2012 & 2012/2013 - Iloiloga

Tofa LEALAIPEPULU RIMONI AIAFI: E momoli atu lau faafetai i le Afioga i le Minisita.

FOFOGA FETALAI: Malie le sui usufono se i tuu atu le avanoa i le Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai, o lau lava tulai atu; e momoli lau faamalo i le Komiti. O le manaia ia o a latou fautuaga ia e aumai, o lea foi e manino le faamalamalama. Ou te masalo o le tasi lea Komiti o le matua lelei o le faatinoga o a latou galuega, ae malie ia le sui usufono o lo o tutulai mai pea. Aua e mafai foi ona ou fesili atu, o le a la le mea o le a taofi ai i Primers ae le ave loa i Aoga Amata? Ae se i e Minisita ia o Tupe i se aso ona fai lea o mea na e te manao i ai, ae taatia mai mea ia aua e oo atu i ai ua atoa uma lava le vaega lea e totoe. Ia manatua foi o mea ua masani ai, a e soona teletelevave tele, e uma ane ua e malepe i luga o le aupa.

Tofa LEALAIPEPULU RIMONI AIAFI: Lau Afioga i le Fofoga Fetalai, ua leva ona ou Minisita. O lea ou te Minisita Agai. I do not have to be there? I have already a Minister.

Lau Afioga i le Minisita mo Aoga, Taaloga ma Aganuu, faafetai. Lau Afioga i le Tamaitai Pule Sili o le Matagaluega o le SQA, se o le mea e taulagalaga leaga a ou le lagaina, ina ne i te i ua faapea ua sese le Lipoti. E faafetai i le Komiti, a o le quality lea ou te faalogo atu i ai i lau Afiogaí í ..

FOFOGA FETALAI: Malie le sui usufono mamalu, se i tuu atu le avanoa i le Minisita mo Tina ma Tamaitai, Atinae o Nuu ma Afioga ma Agafesootai.

Tofa Hon Tolofuaivalelei Falemoe Leiataua: Ona o le Fono a le Palemene lau Afioga i le Fofoga Fetalai vaeatu le ee o sui usufono mamalu, tatou te o lava e faamaumau mea moni ma mea o lo o i totonu o Tulafono ua aloaia.

O lo latou lava lea manatu o latou o Minisita Agai, ae faamolemole e leai se mea ua faia faaletulafono e aloaia ai lea vaega. Onosai lou fia Minisita e le i taitai, o lea e i ai le isi faiga palota lea e lumanai. Ou te alofa i si ou uso leaga o la ma te nonofo i Vaitele o lo ma nuu, ae onosai le toe tau o na tofiga aua e tau mai ai ma faafofoga le atunuu ma faapea, oSe leaga le tagata alii e fia Minisita, a o le vaivai o le latou Itu.ö

Ma le faaaloalo lava lau Afioga i le Fofoga Fetalai.

Afioga Hon Palusalue Faapo II: Lau Afioga i le Fofoga Fetalai ma lou faaaloalo lava. E faanoanoa tele au i le saunoaga lea a le Afioga i le Minisita.

27 IANUARI 2015

P.P.2014/2015 Nu.132, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2014/2015 Nu.33, 34, 35, 36 & 37, Lipoti Faaletausaga a le Pulega o Faailoga ma Tusi Pasi Tauloa a Samoa mo tausaga 2008/2009, 2009/2010, 2010/2011, 2011/2012 & 2012/2013 - Iloiloga

FOFOGA FETALAI: Ia, malie ia.

Afioga Hon Palusalue Faapo II: O lea e taumafai mai le Afioga i le Palemia ina ia faalagi lelei a matou Minisita Agai. O lea e sao le sui usufono, o lea e faauiga e le Afioga i le Palemia fai mai o Minisita Tutu i le Paolo, o le Shadow Cabinet. Aua le tee le uluga i lau Afioga i le Minisita o Tina ma Tamaitai, Atinae o Nuu ma Afioga ma Agafesootai. E leai, o le faalagiga lava lea ua masani ai le atunuu.

Ua e silasila i nusipepa ma faasalalauga, o Shadow Ministers? Ioe, e te fiu lava la e aveese, ae leai o lea e sao ua aloaia e le atunuu. Pe e te le aloaia, a o lea ua aloaia e Samoa atoa.

Afioga Hon Tolofuaivalelei Falemoe Leiataua: Lau Afioga i le Fofoga Fetalai, na o se mea lava e fia faasao ma toe faamanatu i le Afioga i le Taitai o le Itu Agai. O lea tonu lava ua toe saunoa mai le Taitai o le Itu Agai i mea e atugalu ai le Taitai o le Malo. O le o i nusipepa, o i nusipepa, ae e le faaaogaina na mea o nusipepa i totonu o le Maota lenei.

Ma le agaga faaaloalo lava.

FOFOGA FETALAI: Faatea lea fuilauvi Leala, e tumau lava tulaga aua o a tatou lava upu ma tala e faamamalu lava e tatou i tatou.

Tofa LEALAILEPULE RIMONI AIAFI: O lea ua tali atu le former Minister. E lelei le Shadow Minister i lo le former Minister. So I rather be a Shadow Minister all my life than a Minister and a former Minister, but it is not a Leader of Opposition. Yes sir.

Susuga IFOPO MATIA FILISI: Faafetai i lau Afioga i le Fofoga Fetalai í í

FOFOGA FETALAI: Tulai mai lau Afioga i le Taitaifono.

Susuga IFOPO MATIA FILISI: Ou te talitonu ua malamalama leaga o lea ua talanoa i Shadow Minister, a o le tatou Lipoti o Aoga lea tatou te talanoa ai, ae ua faamalo. Ua faafetai foi i le sui usufono lea na ia lagalaga mai. O lene lava ua sausaunoa atu foi Afioga i Minisita.

Ona pau lava lea o se mea ona ou nofo loa lea i lalo. Mo le silafia, o le 2006 seia oo i le 2013, ae faatali mai i le 2014, ou te iloa e maua ai aoga pe 100 na e te manao i ai.

Ma le faaaloalo lava, faafetai.

27 IANUARI 2015

P.P.2014/2015 Nu.132, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2014/2015 Nu.33, 34, 35, 36 & 37, Lipoti Faaletausaga a le Pulega o Faailoga ma Tusi Pasi Tauloa a Samoa mo tausaga 2008/2009, 2009/2010, 2010/2011, 2011/2012 & 2012/2013 - Iloiloga

Tofa LEALAIPEPULU RIMONI AIAFI: Faafetai ua maea lau Afioga i le Fofoga Fetalai, faafetai foi i lau Afioga i le Taitaifono o le Komiti aemaise foi lau Afioga i le Minisita. E faamalulu atu foi i le Matagaluega pe afai o le a sa outou faafofoga mai, e leai tatou te galulue faatasi aua le taumafaiga o lenei itutino taua o lo tatou Malo ua faatuina. A o lau lina lau Afioga i le Minisita, pe e te saunoa mai i le quality, ae ou te talitonu o le quality e amata atu lava i lalo i Pre-Schools ma alu ai agai i luga.

Ia manuia le Fono, faafetai.

FOFOGA FETALAI: Tulai mai le sui usufono mo Aana Alofi Nu.3.

Afioga TOELESULUSULU CEDRIC POSE SALESA SCHUSTER (Aana Alofi Nu.3): Faafetai i lau Afioga i le Fofoga Fetalai mo le avanoa, e faamalo atu foi i le Komiti. Ona pau lava sina mea lau Afioga i le Fofoga Fetalai e fia maua ai sina malamalamaga.

O le agaga o le fesili lea na tau maua mai i le tali a le Minisita, e pei o lea na o Post Secondary Schools. O le agaga lau Afioga ia i ai se vaega a le Ofisa o Aoga po o le SQA, o le taimi nei o le tele o a tatou tamaiti secondary schools, a suit le SC ae toe fia o atu i atunuu i fafo, Niu Sila, Ausetalia po o Amerika po o Peretania, po o ai le vaega o lo o mafai ona vaavaai i le faiga o le matching o grades a tamaiti tatou ma grades, a faapea o se tamaitiiti e sue le SC i i nei ae maua se avanoa foi e alu atu ai e taalo po le aoga i Ausetalia, ia pei ona silafia e fa ia tausaga high school a Ausetalia ae lima tausaga high school a tatou. Po o i ai la se taumafaiga e le gata o le Matagaluega aemaise o le SQA ina ia mafai ona match ai.

Muamua, o subjects ia upgrade foi, ona e eseese ma marking o grades, pei o se faataitaiga o le Maths lea sa i ai nei a tatou, ia e eseese le international standards, a oo ina o atu tamaiti o isi atunuu i isi atunuu, ia e i ai le grade ma le matching ina ia mafai ai ona accept, pei foi lava o le mea o lo o faatinoina nei e le SQA mo Iunivesite, ae mo tatou high school la aemaise lava i tamaiti i le vasega 10, 12 ma le 13 aemaise foi o le Iunivesite, ina ia mafai ona tagatagai i ai le SQA ia po o le Matagaluega foi o le Education mo le lumanai, faafetai.

FOFOGA FETALAI: Ia e i ai se isi tali a le Taitaifono ae o le a tuu atu le fesili, le sui usufono mo Aiga i le Tai.

Susuga Ifopo Matia Filisi: Leai faafetai.

Na faamaonia le Lipoti.

27 IANUARI 2015

P.P.2014/2015 Nu.133, Lipoti a le Komiti o Galuega, Felauaiga ma Siosiomaga i le P.P.2014/2015 Nu.16, Lipoti Faaletausaga a le Pulega o Malae Vaalele a Samoa mo le tausaga 2012 - Iloiloga

FOFOGA FETALAI: E tusa ai ma le Tulafono Tumau 54, e ao i le Malo ona tuuina mai i le Fono Aoa se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoa le Lipoti.

P.P. 2014/2015 NU. 133, LIPOTI A LE KOMITI O GALUEGA, FELAU AIGA MA SIOSIOMAGA I LE P.P. 2014/2015 Nu. 16, LIPOTI FAALETAUSAGA A LE PULEGA O MALAE VAALELE A SAMOA MO LE TAUSAGA 2012 – Iloiloga

Tofa TUSA MISI TUPUOLA (Taitaifono, Komiti o Galuega, Felauaiga ma Siosiomaga): Lau Afioga i le Fofoga Fetalai ou te tulai atu ma le faaaloalo tele e faatu le lafo, *Ina ia faautagia e lenei Fono Aoa le Lipoti a le Komiti o lo o tuuina atu ai ana Sailiiliga, Fautuaga ma Iugafono.*

Faaluaina e le sui usufono mo Aiga i le Tai, le sui usufono mo le Vaa o Fonoti, se tasi o sui usufono mo Palota Taitoatasi, Afioga Mauaiva Pat Ah Him, le sui usufono mo Palauli ma le sui usufono mo Sagaga le Falefa.

FOFOGA FETALAI: Tulai mai lau Afioga i le Taitaifono.

Tofa TUSA MISI TUPUOLA: Lau Afioga o Fautuaga a le Komiti:

“FAUTUAGA:

E fautuaina e le Komiti le Malo ina ia:-

4. **Lagolago malosi le uunaia o Galuega Tetele ua fuafuaina e le Pulega, lea e aofia ai Galuega Toe Faaleleia o:-**
 - Fale o le Malae Vaalele;
 - Le vaega o lo o tulauelele ma tuuvaa-ese atu ai vaalele (runway) ma le vaega o lo o paka ai vaalele;
 - Laina o uaea (cables) i totonu o le malae vaalele.
5. **Tatau i le Pulega ona silasila i le faaaogaina o le eletise e gaosi mai i le malosi o le la (solar) i le taimi nei mo nisi vaega o lana auaunaga, ina ia faasaoina ai tupe faaalu i le totogi o le eletise.**
6. **Usitaia aiaiga o le Tulafono mo le vave tuuina mai o Lipoti Faaletausaga a le Pulega i le Palemene.**

27 IANUARI 2015

P.P.2014/2015 Nu.133, Lipoti a le Komiti o Galuega, Felauaiga ma Siosiomaga i le P.P.2014/2015 Nu.16, Lipoti Faaletausaga a le Pulega o Malae Vaalele a Samoa mo le tausaga 2012 - Iloiloga

7. Toe fautuaina le Pulega ina ia tapena faamaea lana Fuafuaga Autu (Master Plan) ona e talitonu le Komiti e taua tele mo ana fuafuaga tetele i le agai atu i le lumanai.

1. **IUGAFONO**

E fautuaina e le Komiti ia le Fono Aoaoina ina ia faamaonia:

- P.P.2014/2015, Nu. 16, Lipoti Faaletausaga a le Pulega o Malae Vaalele mo le Tausaga Faaletupe na faaiuina i le aso 30 Iuni 2012; ma
- Fautuaga a le Komiti ua tuuina atu i lalo.”

Ma le faaaloalo tele.

FOFOGA FETALAI: Malo faafetai saunoa i lau Afioga i le Taitaifono. Ia e matauina e leai se sui usufono o fia saunoa i la outou Lipoti, o lona uiga ua malie atoatoa le Komiti ma le faafofogaaga a le Palemene.

Na faamaonia le Lipoti.

FOFOGA FETALAI: E tusa ai ma le Tulafono Tumau 54, e ao i le malo ona tuuina mai i le Fono Aoaoina se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoaoina le Lipoti.

P.P. 2014/2015 NU. 134, LIPOTI A LE KOMITI O GALUEGA, FELAUAIGA MA SIOSIOMAGA I LE P.P. 2014/2015 NU. 25, LIPOTI FAALETAUSAGA A LE PULEGA O LE SUAVAI MO LE TAUSAGA 2012-2013 – Iloiloga

Tofa TUSA MISI TUPUOLA: Lau Afioga i le Fofoga Fetalai ou te tulai atu e faatu le lafo, *Ina ia faautagia e lenei Palemene le Lipoti a le Komiti o lo o tuuina atu ai ana Sailiiliga, Fautuaga ma ana Iugafono.* Ma lou faaaloalo.

Faaluaina e le sui usufono mo le Vaa o Fonoti, le sui usufono mo Aiga i le Tai, ma le sui usufono mo Palauli.

FOFOGA FETALAI: Tulai mai lau Afioga i le Taitaifono.

Tofa TUSA MISI TUPUOLA: Lau Afioga i le Fofoga Fetalai, o le Fautuaga a le Komiti:

27 IANUARI 2015

P.P. 2014/2015 Nu. 134, Lipoti a le Komiti o Galuega, Felauaiga ma Siosiomaga i le P.P. 2014/2015 Nu. 25, Lipoti Faaletausaga a le Pulega o le Suavai mo le tausaga 2012-2013 – Iloiloga

1. **FAUTUAGA:**

E fautuaina e le Komiti le Malo ina ia:

1. Ia tausisia e le Pulega o Suavai a latou Sini Autu ia maua e tagata uma o le atunuu le suavai mama i taimi uma aemaise ai le amanaiaina ai o faasea e tuuina atu e le mamalu o le atunuu e faatatau i le tele o paipa papa.
2. Ia taumafai nei le Pulega e foia le faafitauli o lo o tulai mai i Alaoa ma Malololelei ona e matauina e le Komiti, o le vaega lea o lo o faamauina ai le tele o le suavai maua ae peitai, o lo o matauina foi e le Komiti:
 - le i ai lea o suavai maumau mai ia nofoaga e i le va o le 68-84%.
 - e na o le 16% o le tanevai o lo o faaaogaina e le mamalu o le atunuu ma maua ai tupe a le Pulega.
3. Ia silasila le Pulega i le faatanoa vai i Fuluasou lea ua faamauina le tele foi o suavai maumau e tusa ma le 70% mai lea lava faatanoavai ina ia mafai ona foia ni mafuaaga o lea faafitauli. O lona uiga, e na o le 30% o lo o faaaogaina e le mamalu o le atunuu ma maua ai tupe a le Pulega. O le mafuaaga o lea fautuaga a le Komiti ona ua maitauina le faatuputupulaia o le faitau aofai o le mamalu o le atunuu o alaala ma papaaao i lea foi tafa o Samoa.
4. Taumafai le Pulega e tapena se plokalam e fetuutuunai ai le faaaogaina o pamuvai ina ia mautinoa le pamuina mai i luga o le suavai lelei e le sualua mo le fofoga taumafa o le atunuu aua ua matauina e le Komiti le faasolosolo pea ina faaletonu le suavai maua mai le manava o le elele i vaega tulata i le sami ona o le fesuaiga o le tau.

IUGAFONO:

E fautuaina e le Komiti ia le Fono Aoaofa Faitulafono ina ia faamaonia:

- P.P.2014/2015 Nu. 25, Lipoti Faaletausaga a le Pulega o Suavai mo le Tausaga faaletupe na faaiuina aso 30 Iuni 2013.”

27 IANUARI 2015

P.P. 2014/2015 Nu. 134, Lipoti a le Komiti o Galuega, Felauaiga ma Siosiomaga i le P.P. 2014/2015 Nu. 25, Lipoti Faaletausaga a le Pulega o le Suavai mo le tausaga 2012-2013 – Iloiloga

FOFOGA FETALAI: Malo, faafetai i lau Afioga i le Taitaifono.

Afioga Muagututagata Faamausili Auimatagi Peter Ah Him (Sagaga le Usoga): Lau Afioga i le Fofoga Fetalaií ..

FOFOGA FETALAI: Se i tulai mai le sui usufono mo Sagaga le Usoga.

Afioga Muagututagata Faamausili Auimatagi Peter Ah Him: Faafetai i lau Afioga i le Fofoga Fetalai mo le avanoa. E matau atu o le Lipoti a le Suavai, ae sa i ai se mea e fia fesili ai lau Afioga, pe le i tau ane ai i le sailiiliga a le Komiti ia le tulaga lea o le tau o le suavai ma le faaaogaina e pisinisi o le taulaga le suavai, lea e ese le tau o le suavai, ia ae ese foi le tau o le 80% o le faaaogaina o le facility la lea e sau ai le otaota i le taulaga, ona pei e tai tali tutusa lava aua o le Lipoti Faaletausaga. O le fesili lau Afioga i le Fofoga Fetalai, o le tau o le suavai i le taulaga, e ese le tau o le suavai, ae ona 80% laia lea o le iunite e te faaaogaina ona faatele lea i le \$3.50 maua atu le pili o le suavai a lau pisinisi i inei i le taulaga, ua ova mamao atu i le tau sao o lau suavai. E talosagaina ai le Komiti, pe le i silasila ane i ai, po o le a se mea eí .aua e eseese fale faigaluega, pei o fale faigaluega a le Malo po o le fale lea faamasino lea e tuu mai i i e maua le toaselau o tagata e faaaogaina, a o nai a matou pisinisi, e pei na o le toavalu, toasefulu tagata e faaaogaina le facility lea po o le tulaga le sewage plan lea e alu i ai le otaota, ia a o lea e aumai o le mea lava e tasi, e 80% o iunite e te faaaogaina, e aumai la lau pili po o se mea ole \$59 ae sefe le faaaoga o le facility lea ua \$100 ma ona tupu, faaopopo faatasi laia, ua ova le taugata.

FOFOGA FETALAI: O lea ua maua le finagalo o le sui usufono, se i tulai mai le Afioga i le Minisita mo Galuega, Felauaiga ma Atinae Eeseese, tulai mai.

Afioga Hon Manualesagalala Enokati Posala (Minisita mo Galuega, Felauaiga ma Atinae Eeseese): O le faafesili i le sui usufono mamalu po o le tulaga foi lea i le vai lafoai po o le vai taumafa lea e agai mai ai, lea e tau fuafua atu i ai se tali, ma le faaaloalo lava.

FOFOGA FETALAI: O le vai lafoai po o le vai taumafa?

Afioga Muagututagata Faamausili Auimatagi Peter Ah Him: Lau Afioga, o le vai taumafa lea, a alu atu le pili a faapea e 31iunite na e faaaogaina o le vai taumafa, ona toe alu atu lea ma le isi pili i lalo, e 80% o le 31 iunite lea, ona faatele laia lea i le \$3.50, ona maua loa lea o le isi au pili lea e \$108 e faaopopo i luga o le pili o le vai taumafa. Ia o le tulaga lena o la e access atu ai ia po o la e alu atu ai pili o le taulaga nei. O lona uiga, a o le matou silasilaí ..

27 IANUARI 2015

P.P. 2014/2015 Nu. 134, Lipoti a le Komiti o Galuega, Felauaiga ma Siosiomaga i le P.P. 2014/2015 Nu. 25, Lipoti Faaletausaga a le Pulega o le Suavai mo le tausaga 2012-2013 – Iloiloga

FOFOGA FETALAI: Ia, ua malamalama le Minisita, o le a avatu le avanoa, tulai mai le Minisita se i tali mai.

Afioga Hon Manualesagalala Enokati Posala: Lau Afioga i le Fofoga Fetalai, e pei o le tulaga lena o lea sa tau fesiligia aua e lua vaega ia, o le vai taumafa ma le vai lea e faaaoga lea e sau agai i Sogi mo le vai lafoai foi lea, a o le tau lava lea e faatulaga ai ia lea. Ia pei lava o le faataitaiga ua masani foi ona fofoga i ai le Maota nei e .50sene i le kalone foi lea 44, pe a fua agai i ai le faatulagaga o le vai lea i a tatou domestic consumers o latou o lo o faaaogaina. E i ai la sina eseese lailaiti ma le tau ia e faaaogaina ai e tatou aufaipisinisi, ona o le tulaga foi lele e tele le suavai e moomia, ae o lo o i ai lava fuafuaga, o la ua amata ia polokalame lea a le JICA a Iapani lea ua faatino e lavea ai se vaega o le taulaga, e tele le suiga o lo o tau fuafua i ai mai Vailima, ona o Vailima lea sa le faamamaina le suavai, ia a o lea ua faagaioi ia galuega ia e faamama i tane ia ma faasoa mai e lavea ai la le taulaga, ou te iloa afai e atoatoa loa ona faatino le vaega lea, ia ua i ai foi nisi fetuunaiga o le a fuafua agai i ai ia le tatou Pulega mo le tau mo le taulaga aemaise lava mo pisinisi. Ia pei o se tali atu lea ma le agaga faaloalo.

FOFOGA FETALAI: Malo. E manatu, mo le faasaoina, se i tulai mai le sui usufono mamalu, faafetai i lau Afioga i le Minisita, tulai mai lau Afioga i le sui usufono mo Faleata Sasae.

Tofa Aveau Tuala Lepale Niko Palamo: Faafetai i lau Afioga i le Fofoga Fetalai. O le tasi lenei Lipoti taua i totonu o le Palemene, ona o le Lipoti lenei o lea ua tau mai ai le tele o le vai lea e liki, lea e faamaumau. O lea foi ua sau i totonu o le Lipoti lenei le aofaiga o le vai o lo o faaaoga, o lea foi e faapea mai o le tele o suavai maumau e tusa ma le 70% le vaega lea.

Na pau lava lau fesili sa taumafai i le Komiti lenei, sa tatau ona fautuaifai.

FOFOGA FETALAI: Malie lava le sui usufono mamalu, o fea lea e agai i ai lauaifai. O lau lauga lea e taumafai i le itu lea?

Tofa Aveau Tuala Lepale Niko Palamo: Leai o lea ou te fesili i le fautuaga lea e sau e 70% le suavai maumau lea e sau i totonu i i. O lea la ou te fesili ai i le fautuaga, pe le tatau ona faamalosi tele le fautuaga.

FOFOGA FETALAI: Malie la Aveautau o le a ou tuuina atu le avanoa i le taimi e te tulai ai e fai lau saunoaga leaga o lea e saunoa le sui usufono mamalu ia Muagututagata, o lea foi ua tali malamalama le Minisita. O lea ua malamalama le tali a le Minisita Muagututagata ae tulai mai e faaii mai le saunoaga. O le a fai e le Malo le fuafuaga i le lumanai mo pisinisi tu taulaga.

27 IANUARI 2015

P.P. 2014/2015 Nu. 134, Lipoti a le Komiti o Galuega, Felauaiga ma Siosiomaga i le P.P. 2014/2015 Nu. 25, Lipoti Faaletausaga a le Pulega o le Suavai mo le tausaga 2012-2013 – Iloiloga

Afioga MUAGUTUTAGATA FAAMAUSILI AUIMATAGI PETER AH HIM: Faafetai tele i lau Afioga i le Fofoga Fetalai, faafetai foi i le Afioga i le Minisita, o lea ua tali mai. Faafetai tele lava, ae pei o se atugaluga lena, o se faataitaiga lea na ou avatua, e 31 iunite sa faaaoga e le matou pisinisi, ona 80% lea o le iunite lena e pili ai oe i le suavai lea lafoai. A 80% la, o le 31 lena, e aumai la iunite na, o lea ou te vaai i ai, e faatele i le \$3.50 ona uma ifo lea o lau pili, ua \$100+ lau faaaoga o le suavai lafoai ae laitiiti lau suavai lea e te faaaogaina, aua o lau suavai taumafa lea e base mai ai le 80% lea. Ae faafetai i lau Afioga i le Minisita o lea ua saunoa manino o le a toe tilotilo i ai le Pulega, ona o le matou mau, e le tutusa uma pisinisi, na o le toavalu tagata o le isi pisinisi, ae 300 le vaega o le isi pisinisi. E eseese la faaaogaina o suavai lafoai. Ma le faaaloalo lava.

FOFOGA FETALAI: Ou te manatu o lea ua manino le taumafai mai a le Afioga i le Minisita, e le taofia ai foi lau Afioga i lou susu sao i le Matagaluega pe fai se lua fesootaiga tuusao ma le Minisita e faamalamalama mai, ua alu le tatou taimi o tau faamalamalama lau pili. O le a lou finagalo lau Afioga i le Minisita, ae manaia le soalaupule o mea ogaoga o lea foi ua e saunoa o le a faaleleia mo le lumanai.

Ua tatou taunuu i le tatou taimi malolo, e faasilasila atu o le a faataatia ese Taualumaga a le Fono Aoa mo lana malologa masani o le taeao.

Na faataatia ese Taualumaga a le Fono Aoa mo lana malologa masani i le itula e 10:45 i le taeao ma toe faaauau i le itula e 11:30 i le taeao.

FOFOGA FETALAI: E faia le tatou malologa ua maea ona talifuitau le Afioga i le Minisita i nisi o saunoaga sui usufono, ae o lo o avanoa le Maota mo saunoaga a nisi sui usufono e toe fia saunoa.

Tulai mai le sui usufono mo Faleata Sasae ona sosoo ai lea ma le sui usufono mo Vaisigano Nu.2.

Tofa AVEAU TUALA LEPALE NIKO PALAMO: Faafetai i lau Afioga i le Fofoga Fetalai o lea ua maea faamalositino a le Palemene. E faafetai foi i le Komiti i le Lipoti maeaea e pei ona faataatia, ae i ai nai mataupu ia ou te fia fesiligia ai le Lipoti a le Komiti i lalo o suesuega ma fautuaga a le Komiti o lo o faaali mai ai i i le tele o le suavai o lo o liki, aemaise lava i Fuluasou ma Alaoa. O le mea la lea ou te faanoanoa ai i le Komiti, ona e le malosi le latou fautuaga. A tagai i ai i le fautuaga lona tolu lena e fai mai le Komiti, e 70% le suavai o lo o maumau. Ae fai mai le fautuaga, ia silasila le Pulega i le faatanoavai i Fuluasou, o lea e fai mai e silasila i ai. O le mea e tatau ona fautua mai

27 IANUARI 2015

P.P. 2014/2015 Nu. 134, Lipoti a le Komiti o Galuega, Felauaiga ma Siosiomaga i le P.P. 2014/2015 Nu. 25, Lipoti Faaletausaga a le Pulega o le Suavai mo le tausaga 2012-2013 – Iloiloga

FOFOGA FETALAI: O lea ua maua le finagalo o le sui usufono. Se i tulai mai lau Afioga i le Minisita.

Afioga Hon MANUALESAGALALA ENOKATI POSALA: Ou te faafetai i Lipoti a Komiti ma fautuaga ua tuuina mai. Atonu i le silasila a le sui usufono mamalu e le o faamamafa, a o le vaega o la e faamamafa e le Pulega, o lo o agai i ai, o a latou suesuega e i ai le polokalame o le non-revenue water. O la e faifai o Savaii ma Upolu nei, o la e lava, o galuega nei e faifaipea, e saili aua e le gata o liki i lalo o paipa o lo o taatitia i lalo, a o faaletonu foi o la e i ai i totonu o aiga e ala ai ona tulai mai le tele o le suavai e maumau; e pei la o polokalame na.

E sao o lea e 70%, ae ua tele le suiga e oo mai i le taimi nei, o le vaivai maumau lea i le tulaga e i ai, ona o le isi faiga la e fai ai, o le tasui o paipa network nei o pipeline o la e i ai. Ua matauina ua fai si leva o lea i le pei o le sau lea mai Alafua e agai i tai i Lotopa, o le tasi lena vaega ua sui. E agai faapena le Pulega ona o le taumafai lava ina ia tuuititia le vai lea, a o lo o foi a latou sailiiliga ma fai suesuega po ua i ai se suiga ma tulaga e i ai.

Ou te faafetai foi i le Komiti o lea lava e lagalaga mai ma aumai, ae mamafa i le Pulega, o lo o faatino ma faaauau pea ia galuega. Ma le faaaloalo lava.

FOFOGA FETALAI: Malo. Tulai mai le sui usufono e faaauau mai le saunoaga.

Tofa AVEAU TUALA LEPALE NIKO PALAMO: Faafetai lava i lau Afioga i le Minisita. Masalo e le o agaga atu lau faamatalaga i le Pulega, o lea ou te mautinoa o lo o faatino e le Pulega. E pei foi ona silafia sa i ai i le vaitaimi muamua sa fai ai foi le lauga a le sui usufono, e tilotilo le Pulega i ni auala e faatupe ai le faiga o le vaega lea, aua o le tele o vaega ia e le oia ona o le vai lea, o lea e i totonu o Faleata le vai lea o Fuluasou, lea e tele ina feinu uma ai tagata o le atunuu, ae o lea e foliga mai o lea e tele le vai o lo o faamaumau. A o le uiga o lou manatu lea e avatu, e tatau i le Komiti ona ave se fautuaga malosi, pe faapefea ona foia lea faafitauli ae aua le silasila i ai.

A tagai foi i le vaega lona lua i Alaoa, o le vaega foi lea e tasi. E pei o lau fautuaga lea i le Komiti, taumafai e aumai ni fautuaga malolosi ina ia fai, ae aua le aumaia fautuaga faalelelei.

FOFOGA FETALAI: Malie se i tulai mai le sui usufono o le Komiti. Tulai mai le sui usufono mo Palauli.

Afioga Afoafouvale John Moors (Palauli): Faafetai mo lou avanoa mo se tali e fesoasoani atu ai i le sui usufono mo Faleata Sasae e tusa ai ma le faasea ua tuuina mai i le Komiti. A silasila foi, o lena ua tuuina mai se manatu o le sui usufono mo Faleata Sisifo, e tatau ona matou avatu se faamatalaga po o le a le ituaiga auala e fai ai.

27 IANUARI 2015

P.P. 2014/2015 Nu. 134, Lipoti a le Komiti o Galuega, Felauaiga ma Siosiomaga i le P.P. 2014/2015 Nu. 25, Lipoti Faaletausaga a le Pulega o le Suavai mo le tausaga 2012-2013 – Iloiloga

Ia silafia foi, o matou e le o ni tagata e faigaluega i le Pulega o le Suavai, ae matou te fautua atu e silasila po o a ni fofo e tatau ona faatino ai le faafitauli lea, e tatau ona foia ai le faafitauli. A o le gagana lea matou te faaaogaina, o se gagana e amanaia ai le afaigaluega. O lo o i ai foi le tofamamao i le afaigaluega latou te silafia ai i mea e tatau ona fai, matou te le tau faatonuina foi le afaigaluega. O le tulaga lena ua uma foi ona matou soalaupuleina i totonu o a matou fonotaga ma le afaigaluega, ua faapena foi ona latou mulimulitaia faatonuga ma fautuaga ua faapena ona tuina atu. Ma lou faaaloalo lava.

FOFOGA FETALAI: Malo. Ou te manatu ua manino le atugaluga o le sui usufono, o lea foi ua talifuaitau le Komiti, ua manino foi le faamalamalamaga o le Afioga i le Minisita, atonu o la e ave lava le faataua ma le faamamafa a le Pulega, ua tele tele lenei suavai maumau, e le o ni upu avane ai, 70% is a big amount. O lona uiga ua tatau ona ave le tinou a le Matagaluega, a o lea ua saunoa manino le Afioga i le Minisita, o lea e agai pea galuega faaaauu.

Tulai mai le sui usufono pe i ai se isi mtaupu i le Lipoti.

Tofa AVEAU TUALA LEPALE NIKO PALAMO: E leai faafetai, o lea ua maua foi, tautuana ma le Komiti faaiuga faapenei e tatau ona faamautu lelei ina ia faamalosia le fautuaga. Ma le faaaloalo lava.

FOFOGA FETALAI: Malo faafetai. Tulai mai le sui usufono mo Vaisigano Nu.2.

Tofa MOTUOPUAA UIFAGASA AISOLI VAAI (Vaisigano Nu.2): Faafetai i lau Afioga i le Fofoga Fetalai mo le avanoa, faafetai atu foi i le Taitaifono o le Komiti ma la outou Komiti le galulue maeaea ona o le tapenaga o lenei Lipoti. Ae pau lava lau Afioga i le Taitaifono, se e fia fesili atu lava i la outou Fautuaga Nu.4 ó Tapena se polokalame e fetuutuunai ai le faaaogaina o pamuvai ina ia mautinoa le pamu mai luga o le suavai lelei e le sualua.

E ala ona ou talanoa atu, ona o le afaina tele o si ou itumalo, aemaise lava matou nei mai Asau e tau atu i Sataua ona o nei pamuvai ua leva ona maua le suavai e pamu ae i le manava o le eleele, ae pei o le faafitauli lava lenei e feagai ma lenei itumalo e faasualua le vai. E le afaina la Falealupo ma Neiafu e maouta le latou pamuvai, e magalo lava, a o matou Sataua e tau i Asau, o lo o maua lava i le faafitauli lea. A o le mea lea o le a sosoo ai nei, o lea ua tatou iloa le fesuiaiga o le tau, climate change, o le a move foi le water table ia. O lea la ou te fesili atu ai i lau Afioga i le Taitaifono, pe na outou fesiligia le Pulega o le Suavai, aua o lena sa afifio atu inisinia ma le Tamaitai Pule Sili. Po o le a se ituaiga metotia o le a mafai ona maua ai le suavai ina ne i pamu ae le suavai ae sau uma ai i luga le vai sualua ma le vai magalo.

27 IANUARI 2015

P.P. 2014/2015 Nu. 134, Lipoti a le Komiti o Galuega, Felauaiga ma Siosiomaga i le P.P. 2014/2015 Nu. 25, Lipoti Faaletausaga a le Pulega o le Suavai mo le tausaga 2012-2013 – Iloiloga

Pe i ai la se isi alternative, pe faapefea ona pamu mai na o le vai e magalo ae le sau ai ma le vai sualua.

Ma lou faaaloalo lau Afioga i le Fofoga Fetalai.

FOFOGA FETALAI: Malo faafetai. Ia, se i tuu atu le avanoa i le Afioga i le Taitaifono ona avatu lea o le avanoa i le Minisita.

Tofa Tusa Misi Tupuola: Lau Afioga i le Fofoga Fetalai, ou te faafetai tele i le sui usufono mamalu mo le mataupu lea, ae masalo e tatau ona fiafia le sui usufono mamalu o i tonu lea na ala ai ona avatu le finagalo o le Komiti ona o le tulaga lea o le asiasiga a le Komiti ma le Pulega o le Suavai, o lo o fai lava si faaletonu o le suavai lea i Asau faasolo atu i o i le mea lea e saunoa i ai le sui usufono mamalu. A o le saunoaga a lau Afioga ma le mamalu o le Palemene i le faafesili, o le saunoaga a le Ofisa i alii ma tamaitai inisinia, o lo o tumau pea le tulaga sualua o le suavai o lo o i ai i Asau ma le faasolo atu i isi afioaga ia, a o lo o taumafai latou i se auala e fai ai ni suesuega auiliili se i tau tuutuu ai i uta se porehole e mafai ona ola mai ai ma sua mai ai se suavai manino ma le lelei mo le afioaga. Ae o lo o taumafai pea lau Afioga ma le mamalu o le Palemene i nisi o auala. A e silasila foi o le Lipoti lea o le Lipoti o le 2013, o lo o taumafai pea.

O le ala foi lena o lea ou te iloina o lea e vevesi mai ai nisi sui usufono i le Komiti ona o le le silasila lelei i le Komiti i Tulafono Tumau a le Maota, o le mea lava e i ai le tausaga o le Lipoti, o le mea lena e tautala i ai le Taitaifono o le Komiti, ae le tautala i luma mai. Ma lou faaaloalo tele lau Afioga.

FOFOGA FETALAI: Ia, o le a avatu le avanoa i le Minisita o le Matagaluega. Tulai mai le Minisita mo Galuega, Felauaiga ma Atinae Eseeese ona tuu atu ai lea o le avanoa i se tasi o sui usufono mo Aana Alofi Nu.1, Afioga Hon Leaupepe Toleafoa Apulu Faafisi.

Afioga Hon LEAUPEPE TOLEAFOA APULU FAAFISI (Aana Alofi Nu.1): Lau Afioga i le Fofoga Fetalai, sa ou taua le tulaga lea i Sagone ma le fuafuaga lea ua i ai, ua fuafua a maea loa le auala lela ua faatulaga e toe sifi i uta le latou pamu ina ia mafai ona maua le suavai talafeagai, o pamu ia ua maea ona faatino, a o lea ua agai i ai le Pulega e toe i o Asau ma Auala. E leaga o lea faatoa fofoga mai i i le finagalo o le sui usufono, a o le mea lea sa ou tali atu foi i le sui usufono mo Sagone, o le polokalame, o Asau, o Sagone, o Auala, o le tatou polokalame lena ua fuafua mo le 2015 ua tuuina i totonu o le tatou Budget ina ia mafai ona faaleleia le suavai ia. Ia, o le vaega lea se i oo atu pea sau tala i le tulaga o le tatou vai lea e faaletonu, non-revenue water. Ia o le tulaga o le update la ua i ai i le taimi lenei, pei sa 70%, a o la e ua 41%. O Alaoa sa 69% a o la e ua 65%. O la e faatino galuega ma le JICA, o lo o galulue faatasi ma le JICA i le taumafai ia faaitiitia lea vaega.

27 IANUARI 2015

P.P. 2014/2015 Nu. 134, Lipoti a le Komiti o Galuega, Felauaiga ma Siosiomaga i le P.P. 2014/2015 Nu. 25, Lipoti Faaletausaga a le Pulega o le Suavai mo le tausaga 2012-2013 – Iloiloga

O Fuluasou, lea sa aumai foi e le sui usufono o lo o i ai, sa 72% ae o la e ua 63%. O lona uiga ua ova atu ma le tai 10% le suiga ua i ai le tulaga o le vai lea e le o mafai ona aoina, o galuega faaaau. O la e lava e faaaau a tatou galuega ina ia tuuaititia ia vaega.

Ma le agaga faaaloalo lau Afioga.

FOFOGA FETALAI: Malo. Ia tulai mai lau Afioga i se tasi o sui usufono mo Aana Alofi Nu. 1, Afioga Hon Leupepe Toleafoa Apulu Faafisi.

Afioga Hon LEAUPEPE TOLEAFOA APULU FAAFISI: Faafetai mo le avanoa. Ona e talu ai o lo o faafogafoga mai le itumalo, o lo o talanoaina foi le Lipoti a le Komiti o mea tau suavai, ae ua ou tulai atu na ona faafesili lava i lau Afioga i le Taitaifono aemaise foi o le faafogogaaga a le Minisita ma le Matagaluega, ona o leni foi Lipoti o le Lipoti o le 2013, ae pe na i ai sa outou asiasiga e asia ai le pamu lea e i Leulumoega e faalava mai ai le ofe foi leni e sua ai ia gauta o Nofaalii ma Fasitoouta i le pitonuu o Satui i Fasitoouta, ona o le Lipoti o le 2013 ae tataua ona faaleleia mo le 2014, aua o le 2014 e mafatia lava lo matou itumalo ona e tailua vaiaso ma taifa vaiaso faatoa sua atu le paipa. E pei na ona fesili atu, ae ou te lagona o lo o i ai se tapenaga a le Matagaluega mo le faafogoga mai a le itumalo, ina ne i taumate mai po o fonu le sui usufono pe leai. E pei o le tulaga lea aua e lavea ai foi ma Faleasiu. E ui lava ona o lea ua i ai le fuafuaga a le Matagaluega e vili se vai i gauta o Faleasiu e lavea ai ma Lepale, ae e pei o uta lena, a o tai i le mea o lo o taoto ai nei le ofe, o la foi e sua le ofe. Ae pe mafua aisea ona le sua ma ae se i taumamafa ai le mamalu o le atunuu?

E pei o le fesili lea ma le agaga faaaloalo, faafetai.

FOFOGA FETALAI: Malo faafetai, tulai mai le sui usufono mo Aana Alofi Nu. 3, o le fesili faai lena ona tali ai lea o le Taitaifono, oi, ia ma le Taitai o le Itu Agai. E leai?

Afioga Toeolesulusulu Cedric Pose Salesa Schuster: Leai, faafetai o lea na tau tali atu e fai ma sui o le Komiti a o lea ua uma ona tali atu ai le Afioga i le Minisita, faafetai.

FOFOGA FETALAI: Malo. Lau Afioga i le Taitai o le Itu Agai.

Afioga Hon PALUSALUE FAAPO II: Faafetai atu mo le avanoa lau Afioga i le Fofoga Fetalai.

O le mea muamua, o le ave o lau faamalo ma lau faafetai i le Taitaifono ma le Komiti sa feagai ma le suesuega o le Lipoti, leaga e le faatauvaaina a outou galuega fai, o outou o lo o ave i ai le faatuatuga a le Palemene i la outou galuega fai, o le iloilo lea o Lipoti.

27 IANUARI 2015

P.P. 2014/2015 Nu. 134, Lipoti a le Komiti o Galuega, Felauaiga ma Siosiomaga i le P.P. 2014/2015 Nu. 25, Lipoti Faaletausaga a le Pulega o le Suavai mo le tausaga 2012-2013 – Iloiloga

O le mea lea lau Afioga i le Fofoga Fetalai, e tatau ona ou faafetai ma o le upu moni lava, e tatau ona silasila le Malo ina ia tali mai i mea ia, tali mai, ia ma silasila le Palemene i le tali mai e fai i ai se finagalo o le Palemene. O lea ua ou tulai, lau Afioga i le Taitaifono, leaga o oe o le tama Falealili, pei o le upu foi lele, ðe ta te fia Falealili fua, ð i lau galuega fai aemaise o la outou Komiti, aemaise lava i le tulaga lea i le vai. O le vai e pei ona i ai le faaupuga a le Matagaluega, o le ola, o le vai o le ola, e sao lelei, e sao lelei le vai o le ola, a o la outou galuega lea ua taatia nei la outou Lipoti, faafetai tele lava, e faalagolago i ai le Afioga i le Fofoga Fetalai ma le Maota lenei i la outou Lipoti, e le taufaatauvaaina la.

Lau Afioga i le Fofoga Fetalai, pau lava o lea lau Afioga i le Minisita, e tatau ona ave lau faamalo i le Matagaluega le galuega fai i le taumafai e faamalie le atunuu ona o le suavai, vaai i ai ma le fiafia ma le agaga faafetai i le Malo, ona o le mama o le suavai, e moni lava o lo o i ai nisi o afioaga ua o ua le iloa po o le a le mafuaaga fia o ai i vai tumaoti, aua o le tala lava e fai mai, e taugofie atu le vai tumaoti, ioe. A o lo o ave foi la outou fesoasoani i le vai tumaoti, aua foi e le o faapito lava manu ia Tasi i le faiga faavae a le Malo, e le gata i le vai o lo o i lalo o le Faalapotopotoga, a o vai tumaoti ia. Pau lava lea lau Afioga i le Fofoga Fetalai. E pei ona saunoa nisi o sui usufono, o le taugata o le mea lea o le vai lafoai, tasi lea mea ou te talitonu o lo o faavaatua i pisinisi, faavaatua i kamupani mai fafo. O mea ia e tatau ona silasila i ai le Malo, aua o mea ia e fua i ai le faaiuga a kamupani nei, pe taugata le eletise i Samoa, pe taugata le suavai i Samoa, pe taugata le vai lafoai?

FOFOGA FETALAI: Malie lau Afioga i le Taitai o le Itu Agai, se i tuu atu le avanoa i le Minisita, tulai mai le Minisita.

Afioga Hon MANUALESAGALALA ENOKATI POSALA: Lau Afioga ma le faaaloalo, ou te iloa e sili ona ou vave tali atu ona ua faamamafa tele e le Taitai o le Itu Agai le taugata.

O le fuafuaina o le tulaga lea i vai lafoai, ia o le tausaga 2009 sa faatino ai, e lua tausaga o faaaoga e le i totogia seia oo i le tausaga e 2012, o lena sa toe review ai loa amata ai loa ona faatulaga, o le 2013 na toe sui ai, tusa na faatulaga i le 2012 sui mai le tasi le tausaga toe sui, pau mai lalo i le 30% ia le tau o le vai lafoai lea, o lea la e faaauauina ai nei. O lona uiga e tele naunau le faamama avega lea e faatino e le Malo ae tauala i le Pulega, ia mo le vai lafoai.

Ia manatua foi o le vai lafoai lenei e tilotilo agai i le siosiomaga mama, a o le faatinoga o le galuega lea e tele le eletise leaga o le mea o le pressure lea e faaaoga e faasau ai le vai lea i totonu o tatou treatment plant lea e i i Sogi, e tele le galuega, ia o le operations foi e matua mataalia ma i ai i taimi uma e tatau ona faatino ai, o solid waste e ave agai i Tafaiagata, e tele le taugata o le operations lea e faatino ai, e le taugofie la.

27 IANUARI 2015

P.P. 2014/2015 Nu. 134, Lipoti a le Komiti o Galuega, Felauaiga ma Siosiomaga i le P.P. 2014/2015 Nu. 25, Lipoti Faaletausaga a le Pulega o le Suavai mo le tausaga 2012-2013 – Iloiloga

O le ala foi la lena o le taufetuunai, a o le tulaga mama ma le tulaga lelei o lea ua i ai le siosiomaga, talu ai le poloketi, o mea sili ia sa momoo i ai le mafaufau e tatau ona faatino, ua pau, pau mai lava le tau sa faatulaga e 30% lea e i ai nei. Ia o se pau maoae lea mo le tatou tau o le suavai lafoai, ma le agaga faaalalo.

FOFOGA FETALAI: Malo. Ia tulai maia lau Afioga i le Taitai o le Itu Agai.

Afioga Hon PALUSALUE FAAPO II: Lau Afioga i le Fofoga Fetalai, faafetai lava, faafetai lava pe afai ua pau pei ona e saunoa, ia o le agaga fiafia lea. E pau lava lea o le mea lau Afioga i le Fofoga Fetalai ina ia silasila totoa i ai le Malo, i tulaga ia o a tatou atinae ia e taumafai e fai e faatosina mai ai ia kamupani e omai iinei i le galuega lea e fitaituga i ai lau Afioga i le Palemia ma le Kapeneta, faatosina mai, faatosina mai i ituaiga mea la ia, ituaiga mea ia ina ia faigofie ai ona omai iinei e faatutu fale faigaluega, ae aua le faatosina i ai nisi mea ia pei o isi Tulafono ia e mulimuli mai.

O le mea la lea lau Afioga i le Fofoga Fetalai, na ona faapena atu e tuualalo atu i lau Afioga o lo o pulea ma lau faamalo lava lea i Komiti uma a le Palemene e tusa ai ma le latou galuega o lo o fai, ioe, malo le galulue, e faalagolago lava le Palemene ma le atunuu i la outou galuega o lo o fai. Ia manuia le Fono.

FOFOGA FETALAI: Malo. E toe fautuaina pea a tatou saunoaga, se malie se tasi o sui usufono mo Salega, Afioga Afualo Wood Uti Salele. Malie le sui usufono, se i fai atu lau tala lea faamolemole.

E le tau faatonuina e le matapia le manaia, ona o le agaga lea e tau tulituliloa atu le tatou taimi, tatou agai pea i le tulaga o le talanoaina o le Lipoti, ae aua ne i toe lauga faalauaitele se isi i luga o a tatou taimi o Lipoti e tuuina mai, tatao i le tatou Lipoti ona vave lea o le tatou galuega, ona faafofoga lea i le tolaulauga o fautuaga ma iugafono, o i ina e sosolo ai le tatou debate. Ia ae le o le toso mai o i ma o e umi ai le tatou taimi ma felefele ai, ona tulai mai foi lea ua tuu ia le tatou fono ae toe agai i le isi pito.

Na ona fautua atu, tulai mai se tasi o sui usufono mo Salega, Afioga Afualo Wood Uti Salele.

Afioga AFUALO WOOD UTI SALELE (Salega): Faafetai i lau Afioga i le Fofoga Fetalai mo le avanoa taua, e le tele sou manatu ae ona o lea ua maea le Lipoti, ia faamalo i le Komiti. Na o sina vaega laititi lava i le fautuaga lea na aumai, ona o lea sa ou vaavaai lava pe e le i afea e lau Afioga i le Taitaifono. Po o lava inisinia ma e o lo o i ai tomai faapitoa e mafai ai ona faafaigaluega i le Matagaluega aua e tatau lava ona afea i la outou Lipoti. Aua ou te masalo, o se isi lea vaega e ono maua ai se tali i le 70% lea e maumau ina ia maua ai se fesoasoani.

27 IANUARI 2015

P.P. 2014/2015 Nu. 134, Lipoti a le Komiti o Galuega, Felauaiga ma Siosiomaga i le P.P. 2014/2015 Nu. 25, Lipoti Faaletausaga a le Pulega o le Suavai mo le tausaga 2012-2013 – Iloiloga

Aua o lea ua ave le faamuamua i alo ma fanau foi lea e aooga ai i le faa-Saienisi ma le numera, ia ae tatau ona faaoga leni avanoa e fautua ai le Komiti i ai ina ia i ai nisi e o faapitoa ina ia lava ni inisia, aua ou te talitonu lava e le o lava, ae sa ou faapea au o lea o le a afea i la outou Lipoti, ia a o lea ua fesoasoani atu.

Ma lou faaloalo lava, faafetai.

FOFOGA FETALAI: Oi, ua e toe fia saunoa foi le sui usufono mo Aana Alofi Nu. 3?

Tulai mai le sui usufono mamalu, ona sosoo ai lea ma se tasi o sui usufono mo Palota Taitoatasi, Afioga Maualaivao Pat Ah Him.

Afioga Toeolesulusulu Cedric Pose Salesa Schuster: Faafetai lau Afioga i le Fofoga Fetalai. Ona e matauina i se faamatalaga a se sui o le Komiti, ona e matauina o le tele o faafesili o lo o tuuina mai e sui usufono o le Palemene e faatatau i fautuaga a le Komiti, peitai ane lau Afioga i le Fofoga Fetalai, faafetai mo fautuaga, ae a silasila i isi Lipoti i tausaga ua mavae o lea sa ave i ai le faamamafa a le Komiti e le gata o inisia, lea foi e i ai le feutagaiga a le Komiti ma le Matagaluega, o lea ua faatino. E le gata foi i lea o nisi o vaega sa fautuaina ai le ave i ai o le faamamafa ona o lea sa faamamafa i isi Lipoti i tua atu pe a silasila i ai le mamalu o le Palemene. O le mafuaaga lea ua ala ai ona fua foi le faiga o le Lipoti o lo o tuuina i luma o le tatou Palemene, e toe fagufagu ma toe faamanatu, ae pei ona saunoa le Afioga i le Minisita, leai o la ua faatino, o le galuega foi lea o lo o taumafai i ai le Komiti, o lo o faapea ona feagai pea ma le Matagaluega o le pulega pe a oo mai, faafetai.

FOFOGA FETALAI: Malo. Ia o lea la ua saunoa manino se tasi o sui o le Komiti e talia ai finagalo sa laga e sui usufono, ae taua pea le fagufagu ma le faamanatu. Tulai mai se tasi o sui mo Palota Taitoatasi, Afioga Maualaivao Pat Ah Him.

Afioga MAUALAIVAO PAT AH HIM (Palota Taitoatasi): Faafetai mo le avanoa i lau Afioga i le Taitaifono.

Ou te talitonu ua tele foi saunoaga e uiga i le mataupu lea o le suavai, o le suavai i lou nei sui usufono e sili atu ona taua i lo se isi lava mea, aua o le suavai pei ona taua nei e se tasi sui usufono o le ola. Ma e i ai foi ni mea ou te iloa o nai faitioga i le Pulega faapea foi le suavai, e i ai lava le auala e fai ai, ou te musumusu pe faafesootai le Afioga i le Minisita ma le Matagaluega.

Ae o lou tulai atu ma le faaloalo e tasi lava le mea ou te tulai atu ai e faaleo lau faafetai i le taimi ua sola sa fai ai le Fonotaga a le UN SIDS i Samoa nei, ona e i ai vaega taua o le suavai sa tapenaina e lo tatou Malo. O le faaleo la, o le faafetai atu.

27 IANUARI 2015

P.P. 2014/2015 Nu. 134, Lipoti a le Komiti o Galuega, Felauaiga ma Siosiomaga i le P.P. 2014/2015 Nu. 25, Lipoti Faaletausaga a le Pulega o le Suavai mo le tausaga 2012-2013 – Iloiloga

Sa i ai le popolega ia matou e tusa ai ma atinae nei o faletalimalo ma pisinisi i le taulaga i le suavai, ae peitai ane o le tapenaina o le suiga o le lapopoa o paipa vaeatu le Maota, faapea i le tapueina o le suavai, sa leai se mea e faaletonu i le taimi o le SIDS. O le faatuatuaga la latou i le taimi nei i le tatou suavai, o lo o agai pea ina lelei. E oo foi la i le mama o le suavai, faafetai ua tutusa lava ma lau inu i le faguvai lea, ioe, ma le mama o le paipa, ua tau le faapena ona faapitoa se i maua se suavai. E ui lava la i le tulaga lea, ae o lo o i ai foi nisi itumalo e le o maua le suavai e pei o isi vaega o Aleisa.

A o lou tulai atu e fia faamauina le faafetai tele lava i lo tatou Malo ma le Pulega e ala atu i le Minisita ma le Komiti, ona o le manaia o le vaega tonu lea i taligamalo i le SIDS ona na matua lelei mea uma. Ia agai pea ma faatino pea fuafuaga ia lelei ma faapena ona manuia ai le atunuu, ma le toe masalosalo ai e o lo o fia omai e invest i totonu o le tatou atunuu i le mea lea o le suavai. Aua a faalogo mai e pe nei, pe taeao ma palapala le suavai, o le mea lena e fia faalogologo mai i ai ma fia iloa e tagata o lo o fia invest i le atunuu po o mautu tulaga uma ia.

Ma le faaaloalo lava, faafetai i lau Afioga i le Fofoga Fetalai.

FOFOGA FETALAI: Malo faafetai. Tulai mai lau Afioga i le Taitaifono, ona avatu ai lea o le fesili.

Tofa TUSA MISI TUPUOLA: Lau Afioga i le Fofoga Fetalai, ona o lea ou te iloa, o le agaga faafetai lava lea e aumai e le mamalu o le Palemene, ae pei na ona ou toe faailo atu le finagalo o se tasi o sui usufono mo Aana Alofi Nu. 1, Afioga Hon Leupepe Toleafoa Apulu Faafisi e pei ona í ..o lea lava o lo o taumafai le tatou SWA ina ia faatino pea, aua ia manatua foi o le taimi lea faatoa uma le afa o Eveni, na toe faaoga tupe e toe faaleleia ai a tatou pamu vai aemaise o galuega toe faaleleia, ma e tele foi se tupe sa faaaluina i le taimi lea i le taumafaiga o ia galuega mo le tali atu i manaoga o lo tatou atunuu, aemaise foi o vaega ia e i ai Aleisa ma Faleasiu ma faasolo atu i Saleimoa i uta, o lea lava o lo o faagasolo i ai polokalame mo le suavai.

Ma lou faaaloalo tele lau Afioga i le Fofoga Fetalai.

FOFOGA FETALAI: Malo faafetai i lau Afioga i le Taitaifono.

Na faamaonia le Lipoti.

FOFOGA FETALAI: E tusa ai ma Tulafono Tumau 54, e ao i le Malo ona tuuina mai i le Fono Aoa se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoa le Lipoti.

27 IANUARI 2015

P.P.2014/2015 NU.135, LIPOTI A LE KOMITI O GALUEGA, FELAU AIGA MA SIOSIOMAGA I LE P.P.2014/2015 NU.65, LIPOTI FAALETAUSAGA A LE PULEGA O UAFU MA TAULAGA MO LE TAUSAGA 2011/2012 – Iloiloga

Tofa TUSA MISI TUPUOLA: Lau Afioga i le Fofoga Fetalai, ou te faatu le lafo, *Ina ia faautagia e lenei Fono Aoa le Lipoti a le Komiti o lo o tuuina atu ai ana SAILIILIGA, FAUTUAGA MA IUGAFONO.*

Faaluaina e le sui usufono mo Aiga i le Tai, le sui usufono mo Palauli ma le sui usufono mo Sagaga le Falefa.

FOFOGA FETALAI: Tulai mai le Afioga i le Taitaifono o le Komiti o Mataupu tau Faamasinoga, Leoleo & Falepuipui ma Faamasinoga o Fanua & Suafa.

Tofa TUSA MISI TUPUOLA: O Fautuaga lau Afioga i le Fofoga Fetalai a le Komiti.

ōFAUTUAGA:

E fautuaina le Komiti ina ia:-

- 1. Taofia le toe faaaogaina o ni Tagata po o ni Kamupani Tu-i le-Va e faaoga e le Pulega mo le faatauina mai o ana aseta taugata, ona ua matauina e le Komiti le le ausia o le tulaga aupito sili ona moomia (quality) o ia aseta.”**

Lau Afioga i le Fofoga Fetalai ma le mamalu o le Palemene, ua uma ona fai i ai le faaiuga a le Malo i le tulaga lea e pei ona silafia e le Palemene.

- 2. “Silasila i se Faaiuga Talafeagai mo le aitalafu a le Pulega i le va ma le Matagaluega o Tupe Maua talu mai le lima tausaga talu ai scia oo mai i le vaitaimi o lo o iloiloina, ona o lea aitalafu e afua mai i tiute o masini na auina mai mo galuega a le Malo.”**

O le mataupu foi lenei lau Afioga i le Fofoga Fetalai ma le mamalu o le Palemene, ua maea ona fai i ai le faaiuga a le Malo, le Palemia ma le Kapeneta e pei ona i ai i le Tala o le Tupe talu ai.

- 3. “Tatau ona faalelei ma siitia le tulaga o le uafu i Matautu mo faamoemoega o tupe maua faafaigaluega, ae toe fetuunai fuafuaga mo le fausia o se isi uafu fou ona ua faamaonia mai i faamaumauga a le Pulega o lo o faaitiitia le aofai o vaa o lo o afea Samoa.”**

27 IANUARI 2015

P.P.2014/2015 Nu.135, Lipoti a le Komiti o Galuega, Felauaiga ma Siosiomaga i le P.P.2014/2015 Nu.65, Lipoti Faaletausaga a le Pulega o Uafu ma Taulaga mo le tausaga 2011/2012 – Iloiloga

4. E tatau i le Pulega ona tausisia ma faataua aiaiga o Tulafono Tau Le Gataifale Faava-o-Malo (IMO) mo le faatinoina o latou galuega ina ia mautinoa le faamalieina ma le usitaia o aiaiga o ia Tulafono Faava-o-Malo.

IUGAFONO

E fautuaina e le Komiti ia le Fono Aoaoina ina ia faamaonia:

- P.P.2014/2015, Nu. 65, Lipoti Faaletausaga a le Pulega o Uafu ma Taulaga a Samoa mo le Tausaga Faaletupe na faaiuina i le aso 30 Iuni 2012; ma
- Fautuaga a le Komiti ua tuuina atu i lalo.”

Ma le faaaloalo tele.

FOFOGA FETALAI: Faafetai i lau Afioga i le Taitaifono.

Susuga Papalii Lio Faavaivaio Manu Taeu Masipau (Faasaleleaga Nu.2): Lau Afioga i le Fofoga Fetalai í .

FOFOGA FETALAI: Tulai mai le sui usufono mo Faasaleleaga Nu.2.

Susuga PAPALII LIO FAAVAIVAIO MANU TAEU MASIPAU: Lau Afioga i le Fofoga Fetalai, faafetai tele i le Afioga i le Taitaifono mo sailiiliga maea a le Komiti. O lea e matau atu ua tele lava ina tali le Malo i isi fautuaga, ae ona pau lava sina vailiu lea e fia avatu ai se tala i lau Afioga i le Taitaifono, ona o lea ua taua mai le faaleleia o a tatou uafu. O lea ua taua Matautu, a o lea foi ua fuafua lo tatou Malo i nisi faamoemoega.

O lau fesili i lau Afioga i le Taitaifono ma le Komiti, o lo o i ai lava sina faafitauli i le uafu i Mulifanua pe a sua le tai. Ou te talitonu e maua uma lava e le tóatele o tatou o lo o faimalaga i Savaii. A sua le tai, o le faigata ia i nai taavale ia e maualalo. E saoloto lava taavale lapopoa e pei o taavale ia tatou te feoai ai e o atu lava ma tulioso i luga, a o nai taavale laiti. Ua leva le faafitauli lea i Mulifanua. E le afaina Salelologa aua ou te iloa o la e lelei lava le uafu lea i Salelologa i so o se taimi lava e sua ai le tai ma papau foi le tai, e faigofie lava. A o iinei lava i Mulifanua o lo o i ai lava le faafitauli lena ua fai sina lava. O lea e tele ina aveane laupapa, se i vaeatu le paia o le Maota e faaae ai nai taavale laiti ma maualalo.

O le uiga lena o se faamatalaga ona ua avea foi lenei avanoa e avatu ai se fesili a o faafogafoga lau Afioga i le Taitaifono ma le Malo, faafetai.

27 IANUARI 2015

**P.P.2014/2015 Nu.135, Lipoti a le Komiti o Galuega, Felauaiga
ma Siosiomaga i le P.P.2014/2015 Nu.65, Lipoti Faaletausaga a le
Pulega o Uafu ma Taulaga mo le tausaga 2011/2012 – Iloiloga**

FOFOGA FETALAI: E i ai se isi sui usufono e fia saunoa a o le i tulai mai le Minisita e tali? Malie lava lau Afioga i le Minisita, se i tuu atu le avanoa i le sui usufono mo Vaisigano Nu.2.

Tofa MOTUOPUAA UIFAGASA AISOLI VAAI: Faafetai lava i lau Afioga i le Fofoga Fetalai mo le avanoa.

E fia faafetai atu foi i le Komiti ona o le Lipoti ua maeaea ona tuuina mai. Ou te fia tautala lava i le uafu lea i Asau lau Afioga i le Fofoga Fetalai. Faafetai i le Komiti ona ua i ai se fautuaga ma se manatu i le toe faaleleia o le uafu lea i Asau. Ou te iloa a oo ina toe faaleleia lenei uafu, o le a tele lava se suiga o Savaii faapea foi le Malo ó faafetai i le Komiti.

Na ou tulai atu ou te faafetai ona ua i ai se fuafuaga o le a i ai se manatu o le Malo aua le faaleleia o le uafu i Asau ma nisi mea o le a fai ai, faafetai.

FOFOGA FETALAI: Tulai mai lau Afioga i le Minisita e tali fuaitau ona tuu atu ai lea o le avanoa i le Taitaifono.

Afioga Hon MANUALESAGALALA ENOKATI POSALA: Lau Afioga i le Fofoga Fetalai, atonu o le tulaga lea i Mulifanua, o lea ua taoto i le tatou Palemene nei le suiga o le Tulafono i uafu ia i Mulifanua ma Salelologa o le a i lalo o le vaaiga a le Faalapotopotoga o Vaa a Samoa. O lena ua outou silasila ua i ai nai suiga ua mafai ona faatino, a o mea uma lava na o le a vaavaai i ai ma faaleleia. O le tulaga foi lena e taua ai le tasi o le Faalapotopotoga e vaai, e atili vaavaai ai i tulaga e lelei ai vaa ma ia mafai ona saogalemu femalagaiga ma faatumauina le lelei o vaa mo le agai i luma.

O le uafu i Asau, e leai o le uafu ia o la e faaleleia. O la e teu ma vaai lelei ma o la foi e i ai lava vaa e mafai ona afea ma faaaogaina. O le isi lena tulaga o lea e i ai le silasila a le Malo, e le gata o le uafu i Asau, o a tatou malae vaalele o lo o i Savaii aua tasi ia tupe o lo o agai i ai ina ia faatumauina, le availability o le service o la e i ai po o le a le taimi e manaomia ai. E faatumauina e ui lava ina e le o afea e ni vaa, a o la e faaoga le uafu lea i Asau.

Ma le agaga faaloalo lava.

Susuga PAPALII LIO FAAVAIIVAIOMANU TAEU MASIPAU: Lau Afioga i le Fofoga Fetalai, faafetai lava i le Afioga i le Minisita o lea ua maua o lea ua fesui ai agai i le Kamupani Vaa, ae e talitonu o lau Afioga i le Minisita o lo o umia le Kamupani Vaa ma le uafu, ae faafetai mo nei fuafuaga.

FOFOGA FETALAI: E te le fia saunoa lau Afioga i le Taitaifono? Malie lava, le sui usufono mo Aiga i le Tai, o i ai se mataupu e te fia saunoa ai?

27 IANUARI 2015

**P.P.2014/2015 Nu.135, Lipoti a le Komiti o Galuega, Felauaiga
ma Siosiomaga i le P.P.2014/2015 Nu.65, Lipoti Faaletausaga a le
Pulega o Uafu ma Taulaga mo le tausaga 2011/2012 – Iloiloga**

Susuga IFOPO MATIA FILISI: E leai e fia momoli foi le faafetai tele i le Minisita aemaise lava le Taitaifono o le Komiti po o le Komiti foi. Ona pau lava le talosaga a lou sui usufono, faaoo atu le silasila i le uafu foi lea e i Manono i le alu i tai faamolemole.

Ma le agaga faaaloalo, faafetai.

FOFOGA FETALAI: E i ai sou uafu? (*I le Taitai o le Itu Agai o lo o tulai*).

Afioga Hon Palusalue Faapo II: Pe maua sina avanoa aua o lea ua tuu le avanoa i o?

FOFOGA FETALAI: O le a la le mea lena e te fia saunoa i ai?

Afioga Hon Palusalue Faapo II: Ioe, e le sou uafu o le uafu a Samoa le uafu le la e i o i Satitua.

FOFOGA FETALAI: E a le uafu i Satitua?

Afioga Hon Palusalue Faapo II: O lea ou te fesili atu i le Afioga i le Taitaifono i le tulaga ua i ai le uafu aemaise lava le taimi lena i le galu. Ua matua siisii lava í ..

FOFOGA FETALAI: Tulai mai lau Afioga i le Minisita. Na ona e faaleo mai lava leaga o lea ua fesili i le uafu i Satitua, ae ou te iloa o le uafu i Satitua o lo o faagaioi.

Afioga Hon Palusalue Faapo II: E le i uma atu lata faafesili. O lau fesili la i le Taitaifono í ..

Afioga Hon MANUALESAGALALA ENOKATI POSALA: O lou usitai i lau Afioga i le Fofoga Fetalai lea ua ou tulai atu ai.

FOFOGA FETALAI: Tulai mai lau Afioga i le Minisita mo Galuega, Felauaiga ma Atinae Eseeese.

Afioga Hon MANUALESAGALALA ENOKATI POSALA: E tasi lea mataupu e laga pea i nusipepa ma televise. E tiga lava ona silasila atu o la e faaoga. Na faaoga nei le uafu i Satitua i le taimi o a tatou taliga-malo. Sa i ai vaa ma faaauau faiga malaga i Tutuila. A silasila foi i ai i le taimi lena, o lea e i ai le vaa o le Lady Samoa II la e tu ai. O vaa e fia faaoga i le tatou slipway, le nofoaga toso vaa, o la e o atu ma taula i ina ma faaoga.

27 IANUARI 2015

P.P.2014/2015 Nu.135, Lipoti a le Komiti o Galuega, Felauaiga ma Siosiomaga i le P.P.2014/2015 Nu.65, Lipoti Faaletausaga a le Pulega o Uafu ma Taulaga mo le tausaga 2011/2012 – Iloiloga

O lo o i ai nisi fuafuaga i nisi vaa e agai mai e faaaoga i ai le tatou uafu ma faaaoga i ai le tatou nofoaga toso vaa. O la e faaaoga le tatou uafu ma le agaga faaaloalo.

FOFOGA FETALAI: Lau Afioga i le Taitaifono.

Tofa TUSA MISI TUPUOLA: E momoli atu lau faafetai tele i lau Afioga i le Fofoga Fetalai ae faapea foi le mamalu o le Palemene ma le Afioga i le Minisita, aemaise foi o Faauluuluga o Matagaluega o lo o gafa ma lenei Komiti. Ua faamalo faafetai i la outou lagolago, ua malo le galulue, ua faamalo foi i lo outou agalelei ia Samoa ma ana atinae.

Ia manuia tele le Fono ma le faaaloalo lava.

Na faamaonia le Lipoti.

FOFOGA FETALAI: E tusa ai ma le Tulafono Tumau 54, e ao i le Malo ona tuuina mai i le Fono Aoao se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoao le Lipoti.

P.P.2014/2015 NU.136, LIPOTI A LE KOMITI O MATAUPU TAU FAAMASINOAGA, LEOLEO & FALEPUIPUI MA FAAMASINOAGA O FANUA & SUAFA I LE P.P.2014/2015 NU.6, LIPOTI A LE KOMISI O LE TOEFUATAIGA O TULAFONO A SAMOA I LE TULAFONO O FAAMASINOAGA FAAITUMALO 1969, LIPOTI 12/13 - Iloiloga

Tofa TUISA TASI PATEA (Sagaga le Falefa): Faafetai lava i lau Afioga i le Fofoga Fetalai mo le avanoa.

Lau Afioga i le Fofoga Fetalai ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana SAILIILIGA, FAUTUAGA MA IUGAFONO.*

Faaluaina e le sui usufono mo Palauli, le Sui usufono mo Aiga i le Tai ma se tasi o sui usufono mo Faasaleleaga Nu.1, Afioga Hon Gatoloaifaana Amataga Alesana Gidlow.

FOFOGA FETALAI: Tulai mai le sui usufono e faitau Fautuaga ma Iugafono.

Tofa TUISA TASI PATEA: Lau Afioga i le Fofoga Fetalai o Fautuaga nei a le Komiti.

27 IANUARI 2015

**P.P.2014/2015 Nu.136, Lipoti a le Komiti o Mataupu Tau
Faamasinoga, Leoleo & Falepuipui ma Faamasinoga o Fanua & Suafa
i le P.P.2014/2015 Nu.6, Lipoti a le Komisi o le Toefuataiga o Tulafono
a Samoa i le Tulafono o Faamasinoga Faaitumalo 1969, Lipoti 12/13
- Iloiloga**

“FAUTUAGA:

I le faia i luga o ana sailiiliga, e fautuaina ai e le Komiti le Malo:-

**Ina ia faautagia le Lipoti a le Komisi o le Toefuataiga o Tulafono
a Samoa, o lo o auiliili atu ai ana Fautuaga mo le toefuataiga o le
Tulafono o Faamasinoga Faaitumalo 1969.**

IUGAFONO:

I le maea ai o Iloiloga a le Komiti, na faaiugafonoina ai e fautuaina le
Fono Aoao:

**Ina ia faamaonia le P.P 2014/2015 Nu.6, Lipoti a le Komisi o le
Toefuataiga o Tulafono a Samoa i le Tulafono o Faamasinoga
Faaitumalo 1969, Lipoti 12/13.”**

Faafetai lava.

Tofa Lealailepule Rimoni Aiafi: Lau Afioga i le Fofoga Fetalai í .

FOFOGA FETALAI: Tulai mai le sui usufono mo Faleata Sisifo.

Tofa LEALAILEPULE RIMONI AIAFI: Faafetai lava i lau Afioga i le
Fofoga Fetalai mo le avanoa, e faafetai foi i le Afioga i le Taitaifono o le
Komiti.

Muamua, o lena ua tagai i ai lau Afioga i le Fofoga Fetalai, e leai ni
fautuaga a le Komiti. Ona pau lava le mea lea e i ai o le tolaulau mai o le toe
fuataiga o Tulafono i a latou recommendations ia e i ai, ona aumai lea tatou te
faitau ai.

O le Lipoti lea i lau faitau i fautuaga ia e tuu mai e le Komiti o Mataupu tau
Faamasinoga, Leoleo & Falepuipui ma Faamasinoga o Fanua & Suafa,
muamua, e tele le taua i le taumafai lea e siitia le malosiaga o le Faamasinoga
Faaitumalo po o le District Court mai le tulaga o i ai nei lona malosiaga ina ia
sii atu i luga i le vaegatupe lea e i ai e \$10,000. Ua sii mai i luga le malosiaga
o le Faamasino Fesoasoani mai le \$1,000 agai i le \$5,000 ina ia vave ai le
faatinoina o faamasinoga ma fetuutuunai ai mai lea fale faamasino i lea fale
faamasino.

O le fesili muamua lau Afioga i le Taitaifono, o lea e foliga mai o lo o tamau
lava i le \$10,000 le malosiaga o le Faamasinoga Faaitumalo. Pe aisea ua
tumau ai, a o lea ua siitia i luga i le Faamasino Fesoasoani.

27 IANUARI 2015

**P.P.2014/2015 Nu.136, Lipoti a le Komiti o Mataupu Tau
Faamasinoga, Leoleo & Falepuipui ma Faamasinoga o Fanua & Suafa
i le P.P.2014/2015 Nu.6, Lipoti a le Komisi o le Toefuataiga o Tulafono
a Samoa i le Tulafono o Faamasinoga Faaitumalo 1969, Lipoti 12/13
- Iloiloga**

O lona lua, o lea e fautuaina mai e le Komiti le mea lea o le fautuina o se Faamasinoga o le Drugs and Alcohol Court, mea ia i mataupu tau le ava malosi ma fualaau faasaina.

O le fesili lau Afioga i le Taitaifono, pe na tapa se finagalo o le Matagaluega o Faamasinoga i a outou fautuaga, aua e moni lava o fautuaga mai ia i latou na toe faamaumauina pe tusia tatou Tulafono, a o le faatinoga e faatino mai le Matagaluega o Faamasinoga. Po o le a le tulaga o i ai, aua i le taimi nei, po o lava Alii Faamasino, po o lava resources e fai ai nei mea, aua o la e ua i ai i le taimi nei le Family Court, la e i ai le Youth Court, e i lalo uma lava o le District Court. A toe tuu atu la i ai ma le Court lea, ia, pe le i ova Court ai, aua e le natia le taua o le mea lea o le Faamasinoga i mea ia o ava malosi ua faatupulaia tele le solitulafono. Ae pe le o mafai i le taimi nei ona faatino i se faamasinoga o i ai i le taimi nei le tulaga lea.

O le isi lena vaega lau Afioga, i tulaga ia o le fesiitaiga o le malosiaga o le Tulafono aemaise le District Court, o lea ua pasia le Family Court, le Faamasinoga mo Aiga, a o lea e matau atu e le i tuuina aloaia i totonu o le Tulafono o le District Court. Ia ma se i toe tagai la lau Afioga, po o le a sau suesuega i le mea lea o le le mafai ona siitia o le malosiaga o le District Court mai le malosiaga o i ai i le taimi nei i se isi vaegatupe i luga atu.

Ma le faaaloalo lava lau Afioga i le Fofoga Fetalai.

FOFOGA FETALAI: Malo. Tulai mai le sui usufono mo Aana Alofi Nu.3.

Afioga TOEOLESULUSULU CEDRIC POSE SALESA SCHUSTER: Faafetai i lau Afioga i le Fofoga Fetalai mo le avanoa. E tasi lava si fesili ona o le tusiina o le Lipoti, pe i ai ni tagata na suesueina e le Komiti, pe na o le Lipoti lava lea na faatino ai. Atonu o le tulaga lea ua leai ai ni fautuaga ona e pei e le i i ai ni molimau na suesueina faamolemole. Atonu o lea ua oo ae foi se manatu i le tele o fautuaga o lo o aumai e le Komisi.

FOFOGA FETALAI: O le matau i le Lipoti lenei, o se Lipoti e tulaga ese, ona o le Lipoti lenei e tuusao lava mai le Law Reforms lea sa faatulaga mai. O lona uiga ua i ai le talitonuga o le Taitaifono, ua matua atoatoa lava le Lipoti e sau loa alu loa, e leai nisi mea e toe suesue ai fua o lea ua manino ma malamalama. Na pau lava le fautuaga taua lea e tau mai i i, ina ia faamaonia le Pepa a le Palemene 2014/2015. O le sao lea lau Afioga i le Taitaifono? Se i tulai mai.

Tofa TUISA TASI PATEA: E faafetai atu i lau Afioga i le Fofoga Fetalai mo le avanoa. Masalo e faigofie ona ou fai atu i fesili uma lava a sui o le tatou Law Reform Commission aua o i latou nei sa faatautaia le galuega lea.

27 IANUARI 2015

**P.P.2014/2015 Nu.136, Lipoti a le Komiti o Mataupu Tau
Faamasinoga, Leoleo & Falepuipui ma Faamasinoga o Fanua & Suafa
i le P.P.2014/2015 Nu.6, Lipoti a le Komisi o le Toefuataiga o Tulafono
a Samoa i le Tulafono o Faamasinoga Faaitumalo 1969, Lipoti 12/13
- Iloiloga**

I le amataga la o le galuega, e toatele lava latou sa faagasoloa, e lavea ai foi ma le Matagaluega o Faamasinoga, lavea ai ma tagata lautele, sa valaaulia foi le atunuu atoa, e toatele lava. Sa i ai foi ma Loia i totonu o le faatalatalanoaga lea. O lea la ua uma le latou galuega fita sa fitaituga ai, ma le talitonuga o le Komiti e matagofie faaiuga ua oo i ai le latou taunuuga. O lea la pei ona avatu i la matou fautuaga, ina ia faautagia le Lipoti a le Komisi o Toefuataiga o Tulafono a Samoa. Sui usufono mamalu, se i tagai i le Lipoti o i ina o lo o alu atu ai fautuaga uma, e ese le matagofie o fautuaga.

O le fesili a le sui usufono mamalu mo Faleata Sisifo, o nisi ia o finagalo, e toatele finagalo na faaalia, pei lava ona avatu i le Lipoti, e manao e sui le District Court Jurisdiction. O isi na faaali o latou finagalo e sui i le \$20,000, \$40,000 e oo i le \$50,000. Peitai ane, o le tualuga lava o finagalo o le recommendation a le tatou Law Reform, e tataua lava ona faatumauina pea i le aofaiga lea e \$10,000.

Ia, e pei foi ona i ai le tatou Criminal Jurisdiction i le District Court, o lena pei ona outou tagatagai ifo i ai, o lena ua toe tului mai le lima tausaga i le fitu tausaga i faasalaga pei ona i ai, ona o le tatou Tulafono faatoa pasia le tatou Tulafono lea o Soligatulafono 2013, ua faaopoopo ai foi nisi o faasalaga. O le autu tonu lena ma le ala lena ua faaopoopo ai foi ma le Jurisdiction a le tatou District Court ona ua tele mataupu.

O le tali atu lena. Faafetai tele.

Tofa Lealailepule Rimoni Aiafi: Lau Afioga i le Fofoga Fetalai, a ou togia le Lipoti lea, e fuamoa, vaeane lau Afioga i le Fofoga Fetalai. O le mea ua ou faanoanoa ai, o le toatele ia o Loia lea e i totonu o le Komiti lea, o Loia Sinia, ae o le Lipoti, e le o se Lipoti le mea lea.

FOFOGA FETALAI: Malie le sui usufono mamalu e le tataua onaí O lea ua ou maua lou finagalo Lealailepule. Malie lau Afioga e le mafai ona tatou manatu e toe taufaatauvaaina se galuega a se Komiti. Atonu lava tatou te faaataata a lafoga a o la e foi e faafofoga le atunuu. O lea ou te molimauina, o le ala lena o lou fai atu, e le fou le mea lea o le tatou agai i le tatou Law Reforms.

Ou te manatu foi e fai sina tele o suesuega sa fausia, ae soia ia tou te atugalu, ou te talitonu o le mafuaaga lena na saunoa sao ai le Taitaifono, ua leai ni latou fautuaga ua mautinoa ua pasi atoatoa, a o lea ua aumai na o lugafono, tatou talia ia le Lipoti ma le agaga faaloalo.

Afioga TOEOLESULUSULU CEDRIC POSE SALESA SCHUSTER: Lau Afioga i le Fofoga Fetalai, faamolemole lava ta te fia malamalama i Tulafono a le tatou Maota.

27 IANUARI 2015

**P.P.2014/2015 Nu.136, Lipoti a le Komiti o Mataupu Tau
Faamasinoga, Leoleo & Falepuipui ma Faamasinoga o Fanua & Suafa
i le P.P.2014/2015 Nu.6, Lipoti a le Komisi o le Toefuataiga o Tulafono
a Samoa i le Tulafono o Faamasinoga Faaitumalo 1969, Lipoti 12/13
- Iloiloga**

E le tusa ai ma fautuaga o lo o aumai i le faaiuga a le Law Commission, o le fesili lau Afioga i le Fofoga Fetalai, afai e pasia nei e le tatou Palemene le fautuaga lenai, o le a sii loa le tau lea e fautua mai ai le Law Commission lea e tusa ai o lea ua pasia i totonu o le Palemene fautuaga nei, onaí E pei i lau vaai atu i ai, e i ai Tulafono e tataua ona tapenaina, ma e tataua ona iloiloina fautuaga nei mo le siitia o le tau ma le femeiai solo lea. E pei o vaega ia e fia malamalama i ai lou sui usufono lau Afioga i le Fofoga Fetalai.

FOFOGA FETALAI: O le Lipoti lea ua maua le finagalo o le sui usufono, ou te manatu ua malamalama mea uma. Se i tulai mai Lefau.

Tofa Lefau Harry Schuster (Vaimauga Sisifo): Faafetai lau Afioga i le Fofoga Fetalai, o le lagolago atu lava i le matou Taitaifono. Ia o le folasaga a le sui usufono mo Faleata Sisifo foi lea pei o lau tau faalogo atu i lana folasaga, o le Komiti a matou o le Komiti kopi foi lea na ona aumai lava o le Lipoti a le Law Commission, na o le kopi lava aumai i i ae leai se matou suesuega sa fai i ai. E le faapea o se mimita o matou o Loia.

E toatolu matou o Loia, e aofia ai le matou Taitaifono o le Loia. Sa matou fesiligia le toatele o molimau aemaise lava le aufaigaluega ma le Tamaitai Pule. O le tulaga sa fesiligia e le sui usufono mo Faleata Sisifo e faapea pe na fesiligia i le tulaga lea o le siitia o le Civil Jurisdiction. O le fautuaga lena na aumai i le Komisi ae sa matou fesiligia la po o le a la le fetuunaiga la maf aua e aafia ai le Matagaluega o Faamasinoga. O le latou tali mai, e fetuutuunai latou, ua uma ona fai latou feutanaiga ma le Ofisa o le Loia Sili, o la e i ai ma le Parliamentary Counselor e tusia le Tulafono ma le Matagaluega o Faamasinoga. Ua uma la ona feutagai latou, o lea la e aumai ai le fautuaga lea ma le Lipoti lea, ma na talia e le matou Komiti le fautuaga lea na aumai e le Komisi ona sa matou suesueina po o le a le faavae o le manatu lea na aumai. A na faapea i le vaai a le matou Komiti e le talafeagai fautuaga ma tulaga o le Tulafono ma le Faavae o le tatou Malo, matou te le aumaia foi la le fautuaga lea e talia atoatoa le suesuega a le Komisi. Ma le faaloalo lava, ae le o matou o se Komiti kopi.

FOFOGA FETALAI: Malie le sui usufono mo Faasaleleaga Nu.2 se i tulai atu le Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai, ou te faamalo i le Komiti aua o le latou galuega sa fai e faavae i luga o Lipoti ia na aumai e le Komisi lea o le Toefuataiga o Tulafono a le tatou Malo. Ua uma ona soalaupule e latou. A faapea la e aumai se Lipoti ua lava tapena, o le a la le mea a le Komiti e toe fai i ai? Afai e aumai ua lava tapena, ona aumai sao loa lea.

27 JANUARI 2015

**P.P.2014/2015 Nu.136, Lipoti a le Komiti o Mataupu Tau
Faamasinoga, Leoleo & Falepuipui ma Faamasinoga o Fanua & Suafa
i le P.P.2014/2015 Nu.6, Lipoti a le Komisi o le Toefuataiga o Tulafono
a Samoa i le Tulafono o Faamasinoga Faaitumalo 1969, Lipoti 12/13
- Iloiloga**

Ou te faamalo atu ai i le Komiti. E le faapea o le a leai se faaopoopoga a le Komiti, o la e ua uma ona silafia e le Komiti o la e ua lelei tapena.

Ou te manatu e tatau ona malamalama lelei le Itu lea, afai lava o la e lelei se mea, o le a le mea o le a toe sui ai? Ia o le tulaga lena o lea ua ou toe tulai atu ai e momoli atu lau faamalo i le Komiti ona o le latou Lipoti na aumai.

FOFOGA FETALAI: Malo faafetai. Papalii.

Susuga PAPALII LIO FAAVAIVAIOMANU TAEU MASIPAU: Lau Afioga i le Fofoga Fetalai, pau lava si mea lea sa fesili ai le sui usufono mo Aana Alofi Nu.3, o le process ne i te i ua faapea a aumai loa i le Lipoti ua otometi lava le Tulafono.

O le Lipoti a le Law Reform Commission, e fai le hard cover faapenei le lapoa, ia ona aumai lea i le Komiti fautuaina ma pasia i totonu o le Palemene ona toe foi lea i le Malo ma silasila i ai le Loia Sili po o talafeagai faaletulafono, ona malamalama ai lea i le tulaga lea pei ona fesili le sui usufono mo Aana Alofi Nu.3.

Tofa Lealailepule Rimoni Aiafi: Lau Afioga i le Fofoga Fetalai, e leai, e faamalulu atu foi i sui usufono o le Komiti, o le a foi se sasi, a o lea faatoa ou malamalama ina ua tali nai sui usufono ia o le matou Vaega.

FOFOGA FETALAI: Sa tatau lava ona e silasila ifo i le saina a Tapuai Toese. Silasila i lou le migao i le Faafeagaiga a ua e togi le latou Lipoti o se mea faatauvaaina. E faamalulu atu i lau Susuga i le Faafeagaiga, ia maua lou loto faamagalo. Tuisa, e i ai se isi mea ae o le a avatu le fesili?

Tofa TUISA TASI PATEA: Faafetai o lena ua faamalamalama uma mai e sui usufono o le matou Komiti. O le mea lea e fia faafofoga i ai le sui usufono lea, seiloga lava e faamalamalama e sui usufono o le latou Itu ona malamalama gofie lea. Faafetai.

FOFOGA FETALAI: He is not an easy man to convince.

Na faamaonia le Lipoti.

FOFOGA FETALAI: E tusa ai ma le Tulafono Tumau 154, e ao i le Malo ona tuuina mai le Tali aloaia i totonu o le 90 aso ina ua maea ai ona pasia e le Fono Aoa o le Lipoti.

27 IANUARI 2015

P.P.2014/2015 NU.137, LIPOTI A LE KOMITI O MATAUPU TAU FAAMASINOVA, LEOLEO & FALEPUIPUI MA FAAMASINOVA O FANUA MA SUAFA I LE P.P.2014/2015 NU.13, 14 MA LE 24, LIPOTI FAALETAUSAGA A LE MATAGALUEGA O LEOLEO MA FALEPUIPUI MO LE TAUSAGA 2009/2010, 2010/2011 MA LE 2011/2013 – Iloiloga

Tofa TUISA TASI PATEA: Lau Afioga i le Fofoga Fetalai ou te faatu le lafo, *Ina ia faautagia e leni Fono Aoa le Lipoti a le Komiti o lo o tuuina atu ai ana SAILIILIGA, FAUTUAGA MA IUGAFONO.*

Faaluaina e le sui usufono mo Aiga i le Tai ma le sui usufono mo Palauli.

Tofa TUISA TASI PATEA: Lau Afioga i le Fofoga Fetalai;

“FAUTUAGA:

I le faia i luga o ana Sailiiliga ma lana Asiasiga, e fautuaina ai e le Komiti le Malo:-

- 1. Ina ia silasila totoa le Malo ma faautagia Tupe Faatatau a le Matagaluega ua toe faafoi ae o lo o tele ma anoanoai ana galuega o lo o manaomia le faatinoina ina ia faaleleia atili ai lana auunaga. Ia faamalosi pea le pulega ma le Matagaluega i le faaogaina o seleni ma ia tausisia le pulea lelei o tupe ua tuuina atu mo a latou galuega faatino.**
- 2. Maitauina foi e le Komiti le telegese o le faaoina mai o Lipoti Faaletausaga a le Matagaluega. E fautuaina ai e le Komiti ina ia silasila totoa i leni faaletonu ina ia aua nei toe tulai mai ae ia faataua le tuuina vave mai o Lipoti Faaletausaga a le Matagaluega i tausaga faaletupe taitasi.**

IUGAFONO:

I le maea ai o Iloiloga a le Komiti, na faaiugafonoina ai e fautuaina le Fono Aoa,

Ina ia faamaonia P.P.2014/2015 Nu.13, Lipoti Faaletausaga a le Matagaluega o Leoleo ma Falepuipui mo le Tausaga Faaletupe 2010–2011.

P.P.2014/2015 Nu.14, Lipoti Faaletausaga a le Matagaluega o Leoleo ma Falepuipui mo le Tausaga Faaletupe 2009–2010.

P.P.2014/2015 Nu.24, Lipoti Faaletausaga a le Matagaluega o Leoleo ma Falepuipui mo le Tausaga Faaletupe 2011–2013.”

Faafetai.

FOFOGA FETALAI: Tulai mai le sui usufono mo Aana Alofi Nu.3.

27 IANUARI 2015

P.P.2014/2015 Nu.137, Lipoti a le Komiti o Mataupu tau Faamasinoga, Leoleo & Falepuipui ma Faamasinoga o Fanua ma Suafa i le P.P.2014/2015 Nu.13, 14 ma le 24, Lipoti Faaletausaga a le Matagaluega o Leoleo ma Falepuipui mo le tausaga 2009/2010, 2010/2011 ma le 2011/2013 – Iloiloga

Afioga TOEOLESULUSULU CEDRIC POSE SALESA SCHUSTER: Faafetai i lau Afioga i le Fofoga Fetalai mo le avanoa. E tusa ai o le fautuaga muamua lau Afioga i le Fofoga Fetalai, ona o lea na maua foi i se tasi o saunoaga a le Afioga i le Palemia, e le faafoia ni tupe i Matagaluega pe a toe suia le faamatalaga lea ina ia faamatala sao ai le uiga ona o lea na saunoa le Afioga i le Palemia e le avea, e moni foi o lea e tuu uma i le Treasury e le o avea i ni Matagaluega ia vaega. Ma le faaapapalagi lau Afioga, e fai lava si ou le malamalama, pe mafai ona maua mai i le Taitaifono o le Komiti ma le Komiti le uiga o le upu lea i le Recommendation 1, take into account the huge total of the Ministry's budget that are being returned while there are still many obsessions.

E fia malamalama lou sui usufono po o a obsessions ia e i ai, pe ono faasao ona o faamaumauga a le tatou Palemene. Faafetai.

FOFOGA FETALAI: Ia, o le a avatu le avanoa mulimuli i le sui usufono mo Faleata Sisifo ona tali mai lea o lau Afioga i le Taitaifono.

Tofa LEALAILEPULE RIMONI AIAFI: Faafetai lava i lau Afioga i le Taitaifono, manaia le Lipoti, tele le suiga. O lea e fia matau lau Afioga, amata mai le amataga, na pau le mea o le sasi lea e i ai pe o sao au. Lau Afioga, o le Lipoti i le tausaga faaletupe 2009/2010, 2010/2011 ma le 2011/2013. Ou te fia malamalama la po o le a le sao, po o le 2011/2012 po o le 2011/2013. E foliga mai o lea ua lua Tala o le Tupe lea ua i totonu o le isi Lipoti lau Afioga, aua e tatau lava ona sau, 2011/2012 ma le 2012/2013. E tele foi le sasi i ina i lau Afioga, ona ou fesili lea i le vaega taua lea' .

E muamua ona momoli le faafetai i lau Afioga i le Minisita mo Leoleo ma le Matagaluega. I lou lava sui usufono, ua tele le suiga i totonu o le Matagaluega mai ia tausaga, aemaise lava o a latou galuega faifaipea i le saogalemu o tatou tagata ma mea ia e faatino i po mo le saogalemu lautele.

A o le mea lea ou te fia fesili i le mea lea na taua i le Lipoti i le vaega faalauiloa mo le atunuu, community and engagement unit, po o faaauau pea le unit lea, leaga na amata mai le 2008, leaga e tele le sao o le vaega lea i le tatou saogalemu ma le faaitiitia o le solitulafono, po o faaauau pea lea vaega i le taimi nei.

Ma le faaaloalo lava, faafetai.

FOFOGA FETALAI: Ia, tulai maia lau Afioga i le Taitaifono e tali mai.

Tofa TUISA TASI PATEA: Faafetai mo le avanoa lau Afioga i le Fofoga Fetalai. O le fesili muamua e pei ona fesili ai le sui usufono mo Aana Alofi Nu.3, o lena e manino le faamatalaga.

27 IANUARI 2015

**P.P.2014/2015 Nu.137, Lipoti a le Komiti o Mataupu tau
Faamasinoga, Leoleo & Falepuipui ma Faamasinoga o Fanua ma
Suafa i le P.P.2014/2015 Nu.13, 14 ma le 24, Lipoti Faaletausaga a le
Matagaluega o Leoleo ma Falepuipui mo le tausaga 2009/2010,
2010/2011 ma le 2011/2013 – Iloiloga**

O le fautuaga muamua, e le o ní E pei foi ona saunoa le Afioga i le Palemia, o savings, o tupe lava foi nei ua toe faafoi mai, sa talosagaina mo le Paketi a le Matagaluega, ae peitai ane, o nei seleni ua toe faafoi mai ona ua le faaaogaina. E moni le saunoaga ua toe foi mai lava i totonu o le tatou Treasury, e le faapea o ni tupe o toe alu i se isi tulaga. A o le matau a le matou Komiti, o lo o i ai lava nai galuega sa tatau ona faatinoina. Ae ui i lea, e pei lava ona matauina foi e le matou Komiti, ua tele lava le suiga ua i ai nei, ua faaitiitia lava lea vaega ona o le tele ma le anoanoai o le auunaga ua siitia a le Matagaluega o Leoleo.

E pei foi ona fesiligia le community engagement, o le tasi lea vaega a le tatou Matagaluega e ese foi le taua. Ua tele lava le silafia o tagatanuu uma o Samoa, o tulafono, ua malamalama tagata uma i tulafono ma faaiuga o tulafono, pe a molia oe i le Matagaluega o Faamasinoga. O le apoapoiaga foi ma le tuualalo a le Matagaluega, ua matagofie ai aua le malupuipuia o si o tatou atunuu ina ia malamalama tagata uma i le tulafono.

O le tali la i le fesili lea, o lo o faaauau lava lea galuega po o lea foi matafaioi a le tatou Ofisa o Leoleo, ma ua molimauina foi le faaitiitia o soligatulafono, ona o le aoga tele o le tatou community engagement.

O le isi fesili, o lef ..

FOFOGA FETALAI: Se i tulai mai le Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaoui: Lau Afioga i le Fofoga Fetalai, ua matua ou talia le faaupuga lea e i ai. O ituaiga nanu nei e faaigoa o nanu panupanu ma ua talia foi i totonu o le Maota. O lea lava ua matagofie le aumaiga, ae e tatau ona tatou faataitai i Palemene foi nei a Papua Niu Kini aua e i ai foi mea e igoa o Pigeon English, e nanu panupanu.

Tatou talia aua na ona nanu panupanu lava, a o lea lava e manino.

Na faamaonia le Lipoti.

FOFOGA FETALAI: E tusa ai ma le Tulafono Tumau 54 e ao i le Malo ona tuuina mai se Tali i totonu o le 90 aso ina ua maea ona pasia e le Fono Aoa le Lipoti.

27 IANUARI 2015

**P.P.2014/2015 NU.138, LIPOTI A LE KOMITI O TUPE MAUA
MA TUPE TOTOGI I LE P.P.2014/2015 NU.10, LIPOTI
FAALETAUSAGA A LE KAMUPANI O PULEGA
FAAPUTUGATUPE TEUFAAFAIGALUEGA O MAVAEGA
TAUSI A SAMOA MO LE TAUSAGA FAAIUINA ASO
30 IUNI 2013 – Iloiloga**

Susuga Hon PAPALIITELE NIKO LEE HANG (Taitaifono, Komiti o Tupe Maua ma Tupe Totogi): Lau Afioga i le Fofoga Fetalai ua ou tulai atu ma le faaaloalo e faatu le lafo, *Ina ia faautagia e lenei Fono Aoa le Lipoti a le Komiti o lo o tuuina atu ai ana Sailiiliga, Fautuaga ma Iugafono.*

Faaluaina e se tasi o sui usufono mo Faasaleleaga Nu.1, Afioga Hon Gatoloaifaana Amataga Alesana Gidlow ma le sui usufono mo Sagaga le Usoga.

Susuga Hon PAPALIITELE NIKO LEE HANG: Lau Afioga i le Fofoga Fetalai;

“FAUTUAGA:

I le maea ai o Iloiloga a le Komiti na faaiugafonoina ai e fautuaina le Malo ó

1. **Ia tuuina mai i le Palemene i le lumanai Lipoti Faaletausaga a le Faaputugatupe Teufaafaigaluega o Mavaega Tausi a Samoa, ma le Lipoti mo le silafia ai e le Palemene.**
2. **Ia faaauau pea polokalame faalauiloa a le Faaputugatupe e le gata i Samoa nei, ae faapea foi i atunuu mamao mo le faalauiloaina o lana auaunaga aua lava le faatosinaina mai o le atunuu lautele mo le teuina faafaigaluega o a latou seleni i le Faaputugatupe o Mavaega Tausi a Samoa.**

IUGAFONO:

Ia faamaonia le P.P.2014/2015 Nu.10, Lipoti Faaletausaga a le Kamupani o Pulega o Faaputugatupe Teufaafaigaluega o Mavaega Tausi a Samoa, mo le Tausaga Faaletupe Faaiuina i le aso 30 Iuni 2013.ö

Ma le faaaloalo lava.

FOFOGA FETALAI: Faamalo i lau Afioga i le Taitaifono. Ou te manatu ua auai faatasi le tatou Maota i le taliaina aloaia o le Lipoti.

Na faamaonia le Lipoti.

27 IANUARI 2015

P.P.2014/2015 Nu.143, Lipoti a le Komiti o Mataupu Tau Aoga, Saienisi, Fesootaiga ma Faamatalaga Tekonolosi i le P.P.2014/2015 Nu.80, Lipoti Faaletausaga a le Iunivesite Aoao a Samoa mo le Tausaga Faaiuina 1 Iulai 2011 – 30 Iuni 2012 - Iloiloga

FOFOGA FETALAI: E tusa ai ma le Tulafono Tumau 54, e ao i le Malo ona tuuina mai se tali i totonu o le 90 aso ina ua pasia aloaia e le Fono Aoao le Lipoti a le Komiti.

P.P.2014/2015 NU.143, LIPOTI A LE KOMITI O MATAUPU TAU AOGA, SAIENISI, FESOOTAIGA MA FAAMATALAGA TEKONOLOSI I LE P.P.2014/2015 NU.80, LIPOTI FAALETAUSAGA A LE IUNIVESITE AOA O A SAMOA MO LE TAUSAGA FAAIUINA 1 IULAI 2011 – 30 IUNI 2012 - Iloiloga

Susuga IFOPO MATIA FILISI: Lau Afioga i le Fofoga Fetalai ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana Sailiiliga, Fautuaga ma Iugafono.*

Faaluaina e le sui usufono mo Palauli.

Susuga IFOPO MATIA FILISI: Faafetai i lau Afioga i le Fofoga Fetalai.

“FAUTUAGA:

I le maea ai o ana Iloiloga, e fautuaina e le Komiti le Malo ina ia:-

1. **Lagolagosua i le faia o se afi faaleoleo mo le vaega i tai (Ocean Side) o le Iuivesite mo le faamautinoaina o le lelei faagasolo o aoaoga ma suega ae faapea foi i auaunaga o lo o iai nei pe’a tulai mai le motusia faafuasei ai o le eletise. E le gata i lea, ae o le a fesoasoani tele i le Iunivesite i le faasaoina ai o nisi o vaegatupe mo nisi o ana fuafuaga ma galuega faatino.**
2. **Faaleleia moli tu auala o lo o i fafo o le pa a le Iunivesite ona o lo o savalia e tama ma teine aooga pea tuua vasega po mo le saogalemu o alo ma fanau o le atunuu.**
3. **E fautuaina le Iunivesite ina ia faamalosia le galulue felagolagoma’i ai ma Matagaluega ma Faalapotopotoga Tumaoti o lo o iai sootaga i le itu tau auaunaga o lo o aoaoina i totonu o le Iunivesite mo le mataituina o agavaa o lo o moomia mo le faaleleia o ia auaunaga eseese.**

27 IANUARI 2015

P.P.2014/2015 Nu.143, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2014/2015 Nu.80, Lipoti Faaletausaga a le Iunivesite Aoa o Samoa mo le tausaga faaiuina 1 Iulai 2011 – 30 Iuni 2012 - Iloiloga

4. E fautuaina le Iunivesite ina ia usitaia faiga faavae ma taimi faatapulaaina mo le saunia o Lipoti Faaletausaga ma tuuina mai i le Palemene e tusa ai ma aiaiga faa-le-Tulafono.

IUGAFONO:

I le maea ai o iloiloga a le Komiti na faaiugafonoina ai e fautuaina le Fono Aoa ina ia faamaonia:

- **P.P.2013/2014 Nu. 80, Lipoti Faaletausaga a le Iunivesite Aoa o Samoa Iulai 2011-Iuni 2012.”**

FOFOGA FETALAI: Malo faafetai. Se i tulai mai le sui usufono mo Faleata Sisifo.

Tofa LEALAILEPULE RIMONI AIAFI: Lau Afioga i le Fofoga Fetalai, faafetai lava mo le avanoa. Leai o le fesili tuusao, ona o fautuaga nei, o le Lipoti lea e talanoaina o le Lipoti o le 2011/2012, a o fautuaga ia e tuuina mai i i, e pei e foliga mai o fautuaga mo le taimi nei, po o le a se silasila i ai a le Komiti pe na toe asia lea vaega, aua afai o lea e fautuaina se afi moli ina ia faatino i le taimi nei, po o le mea e le i ai lava i lena tausaga e oo mai i lenei taimi. O le mea la lea e fesili atu ai i lau Afioga i le Taitaifono, pe na toe asia ua faatino lea tulaga, aua e taua le afi lea. O le isi mea, o moli auala, o mea uma ia e aoga i tupulaga ma le aoga, ma fautuaga uma ia e aumai, ona o lea e tagai atu, o Lipoti ua maotua, a o fautuaga pei o lea eí O fautuaga lelei, ae po ua toe asia la, po ua faatino lea mea i lenei tausaga, pe a fua i le 2011. Ma le faaaloalo lava.

FOFOGA FETALAI: Se i tulai mai lau Afioga i le Taitaifono.

Susuga IFOPO MATIA FILISI: Faafetai lava. Ou te tali atu ma le faaaloalo, ia, o lo o asia. O le isi mea e fia iloa, o lo o i ai le afi lea e pito i uta mo le agai i nisi o faleaoga ma mea ia. O le isi afi lea e talanoaina, o se isi afi faaleoleo lea mo le pito i tai, pei o le Ocean Side, po o gatai mai o le Gym pe a faapea o la e te silafia.

Ma le faaaloalo lava, faafetai.

Na faamaonia le Lipoti.

FOFOGA FETALAI: E tusa ai ma le Tulafono Tumau 54, e ao i le Malo ona aumai se tali i totonu o le 90 aso ina ua maea ona pasia e le Fono Aoa le Lipoti.

27 IANUARI 2015

**P.P.2014/2015 NU.172, LIPOTI A LE KOMITI O FAAFOEGA TAU
PULEGA A LE MALO I LE P.P.2014/2015 NU.51, LIPOTI
FAALETAUSAGA A LE OFISA O LE LOIA SILI MO LE TAUSAGA
FAALETUPE 2012/2013 – Iloiloga**

Tofa Hon TUUU ANASII LEOTA (Taitaifono, Komiti o Faafoga Tau Pulega a le Malo): Lau Afioga i le Fofoga Fetalai, ua ou tulai atu ma le faaaloalo e faatu le lafo, *Ina ia faautagia e lenei Fono Aoa le Lipoti a le Komiti o lo o tuuina atu ai ana Sailiiliga, Fautuaga ma Iugafono.*

Faaluaina e se tasi o sui usufono mo Aana Alofi Nu.1, Afioga Hon Leaupepe Toleafoa Apulu Faafisi.

Tofa Hon TUUU ANASII LEOTA: Lau Afioga i le Fofoga Fetalai;

“FAUTUAGA:

I le faia i luga o ana Sailiiliga e fautuaina ai e le Komiti le Malo e faapea:-

1. Ia faaleleia nisi o vaega o le nofoaga o le Ofisa o le Loia Sili o lo o i ai nei i le Maota a le Malo i Sogi, ina ia atoatoa ai le faatinoga o lana auaunaga. E fautuaina foi le fausia ma le faatulagaina o ni potu faapitoa (private consultations rooms) e faatino ai faatalatalanoaga o mataupu e faatoai atu i le Ofisa aua lava le faatumauiina o le malupuipuia o faamatalaga ma le lelei faatino o mataupu e faatoai atu i le Ofisa.
2. Ia ave le faamuamua a le Malo mo le sailia ma faafaigaluegaina loa se tasi e i ai le tomai faapitoa e faia ai taotoga o mafuaaga lilo o maliu (Forensic Pathologist), i totonu lava o Samoa. E manatu le Komiti ua tatau ona faafaigaluegaina tumau se isi ona e tusa ai ma le molimau a le Ofisa o le Loia Sili, ua tele nua tupe faaalu a le Matagaluega mo le aumaia o Fomai faapitoa nei e aofia ai pasese o vaalele, totogi o apitaga ma le totogiina o le auaunaga a o i ai i totonu o Samoa.

IUGAFONO:

E fautuaina e le Komiti le Fono Aoa Faitulafono ina ia faamaonia le:

- P.P.2014/2015 Nu.51, Lipoti Faaletausaga a le Ofisa o le Loia Sili mo le Tausaga Faaletupe na faaiuina i le aso 30 Iuni 2013.”

27 IANUARI 2015

P.P.2014/2015 Nu.172, Lipoti a le Komiti o Faafoga tau Pulega a le Malo i le P.P.2014/2015 Nu.51, Lipoti Faaletausaga a le Ofisa o le Loia Sili mo le tausaga faaletupe 2012/2013 – Iloiloga

FOFOGA FETALAI: Malo faafetai i lau Afioga i le Taitaifono. Tulai mai le sui usufono mo Faasaleleaga Nu.2.

Susuga PAPANII LIO FAAVAIVAIOMANU TAEU MASIPAU: Lau Afioga i le Fofoga Fetalai, faafetai i le Komiti i fautuaga e pei ona i ai se manaoga mo se tatou Pathologist po o se fomai faapitoa mo taotoga faaletulafono. E manaia le fautuaga ma ou te talitonu o lo o faafogafoga mai le Minisita aua o le tasi lenei mataupu sa laga i le amataga o le Paeaiga lenei. Sa faapea mai le Minisita o lea o le a vaavaai ma ua i ai e ua aooga faapitoa ai. Peitai ane, o lea ua matau atu e oo mai i le taimi lenei e leai. E faatauaina ai la le tulaga lea e pei ona laga e le Ofisa o le Loia Sili ona o le tau.

O le isi itu e silasila i ai le paia o le Maota, o le taliga o nai aiga pe a faapea o moomia se taotoga faaletulafono. O le tele lava o nai aiga e tutupu loa faalavelave faapea, manatu loa ia vave ona faataunuu sauniga ma teu, a o le tulaga lea e i ai e pei o lo o faatali ina ia maua se fomai mo taotoga ia.

FOFOGA FETALAI: Tulai mai lau Afioga i le Taitaifono, e manatu pau lea o le mea e afea o se tatou fomai faapitoa.

Tofa Hon TUUU ANASHI LEOTA: Faafetai, faafetai i le finagalo o le sui usufono na saunoa nei, o le tulaga lena o lo o ua tapena nei i ai le ofisa ma ua amata foi ona sailia, masalo e le o toe umi. Ma lou faaaloalo.

FOFOGA FETALAI: Malo.

Na faamaonia le Lipoti.

FOFOGA FETALAI: E tusa ai ma le Tulafono Tumau 54, e ao i le Malo ona tuuina mai i le Fono Aoao se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoao le Lipoti.

P.P. 2014/2015 NU. 173, LIPOTI A LE KOMITI MO OFISA O LE PALEMENE I LE P.P. 2014/2015 NU. 4, LIPOTI FAALETAUSAGA A LE PENISIONE A LE PALEMENE MO LE TAUSAGA 2013 – Iloiloga

Afioga MUAGUTUTAGATA FAAMAUSILI AUIMATAGI PETER AH HIM: Faafetai i lau Afioga i le Fofoga Fetalai, lau Afioga i le Fofoga Fetalai ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ana Saililiga, Fautuaga ma Iugafono.*

27 IANUARI 2015

**P.P. 2014/2015 Nu. 173, Lipoti a le Komiti mo Ofisa o le Palemene i le
P.P. 2014/2015 Nu. 4, Lipoti Faaletausaga a le Penisione a le Palemene
mo le tausaga 2013 – Iloiloga**

Faaluaina e le Sui Fofoga Fetalai, se tasi o sui usufono mo Palota Taitoatasi, Susuga Hon Papaliitele Niko Lee Hang, se tasi o sui usufono mo Faasaleleaga Nu. 1, Afioga Hon Gatoloaifaana Amataga Alesana Gidlow, ma se tasi o sui usufono mo Palota Taitoatasi, Afioga Maualaivao Pat Ah Him.

FOFOGA FETALAI: Tulai mai le Taitaifono.

**Afioga MUAGUTUTAGATA FAAMAUSILI AUIMATAGI PETER
AH HIM:** Lau Afioga i le Fofoga Fetalai:

“FAUTUAGA:

I le faia i luga o ana Sailiiliga e fautuaina ai e le Komiti le Malo e faapea:-

1. Ina ia toe silasila le Pulega ma le Komiti Faatonu mo se teuteuga i le Tulafono Autu (Tulafono o Penisione a le Palemene 1998) e mafai ai ona tuufaatasia alauni (allowances) ma totogi (basic salary) a sui usufono a le Palemene ona faatoa galueaiina lea o le 10% o le saofaga atoa mo sui usufono mo le Penisione a le Palemene;
2. Ia tuuina mai faamatalaga auiliili o saofaga o Penisione a le Palemene faavaitaimi mo le silafia ai e sui usufono le tulaga o i ai a latou saofaga;
3. Ia silasila le Pulega ma le Komiti Faafae mo le sailia o se kamupani po o se alo o le atunuu e i ai le agavaa po o le tomai faufautua faapitoa mo le mataituina o Penisione a le Palemene. E manatu le Komiti o le a tele se vaegatupe e faasaoina mai pe a i ai se tasi e i ai le agavaa faapitoa mo lenei auunaga.

IUGAFONO:

E fautuaina e le Komiti ia le Fono Aoao Faitulafono ina ia faamaonia le:

- **P.P. 2014/2015 Nu. 4, Lipoti Faaletausaga a le Penisione mo le Palemene mo le Tausaga Faaletupe na faaiuina i le aso 30 Iuni 2013.”**

Ma lou faaaloalo lava.

27 IANUARI 2015

**P.P. 2014/2015 Nu. 173, Lipoti a le Komiti mo Ofisa o le Palemene i le
P.P. 2014/2015 Nu. 4, Lipoti Faaletausaga a le Penisione a le Palemene
mo le tausaga 2013 – Iloiloga**

FOFOGA FETALAI: Malo. Tulai mai le sui usufono mo Faleata Sisifo.

Tofa LEALAILEPULE RIMONI AIAFI: Faafetai i lau Afioga mo le avanoa, e puupuu le manatu.

Muamua, faafetai i le Tamaitai Pule ma le NPF i le vaaiga o le tatou Penisione aemaise le faafaigaluegaina o tatou tupe, a o lau fesili i le Afioga i le Taitaifono, i le mea e saunoa i ai i le Fautuaga lea e faapea mai e tuufaatasi o tatou alauni ma totogi ona fai ai lea o le 10%. O lea ou te fia fesili, o fea tonu alauni ia e refer i ai lea e taua mai e le Komiti, alauni o Fonotaga foi ia Faa-Palemene, alauni o fonotaga Faa-Komiti? Aua e le mafai ona tatou iloa le aofai o alauni e tatou te maua i le tausaga, seia vagana e fua i fonotaga ma tulaga faapena. O le mea la lena o lea e fesili ai i le Afioga i le Taitaifono, pe na fai se suesuega a le Komiti, pe mafai ona faatino lea mea? E faigofie, ou te auai, ae ou te le iloa pe faapefea po o le a se formula e faaoga ai, pe na galue la e latou e mafai ona faatino lea tulaga?

Lona lua, o le mea foi lea sa tatou talanoaina ananafi le Death Benefit, ou te le o mataua leaga ua leva ona laga muamua le mea lea pe entitle ai tatou i le Penisione lea? E pei lava ua mafai ea? Ae toe fesili i le Afioga i le Taitaifono pe na toe saili e agavaa ai tatou? Aua tatou te le iloa le taimi e oo mai ai le valaau a le Atua i le tagata, a o maua lea mea e fesoasoani ia te outou i o outou lauava, ma le faaaloalo lava, faafetai.

FOFOGA FETALAI: Ia o lea lava e i ai le Death Benefit a tatou o le mea masani, o ai e lagia ona fai atu lea e Fepuleai le submission e ave ai i le Kapeneta, ia ona faafoe ai lea, e i ai tulaga masani e pei ona i ai.

Se i tulai mai lau Afioga i le Taitaifono.

Afioga MUAGUTUTAGATA FAAMAUSILI AUIMATAGI PETER AH HIM: Faafetai i le sui usufono mo le faafesili.

Lau Afioga e tele lava se taimi a le Komiti nei sa faatalatalanoa le mataupu nei, ona o le Penisione lea e aafia uma ai tatou, ma o le matau a le Komiti nei ia mo le faateleina o tupe o tatou nei o sui usufono, o le ala lena o le talosagaina o le tulaga lea.

O le 10% lea e fai i luga o le tatou basic salary, a o mo alauni, ia o alauni ia o tatou fono ma tulaga faapena, e tatau lava la e le faapea e tau mataua uma alauni o lea tausaga, e leai, aua a tatou fono lava i totonu o Komiti, ia ona e iloa lea o lou alauni, o i ina la e taumafai e tuufaatasi, ia ona fai laia lea. O lona uiga o le tali atu, e iloa lava e i ai le tulaga e iloa ai alauni, ae le faapea o ni alauni foi lea taumate, ma le faaaloalo.

FOFOGA FETALAI: Ia tulai mai le Afioga i le Sui Fofoga Fetalai, tulai mai le sui usufono mo Palauli Sisifo.

27 IANUARI 2015

**P.P. 2014/2015 Nu. 173, Lipoti a le Komiti mo Ofisa o le Palemene i le
P.P. 2014/2015 Nu. 4, Lipoti Faaletausaga a le Penisione a le Palemene
mo le tausaga 2013 – Iloiloga**

Tofa AGAFILI PATISELA ETEUATI TOLOVAA (Palauli Sisifo): Lau Afioga i le Fofoga Fetalai, e fesoasoani atu i le matou Taitaifono. O le suesuega a le Komiti, a faapea e maua lau gross i le lua vaiaso, ona tax atoa lea o le basic salary ma ou alauni, ae a oo i le taimi e galueaiina ai le saofaga a le sui usufono, e fai mai luga o lana basic salary ae le lavea ai ona alauni. E manatu la le Komiti, e le talafeagai, a faapea o lea e tax le gross earning a le sui usufono i le lua vaiaso, e tatau foi ona galueaiina mai i ina le 10%, aua e faapena foi le galueaiina o saofaga a sui lautele o le NPF, e galueaiina mai le gross, ae le galueaiina mai i le basic salary, a maua ni a latou ovataimi, ona galueaiina faatasi mai ai lea. O le faamalamalama lea ma le faaaloalo.

FOFOGA FETALAI: Malo. Ua manino ma malamalama le taumafai mai a le Komiti.

Tofa LEALAILEPULE RIMONI AIAFI: O lea la ua ou faamaonia le mea e toe fia afio ai le Sui Fofoga Fetalai e fia faiaoga Maths, o le matua malamalama lelei, e sao la, o le gross la i le fortnightly, a? Ae le o le mea lea pei ona tau saunoa mai le susuga i le Taitaifono, faafetai.

Na faamaonia le Lipoti.

FOFOGA FETALAI: E tusa ai ma le Tulafono Tumau 54, e ao i le Malo ona tuuina mai i le Fono Aoao se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoao le Lipoti.

**P.P. 2014/2015 NU. 186, LIPOTI A LE KOMITI O MATAUPU TAU
FAAMASINOGA, LEOLEO & FALEPUIPUI MA FAAMASINOGA O
FANUA & SUAFA I LE P.P. 2014/2015 NU. 92, LIPOTI
FAALETAUSAGA A LE KOMISI O LE TOEFUATAIGA O
TULAFONO A SAMOA MO LE TAUSAGA FAALETUPE 2012/2013
– Iloiloga**

Tofa TUISA TASI PATEA: Lau Afioga i le Fofoga Fetalai ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana Sailiiliga, Fautuaga ma lugafono.*

Faaluaina e le sui usufono mo Gagaifomauga Nu. 1.

FOFOGA FETALAI: Tulai mai le sui usufono mamalu.

27 IANUARI 2015

**P.P. 2014/2015 Nu. 186, Lipoti a le Komiti o Mataupu tau
Faamasinoga, Leoleo & Falepuipui ma Faamasinoga o Fanua &
Suafa i le P.P. 2014/2015 Nu. 92, Lipoti Faaletausaga a le Komisi
o le Toefuataiga o Tulafono a Samoa mo le tausaga faaletupe
2012/2013 – Iloiloga**

Tofa TUISA TASI PATEA: Lau Afioga i le Fofoga Fetalai, ua fautuaina e le Komiti o Faamasinoga, Leoleo & Falepuipui ma Faamasinoga o Fanua ma Suafa le Fono Aoaofaitulafono ina ia faautagia lana Lipoti:

FAUTUAGA:

I le maea ai o iloiloga a le Komiti na faaiugafonoina ai e fautuaina le Malo ina ia:-

1. Tuuina atu le lagolago e ala i vaegatupe faatatauina mo le Komisi ona ole tele o ana galuega faatino taua o lo o fuafuaina mo le siitia o le auaunaga tuuina mo le atunuu lautele, ia silasila totoa i le taua o le faatinoina o galuega a le Komisi, ina ia mafai ona oo ma pai atu polokalame nei i le lautele o le atunuu atoa ma ia malamalama tagata uma i tulafono iloiloa a le atunuu.

IUGAFONO:

I le maea ai o iloiloga a le Komiti, na faaiugafonoina ai e fautuaina le Fono Aoaofaitulafono, **Ina ia faamaonia P.P. 2014/2015 Nu. 92, Lipoti Faaletausaga a le Komisi o le Toefuataiga o Tulafono a Samoa mo le Tausaga Faaletupe 2012-2013.”**

Ma lou faaaloalo lava.

FOFOGA FETALAI: Malo.

Na faamaonia le Lipoti.

FOFOGA FETALAI: E tusa ai ma le Tulafono Tumau 54, e ao i le Malo ona tuuina mai i le Fono Aoaofaitulafono se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoaofaitulafono le Lipoti.

27 IANUARI 2015

**P.P. 2014/2015 NU. 187, LIPOTI A LE KOMITI O MATAUPU TAU
FAAMASINOVA, LEOLEO & FALEPUIPUI I LE P.P. 2014/2015 NU.
123, LIPOTI FAALETAUSAGA A LE MATAGALUEGA O
FAAMASINOVA MA LE FAAFOEINA O TULAGA TAU
FAAMASINOVA MO LE TAUSAGA FAALETUPE 2012/2013
– Iloiloga**

Tofa TUISA TASI PATEA: Lau Afioga i le Fofoga Fetalai ou te faatu le lafo, *Ina ia faautagia e leni Fono Aoa le Lipoti a le Komiti o lo o tuuina atu ai ana Saililiga, Fautuaga ma Iugafono.*

Faaluaina e le sui usufono mo Gagaifomauga Nu. 1, le sui usufono mo Palauli, ma le sui usufono mo Aiga i le Tai.

FOFOGA FETALAI: Tulai mai le Taitaifono.

Tofa TUISA TASI PATEA: Lau Afioga i le Fofoga Fetalai, ua fautuaina e le Komiti o Faamasinoga, Leoleo & Falepuipui, ma Faamasinoga o Fanua ma Suafa le Fono Aoa ina ia faautagia lana Lipoti.

“FAUTUAGA:

I le maea ai o iloiloga a le Komiti na faaiugafonoina ai e fautuaina le Malo ina ia:-

1. Silasila i ni aiaiga talafeagai mo le filifilia o ni Faamasino agavaa ma talafeagai mai le Faamasinoga Mauuluga ma le Faa-Itumalo e avea ma Sui Peresetene e taitaia iloiloga a le Faamasinoga o Fanua ma Suafa mo so o se Talosaga Apili. O lea tulaga o le a vave tagofia ai le tele o mataupu e le i tagofia i le taimi nei, ma vave ai ona tali atu i faasea a le atunuu lautele.
2. Tuuina atu le lagolago e ala i le siitia o Vaegatupe Faatatauina mo le Matagaluega e fesoasoani ai i le faatupeina o nisi o ana galuega faatino o lo o ave i ai lana faamuamua i le taimi nei.

IUGAFONO:

I le maea ai o iloiloga a le Komiti, na faaiugafonoina ai e fautuaina le Fono Aoa, **Ina ia faamaonia P.P. 2014/2015 Nu. 123, Lipoti Faaletausaga a le Matagaluega o Faamasinoga ma le Faafoeina o Tulaga tau Faamasinoga mo le Tausaga Faaletupe 2012-2013.”**

Faafetai.

27 IANUARI 2015

P.P. 2014/2015 Nu. 187, Lipoti a le Komiti o Mataupu tau Faamasinoga, Leoleo & Falepuipui i le P.P. 2014/2015 Nu. 123, Lipoti Faaletausaga a le Matagaluega o Faamasinoga ma le Faafocina o Tulaga tau Faamasinoga mo le tausaga faaletupe 2012/2013 – Iloiloga

FOFOGA FETALAI: Malo, tulai muamua mai le sui usufono mo Aana Alofi Nu. 3.

Afioga TOELESULUSULU CEDRIC POSE SALESA SCHUSTER: Faafetai i lau Afioga i le Fofoga Fetalai mo le avanoa. E faamalo atu foi i le Taitaifono ma le Komiti e tusa o le latou Lipoti ua tauaoina nei.

Ona pau le fesili lau Afioga i le Fofoga Fetalai ona o lea e matau atu i le fautuaga lona lua, o le fesili po o a tonu vaega ia ona e pei ona pasia i le Tala Faatatau o le Tupe ma le tele o nisi o fuafuaga a lo tatou Malo, aua o lea e naunau lava i le faaogaina o seleni ae utiuti seleni a lo tatou Malo o lo o i ai. O lea o lo o i ai le fautuaga taua, po o a tonu vaega e ao ona naunau e faatino, ma o lo o manaomia ai le seleni i lea Matagaluega.

O le agaga o le fesili lau Afioga i le Fofoga Fetalai, e pei e ao foi ona faamaoti mai i totonu o fautuaga po o a tonu vaega ia e manaomia ai le fesoasoani pe afai e le o mafai ona maua i le taimi nei mo le lumanai e tusa o le Tala o le Tupe, faafetai.

FOFOGA FETALAI: Se i tulai mai le sui usufono mo Faleata Sisifo.

Tofa LEALAILEPULE RIMONI AIAFI: E tau taga tutusa lau fesili ma le fesili a le sui usufono. A e tagai i le Lipoti, e 9% le siitia o le tupe faaopoopo mai le Tala o le Tupe 2012/2013. O lona uiga la e foliga mai i le Lipoti a le Komiti, e le taitai lava. Ia manatua foi lau Afioga i le Fofoga Fetalai, e leai lava se Matagaluega a le Malo e omai faapea mai e lava a latou tupe. O lou talitonuga i le vaega lea e moomia lava e Matagaluega uma tupe faaopoopo i lea tausaga ma lea tausaga. A fua i ai, e 9% le faaopoopoga lea e i ai mai le isi tausaga i le isi tausaga, a o lea e faapea mai e le lava. O lona uiga e tataua ona toe tagai i ai aua tasi foi lea Matagaluega o lo o faaopoopo pea tagata faigaluega ina ia faamama avega i a latou galuega o lo o fai.

O le mea lea e fesili atu ai i le Taitaifono i le tulaga lea, po o le a tonu lava e pei foi ona fesiligia e le sui usufono ua tuanai atu. A o le mea taua lea e taua i inei, o le mea lea e tau o le Legal Aid lea foi na tatou talanoa ai i le isi taimi, ona o lea e tumau lava le tupe lea e ave i ai. E talitonu e lagolagoina e lou sui usufono pe afai e itemize lelei mai tulaga ia e ala ai ona manaomia le fesoasoani lenei ma e faigofie ai foi ia tatou ona taliaina tupe faaopoopo i lea tausaga i lea tausaga.

O le isi vaega taua lau Afioga i le Fofoga Fetalai, aua o le Lipoti lenei o le 2012/2013, o lau lava fautuaga i le tele o Matagaluega, ua pei o se avega mamafa ia i latou nei mea o Lipoti Faaletausaga. A o lou talitonuga, o se mea faigofie tele aemaise lava Matagaluega a le Malo o lo o sue tusi e le Ofisa o le Pule ma Suetusi Sili.

27 IANUARI 2015

P.P. 2014/2015 Nu. 187, Lipoti a le Komiti o Mataupu tau Faamasinoga, Leoleo & Falepuipui i le P.P. 2014/2015 Nu. 123, Lipoti Faaletausaga a le Matagaluega o Faamasinoga ma le Faafocina o Tulaga tau Faamasinoga mo le tausaga faaletupe 2012/2013 – Iloiloga

E leai se faigata aua na o le lisi lava i lalo o galuega fai o lenei tausaga ma tupe faaalu uma, ma le tigaina fua e faamafiafia ma faatele, ae leai se taua tele. A o le taua o le tolaulau mai o galuega na fai i lenei tausaga ma le tupe na faaaluina, uma.

Ma le faaaloalo lava, faafetai.

FOFOGA FETALAI: Ia, Mr Chairman.

Tofa TUISA TASI PATEA: Faafetai lava mo faafesili a le sui usufono mamalu. Ou te talitonu e pei ona fesiligia po o a galuega fai ua mafua ai ona tuuina i totonu e lagolagoina le siitia o vaegatupe faatatauina mo le Matagaluega. O le tala moni, e matua tele lava galuega a le Matagaluega. E pei foi ona silafia e le Maota, o lea faatoa maea atu le tatou Family Court, o lea foi ua i ai le tatou Youth Court, ua i ai foi ma le fuafuaga mo le Alcohol and Drugs ma le tele o nisi o fuafuaga tataua a le Matagaluega e manaomia ai tupe.

E pei foi la ona taua e le sui usufono mamalu mo Faleata Sisifo le Legal Aid lea, o lena e pei ona manino foi i le fautuaga a le Komiti, na o le \$250,000 lena o lo o avatu e le Malo i le Matagaluega mo le Legal Aid, ae ua matauina foi o lo o tele lava le faatupulaia o o tatou tagatanuu mai lea tausaga i lea tausaga, faatasi ai foi ma le tele o le solitulafono. O lona uiga e tele lava vaegatupe o lo o manaomia e le Matagaluega e faaleleia atili ai le auaunaga lea.

O le tali atu lea i le ava ma le faaaloalo.

Afioga TOEOLESULUSULU CEDRIC POSE SALESA SCHUSTER: Lau Afioga i le Fofoga Fetalai, e pei o le vaega lea na ala ai ona avatu le fesili ona o lea e pei ona faailoa foi le manaomia o le increase, ae peitai ane e sau le faamatalaga o tupe maua a le Matagaluega o lea e alu i lalo, ae pe e le o i ai se fautuaga a le Komiti aua e tataua foi ona fautuaga i ai ina ia faaleleia le aoina o seleni ina ia alu i luga. Afai foi e sau ai le manaoga, e faigofie foi ona talia manaoga ae e le o le alu i lalo o tupe maua ae alu i luga manaoga, faafetai.

FOFOGA FETALAI: Masalo o lea e sau i le isi Lipoti lea e mulimuli mai leaga o lea e faatulaga mai e le Komiti e le uma ai a tatou Lipoti, ae tautuana ma le Komiti.

Afioga Afoafouvale John Moors: Lau Afioga i le Fofoga Fetalai í .

FOFOGA FETALAI: Se i tulai mai le Afioga ia Afoafouvale.

27 IANUARI 2015

P.P. 2014/2015 Nu. 187, Lipoti a le Komiti o Mataupu tau Faamasinoga, Leoleo & Falepuipui i le P.P. 2014/2015 Nu. 123, Lipoti Faaletausaga a le Matagaluega o Faamasinoga ma le Faafoeina o Tulaga tau Faamasinoga mo le tausaga faaletupe 2012/2013 – Iloiloga

Afioga AFOAFOUVALE JOHN MOORS: Ou te tulai atu ma le faaaloalo e fia avatu le lagolago i le Afioga i le Taitaifono ona o le fesoasoani atu aua le fesili lea e tusa ai ma le aoina o seleni. O le popolega lava foi o le Matagaluega ona e fua taimi e siitia ai tau o le aoina o seleni ma auaunaga. Aua a siitia foi, ona tulai mai foi lea o le la Itu ma faapea mai ua taugata auaunaga a le Matagaluega.

O isi galuega faaopoopo e moomia ai seleni e faapena ona faaopoopo i le Tala o le Tupe a le Matagaluega e le i maua, o le vaitau lenei o lea ua alualu i luma le soifuaga, e tataua ona i ai ni metotia fou faatekonolosi tatou te faaaogaina. O le taugata ia o ia ituaiga metotia, a o lo o taumafai le Matagaluega ia tuuina uma i totonu o vaega faatekonolosi faamaumauga eseese. O le polokalame lea o lea e taumafai le Matagaluega e ausia ina ia mafai ona faatumauina le saogalemu ma le malupuipuia o faaiuga o faamasinoga.

O le fesoasoani atu lea ma lou faaaloalo lava.

FOFOGA FETALAI: Malo faafetai fesoasoani i le Taitaifono o le Komiti.

Tofa LEALAILEPULE RIMONI AIAFI: Faamolemole lau Afioga i le Fofoga Fetalai e fia faasao le saunoaga a le sui usufono. Na ia faapea mai a sii ona tulai atu foi lea. O le mea lea ua i ai ua sii, a o le mea lea e finau atu ai matou ia faaleleia le aoina o tupe nei. E le iloa po o le tali lena, ae le o le oso i le tali faigofie. Aua e faigofie lava le sii aua o lona uiga we are paying for the efficiency i le aoina o tupe nei.

FOFOGA FETALAI: E manatu o lea ua malamalama lau Afioga i le Taitaifono. Ia tautuana foi mea ia e fautua atu ai sui usufono ina ia mataalia le faatinoga o fautuaga e ave i Komiti.

Na faamaonia le lafo.

FOFOGA FETALAI: E tusa ai ma Tulafono Tumau 54, e ao i le Malo ona tuuina mai i le Fono Aoao se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoao le Lipoti.

E manatu ona o lea ua tatou taunuu i lo tatou taimi malolo, ae tulai mai lau Afioga i le Palemia mo se lafo.

27 IANUARI 2015

LAFO MO LE SUIA O ITULA FONO

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai ma le mamalu o le Maota, ou te tulai atu e faatu le lafo, *Ina ia suia o tatou itula Fono e faapea: 9.00 i le taeao i le 1.00 i le aoauli ona toe amata ai foi lea i le 3.00 i le afiafi seia oo i le 7.00 i le po.*

Faaluaina e le Sui Palemia.

Na faamaonia le lafo.

FOFOGA FETALAI: O le agaga lena le tatou Maota i lenei vaega o le aso. Ou te masalo a lelei lava le faasologa nanei, ona tatou faaiu ai lea. E lelei foi lo tatou tigaina puupuu. O lea na talosaga atu i le tele ma le anoanoai o a tatou galuega. Ua outou silasila mai i le cue paper o le aso lenei, e le i afa? O lona uiga e tataua ona onosai mai le paia ma le mamalu o lo tatou Maota. E tele ma anoanoai a tatou Lipoti, o lea ua tatou i le Lipoti 13. A oo atu la nanei ua tatou ausia le Lipoti 43 ua manaia tele. E tele nisi o a tatou galuega o lo o faagasolo mai ona tatou saoloto loa lea i le Aso Faraile po o le Aso Toonai. E manaia lena e oo atu ai i se isi taimi ua mama a tatou galuega.

E faasilasila atu o lea ua saunia le tatou taumafataga masani o le aoauli leaga o lea ua toe suia o tatou taimi Fono. E le mafai ona faaitiitia le agaga faafetai e momoli atu i le Afioga i le Pule Sili o le STEC, Tofa Patea ona o fua o faaeleeleaga o lo o tua i ai le Ofisa o le Fono e ala i taumafataga. O faalifu fai ma faalifu talo ia tou te tausasami ai, o fua na o faaeleeleaga o le fesoasoani mai a le Tofa Loli.

Ou te faasilasila atu o le a faataatia ese Taulumaga a le Fono Aoao Faitulafono mo lana malologa seia aulia le itula e 3.00 i le afiafi.

Na faataatia ese Taulumaga a le Fono Aoao i le itula e 1:00 i le aoauli seia aulia le itula e 3.00 i le afiafi.

Na toe faaauau Taulumaga a le Fono Aoao i le itula e 3:00 i le afiafi.

FOFOGA FETALAI: E faasilasila atu o le a toe amataina Taulumaga a le Fono Aoao Faitulafono.

E momoli atu le agaga faafetai ma le faamalo i le tatou Maota i lenei vaega o le aso, e manatu o lea ua tatou tini taunuu i le tatou taimi tuupoina amata, ona i ai lea o le faamoemoe o le a amata malie le tatou Fono, e manatu foi o lea e maua o lea e agai mai nisi o Minisita ma nisi o sui usufono, e talitonu o le a le afaina lea o lea na uma ona faatulaga le tatou polokalame ma o lo o i ai foi le talitonuga o lo o tatou sosolo lava mai le aso analeila.

Ua tatou taunuu mai ..

27 IANUARI 2015

P.P. 2014/2015 Nu. 188, Lipoti a le Komiti o Mataupu Tau Faamasinoga, Leoleo & Falepuipui i le P.P.2014/2015 Nu.11, Lipoti Faaletausaga a le Matagaluega o Faamasinoga ma le Faafoeina o Tulaga Tau Faamasinoga mo le Tausaga Faaletupe 2011/2012 – Iloiloga

Afioga Hon Palusalue Faapo II: Lau Afioga i le Fofoga Fetalai í

FOFOGA FETALAI: Ia lau Afioga i le Taitai o le Itu Agai.

Afioga Hon Palusalue Faapo II: Ma le faaloalo lava, e le o lava le tatouí ..

FOFOGA FETALAI: O lea ua ou maua, o le ala lena o lou fai atu lau Afioga i le Taitai o le Itu Agai, o lea ua ou maua lou fingingalo, a lea ua tuu mai, tasi, lua ona atoa lea o le tatou fuainumera, e leí ..

Afioga Hon Palusalue Faapo II: Ia ona o Tulafono Tumau lava ma Tulafono o le Maota, ia tatou alu sese ia faapea.

FOFOGA FETALAI: Ou te manatu e leai, e le o ni upu e avane ai, ua e iloa foi o mea faapenei a atoa loa sao o le nuu ua fai le fonu. O le tulaga ia o la e tauavamea aua e tele tuatuagia ma tuatuaanoa. E le faapea o le taufaatauvaaina a o lea lava ua i ai lau Afioga i le Taitai o le Itu Agai. O lea ua atoa tagi le Kapeneta. E te toe faatali la i fea? O lea ua ou i ai, ua tataua ona faagasolo a tatou galuega. O lo o atoa ma ua onomea e pei o le taeao analeila. O lea tatou te sosolo lava i le quorum lena.

P.P. 2014/2015 NU. 188, LIPOTI A LE KOMITI O MATAUPU TAU FAAMASINOAGA, LEOLEO & FALEPUIPUI I LE P.P. 2014/2015 NU. 11, LIPOTI FAALETAUSAGA A LE MATAGALUEGA O FAAMASINOAGA MA LE FAAFOEINA O TULAGA TAU FAAMASINOAGA MO LE TAUSAGA FAALETUPE 2011/2012 – Iloiloga

Tofa TUISA TASI PATEA: Lau Afioga i le Fofoga Fetalai, e talitonu ua maea palegaaau le taliga o le sua i lenei itula o le aso i sui usufono uma o le Maota. Ua ou tulai atu e faatu le lafo, *Ina ia faautagia e lenei Fono Aoa le Lipoti a le Komiti o lo o tuuina atu ai ana Saililiga, Fautuaga ma Iugafono.*

Faaluaina e le sui usufono mo Palauli.

FOFOGA FETALAI: Ia tulai mai lau Afioga i le Taitaifono e saunoa i Fautuaga ma Iugafono.

Tofa TUISA TASI PATEA: Lau Afioga i le Fofoga Fetalai, ua fautuaina e le Komiti o Faamasinoga, Leoleo & Falepuipui, ma Faamasinoga o Fanua ma Suafa le Fono Aoa ina ia faautagia lana Lipoti.

27 IANUARI 2015

P.P. 2014/2015 Nu. 188, Lipoti a le Komiti o Mataupu tau Faamasinoga, Leoleo & Falepuipui i le P.P. 2014/2015 Nu. 11, Lipoti Faaletausaga a le Matagaluega o Faamasinoga ma le Faafoeina o Tulaga Tau Faamasinoga mo le tausaga faaletupe 2011/2012 – Iloiloga

“FAUTUAGA:

I le maea ai o Iloiloga a le Komiti na faaiugafonoina ai e fautuaina le Malo ina ia:-

1. Tuuina atu le lagolago mo le faaauauina o le poloketi o le Tuumasiniina o Faamaumauga a le Faamasinoga, ina ia mafai ona fesoasoani i le vave tuuina atu o faamaumauga moomia e le atunuu.
2. Faaauau pea le auina mai o Faamasino mai fafo i taimi talafeagai e fua i mataupu e moomia ai lo latou sao taua, ona o faafitauli ua matauina i sootaga o nisi o tatou Faamasino.
3. Tuuina atu le lagolago e ala i vaegatupe faatatauina mo le Matagaluega ona o le tele o ana galuega faatino taua o lo o fuafuaina mo le siitia o le auunaga tuuina mo le atunuu lautele.

IUGAFONO:

I le maea ai o Iloiloga a le Komiti, na faaiugafonoina ai e fautuaina le Fono Aoao, **Ina ia faamaonia P.P. 2014/2015 Nu. 11, Lipoti Faaletausaga a le Matagaluega o Faamasinoga ma le Faafoeina o Tulaga tau Faamasinoga mo le Tausaga Faaletupe 2011-2012.”**

FOFOGA FETALAI: Malo faafetai i lau Afioga i le Taitaifono. Tulai mai le sui usufono mamalu mo Aana Alofi Nu. 3.

Afioga TOEOLESULUSULU CEDRIC POSE SALESA SCHUSTER: Faafetai i lau Afioga i le Fofoga Fetalai mo le avanoa, faafetai foi i le Komiti mo le Lipoti, e faafesili i lau Afioga ona o lea e taua o lea ua digitize ia nisi o faaiuga a le Faamasinoga. O le fesili, po o lea la ua mafai ona access foi i ai ma le public pei ona i ai foi i isi website a le Paclii lea e i ai faaiuga, pe na o Faamasino lava o lo o mafai ona access i ai i le digitization lea ua fai. E matau atu foi o lea e faamoemoe e faatinoina lea iuga o Faamasinoga mo Fanua ma Suafa, po o le a se faataatiaga o i ai, pe mafai foi ona access i ai ia le general public, ae po o le a se faatatau i se vaiataimi e mafai ona faaiuina ai nei avanoa? Faafetai.

FOFOGA FETALAI: Malie lau Afioga i le Taitaifono, se i tuu atu le avanoa i le sui usufono mo Faleata Sisifo.

27 IANUARI 2015

P.P. 2014/2015 Nu. 188, Lipoti a le Komiti o Mataupu tau Faamasinoga, Leoleo & Falepuipui i le P.P. 2014/2015 Nu. 11, Lipoti Faaletausaga a le Matagaluega o Faamasinoga ma le Faafoeina o Tulaga Tau Faamasinoga mo le tausaga faaletupe 2011/2012 – Iloiloga

Tofa LEALAILEPULE RIMONI AIAFI: Faafetai lava i lau Afioga, faafetai foi i lau Afioga i le Taitaifono, aua o leaí .tatou te le i tuua sa tatou talanoaina le Lipoti o le 2012-2013, o lea la ua tatou toe foi i tua 2011 i le 2012 i le Matagaluega lava lea e tasi, e le afaina lea itu. Pau le mea lea e i ai, i le 2012 i le 2013, sa talosagaina ai e le Komiti ia le toe iloiloina lea o ni Faamasino Maualuga Faaitumalo e avea ma Sui Peresetene o Faamasinoga o Fanua ma Suafa, a o lea e matau e ono ia Faamasino sa faatautoina i le 2011. O le fesili la i lau Afioga, pe le i maua i ina nai sui e i ai lo latou agavaa e faasee atu i luga e fai ma Sui Peresetene e fesoasoani i lea vaega.

O lona lua, o le Records lea e taua i faamaumauga foi ia a o fia maua se faamaumauga ona o le tele o faila ua faatamaia ma ua leiloloa, po o ua maea lea vaega?

Ma le vaega mulimuli, i le tulaga lava lea o le aumaiga o Faamasino foi ia mai fafo, ona o lea e faapea e i ai ia feteenaiga. Ia tailo i ai, po o le mea o le Faamasinoga Maualalo o le Lands & Titles po o le Faamasinoga Maualuga lea i Faamasinoga lea e aumai ai ia nei Faamasino, e fia maua ai se malamalamaaga. Aua i lou talitonuga e le o lava Faamasino i le taimi nei i ia vaega, ae se i vagana le Court of Appeal. Ia ma le faaloalo lava, faafetai.

FOFOGA FETALAI: Malo, tulai mai lau Afioga i le Taitaifono.

Tofa TUISA TASI PATEA: E faafetai atu mo faafesili, o le fesili muamua i le polokalame lea o le tuumasiniina o faamaumauga a le Faamasinoga, digitization project, pei ona silafia e le Maota ma le mamalu foi o le atunuu, ua leva ona faagaioi lea fuafuaga, i le taimi o lenei Lipoti, o le tala na tuuina mai, ia ua faagasolo i le tatou Ofisa o Faamasinoga, pei lava ona taua foi e na o Faamasino i le taimi sa i ai, a o le fuafuaga o lo o i ai, o lo o fia faagasolo uma aua le silafia lautele o le atunuu. Ia ma le tulaga foi o lo o i ai, o lo o manaomia foi le faagasoloina ma le faaaauuina o lea poloketi, ina ia mafai foi ona cover ai ma le Lands & Titles. O le taua o lea fuafuaga ona o le tele o fuafuaga uma a le Faamasinoga e ao ona tuumasiniina ina ia faafaigofie ai le access o tagata uma, e faafaigofie ai foi ma galuega a le tatou Ofisa o Faamasinoga.

O le fesili a le sui usufono mamalu mo Faleata Sisifo, ia o Sui Peresetene e toaono. E moni le saunoaga, o fuafuaga lea e pei ona i ai, o le toaono lea o Faamasino tofiaina i le 2011 mo le Faamasinoga o Fanua ma Suafa. Ae pei foi ona avatu i se Lipoti o muamua le naunautaiga a le Komiti, ina ia ,afai ona faaogaina a tatou Faamasino po o i latou e onomea ona avea ma Faamasino o Faamasinoga Maualalo ma Faamasinoga Maualuga e taitaia a tatou Faamasinoga ia, ona o le tele foi o nisi o faasea a le atunuu o lo o i ai, e pei lava foi ona malie i saunoaga, ia o nisi o Faamasino e tau foi i nisi o tagata o le tatou atunuu, pei o le ala lea.

27 IANUARI 2015

P.P. 2014/2015 Nu. 192, Lipoti a le Komiti o Mataupu tau Faamasinoga, Leoleo & Falepuipui ma Faamasinoga o Fanua & Suafa i le P.P. 2014/2015 Nu. 12, Lipoti a le Komisi o le Toefuataiga o Tulafono a Samoa i le Pulega o Measina a Samoa, Lipoti 13/13 – Iloiloga

A o le Faamasinoga, o le Faamasino mai fafo pei ona taua, pei lava foi ona manino i nisi o tausaga ua mavae, e i ai a tatou Faamasino mai Ausetalia ma Niu Sila foi sa aumaia e fesoasoani i le tele o mataupu i le tatou Faamasinoga Maualuga. Ia o na fuafuaga, ia ona o nisi foi o le tele o galuega e fia faatautaia a le Ofisa o Faamasinoga i le Faamasinoga Maualuga, ma o le tulaga foi lena e tua i ai a tatou Faamasino po o le Afioga foi i le Faamasino Sili ma le mamalu o le Faamasinoga i afioga i alii ma tamaitai Faamasino, o lo o i ai nisi e mafai ona tua i ai pe a i ai se conflict of interest i nisi o Faamasino ma le mamalu o le atunuu.

O le tali atu lea, faafetai.

FOFOGA FETALAI: Malo.

Na faamaonia le Lipoti.

FOFOGA FETALAI: E tusa ai ma le Tulafono Tumau 54, e ao i le Malo ona tuuina mai i le Fono Aoao se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoao le Lipoti.

P.P. 2014/2015 NU. 192, LIPOTI A LE KOMITI O MATAUPU TAU FAAMASINOAGA, LEOLEO & FALEPUIPUI MA FAAMASINOAGA O FANUA & SUAFA I LE P.P. 2014/2015 NU. 12, LIPOTI A LE KOMISI O LE TOEFUATAIGA O TULAFONO A SAMOA I LE PULEGA O MEASINA A SAMOA, LIPOTI 13/13 – Iloiloga

Tofa TUISA TASI PATEA: Lau Afioga i le Fofoga Fetalai ou te faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana Sailiiliga, Fautuaga ma lugafono.*

Faaluaina e le sui usufono mo Gagairomauga Nu. 1, le sui usufono mo Palauli ma le sui usufono mo Aiga i le Tai.

FOFOGA FETALAI: Tulai mai lau Afioga i le Taitaifono.

Tofa TUISA TASI PATEA: Lau Afioga i le Fofoga Fetalai, ua fautuaina e le Komiti o Faamasinoga, Leoleo & Falepuipui, ma Faamasinoga o Fanua ma Suafa le Fono Aoao ina ia faautagia lana Lipoti:

“FAUTUAGA:

I le faia i luga o ana sailiiliga, e fautuaina ai e le Komiti le Malo:-

27 IANUARI 2015

P.P. 2014/2015 Nu. 192, Lipoti a le Komiti o Mataupu tau Faamasinoga, Leoleo & Falepuipui ma Faamasinoga o Fanua & Suafa i le P.P. 2014/2015 Nu. 12, Lipoti a le Komisi o le Toefuataiga o Tulafono a Samoa i le Pulega o Measina a Samoa, Lipoti 13/13 – Iloiloga

Ina ia faautagia le Lipoti a le Komisi o le Toefuataiga o Tulafono a Samoa, o lo o auiliili atu ai ana Fautuaga mo le Toefuataiga o le Lipoti Pulega o Measina a Samoa.

IUGAFONO:

I le maea ai o Iloiloga a le Komiti, na faaiugafonoina ai e fautuaina le Fono Aoa, **Ina ia faamaonia le P.P. 2014/2015 Nu. 12, Lipoti a le Komisi o le Toefuataiga o Tulafono a Samoa i le Pulega o Measina a Samoa, Lipoti 13/13.”**

FOFOGA FETALAI: Malo, e manatu ua malamalama lelei le tatou Maota i le Lipoti a le Komiti. Tulai mai le sui usufono mo Faleata Sasae.

Tofa AVEAU TUALA LEPALE NIKO PALAMO: Faafetai i lau Afioga i le Fofoga Fetalai, faafetai foi i le Taitaifono o le Komiti aemaise o le Komisi o lea sa auiliiliina lena Lipoti taua. O le Lipoti lena e ese le tele o le Lipoti lena, ona o lea aumai ai le faatagaga foi lea i measina po o vaaiga foi ia faa-Atunuu, a, i lalo e i ai se Komisi latou te vaaia. E i ai la vaega ia e i ai i i o le Lipoti e avatu ai sau fesili faamolemole. E i ai le vaega o le Lipoti lea e faapea mai, e mafai e le Komiti lea ona fai ni tulafono laiti e fua lea i le Tulafono lea e faaoga e le Ofisa o Faigafaiva e mafai ai ona latou pulea ia vaega ia, ae silasila foi, o le Tulafono lea e faaoga e le Ofisa o Faigafaiva, o lea e faaoga i luga o le sami, a o le Komisi lea e faatino i i, o luga o fanua tuusaoloto po o fanua faale-Aganuu. O le eseese lena o le vaega lea, e le tatau ona aumaia le Tulafono lea e faaoga nei e le Ofisa o Faatoaga e puipui ai ia i totonu .e faatusatusa i i i le Tulafono lea, e ese le vaega lea i luga o le sami, ese le vaega lea.

O le isi vaega o le Tulafono lea, o lea foi ua faatusatusa le isi vaega o le Tulafono lea i atunuu foi ia i fafo e mafai ona latou ownning ia mea nei, e mafai ona latou faataua, o lea e faatusatusa i atunuu i fafo e i ai ia le Atu Kuki ma vaega faapena, e le tatau ona faatusatusaina ia fanua tau Samoa fanua ia tau aganuu i vaega ia o atunuu ia i fafo, e le tatau ona faatusa ai le Tulafono lena. E tatau ona tagai i ai, o lau fautuaga i lau vaavaai i ai, e tatau lava ona tagatagai i le vaega lea, ona o fanua nei e talanoa ai, o mea foi nei o lea e tu i totonu o fanua faaleaganuu, maimoaga foi ia pei o le fale o le mau i Vaimoso, mataaga faapena lea e faatatau i ai le vaega lea.

E manaia le tele o vaega o le Tulafono e fesoasoani e atiae ma faaleleia ma puipuia, a o le isi vaega o le Lipoti lea po o le vaega o le Tulafono a le Komisi lea faapea e mafai ona latou faatauina, e mafai ona fai ni Tulafono laiti latou te pulea ai, e le auai le sui usufono o lena itumalo. Ma le faaaloalo lava.

27 IANUARI 2015

P.P.2014/2015 Nu.70, Lipoti a le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa i le P.P.2013/2014 Nu.82, Lipoti Faaletausaga a le Matagaluega o Faatoaga ma Faigafaiva mo le Tausaga a le Matagaluega o Faatoaga ma Faigafaiva mo le Tausaga 2011/2012 – Iloiloga

FOFOGA FETALAI: Se i tulai mai le Afioga i le Taitaifono.

Tofa TUISA TASI PATEA: Faafetai. E ese le faigata o le fesili a le sui usufono lea. Ae o le tali atu i lau Afioga i le sui usufono mamalu, e ese le taua o lenei Tulafono o lo o tau fuafua e le Samoa Law Reform Commission. E pei lava foi ona silafia le process o nei Tulafono, a maea le galuega lenei ona toe tuu atu lea i le Malo ma le Kapeneta, ona toe tuu mai ai loa lea i totonu o le Maota lenei. A maea lena, ona tuu atu foi lea i Komiti faa-Palemene. O lona uiga la, e tele lava le avanoa e mafai ai ona toe faatalanoaina fesoasoani ia e pei lava ona saunoa i ai le sui usufono mamalu, aua ou te talitonu e taua.

O le amataga o lenei fuafuaga na faatuina ai le Samoa Law Commission. E taua ona o avanoa nei e tilotilo ai i se Tulafono faavae e aiaia lelei aua le vaia o measina a le atunuu. E le gata la i measina faaleaganuu ma faalenatura, ae i ai foi ma measina o aganuu fefiloi. E pei lava ona avatu i le Lipoti a le Komisi, ua matagofie aiaiga a le Komisi i le tele o galuega, aua e le o se galuega na fai i se aso e tasi. E toatele i latou na fai o latou sao i lenei galuega, a o lea e le i taitai oo i ona iu. Ou te talitonu e i ai se taimi ona toe foi mai lea i le Kapeneta ma toe oo mai ai i le Maota lenei, ona toe faaalua foi lea i ai o finagalo i lenei Tulafono ona e taua mo le lumanai o Samoa.

Na faamaonia le Lipoti.

FOFOGA FETALAI: E tusa ai ma Tulafono Tumau 54, e ao i le Malo ona tuuina mai se Tali i totonu o le 90 aso ina ua maea ona pasia e le Fono Aoao lana Lipoti.

P.P.2014/2015 NU.70, LIPOTI A LE KOMITI O OLOA GAOSIA TULAGA MUAMUA, MATAUPU TAU PISINISI, ALAMANUIA MA LEIPA I LE P.P.2013/2014 NU.82, LIPOTI FAALETAUSAGA A LE MATAGALUEGA O FAATOAGA MA FAIGAFIVA MO LE TAUSAGA 2011/2012 – ILOILOGA

Afioga Hon LEAUPEPE TOLEAFOA APULU FAAFISI: Lau Afioga i le Fofoga Fetalai ou faatu le lafo, *Ina ia faautagia e lenei Fono Aoao le Lipoti a le Komiti o lo o tuuina atu ai ana Saililiga, Fautuaga ma Iugafono.*

Faaluaina e le sui usufono mo Siumu, sui usufono mo Gagaiformauga Nu.1 ma le sui usufono mo Sagaga le Falefa.

27 IANUARI 2015

P.P.2014/2015 Nu.70, Lipoti a le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa i le P.P.2013/2014 Nu.82, Lipoti Faaletausaga a le Matagaluega o Faatoaga ma Faigafaiva mo le Tausaga a le Matagaluega o Faatoaga ma Faigafaiva mo le Tausaga 2011/2012 – Iloiloga

Afioga Hon LEAUPEPE TOLEAFOA APULU FAAFISI: Lau Afioga i le Fofoga Fetalai;

“FAUTUAGA:

E fautuaina e le Komiti le Malo ina ia:-

1. Tuuina atu le lagolago e ala i ni vaegatupe faatatauina mo le Matagaluega e faatupeina ai:
 - Polokalame Faalauiloa a le Matagaluega o Faatoaga ma Faigafaiva. O ni polokalame taua tele, aua o le faamoemoega o le Afaifaatoaga mo a latou atinae tau faatoaga, o fautuaga e faasoa atu e le Matagaluega.
 - Toe Iloiloina o le Tulafono Autu a le Matagaluega o Faatoaga ma Faigafaiva 1959, mo aiaiga ua talafeagai ona toe suia, fuafua i lenei vaitau ma suiga ua faagaioi ai le auaunaga a le Matagaluega.
2. Mataitu pea e le Matagaluega aafiaga o le amu i le aloalo e afua mai i suiga o le tau (vevela o le la) ma le palapala tafua mai i vaitafe, ma tapena ni fofu talafeagai e foia ai le faafitauli. E tatau foi i le Matagaluega ona galulue faatasi ma le Matagaluega o le Punaoa Faalenatura ma le Siosiomaga ma le Pulega o le Suavai, i aafiaga o vaitafe i le soona taina o le vaomatua.
3. Fesootai le Matagaluega o Faatoaga i le mamalu o le Afaifaatoaga ma le atunuu lautele, i taimi e tufatufa ai anufe mafolafola mo faamoemoega e tineia ai le sisi Aferika ina ia mautinoa o lo o aofia uma itu o le atunuu o lo o tele ai lenei manu faalafua. E tatau foi ona sailiili lelei le Matagaluega i ni aafiaga o le anufe mafolafola, ona o lo o fesoasoani tele i le toe faaleleia o le palapala.
4. Silasila le Matagaluega o Faatoaga ma le Matagaluega o Punaoa Faalenatura ma le Siosiomaga i auala e faaitiitia ai le aofai o le manulele o le Myna (Myna Bird) i se aofaiga talafeagai, ae le o le tineia e pei ona fautuaina e le Matagaluega o Punaoa Faalenatura ma le Siosiomaga. O le itu taua i le silasila a le Komiti ona o le aoga o lea manulele i le atinae o manupapalagi i totonu o le atunuu.

27 IANUARI 2015

P.P.2014/2015 Nu.70, Lipoti a le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa i le P.P.2013/2014 Nu.82, Lipoti Faaletausaga a le Matagaluega o Faatoaga ma Faigafaiva mo le Tausaga a le Matagaluega o Faatoaga ma Faigafaiva mo le Tausaga 2011/2012 – Iloiloga

5. Vave faatautaia ni polokalame a le Matagaluega o Faatoaga ma Faigafaiva i le tineia o le manu-ai-niu ona ua matauina le toe faatupulaia o lea manu faalafua i le taimi nei. E tatau foi ona tapa le lagolago a le Matagaluega o Tina ma Tamaitai e ala i le galulue faatasi ai ma Sui o le Malo (Pulenuu).
6. Mataitu lelei e le Matagaluega o Faatoaga ma Faigafaiva le faasoasoina o vaegatupe o le Polokalame Fesoasoani mo faatoaga na aafia i le afa o Eveni i le tausaga 2012. Manatua le Komiti, e tatau ona faatonutonu lelei le faasoasoina o lea fesoasoani, ina ia mautinoa le faasopolia uma o le Aufaifaataoaga na aafia, ina ia ogatasi ma aiaiga o lea Polokalame Fesoasoani.
7. Toe faaauau le Polokalame o le faasao mo le figota o le maso (Green Mussel) ma le faisua i afioaga o Asau ma aofia atu ai ma le afioaga o Falealupo. O le filifilia o ia afioaga, ona e mautinoa e itiiti aafiaga o le siosiomaga faalenatura mo le ola lelei o figota ma ia. E moomia foi le mataalia o le Matagaluega o Faatoaga ma Faigafaiva i le mataituina ma le vaaia lelei o ia atinae i le taimi o le a faatino ai.

IUGAFONO:

E fautuaina e le Komiti le Fono Aoao ina ia faamaonia:

- **P.P.2013/2014 Nu.82, Lipoti Faaletausaga a le Matagaluega o Faatoaga ma Faigafaiva mo le Tausaga Faaletupe na faaiuina i le aso 30 Iuni 2012; ma**
- **Fautuaga a le Komiti ua tuuina atu i lalo.”**

FOFOGA FETALAI: Malo saunoa i lau Afioga i le Taitaifono. Ia, tulai mai le sui usufono mamalu Toeolesulusulu, sui usufono mo Aana Alofi Nu.3.

Afioga TOEOLESULUSULU CEDRIC POSE SALESA SCHUSTER: Faafetai i lau Afioga i le Fofoga Fetalai mo le avanoa. E faamalo atu i le Komiti. E talitonu ua maeaea suesuega a le Komiti i le faatinoina o a latou fautuaga. O nai faafesili e tusa ai o se tasi o fautuaga o lo o tuuina mai ai i le naunautai lea o le Komiti ina ia faaola pea le manu lea o le myna bird i totonu o Samoa, peitai ane lau Afioga i le Fofoga Fetalai, o lo o i ai foi polokalame a le Siosiomaga, e taumafai ina ia faaititia ai lenei manulele, ona o le tele foi o aafiaga.

27 IANUARI 2015

P.P.2014/2015 Nu.70, Lipoti a le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa i le P.P.2013/2014 Nu.82, Lipoti Faaletausaga a le Matagaluega o Faatoaga ma Faigafaiva mo le Tausaga a le Matagaluega o Faatoaga ma Faigafaiva mo le Tausaga 2011/2012 – Iloiloga

Ou te talitonu o lo o i ai i fautuaga i lea vaega, o le faafesili i le Afioga i le Taitaifono aemaise sui usufono o le Komiti o le a se itiiti i a outou suesuega, o le a se itiiti o manu nei e tatau ona i ai i totonu o Samoa, po o se sefulu po o se selau, ae po o le a foi se aoga o silafia e le Komiti e ao ona taofia ai ma faaolaina pea lenei manu faalafua.

FOFOGA FETALAI: Na pau lava lena o le fesili Leaupepe. Oi, ia se i malie la se i tuu atu le avanoa i le sui usufono mo Faleata.

Tofa LEALAIPEPULU RIMONI AIAFI: Lau Afioga, ona o lea e pei o le a feteenai ai Matagaluega a le Malo aua o le mea lea e i lou mafaufau, ia tineia ma faauma le manu lea o le myna bird. A o lea la ua fautua mai le Komiti e ala i le Matagaluega o Faatoaga, e leai, e tatau ona tuu ni nai manu foi nei e aoga foi. O le mea la lena o lea ua feteenai ai nei ma le mautu ai matou, po o fea tonu le mea lea e agai i ai le finagalo o le Malo aemaise le fautuaga. O le isi mea, o mea ia o sisi Aferika ma manu ainiu, o tulaga uma faapena, aua o lea e highlight mai i le Lipoti po o le a se tulaga o i ai. A o le mea lea ou te faaluaina le fesili a le sui usufono mamalu, e fia maua lava se tali vave i le aso faamolemole. Faafetai.

FOFOGA FETALAI: Ia, tulai mai lau Afioga i le Taitaifono o le Komiti.

Afioga Hon LEAUPEPE TOLEAFOA APULU FAAFISI: Lau Afioga i le Fofoga Fetalai, ma le faaaloalo lava ona o le fautuaga sa aumai i le Komiti e faapea o le atinae foi lenei o manupapalagi o faapena ona fuafuaina ina ia tasi le atinae o silasila i ai le Malo e tatau ona faatupulaia. Sa tapa foi i latou o e atamamai ma poto faapitoa i lea tulaga, o le latou faaaliga, o le tasi lea manulele e fesoasoani i le ola lelei o le manupapalagi lea o le myna bird, mo le utufiti ma tulaga faapena. Ia, ae pei ona manatu ai lea, eí .

FOFOGA FETALAI: Malie lava lau Afioga i le Taitaifono, se i avatu le avanoa i le Minisita lea e tau tulai mai. Tulai mai lau Afioga i le Minisita.

Tofa Hon FAAMOETAU LOA ULAITINO FAALE TUMAALII: Lau Afioga i le Fofoga Fetalai, ou te fia fesoasoani atu foi i le tulaga o le Lipoti lea leaga o le tulaga lava ia o le faiga faavae lea e alu ai le Matagaluega o le Siosiomaga, o le tineia lea o le manu faalafua lea o le myna bird. O le tulaga lava lena pei ona i ai nei. Atonu foi o le tulaga pei ona i ai le manulele lea ona o le tulaga foi lea o le faatamaia o le utu o le manupapalagi.

27 IANUARI 2015

P.P.2014/2015 Nu.70, Lipoti a le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa i le P.P.2013/2014 Nu.82, Lipoti Faaletausaga a le Matagaluega o Faatoaga ma Faigafaiva mo le Tausaga a le Matagaluega o Faatoaga ma Faigafaiva mo le Tausaga 2011/2012 – Iloiloga

O lo o i ai lava isi metotia e mafai ona foia ai le faafitauli lea, a o lea ua vaai le Matagaluega, aua o le myna bird lea na introduce, o lea ua faatamaia ai ma nisi manu foi ia, natural o Samoa, manu e fitoitonu lava ia Samoa i le tulaga lea e i ai, ua faatamaia ai tulaga o manufelegelele na. E pei la o le tulaga lena, ae le gata foi i lena, o le faaleaga ai lea o mea o fale ma mea faapena. E pei la o le tulaga lena o lea e i ai le Matagaluega, o le tulaga foi lea ina ia tineia le tulaga o leí ma o lo o galulue ai foi le Matagaluega. Ma lou faaaloalo lava.

FOFOGA FETALAI: Malo. Tulai maia lau Afioga i le Taitaifono o le Komiti.

Afioga Hon LEAUPEPE TOLEAFOA APULU FAAFISI: Ua ou iloa o le tali sao lea lau Afioga e ma le mamalu o le Palemene, aua e le au foi i ai se iloa o le Taitaifono, ae pei lava foi ona silafia, o le Polofesa le Minisita mo Punaoa Faanatura ma le Siosiomaga i le tulaga o lo o i ai, ae atonu e i ai isi vaega ia pei ona saunoa i ai le Afioga i le Minisita e le o maua e i latou sa faapena ona faamatalaina le faaaliga lea e tusa o le matou Lipoti. Ae afai o le sao lea e saunoa i ai le Afioga i le Minisita, e ioe foi i ai le Komiti ina ia faapena ona faaumatia le tulaga o lea foi manu faalafua, pe afai e mautinoa e i ai se isi faiga e ese mai le manu lea latou te tineia utufiti o le manupapalagi. Ma lou faaaloalo. Faafetai.

FOFOGA FETALAI: Ia, se i tulai mai le sui usufono mamalu.

Tofa Lealailepule Rimoni Aiafi: Ia o lea ua ou malamalama i le fesili ae po o le a la le finagalo o lau Afioga ae faaaogaina le Lipoti aua o lea e le o talafeagai.

FOFOGA FETALAI: Ia manatua foi Lealailepule o le a lava le tatou faatofalaiga ma le fautuaga a le Komiti, o lea lava e toe oo i le vaietele ona aumai ai lea o le faamalamalamaga o lea lava ua tali manino le Afioga i le Taitaifono ma tautino le solo a le tamaloa.

O lea ua tali manino le Minisita, the myna bird has to go, ua tele ina afaina miti ma iao ma manutagi ma mea na. O lona uiga o le faamalamalamaga lena, a o lea ua tautino foi, o lo o i ai le isi fofo. O le mea na aumai e tau togafiti ai nisi o faafitauli, ae ui i lea, o lea ua malamalama le faatulai mai.

Se i tuu atu la le avanoa i le sui usufono mo le Vaa o Fonoti.

27 IANUARI 2015

P.P.2014/2015 Nu.70, Lipoti a le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa i le P.P.2013/2014 Nu.82, Lipoti Faaletausaga a le Matagaluega o Faatoaga ma Faigafaiva mo le Tausaga a le Matagaluega o Faatoaga ma Faigafaiva mo le Tausaga 2011/2012 – Iloiloga

Afioga TIALAVEA FEA TIONISIO SEIGAFOLAVA (Vaa o Fonoti): Lau Afioga i le Fofoga Fetalai, faafetai lava mo le avanoa i lau Afioga, ona o au o le sui usufono o le Komiti lea, e tatau foi ona silafia e le Maota o le Lipoti o le Lipoti a le Matagaluega o Faatoaga, ae le o le Lipoti a le Matagaluega o Punaoa Faanatura ma le Siosiomaga. E tatau la ona talanoa lelei le Matagaluega lea ma le Matagaluega o Faatoaga, ona o fautuaga ia na aumai i le Matagaluega o Faatoaga lea e avatu i le matou Lipoti. Faafetai.

FOFOGA FETALAI: Ia, pei o lea e maua'i o le fetufaaiga lava o finagalo. O lea foi e tulitatao mai le pitolaau a le Afioga i le Minisita mo le pui puiga o le oa faanatura. Ae atonu foi e i ai nisi o taimi ona fesootai lea leaga o lea e le o afio mai le Minisita mo Faatoaga, ona manino ai lea ma malamalama le mataupu.

Tulai mai lau Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai, o lea ua uma ona saunoa atu le Afioga i le Minisita, ma e o le mataupu lea e aafia ai faiga faavae. O lea la o lo o i ai tatou poloketi ia o lo o i ai nei, e agai tonu lava i le tapeina, tape lipi lava o le manu leni ona ua faitau miliona ma miliona tala tupe ia e le maua e le afaifaatoaga, aemaise lava o mea o fruit industry lea ua faaleaga e le manu leni. O le isi mea ua feoti ai foi tagata i le manu leni, i le tulaga lea o le felelele felelele i luga ae vaai mai ua tolotolo ane le loi ona faapea lea o se utu lele mai togi a i vae o tagata ma feoti atu ai foi ma tagata.

Lau Afioga i le Fofoga Fetalai, o le mea lena o lea ua tupu i le manu. O le matua faalafua ma o se tasi lea o polokalame o lo o tapa ai e le Malo fesoasoani mai fafo i se auala e vave tape ai. O lea o lo o i ai a tatou traps ua uma ona fausia, ae faigata tele.

O isi atunuu tai pei o Ausetalia latou te spray ina i mea o chemicals o vailaau, aemaise lava pe a oo i le po, o outou manatua foi pulu ia sa i luma o le fale o le Malo, e oo loa i le afiafi tumu ai i ina, o lea foi la sa faaoga i ai ia isi meatotia na, e vave usu tama e ta i vaveao e le i oso atu ni taavale e feseetai solo ai i luga o manu. Lau Afioga o le project lena a le Malo ou te manatu e le o se mea e faaumiumi ai ona tatou talanoa i lea vaega.

FOFOGA FETALAI: Ia se i tulai mai le Afioga i le Taitaifono.

Afioga Hon LEAUPEPE TOLEAFOA APULU FAAFISI: Lau Afioga ona o lea ua malele le Afioga i le Palemia e leai foi se matou tala e toe faasili.

27 IANUARI 2015

P.P. 2014/2015 Nu. 42, Tali atu a le Malo i le P.P. 2013/2014 Nu. 107, Lipoti a le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa i le P.P. 2012/2013 Nu. 76, Lipoti Faaletausaga a le Faalapotopotoga o le Esetete Tausi a Samoa mo le Tausaga 2011

Na pau o le itu o lea ou te tulai atu ai, o le fia puipua o le Matagaluega o Faatoaga, Faleoloa o Faatoaga ma Faigafaiva, ona o le latou lea faaaliga, e i ai le aoga, ae i le aotelega, o lea ua malele le Afioga i le Palemia, o le ala foi lena na faapuupu'u atu ai sa matou tala ina ia vave foia le faafitauli lea, aua o lea ua maua i le saunoaga a le Minisita mo Punaoa Faanatura ma le Siosiomaga, o lo o i ai isi fofo e fofo ai le faafitauli lea mo le atinaeina o manupapalagi, ma lou faaaloalo, a o le aotelega lea ua saunoa i ai le Afioga i le Palemia, ma le faaaloalo faafetai.

Na faamaonia le Lipoti.

FOFOGA FETALAI: E tusa ai ma le Tulafono Tumau 54, e ao i le Malo ona tuuina mai i le Fono Aoa se Pepa e tali atu ai i Fautuaga na tuuina atu i le Malo mai le Lipoti a le Komiti Filifilia ia le silia le 90 aso talu ona faamaonia e le Fono Aoa le Lipoti.

ILOILOGA O PEPA

P.P. 2014/2015 NU. 42, TALI ATU A LE MALO I LE P.P. 2013/2014 NU. 107, LIPOTI A LE KOMITI O OLOA GAOSIA TULAGA MUAMUA, MATAUPU TAU PISINISI, ALAMANUIA MA LEIPA I LE P.P. 2012/2013 NU. 76, LIPOTI FAALETAUSAGA A LE FAALAPOTOPOTOGA O LE ESETETE TAUSI A SAMOA MO LE TAUSAGA 2011

FOFOGA FETALAI: Tulai mai lau Afioga i le Minisita mo le Esetete Tausi a Samoa.

Tofa Hon FAAMOETAU LOA LEALAI AULOTO ULAITINO FAALE TUMAALII: Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoa le P.P. 2014/2015 o lo o tuuina atu ai Tali a le Malo i le P.P. 2013/2014 Nu. 107, Lipoti a le Komiti o Oloa Gaosia Tulaga Muamua, Mataupu tau Pisinisi, Alamanuia ma Leipa i le P.P. 2012/2013 Nu. 76, Lipoti Faaletausaga a le Faalapotopotoga o le Esetete Tausi a Samoa mo le Tausaga 2011, e tusa ai ma le Tulafono Tumau 54.*

Faaluaina e le Minisita mo Galuega, Felauaiga ma Atinae Eseeese ma le Minisita mo Leoleo ma Falepuipui.

FOFOGA FETALAI: Tulai mai lau Afioga i le Minisita.

27 IANUARI 2015

P.P. 2014/2015 Nu. 42, Tali atu a le Malo i le P.P. 2013/2014 Nu. 107, Lipoti a le Komiti o Oloa Gaosia Tulaga Muamua, Mataupu Tau Pisinisi, Alamanuia ma Leipa i le P.P. 2012/2013 Nu. 76, Lipoti Faaletausaga a le Faalapotopotoga o le Esetete Tausi a Samoa mo le Tausaga 2011

Tofa Hon FAAMOETAU LOA LEALAI AULOTO ULAITINO FAALE TUMAALII: Lau Afioga i le Fofoga Fetalai, mo le silafia e le Maota atoa ai ma le faafofogaaga a le atunuu, ou te faitauina atu ai ni Tali e uiga i Fautuaga i lenei Lipoti e faapea:

TALI ATU A LE MALO I LE P.P. 2013/2014 NU. 107, LIPOTI A LE KOMITI O OLOA GAOSIA TULAGA MUAMUA, MATAUPU TAU PISINISI, ALAMANUIA MA LEIPA I LE P.P. 2012/2013 NU. 76, LIPOTI FAALETAUSAGA A LE FAALAPOTOPOTOGA O LE ESETETE TAUSI O SAMOA MO LE TAUSAGA FAALETUPE NA FAAIUIINA ASO 30 IUNI 2011.

1. E talia ma le agaga faafetai e le Malo le fautuaga muamua a le Komiti, mo le lagolagoina malosi o atinae a le faalapotopotoga.
2. E lagolagoina e le Malo le fautuaga a le Komiti mo ni vaegatupe mai le Tala Faatatau o le Tupe a le Malo mo le puleaina ma le atinaeina o eleele o le Malo o lo o i lalo o le faalapotopotoga.
3. O se fautuaga talafeagai tele lenei, ina ia faamalosia ma faamuamua le faatinoga o lenei fautuaga taua tele, mo le feutagai ma faatino loa se sailiiliga o fanua o lo o i ai le MNRE, SLC ma le STEC ina ia manino lenei eleele o le Malo o lo o vaaia ma pulea e pulega nei e tolu o le Malo, aemaise o fanua na fesuai i lalo o le Tulafono o le Toe Faatulagaina o le Faalapotopotoga o Esetete Tausi o Samoa 1990, lea e i ai fanua na manino lava le tuu atu i le Malo ma fanua e toe tuuina mai i le STEC e pei o Lata, Savaii ma Falelima/Asau i Savaii. E faapena foi i isi fanua sa i ai i le STEC e le o i lalo o le Tulafono, ae ua liliu atu i le SLC e tusa ai ma le Lesitala o fanua i le MNRE.
4. Ua maea na faailoaina e le faalapotopotoga se 200eka o fanua i Faleolo mo atinae o faatoaga, e le faaaogaina ai ni vailaau (organic farming) ma e moomia le aufaigaluega togiaso e toatele mo le faatinoga o nei galuega, aua e vave tele le ola o le vao ma isi laau faalafua e aafia ai faatoaga e l faaaoga ai ni vailaau oona. O le toe totoina foi o le niu, koko ma le kofe ma isi laau e umi lona aoga e moomia ai le aufaigaluega atoa ai ma tologi talafeagai.

27 IANUARI 2015

P.P.2014/2015 Nu.43, Tali atu a le Malo i le P.P.2012/2013 Nu.96, Lipoti a le Komiti o le Soifua Maloloina, Galuega tau le Va Fealoai, Mataupu Tau Lotoifale ma Atinae o Afioga ma Agafesootai i le P.P.2011/2012 Nu.64, Lipoti Faaletausaga a le Faaputugatupe mo le Lumanai Manuia o Tagata Samoa mo le Tausaga Faaletupe Faaiuina aso 30 Iuni 2011

5. Talia foi e le Malo le fautuaga a le Komiti mo ni masini mo le atinae o auala o le fanua ma se taavale land cruiser pick up e faaoga mo le faatoaga, felauaiga o meafaigaluega, aufaigaluega ma galuega o faatoaga.

Ma lou faaaloalo tele.

Afioga Hon Palusalua Faapo II: Lau Afioga i le Fofoga Fetalai, na o se mea lava e fia faamalamalama. O le Tulafono Tumau e 54, e le o taua mai ai se mea faapea e le mafai ona i ai ni felafolafoaiga i Lipoti nei, o lea e manino lava.

FOFOGA FETALAI: O lea o le a ou faamalamalama atua le tulaga lena le Taitai o le Itu Agai, o lea o le a ou faamalamalama atua.

O lo o manino i lalo i tatou practice a le Palemene, o lo o i ai faiga faavae a le Palemene e ese mai na i le Tulafono Tumau. E faamalosi i lalo o le Tulafono Tumau le Tali mai a le Malo, a o le practice la, e tali mai le Malo i le Tali e amanaia pei o le mea lea na saunoa nei i ai le Afioga i le Minisita. O le Tali lava la e aumai, o le Tali lena e tau mai ai ua amanaia Lipoti sa tuuina atu e Komiti Faa-Palemene. Sa tatou faamalamalamaina foi i se tasi o tatou Fonotaga e le i mamao tele atu, ma o lo o sosolo ai lava i luga o tulaga na.

Na tuuina atu le Fesili ma ina ua manumalo le Ioe, na tulai loa Tali Atu a le Malo i le P.P. 2013/2014 Nu. 107, Lipoti a le Komiti o Oloa Gaosia Tulaga Muamua, Mataupu tau Pisinisi, Alamanuia ma Leipa i le P.P. 2012/2013 Nu. 76, Lipoti Faaletausaga a le Faalapotopotoga o le Esetete Tausi o Samoa mo le Tausaga Faaletupe Faaiuina aso 30 Iuni 2011 ua faamaonia.

P.P.2014/2015 NU.43, TALI ATU A LE MALO I LE P.P.2012/2013 NU.96, LIPOTI A LE KOMITI O LE SOIFUA MALOLOINA, GALUEGA TAU LE VA FEALOA, MATAUPU TAU LOTOIFALE MA ATINAE O AFIOAGA MA AGAFESOOTAI I LE P.P.2011/2012 NU.64, LIPOTI FAALETAUSAGA A LE FAAPUTUGATUPE MO LE LUMANAI MANUIA O TAGATA SAMOA MO LE TAUSAGA FAALETUPE FAAIUINA ASO 30 IUNI 2011

FOFOGA FETALAI: Tulai mai lau Afioga i le Minisita o Tupe.

27 IANUARI 2015

P.P.2014/2015 Nu.43, Tali atu a le Malo i le P.P.2012/2013 Nu.96, Lipoti a le Komiti o le Soifua Maloloina, Galuega tau le Va Fealoai, Mataupu Tau Lotoifale ma Atinae o Afioga ma Agafesootai i le P.P.2011/2012 Nu.64, Lipoti Faaletausaga a le Faaputugatupe mo le Lumanai Manuia o Tagata Samoa mo le Tausaga Faaletupe Faaiiina aso 30 Iuni 2011

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai ou te faatu le lafo, *Ina ia faamaonia e leni Fono Aoa le P.P. 2014/2015 Nu. 43 o lo o tuuina atu ai Tali a le Malo i le P.P. 2012/2013 Nu. 96, Lipoti a le Komiti o le Soifua Maloloina, Galuega tau le Va Fealoai, Mataupu tau Lotoifale ma Atinae o Afioga ma Agafesootai i le P.P. 2011/2012 Nu. 64, Lipoti Faaletausaga a le Faaputugatupe mo le Lumanai Manuia o Tagata Samoa mo le Tausaga Faaletupe Faaiiina aso 30 Iuni 2011, e tusa ai ma le Tulafono Tumau 54.*

Faaluaaina e le Sui Palemia.

FOFOGA FETALAI: Tulai mai lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Ona e umi le faasologa lea o le a alu atu, ae aua le poia Faleol , o le lava ua fia tofa, tofa.

Lau Afioga i le Fofoga Fetalai, e fia tuuina atu ma le faaaloalo tali tusitusia a le Ofisa o le NPF i mataupu ua fautuaina o lo o tuuina mai le Lipoti e pei ona taua i luga, ma o le a faagasolo atu i numera e pei ona i ai i lea Lipoti.

TALI ATU A LE MALO I PEPA 2012/2013 NU. 96, LIPOTI A LE KOMITI O LE SOIFUA MALOLOINA, GALUEGA TAU LE VA FEALOA, MATAUPU TAU LOTOIFALE MA ATINAE O AFIOAGA MA AGAFESOOTAI I LE P.P. 2011/2012 NU. 64 – LIPOTI FAALETAUSAGA A LE FAAPUTUGATUPE MO LE LUMANAI MANUIA O TAGATA SAMOA 2011.

Fautuaga 1:

Fautuaina le Faaputugatupe ina ia silasila totoa i le lumanai o Pisinisi ma Kamupani ua fuafua e tuuina atu i ai ana tupe (Sea) mo le faafaigaluega e faaitiitia ai tupe gau a le Faaputugatupe.

Tali a le NPF i le Fautuaga 1:

O lo o faaauau pea ona matua silasila totoa le Ofisa o le NPF i le faagasologa o tulaga o i ai Pisinisi ma Kamupani ua tuuina i ai tupe faafaigaluega a le Faaputugatupe (Sea), aua ni tupe maua mai ai, atoa ma le faamautinoaina o le faaitiitia o ni avanoa o ni tupe gau mai a le Faaputugatupe o le NPF.

27 IANUARI 2015

P.P.2014/2015 Nu.43, Tali atu a le Malo i le P.P.2012/2013 Nu.96, Lipoti a le Komiti o le Soifua Maloloina, Galuega tau le Va Fealoai, Mataupu Tau Lotoifale ma Atinae o Afioga ma Agafesootai i le P.P.2011/2012 Nu.64, Lipoti Faaletausaga a le Faaputugatupe mo le Lumanai Manuia o Tagata Samoa mo le Tausaga Faaletupe Faaiuina aso 30 Iuni 2011

Fautuaga 2:

Fautuaina le Faaputugatupe ina ia faaopoopoina ana tupe teu faafaigaluega i atunuu mamao o lo o lelei le tamaoaiga ina ia maua ai ni faasiliga lelei mo le Au Faisaofaga.

Tali a le NPF i le Fautuaga 2:

Ua amata nei fuafuaga a le Faaputugatupe e pei ona sa fautuaina ai mo le faamatuuina atu o ana tupe teu faafaigaluega i atunuu mamao, ma le fuafuaga e fia maua mai ai ni faasiliga lelei mo le Au Faisaofaga.

O lenei fuafuaga mamao o le a faaopoopo auauai ai tupe faafaigaluega a le NPF mai le 2% i le 10% i totonu o le lua i le tolu tausaga o lumanai i Faletupe ua maea ioeina e le Komiti Faatonu i totonu o Ausetalia.

(E) Manatu Aoaotetele e tusa ai o Fautuaga:

Lau Afioga i le Fofoga Fetalai, ua tinou pea le Komiti Faatonu aemaise ai o le Pulega e faatino fautuaga uma e tuuina mai, e tusa ma aiaiga o le Tulafono ua limataitaiina ai galuega faatino a le Faaputugatupe aua le manuia lautele o ana Sui Faisaofaga.

Tuuina atu ma le faaloalo tele.

Na tuuina atu le Fesili ma ina ua manumalo le Ioe, na tulai loa le P.P.2014/2015 Nu. 43, Tali Atu a le Malo i le P.P. 2012/2013 Nu. 96, Lipoti a le Komiti o le Soifua Maloloina, Galuega tau le Va Fealoai, Mataupu tau Lotoifale ma Atinae o Afioga ma Agafesootai i le P.P. 2011/2012 Nu. 64, Lipoti Faaletausaga a le Faaputugatupe mo le Lumanai Manuia o Tagata Samoa 2011 ua faamaonia.

27 IANUARI 2015

**P.P. 2014/2015 NU. 44, TALI ATU A LE MALO I LE P.P.2012/2013
NU. 90, LIPOTI A LE KOMITI O LE SOIFUA MALOLOINA,
GALUEGA TAU LE VA FEALOAI, MATAUPU TAU LOTOIFALE
MA ATINAE O AFIOAGA MA AGAFESOOTAI I LE P.P. 2011/2012
NU. 33, FAAMATALAGA O SINI AUTU A LE FAAPUTUGATUPE
MO LE LUMANAI MANUIA O TAGATA MO LE VAITAIMI
2012-2013**

FOFOGA FETALAI: Tulai mai lau Afioga i le Minisita o Tupe, lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoa le P.P. 2014/2015 Nu. 44 o lo o tuuina atu ai Tali a le Malo i le P.P. 2012/2013 Nu. 90, Lipoti a le Komiti o le Soifua Maloloina, Galuega tau le Va Fealoai ma Atinae o Afioga ma Agafesootai i le P.P. 2011/2012 Nu. 33, Faamatalaga o Sini Autu a le Faaputugatupe mo le Lumanai Manuia o Tagata mo le Vaitaimi 2012-2014, e tusa ai ma le Tulafono Tumau 54.*

Faaluaina e le Sui Palemia ma le Minisita mo Galuega Tau Alamanuia ma Atinae a le Malo.

FOFOGA FETALAI: Tulai mai lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai, ou te tuuina atu ma le faaaloalo Tali tusitusia i mataupu ua fautuaina o lo o tuuina mai i le Lipoti e pei ona taua i luga, ma o le a faagasolo atu i numera e pei ona i ai i lea Lipoti.

**TALI A LE MALO I LE PEPA 2011/2012 NU.33, FAAMATALAGA O
SINI AUTU A LE FAAPUTUGATUPE MO LE LUMANAI MANUIA
O TAGATA MO LE VAITAIMI 2012-2014.**

Fautuaga 1:

Silasila pea le Faaputugatupe i le faaleleia atili o le puleaina o ana tupe teufaafaigaluega mo le siitia o ana tupe maua aua ni tupe faasili mo faamanuiaga mo Sui Faisaofaga aemaise le lagolagoina o le tamaoaiga o le atunuu.

Tali a le NPF:

Ua faaauau pea ona tagai totoa le Komiti Faatonu aemaise o le Pulega i Tulafono ma Taiala, aemaise ai o aiaiga ua maea faataatitia aua le puleaina ma le faafaigaluegaina o ana tupe teufaafaigaluega, amaise ai o tului (interests) i luga o tupe o lo o faatino ai nonogatupe i le taimi nei, aua ni tupe faasili mo faamanuiaga tuuina atu i ana Sui Faisaofaga.

27 IANUARI 2015

**P.P. 2014/2015 Nu. 44, Tali Atu a le Malo i le P.P.2012/2013
Nu. 90, Lipoti a le Komiti o le Soifua Maloloina, Galuega Tau Le Va
Fealoai, Mataupu Tau Lotoifale ma Atinae o Afioga ma Agafesootai i le
P.P. 2011/2012 Nu. 33, Faamatalaga o Sini Autu a le Faaputugatupe mo
le Lumanai Manuia o Tagata mo le Vaitaimi 2012-2013**

Ua iloiloaina pea foi ma faatusatusa Tului o Nogatupe faamatuu atu i Tului a isi Faletupe, ina ia mautinoa le lelei o tupe faasili e aoina mai, aua le toe faasafua atu mo faamanuiaga a Sui Faisaofaga.

E pei ona faamauina i Tala o le Tupe i tausaga taitasi, ua faatupulaia meatotino aemaise o tupe faaputupu a le Faaputugatupe o le NPF, ma o se tulaga lelei lea mo Sui Faisaofaga. O le a mataitu pea itu uma, ina ia faaaauu ona lelei ni faamanuiaga e tuuina atu i Sui Faisaofaga a le NPF i tausaga taitasi.

Avea lenei avanoa e faafetaia ai le Komiti i fautuaga ua tuuina mai, aua le lelei alualu i luma o la tatou Faalapotopotoga o le NPF.

Fautuaga 2:

Silasila i nisi auala e siitia ai pasene o faamanuiaga (ponesi) e tuuina atu i le Aufai-Saofaga i tausaga taitasi.

Tali a le NPF:

E faamauina le agaga faafetai o le tatou Faalapotopotoga i le Komiti ona o fautuaga tuuina mai.

Mo le silafia e le Komiti mamalu, o faamanuiaga tau Tului o lo o faaopoopo atu i luga o Saofaga a Sui, e faalagolago lea i tupe faasili a le Faaputugatupe e maua mai i ana teugatupe faafaigaluega, i tausaga Faaletupe taitasi. E tusa ma le 98% o tupe faafaigaluega a le NPF o lo o faafaigaluega i totonu lava o Samoa. O ni faasiliga o ia tupe faafaigaluega ua faalagolago lava i le tamaoaiga o si o tatou atunuu, a o lo o tatou maitauina faatasi le utiuti o avanoa e faatupulaia o lea tulaga i le taimi nei.

Ona o lea tulaga, ua tinou ai pea le Komiti Faatonu e sailiili matagi, ma tuuina atu ai loa i Faletupe i fafo le 2% o ana tupe teufaafaigaluega faavaitaimi, e pei ona teuina ma faafaigaluega ai nei i le Black Rock i Ausetalia lea vaega o ana seleni faafaigaluega. Ua i ai le fuafuaga e faaopoopo faasolosolo lenei vaega o aseta tau tupe teu-faavaitaimi i totonu o Ausetalia seia oo ina ausia le 10% i totonu o le lua i le tolu tausaga. O lenei taumafaiga o le naunau lava lea ia lelei ma faatupulaia ni faamanuiaga tau Tului e tuuina atu i Sui Faisaofaga o le NPF.

27 IANUARI 2015

**P.P. 2014/2015 Nu. 44, Tali atu a le Malo i le P.P.2012/2013
Nu. 90, Lipoti a le Komiti o le Soifua Maloloina, Galuega tau le Va
Fealoai, Mataupu tau Lotoifale ma Atinae o Afioaga ma Agafesootai i le
P.P. 2011/2012 Nu. 33, Faamatalaga o Sini Autu a le Faaputugatupe mo
le Lumanai Manuia o Tagata mo le Vaitaimi 2012-2013**

Fautuaga 3:

Faaauau aoaoga ma tulituliloa avanoa e siitia ai le tomai manaomia o le aufaigaluega aua le faatinoina atoatoa o le auaunaga.

Tali a le NPF:

O le manulauti faaaauau lenei a le NPF, o le tuliloaina lea ma le faaaogaina o avanoa lelei uma e maua e le Faaputugatupe e faaleleia ma tapue ai tomai ma agavaa o le Aufaigaluega, ina ia faatuputupu pea agavaa ma tomai moomia, aua le tautua faifaipea mo sui mamalu o lenei Faalapotopotoga o le NPF. Ua iloiloaina pea Taiala ina ia mautinoa le faafaigaluegaina mai o Sui e agavaa ma i ai tomai moomia, ina ia ausia Matatia o Galuega a le NPF.

Ua faaaauau Polokalame Faale-aoaoga i totonu lava o le Ofisa, e faaaoaga ai Ofisa Sinia e tapue ma faamanatu nisi vaega o agavaa moomia e le Aufaigaluega i totonu o kuata taitasi, aemaise ai o le tapueina lea o tomai masani e fia faaleleia.

E talia lelei e le Pulega le fesoasoani mai o le Komiti, pe afai o silafia ni vaega o lo o moomia le faaleleia i le tulaga tau auaunaga. E manatu o le a fesoasoani tele lea i le Pulega i le sailia o ni tali ma se fofo, ina ia ausia Matatia Galue a le NPF nei.

(E) MANATU AOAOTETELE E TUSA AI O FAUTUAGA

So o se faamanuiaga e maua pe totogi atu i Sui Faisaofaga e aiaia uma lea i lalo o le Tulafono o Faaputugatupe mo le Lumanai Manuia 1972, lea ua maea pasia ai nei le Tulafono Teuteu 2010 ma le Tulafono Faatonutonu 2010.

Ona o lea tulaga, o fautuaga e faia e le Pulega, e tuuina atu mo se faaiuga a le Komiti Faatonu, mo so o se faamanuiaga mo Sui Faisaofaga, e ao ona limataitaiina ma faatulai sea fautuaga, ia ogatasi ma aiaiga o le Tulafono.

Tuuina atu ma le faaaloalo tele.

Na tuuina atu le Fesili ma ina ua manumalo le Ioe, na tulai loa Tali a le Malo i le Pepa 2011/2012 Nu.33, Faamatalaga o Sini Autu a le Faaputugatupe mo le Lumanai Manuia o Tagata mo le Vaitaimi 2012-2014 ua faamaonia.

27 IANUARI 2015

P.P.2014/2015 NU.45, TALI ATU A LE MALO I LE P.P.2012/2013 NU.94, LIPOTI A LE KOMITI O LE SOIFUA MALOLOINA, GALUEGA TAU LE VA FEALOAI MA ATINAE O AFIOAGA MA AGAFESOOTAI I LE P.P.2011/2012 NU.59 MA LE P.P.2011/2012 NU.66, FAAFOEGA MA FAAMATALAGA TAU TUPE MO FAAMANUIAGA A TAGATA MATUTUA A SAMOA MO LE TAUSAGA FAALETUPE 2010/2011 MA LE TAUSAGA 2011/2012

FOFOGA FETALAI: Tulai mai lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai ou te faatu le lafo, *Ina ia faamaonia e leni Fono Aoa le Pepa 2014/2015 Nu.45, o lo o tuuina atu ai Tali a le tatou Malo i le P.P.2012/2013 Nu.94, Lipoti a le Komiti o le Soifua Maloloina, Galuega Tau le Va Fealoai, Mataupu Tau le Va Fealoai ma Atinae o Afioga ma Agafesootai i le P.P.2011/2012 Nu.59 ma le P.P.2011/2012 Nu.66, Faafoga ma Faamatalaga tau Tupe mo Faamanuiaga a Tagata Matutua a Samoa mo le Tausaga Faaletupe 2010/2011 ma le tausaga 2011/2012, e tusa ai ma le Tulafono Tumau 54.*

Faaluaina e le Sui Palemia ma le Minisita mo Galuega Tau Alamanuia ma Atinae a le Malo.

FOFOGA FETALAI: Tulai mai lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai mo le silafia e le Maota atoa ai ma le faafofogaaga a le atunuu, ou te faitauina Tali o lo o tuuina atu i leni Pepa.

TALI ATU A LE MALO I LE P.P. 2011/2012 NU.59, FAAFOEGA MA FAAMATALAGA TAU TUPE A LE FAAPUTUGATUPE MO FAAMANUIAGA A TAGATA MATUTUA O SAMOA MO LE TAUSAGA FAALETUPE 2010/2011 NU.66, MA LE TAUSAGA 2011/2012.

Fautuaga 1:

Fautuaina le Faaputugatupe ina ia faaauuina pea ona mataitu taitala ma mulimulitaia ina ia siitia ai pea le auaunaga.

Tali a le SCBF:

O le a faaauuina pea le vaavaai ma le totoa i taiala uma ua faataatitia ma saunia mo galuega a le Ofisa o Faamanuiaga mo Tagata Matutua o Samoa ina ia faamalieina lelei mataupu uma a le Aumatutua aua le sologa lelei o le auaunaga ofoina mo i latou.

27 IANUARI 2015

P.P.2014/2015 Nu.45, Tali Atu a le Malo i le P.P.2012/2013 Nu.94, Lipoti a le Komiti o le Soifua Maloloina, Galuega Tau Le Va Fealoai ma Atinae o Afioga ma Agafesootai i le P.P.2011/2012 Nu.59 ma le P.P.2011/2012 Nu.66, Faafoega ma Faamatalaga Tau Tupe mo Faamanuiaga a Tagata Matutua a Samoa mo le tausaga Faaletupe 2010/2011 ma le tausaga 2011/2012

Fautuaga 2:

Ina ia galulue faatasi le Faaputugatupe ma nisi Matagaluega a le Malo i le aoina mai o faamatalaga moomia e foia ai le tala faasolitulafono o Saofaga a i latou ua maliliu ma malaga nofomau i atunuu mamao.

Tali a le SCBF:

O le a faaauauina pea le galulue felagolagomai ma isi Matagaluega a le Malo pei o le Matagaluega o Fuainumera ma Pepa Fanau/Maliu, Ofisa o Femalagaaiga, Faalapotopotoga o Vaa, Matagaluega o le Soifua Maloloina, ma le Matagaluega o Tina ma Tamaitai, Nuu ma Agafesootai ina ia faamutaina i se taimi vave faamanuiaga a le Aumatutua ua maliliu po ua malaga foi i atunuu mamao, e pei ona fautuaina e le Komiti.

E) MANATU AOAOTETELE E TUSA AIO FAUTUAGA

So o se faamanuiaga e maua pe totogi atu i le Aumatutua, e aiaia uma lea i lalo o le Tulafono o lo o faagaioia ai nei faamanuiaga ua faamatuu mai e le Malo.

Tuuina atu ma le faaaloalo tele.

Na tuuina atu le Fesili ma ina ua manumalo le Ioe, na tulai loa Tali a le Malo i le Pepa 2011/2012 Nu. 59, Faafoega ma Faamatalaga Tau Tupe a le Faaputugatupe mo Faamanuiaga a Tagata Matutua o Samoa mo le Tausaga Faaletupe 2010/2011 Nu.66, ma le Tausaga 2011/2012 ua faamaonia.

FOFOGA FETALAI: Se i tulai mai le Taitai o le Itu Agai.

Afioga Hon Palusalue Faapo II: Lau Afioga i le Fofoga Fetalai, se i malolo foi le Malo, ua matauina ma le totoa e fai lava si tele o Lipoti nei, ae leai lava se mea e fai ai se felafolafoaiga.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai, e leai se mea e popole ai le Taitai o le Itu Agai, o matou ua leva ona koloni. E tamomoe i le ao tamomoe i le po, ma taimi faapenei. E leai se mea e popole ai. Ua e vaai mai o lea matou te tutu atu ma sauniuni, aua e te popole. O le ala foi lena na ou fai atu ai, afai ua e popole, tofa ma e moe lelei, aua le poia Faleolo.

Afioga Hon Palusalue Faapo II: Lau Afioga, o le ala o lou tulai ona o le le mafai ona fai i ai se tala i nei Tali e aumai.

27 JANUARI 2015

P.P.2014/2015 Nu.45, Tali Atu a le Malo i le P.P.2012/2013 Nu.94, Lipoti a le Komiti o le Soifua Maloloina, Galuega Tau Le Va Fealoai ma Atinae o Afioga ma Agafesootai i le P.P.2011/2012 Nu.59 ma le P.P.2011/2012 Nu.66, Faafoega ma Faamatalaga Tau Tupe mo Faamanuiaga a Tagata Matutua a Samoa mo le tausaga Faaletupe 2010/2011 ma le tausaga 2011/2012

FOFOGA FETALAI: O lea ua ou maua lou finagalo Palu. A tatou o nei eí ..

Afioga Hon Palusalue Faapo II: Ua ta le iloa la po o le a le aoga tatou te omai ai ae na o le ioe, ioe, ioe.

FOFOGA FETALAI: E leai se mea tatou te alofia o lea e i lalo o tatou Tulafono Tumau. O le tu ma le aga o le usitaia o le Tulafono Tumau, e tali le Malo, faaaloologia le galuega sa outou fai, galuega a Komiti Faapalemene. O le 2005 na ae ai le tofa i lena Paeaiiga latou te aumaia le Tulafono Tumau taua lenei, aua e le aoga lenei mea o le fai fai fai o Lipoti a Komiti ona tuu loa lea faapea na ala ai ona amend le tatou Tulafono Tumau i le 2005, e aumai se i fai se tali o Lipoti ia e tuuina mai.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai, o aso la faatoa ou sau i totonu o le Palemene lenei, o mea sa fai, na ona aumai lava tali atu le Malo, uma. Ou te manatua le isi aso na aumai ai le Fesili, tulai ae Tofilau ma le faulaiga lava, lau atu lava e le toeaina fesili mai i le ta o le 9:00 seia ta lava le 1:00 o la e lau lava. Ia, ua fiu lava la le Itu Agai i lena taimi e taofiofi mai, a o le tali lea a le toeaina, ðUa leva ona ou tapena i mea nei, a o le aoga o le laulau atu pea, se i outou mafaufau ai i le faavalevatea o a outou fesili na aumai. Ona lau lava lea e Tofilau o fesili. O lea foi la ua lau atu fautuaga na aumai e Komiti, a o lea foi ua tutulai mai e pei e foliga mai ua lava lea. Ia malilie ua leva ona tatou talanoaina Lipoti. Ua leva ona outou fai mai e aumai ia, aumai ia tali.

O lea la ua avatu tali. Ua na o lo outou o i nusipepa ma fai i ai, ðO fea o i ai tali, o le a le mea ua tuai ai ona aumai tali? ð O lea la ua avatu tali. E oo lava nanei i le ta o le 14 o lau atu lava tali. Onosai, o lea ua ou fai atu, a ua outou le lavava, momoe pea, a o le a lau pea tali na outou mananao i ai.

FOFOGA FETALAI: Ia malie ia lau Afioga i le Taitai o le Malo.

Afioga Hon Palusalue Faapo II: Na o sina mea lava lea e taumafai atu ai. Maumau e pe ana mafai ona matou fesili atu i Tali.

FOFOGA FETALAI: Ua uma ona fai le tatou galuega. We have already done our job is to report, the government respond now.

Afioga Hon Palusalue Faapo II: Ia leaga o lena e te nanu mai.

27 IANUARI 2015

P.P.2014/2015 Nu.45, Tali Atu a le Malo i le P.P.2012/2013 Nu.94, Lipoti a le Komiti o le Soifua Maloloina, Galuega Tau Le Va Fealoai ma Atinae o Afioga ma Agafesootai i le P.P.2011/2012 Nu.59 ma le P.P.2011/2012 Nu.66, Faafoega ma Faamatalaga Tau Tupe mo Faamanuiaga a Tagata Matutua a Samoa mo le tausaga Faaletupe 2010/2011 ma le tausaga 2011/2012

FOFOGA FETALAI: O le uiga lena o lau tala pe a e le malamalama i lou fai atu soo. O le a le isi upu e toe gagana atu ai o lea e taumafai e faamalamalama atu?

Lealailepuleí í

Tofa Lealailepule Rimoni Aiafi: E leai o lou sui usufono e ese le malamalama gofie. O le mea foi lea e mafua ai ona ou fesili soo ona ou te fia malamalama.

O lea ua aumai tali, o le fesoasoani a le Itu lenei, pasia uma tali. Oka le matagofie o tali, ua matou faitauina uma. A na i ai se isi mea i luga atu o le 100% ua tuu i ai. E 100% tali a le Malo ua aumai.

FOFOGA FETALAI: Malie le sui usufono Lealailepule. E fai foi o lou naunau mai ae e tautala aso a tatou galuega; onosai mai.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai, o tali nei na tapena uma e le Vaega lenei ma le Kapeneta. Afai lava la e faatu mai sa outou lafo ua outou malilie aua o lena ua ia te outou tali, e leai foi se mea o i ai e augofie le Vaega lenei. Afai ua outou le lavava faalogologo, e tasi lena auala e mafai ona faatu mai ai sa outou lafo ona matou lagolagoina lea. Ona tatou see lea i isi a tatou mataupu, ae talia atoa tali pe afai o outou finagalo ia.

Afioga Hon Palusalua Faapo II: Ona pau lava le lafo lea matou te faatu atu, e teena uma tali a le Malo lea ua aumai. Ona pau lena o le lafo lea ou te sauni e faatu.

FOFOGA FETALAI: A foi o le uiga lena o lau tala lea e tau fai atu Palu. E le iloa la po o fea o sasa i ai lou finagalo, a o lea ou te taumafai atu se i tuu atu ia le avanoa se i tali malamalama le Malo. O le tele o taimi o lea lava e tui mai au, òO fea a matou fesili, o fea a matou tali?ò O lea ua faasolosolo atu. Alo mai laia, o le 14 i le 15 nanei faatoa tatou malolo ai.

Tulai mai lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai, o lea ua tulai mai le isi sui matua o le Tautua. O ia sa taulamua i le faatuina o le Tautua, ona avea lea ma Taitai ae Taitai lona lua Palu. Ona fai lea o le la lapiti, o le a faamavae ae toe o e fai le faiga palota. Ona sao mai lea o Palu, ae faaletonu le ulupoo le la. Ona sau loa lea o Palu Taitai, a o lea ua ou le iloa po o le a le tulaga i lalo lea ua i ai.

27 IANUARI 2015

P.P.2014/2015 Nu.45, Tali Atu a le Malo i le P.P.2012/2013 Nu.94, Lipoti a le Komiti o le Soifua Maloloina, Galuega Tau Le Va Fealoai ma Atinae o Afioga ma Agafesootai i le P.P.2011/2012 Nu.59 ma le P.P.2011/2012 Nu.66, Faafoega ma Faamatalaga Tau Tupe mo Faamanuiaga a Tagata Matutua a Samoa mo le tausaga Faaletupe 2010/2011 ma le tausaga 2011/2012

O lea la ua saunoa mai le sa faatuina le la Vaega, ua uma ona faitau uma la outou Itu ma outou malilie, a o lea foi e tulai mai le Taitai ma fai mai e teena uma. O le a le mea ua faapea ai outou, ua feteenai faapea aisea?

Afioga Hon Palusalue Faapo II: Lau Afioga i le Fofoga Fetalai, o le mea e fia faasao. E matua leai se feteenai o iinei. Na o lau Vaega lena e feteenai. Lau Afioga i le Palemia, o lau Vaega lena e feteenai. Aua la le tusitusi lima mai iinei, o lea e matua maopoopo lava le matou Vaega.

Ioe, ua o ta alofa atu i lau Afioga.

FOFOGA FETALAI: E leai, taatia lena mataupu. O lea ua maua Palusalue.

Susuga Hon TUILAEPa FATIALOFA LUPESOLIAI AIONO NEIOTI SAILELE MALIELEGAOI: O le mea lea ou te fai atu ai, ia vaai la i ai i le mea lea o le pepelo le ata? Faatoa uma nei lava ona tulai mai le sa faatuina la outou Vaega e talia, ae tulai mai oe lea ua e laki ua e alu i luga ona ua pau le ulupoo, fai mai e teena. O lea la e feteenai la outou Itu. A o lea foi ua ou fai atu po o le a le mea ua outou faapea ai, a o lea foi ua ese le tali lea ua aumai.

Tofa Lealailepule Rimoni Aiafi: Lau Afioga i le Fofoga Fetalai, e le aveesea lou manatu ou te manao e pasia uma Tulafono, ae faigata ia te au leaga ou te ava i lou Taitai. O lea ua saunoa lou Taitai, leaga o au ou te fai Taitai. O lea ua saunoa le Taitai, leaga o matou na toleni e savavali ae e le i toleni e faalogologoí í .

Susuga Hon TUILAEPa FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai, o lea la ua ou maua. O lea ua ava le malie le Taitai lona tolu, o le a alu ai lava faapea le malie i le le faafofoga o lona Taitai ia te ia sa Taitai muamua.

O le uiga lena o le mea na ou tulai atu ai, o outou lena e feteenai, a o lea e faafofoga mai le atunuu i le eseese o outou taofifí ..

Afioga Hon Palusalue Faapo II: Aua e te eua le utupoto i le mata o le isi ae eu le utupoto lena e i lou mata lau Afioga. A uma atu le Palemene fono le caucus, uma atu le Palemene fono le caucus. E mafua aisea? E le faapena le Itu lenei.

FOFOGA FETALAI: Palu, o lea ua maua lou finagalo. O le a tauau ina tuu le tatou Fonofí í .

Tuuu, se i tulai mai le sui usufono mamalu.

27 IANUARI 2015

P.P.2014/2015 Nu.45, Tali Atu a le Malo i le P.P.2012/2013 Nu.94, Lipoti a le Komiti o le Soifua Maloloina, Galuega Tau Le Va Fealoai ma Atinae o Afioga ma Agafesootai i le P.P.2011/2012 Nu.59 ma le P.P.2011/2012 Nu.66, Faafoega ma Faamatalaga Tau Tupe mo Faamanuiaga a Tagata Matutua a Samoa mo le tausaga Faaletupe 2010/2011 ma le tausaga 2011/2012

Tofa Hon Tuuu Anasii Leota: Lau Afioga i le Fofoga Fetalai ma lou faaaloalo, a faapea ua le faia le tiute o le Taitai o le Itu lea, ua ou tulai atu ma lou faaaloalo, tatou talia loa Lipoti ma Tali a le Malo ae tatou malolo. Ma lou faaaloalo.

FOFOGA FETALAI: Lau Afioga i le Minisita se i tulai mai.

Tofa Hon Tolofuaivalelei Falemoe Leiataua: E leai o le fesoasoani atu i le Taitai o le Itu Agai ona o lea e tumau lona teena, a o lea ua faaaloalo i ai lona soa. Afai o le finagalo lea o le Taitai o le Itu Agai e faaauau pea a matou tali, ou te talitonu foi matou te fia faalogologo uma lava i o matou leo pe a oo i taimi matou te tali atu ai.

E pei o le tulai atu lea ma le agaga faaaloalo.

FOFOGA FETALAI: O lea ua maua atu le finagalo o lau Afioga i le Minisita. E faamalulu atu i le paia ma le mamalu o le tatou Maota. E fai foi o lena a o lenei, e le o ni upu e avane ai pe tatou te manatu faatauvaa i le galuega sa fauao faupo e Komiti Faapalemene. E faamalulu atu foi leaga e le na o tatou lea e Fono, a o lea e faafofoga le Atunuu.

O le tele o tali nei ua fofogaina e le Malo, e anoa ma e tali ai nisi o tuatuaanoa e i ai finagalo sa lagalaga foi i lena Itu o le Maota aemaise foi finagalo o Komiti Faapalemene na saunia. Ia malilie le Maota, e faaauau lava a tatou galuega. Ina ne i alu alu foi i le lumanai faapea mai foi, ðO le a lava le mea o le a tatou o ai i luma ma o i tua?ö

O le Tali Nu. 51 í

Afioga Hon Leaupepe Toleafoa Apulu Faafisi: Lau Afioga i le Fofoga Fetalai í

FOFOGA FETALAI: Se i tulai mai se tasi o sui usufono mo Aana Nu.1, Afioga Hon Leaupepe Toleafoa Apulu Faafisi.

Afioga Hon Leaupepe Toleafoa Apulu Faafisi: E le seetia foi i le malu o le tai taeao le sui usufono mo Siumu ma lou foi sui usufono ona o matou lea sa fai sina televave mai nei a o le i toe amataina le tatou Fono i le itula e 3.00.

Na matou feiloai i tuafale ma le Taitai o le Itu Agai ma le Itu Agai uma. Na o le Sui Taitai, Afioga Hon Aeau Peniamina Leavaiseeta e le i i ai. O le latou faaaliga ia matou a o matou faatasi i o ma inu le matou ipu kofe, e talia ma le agaga fiafia tali uma a le Malo, ae faafetai i le Malo lea ua faamanino tali uma o lea sa talosaga i ai le Palemene.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Ofisa o le Palemene i le P.P.2013/2014 Nu.12, Lipoti a le Pule ma Suetusi Sili i le Fono Aoao Faitulafono mo le tausaga Faaletupe Faaiuina aso 30 Iuni 2010 ma le 30 Iuni 2011

O lea la na faapea e faaauau o latou finagalo, a o lea e pei ua olegia e le Taitai o le Itu Agai le Itu Agai ma lenei Itu o le Maota. E ui o lea, o le ala foi lena o le seetia o le sui usufono mo Siumu ma lagolago atu, ae ui lava i lea, o le mea lava e fulisia i ai le finagalo o le Malo o lena.

FOFOGA FETALAI: Malo faafetai. E manatu ua manino, faatea lea fuilauvi. O le tele ia o mea ia e manatu e tatau ona faagasolo ai a tatou galuega.

Afioga Hon Palusalue Faapo II: Lau Afioga i le Fofoga Fetalai, se ou te faaaloalo tele i le Afioga i se tasi o sui usufono mo Aana Alofi Nu.1 leaga o le Afioga ia Leaupepe.

FOFOGA FETALAI: E tatau ona e faaaloalo i tama o le nuu.

Afioga Hon Palusalue Faapo II: E leai ni mea na matou talanoa ai i fafo. Ona pau lava lana tala, òSe ua ou faanoanoa lava i le mea ua oo i ai le matou Pati.ö Ona pau lava lea o le tala, a o isi mea e leai.

O le mea lea e faamalie atu ai i lau Afioga Leaupepe, e leai tatou te le i talanoa i ni Lipoti ae na tatou talanoa i la outou Pati.

Ma le faaaloalo lava.

FOFOGA FETALAI: O lea ua maua, taatia mai lena mataupu.

P.P.2014/2015 NU.185, TALI ATU A LE MALO I LE P.P.2013/2014 NU.56, LIPOTI A LE OFISA O LE PALEMENE I LE P.P.2013/2014 NU.12, LIPOTI A LE PULE MA SUETUSI SILI I LE FONO AOAO FAITULAFONO MO LE TAUSAGA FAALETUPE FAAIUINA ASO 30 IUNI 2010 MA LE 30 IUNI 2011

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoao le P.P.2014/2015 Nu.185, o lo o tuuina atu ai Tali a le Malo i le P.P.2013/2014 Nu.56, Lipoti a le Komiti mo Ofisa o le Palemene i le P.P.2013/2014 Nu.12, Lipoti a le Suetusi Sili a le Malo i le Fono Aoao Faitulafono mo le Tausaga Faaletupe faaiuina 30 Iuni 2010 ma 30 Iuni 2011 e tusa ai ma Tulafono Tumau 54.*

Faaluaina e le Minisita mo Galuega Tau Alamanuia ma Atinae a le Malo.

FOFOGA FETALAI: Tulai mai lau Afioga i le Palemia.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Ofisa o le Palemene i le P.P.2013/2014 Nu.12, Lipoti a le Pule ma Suetusi Sili i le Fono Aoaofaitulafono mo le tausaga Faaletupe Faaiuina aso 30 Iuni 2010 ma le 30 Iuni 2011

Susuga Hon TUILAEPA FATIALOFA LUPESOLIAI AIONO NEIOTI SAILELE MALIELEGAOI: Lau Afioaga i le Fofoga Fetalai, mo le silafia e le Maota atoa ma le faafofoga a le atunuu, ou te faitauina Tali ua tuuina atu i lenei Pepa.

TALI ATU A LE MALO I LE P.P.2013/2014 NU.56, LIPOTI A LE KOMITI MO OFISA O LE PALEMENE I LE P.P.2013/2014 NU.12, LIPOTI A LE PULE MA SUETUSI SILI I LE FONO AOAOFAITULAFONO MO LE TAUSAGA FAALETUPE FAAIUINA ASO 30 IUNI 2010 MA LE 30 IUNI 2011, E TUSA AI MA LE TULAFONO TUMAU 54.

E tusa ai ma le lipoti na tuuina mai i le Fono Aoaofaitulafono e le Komiti a le Palemene (Komiti) i le faatinoga o galuega a Matagaluega ma Faalapotopotoga a le Malo, ou te fiafia e tuuina atu i outou luma le tali a le Malo i vaega e pei ona faaalua faatasi ai ma auala e foia ai ia faafitauli e tusa ai o fautuaga a le Komiti.

E faamauiina le faamalo i le iloiloga e pei ona faatautaia e le Komiti e tusa ai o le lipoti a le Suetusi Sili a le Malo (Suetusi) mo tausaga faaletupe na faaiuina ia Iuni 2010 ma Iuni 2011. Ua faamauiina fautuaga uma ma ua maea ona faataatitia nisi o alafua ma suiga lelei mo le manuia o atinae i le lumanai.

O le tali atu a le Malo e tusa ai o fautuaga a le Komiti, o lo o mulimulitaia pea ana anavata tauave e pei o le mafai ona tali atu ma ia manino ma malamalama sui usufono uma o le Palemene aemaise le mamalu lautele o le atunuu i taunuuga o galuega faatino a lenei foi tafa o galuega a le Malo. E tataui foi ona silafia, e ui o le lipoti a le Suetusi e faatatau i tulaga tau tupe o le 2010 ma le 2011, peitai o le lava na oo le iloiloga a le Komiti i galuega a nisi o Matagaluega ma Faalapotopotoga a le Malo faasino i tausaga faaletupe 2007 ma le 2008.

1. Iloiloga o le Polokalame o lo o faaogaina mo le faamauiina o Faamatalaga tau Tupe a le Malo e aofia ai Faamatalaga o le Fetafeaiga o tupe (Cashflow).

O le polokalame mo le faaleleia o le pulega o Tupe a le Malo (Public Finance Management Reform Plan) i lona amataga na ave le faamamafa i itu tau lipoti ma faamaumauga tau tupe a le Malo. E le i mamao atu foi ona faamaeaina le iloilo ina o le Chart of Accounts ina ia mafai ona aofia ai le Cash flow i ia lipoti, ma o faamaumauga tau tupe la o le tausaga na faaiuina ia Iuni 2014, o le a aofia ai loa le Cash flow, e mulimulitaia ai foi fautuaga mai le Ofisa o le Suetusi Sili ae faapea taiala faava o Malo mo le faamauiina ma le tuuina atu o Faamatalaga tau Tupe a le Malo mo le silafia e tagata lautele.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Ofisa o le Palemene i le P.P.2013/2014 Nu.12, Lipoti a le Pule ma Suetusi Sili i le Fono Aoao Faitulafono mo le tausaga Faaletupe Faaiuina aso 30 Iuni 2010 ma le 30 Iuni 2011

2. Faaleleia taiala e pulea ma faatonutonu ai faatinoga o galuega a Matagaluega ma Faalapotopotoga a le Malo.

O lo o manino mai i le Lipoti le moomia ona faalelei ma faamalosia auala e faatonutonuina ai le faatinoga o galuega a Matagaluega ma Faalapotopotoga a le Malo. E lagolagoina lenei manatu aua o internal control systems e faamalosia ai le puleaina ma le vaai lelei o aseta a le Malo. Ua faatuina nei i lalo o le taitaiga a le Matagaluega o Tupe i ana polokalame toe fetuunai, se Internal Audit Forum e gafa ma le soalaupule ma le iloiloina o faaletonu i internal controls a Matagaluega ma Faalapotopotoga, ma fausia ni taiala e mafai ona vave foia ai ni faaletonu e ono tulai mai. Ua maea ona tapenaina se Fuafuaga Autasi mo lea Komiti Faafae ma o lea ua faagasolo nei le faatinoina o galuega e pei ona faataatia i totonu o lenei Fuafuaga.

Ua maea ona faatautaia e le Matagaluega o Tupe ni faatalatalanoaga ma Matagaluega ma Faalapotopotoga a le Malo e pei ona aofia i le Lipoti a le Komiti, ma faamaonia ai ua maea ona faatinoina e nisi o Matagaluega ma Faalapotopotoga ni auala e faaitiitia ai faafitauli e pei ona faaalua i le lumanai. Ae peitai e i ai lava nisi o Matagaluega o lo o galulue lava e faamautinoa auala talafeagai e faaleleia ai a latou galuega faatino. O lenei Komiti (Internal Audit Forum) o le a mataituina manaoga talafeagai ma o le a lagolagoina e le Matagaluega o Tupe e ala i lana vaega tau internal audit Matagaluega ma Faalapotopotoga uma a le Malo e le o i ai ni a latou internal audits i le taimi nei. O le a iloilo i le lumanai le faavaa o lo o i ai le taimi nei ina ia mataitu pe mafai ona faatu ni internal audit divisions i totonu o Matagaluega ma Faalapotopotoga uma a le Malo. O lenei galuega e tataua ona faatino fuafua i tulaga o lo o manaomia mo le faaleleia o le itu tau lipoti faapea le tau (costs) o le faatuina o vaega tau internal audits i Matagaluega.

3. Tali atu mo Matagaluega e pei ona aofia i le Lipoti

Na faailoa mai foi e le Lipoti a le Komiti ni tulaga faaletonu sa faailoa i taimi o latou fonotaga ma Matagaluega ma Faalapotopotoga a le Malo, e faatatau lea i tausaga na faaiuina ia Iuni 2007, 2008 ma le 2009. Ua matauina foi o nisi o ia tulaga faaletonu ua maea ona faataatia ma ua faamaonia auala e foia ai aua le agai i luma.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Ofisa o le Palemene i le P.P.2013/2014 Nu.12, Lipoti a le Pule ma Suetusi Sili i le Fono Aoaofaitulafono mo le tausaga Faaletupe Faaiuina aso 30 Iuni 2010 ma le 30 Iuni 2011

O le vaega lenei o le Lipoti o lo o taumafai e faamanino tulaga faaletonu e le i mafai ona tali mai ai nisi o Ofisa o le Malo i le taimi o fonotaga ma le Komiti, ma ua folasia atu ai ma se oototoga o le tulaga ua oo i ai nei le faatinoga o fautuaga a le Komiti.

3.1 Matagaluega o Tupe – Faamaumauga Tau Tupe 2007-2008

O lea ua tuuina mai foi i le Fono Aoaofaitulafono le Tali aloaia a le Malo i le Lipoti a le Komiti mo le Faamaumauga Tau Tupe 2007 ma le 2008, ona o tulaga foi ia na fesiligia ai le Matagaluega o Tupe mo se faamaninoga o galuega ausia fua i tupe na faatatauina, vaevaeina o tupe faaalu fuafua i le galuega faatino, faapea foi le faataatitia o taiala aua le pulea lelei o atinae e faatupeina mai a tatou paaga mai fafo.

3.2 Matagaluega o Leoleo ma Falepuipui 2007-2008

O le resitalaina o tagata e faatauina auupega malolosi ua maea ona toe iloilo. Ua maea ona fausia e le Matagaluega auala ma taiala mo le talosagaina o laisene e i latou e fia faatauina auupega malolosi. O le resitalaina o suafa o ia tagata e faia i tausaga taitasi. O lo o i ai foi se auiui ua maea ona tapenaina e le Matagaluega o Leoleo mo le talosagaina o laisene. O le taimi nei o lo o iloilo foi e le Matagaluega le tulaga tau le faia o laisene mo le umiaina o laau malosi ona e na o le laisene mo le faaaogaina o laau malosi o lo o i ai nei, ae le o i ai se laisene faapitoa mo le tagata e umiaina le laau malosi. E le gata i lea, o lo o galulue foi le Ofisa Sili ma le Matagaluega faapea isi faalapotopotoga talafeagai i le fausiaina lea o se Tulafono mo Auupega, aua lava le faatonutonuina o le faatauina ma le faaaogaina o laau malosi ina ia faaitiitia ai faaletonu e pei ona faailoaina mai i le Lipoti a le Komiti.

Ua maea foi ona faatuuina le lesitala mo aseta, faapea foi le faaleleia o reconciliations. E le gata i lea, ua maea ona iloilo faila mo tagata taitoatasi e pei ona faafaigaluega ai i totonu o le Matagaluega. O lenei galuega tele, na mafai ona faataunuuna ina ua amata faafaigaluega le ofisa e fitoitonu ma le faamaumauga o faamatalaga mo tagata faigaluega uma a le Matagaluega.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Ofisa o le Palemene i le P.P.2013/2014 Nu.12, Lipoti a le Pule ma Suetusi Sili i le Fono Aoao Faitulafono mo le tausaga Faaletupe Faaiuina aso 30 Iuni 2010 ma le 30 Iuni 2011

3.3 Ofisa o le Palemia 2007-2008

Sa laga foi ni faaletonu i le vaavaaia o tusifolau ma foliga mai e le o i ai se faamaumauga talafeagai mo le pulea lelei o tusifolau. I le taimi nei, o auala e faaleleia ai lea tulaga e pei ona sa faatinoina mai le 2012, ua matauina le faatinoina lelei. Ua maea foi ona faataatitia auiui ma taiala mo le faafoeina o galuega tau tusifolau, pemitā ma le avea ma tagatanuu, e ui e le fesootai lenei system ma le system o lo o faafoe ai tupe a le Malo (finance one), ae mafai ona faatino faamatalaga faatusatusa i tupe o lo o aoina i aso taitasi. Ua mautu foi taiala e foia ai tusifolau faaletonu (damaged passports), ma o lo o fautuaina pea le aufaigaluega ina ia faamalosia le faatinoina o galuega i luga o nei taiala mo le saogalemu o tusifolau mai le faaleagaina pe leiloloa foi.

3.4 Matagaluega o Soifua Maloloina 2007-2008

O le faaiuga a le Komiti o Tauofoga na faia i le 2009 ina ia tuu i lalo le fale sa fai e nonofo ai tausimai, sa faavae i luga o le lipoti tutoatasi a le inisinia mo lea poloketi. E i ai le manatu e tele ni aafiaga tau tupe e feagai ma le Malo pe ana faapea e faaauau pea lea galuega ae te i ua mulimuli ane solofa i lalo lenei fale ma aafia ni tagata. o le mafuaaga tonu lea na taofia ai le galuega. E ao foi ona silafia o lea ua maea fausia le fale fou mo tausimai, ma ua faaoga nei e tamaiti aoga tausimai mai nuu i tua faapea tagata faigaluega e malaga mai Savaii mo aoaoga i le Falemai i Motootua.

I le tulaga tau tupe faaalu i le faatauina o mea taumafa mo fonotaga ma aoaoga, ua maea ona tuuina atu le faamaninoga a le Matagaluega i le Komiti e pei ona faamaonia ai o lo o ogatasi lava ma tupe ua maea ona fuafua mo lea vaega, e pei ona aofia i le Tala Faatatau o le Tupe a le Malo faapea foi aiaiga ma paaga o lo o galulue soosoo tauau ma le Matagaluega o le Soifua Maloloina.

E ao foi ona silafia o le Tala Faatatau o le Tupe a le Malo e faalagolago i tupe faatatau mo galuega faatino taitasi (output budgeting), ma e i lalo lava o le malosiaga a le Pule Sili le faia lea o ni fetuunaiga talafeagai i le faaogaina o tupe i totonu lava o le galuega faasino (output) pe afai e manaomia, pau lava le tulaga taua ia aua ne i aafia le tapulaa o tupe faaalu o lea galuega faatino e pei ona faamaonia i le Tala Faatatau Autu o le Tupe.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Ofisa o le Palemene i le P.P.2013/2014 Nu.12, Lipoti a le Pule ma Suetusi Sili i le Fono Aoao Faitulafono mo le tausaga Faaletupe Faaiuina aso 30 Iuni 2010 ma le 30 Iuni 2011

3.5 Matagaluega o Faamasinoga 2007-2008

E pei ona taumafai e faapupula atu i le amataga o lenei Lipoti, o le tele o faaletonu e pei ona faaalua e le Komiti ua maea ona faatino e Matagaluega ma Faalapotopotoga a le Malo. Mo le Matagaluega o Faamasinoga, e i ai auala o lo o ua faatinoina nei ua faamautuina ai faamatalaga tau tupe o lo o maua mai i mataupu tau vaetamaina o fanau ma ulugalii tetea. O lo o ua i ai foi siaki masani mo le faapaleniina o tupe maua ma lesitala o galuega faatino i le maea ai o aso taitasi.

I le tulaga tau le tuuina atu o faasalaga (fines), o lo o matauina le vave ona totogi o ia faasalaga. O le aoina mai o aitalafu ua faamaumauina e le Matagaluega e umi se taimi e faatino ai, peitai ua matauina le vave ona logo ma galulue soosootauau le Matagaluega ma nuu ma faalapotopotoga. O lo o i ai pea le faafitauli e tusa ai o nisi o aitalafu ua umi e le i toe totogiina ona e matua faigata tele ona toe faaolaina. Ua saunia ai se pepa mo le Kapeneta mo nei aitalafu tuua ae faapefea foi ona foia mo le agai i luma.

3.6 Matagaluega o Tupe Maua 2007-2008

O lo o tuuina pea e le Matagaluega o Tupe le lisi o suafa o i latou ua le toe taliaina ni a latou siaki (dishonoured cheques) i Matagaluega uma a le Malo i masina taitasi, ma o lea tulaga o lo o fesoasoani i ai latou o lo o aoina ma faalisitiina tupe maua (cashiers). O siaki a tagata taitoatasi e le o toe taliaina. O lo o galulue pea le Matagaluega mo le iloiloina ma mataituina le lisi o siaki teena (dishonoured checks) mo le tusieseina ma tusi a o le i maea le tausaga faaletupe lenei.

3.7 Matagaluega o Galuega, Femalagaina ma Galuega Tetele 2007-2008

Ma i le aso 1 Iulai 2013, o le puleaina o Fale nofo totogi a le Malo ua faasee atu i le Faalapotopotoga o Fale a Samoa (SHC). O lo o ua galulue nei le Faalapotopotoga o Fale i le iloiloina o totogi o ia fale faapea foi ma le toe faaleleia aemaise le aoina mai o aitalafu tuua.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Ofisa o le Palemene i le P.P.2013/2014 Nu.12, Lipoti a le Pule ma Suetusi Sili i le Fono Aoao Faitulafono mo le tausaga Faaletupe Faaiuina aso 30 Iuni 2010 ma le 30 Iuni 2011

3.8 Matagaluega o Tina ma Tamaitai, Atinae o Nuu ma Agafesootai

Ua maea ona faia ni feutagaiga i le totogiina o galuega o lo o faatino i le va lava o Matagaluega a le Malo, e pei ona sa faafoeina e le Matagaluega o Tupe. O le faanaunautaiga lava o le Malo ina ia vave totogi auunaga ae aua ne i faatupulaia ni aitalafu i totonu lava o le Malo. O lenei galuega o lo o aofia uma ai Matagaluega a le Malo, ae faapea foi i Faalapotopotoga e pei o le Faalapotopotoga o le Malosiaga Faaletise ma le Pulega o le Suavai. Ua faamaonia foi e le Matagaluega o Tamaitai ma Agafesootai i le Komiti ua maea ona totogiina aitalafu uma, ma o lo o mataituina pea le faatinoina o lenei galuega ina ia faatumauina ai pea i le maualuga ua ausia nei.

3.9 Matagaluega o Aoga, Taaloga ma Aganuu 2007-2008

Ua le o toe faia ni teugatupe (trust fund) e pei ona faaalua mai i le Lipoti a le Komiti, ina ua tapunia nofo tumau a le Kolisi o Samoa, Kolisi o Avele ma le Kolisi o Vaipouli. E le o toe po malae i le vaega lea ua see ai nei le faatinoga o aoga, ua gafa lava lea ma Komiti o Aoga taitasi latou te faafoeina atoa ma le fesoasoani a pule ma vasega o faiaoga, aua mea e talafeagai ma moomia e aoga taitasi. O le luitau lea o lo o i ai nei i le Matagaluega, ina ia faia aoga e siitia ai le tomai faatausi galuega lelei a Komiti Aoga ina ia latou fuafuaina tataua le faafoeina o galuega faatino mo le faaleleia o aoga a le fanau.

4. Sueina o Tusi a Faalapotopotoga a le Malo

E 12 Faalapotopotoga o lo o aofia i totonu o le Lipoti a le Komiti i vaega e ao ona faaleleia ma o nisi o Faalapotopotoga ua maea ona tuuina a latou tali maumaututu i le Komiti. Ua manatu foi le Malo ua talafeagai lea e tali atu ai i le Komiti ae o lo o ootoo atu i lalo nisi o faamaninoga o mataupu na laga mai Faalapotopotoga.

O lea ua faagasolo lava le toe uunaia o le lelei faatino o galuega a Faalapotopotoga e ala i fesuiaga ua i ai nei taitaifono ma Komiti Faatonu. O Komiti Faatonu a Faalapotopotoga uma a le Malo ua ofi atu nei i ai sui o le aufaipisinisi. O lenei faiga ina ia fesoasoani ai tomai faapisinisi a le vaega tumaoti e uunai ma siitia ai le silasila mamao a Faalapotopotoga i galuega e maua mai ai tupe faasili mo le tatou Malo, faapea le siitia o le auunaga i le mamalu lautele o le atunuu.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Ofisa o le Palemene i le P.P.2013/2014 Nu.12, Lipoti a le Pule ma Suetusi Sili i le Fono Aoao Faitulafono mo le tausaga Faaletupe Faaiuina aso 30 Iuni 2010 ma le 30 Iuni 2011

O le mataituina o galuega a Faalapotopotoga uma a le Malo o le a faasee atu lea i le Matagaluega fou, le Matagaluega mo Faalapotopotoga a le Malo pe a pasia le Tulafono Tau Faaofi lea o le a tagofia e le Palemene i lana fonotaga muamua o le 2015. Na tusia le Lipoti lenei ae le i pasia le tatou Tulafono, ma o lea ua maea ona pasia. O le faavaa o lo o sosolo ai galuega o le a avea ai Komiti Faatonu e patino i ai le vaavaaiga a le Minisita e umia sea ma o le a pau le uluulu o le laau i luga o nei Komiti Faatonu pe a le ausia e Faalapotopotoga a latou sini autu e pei ona faamaonia i a latou Fuafuaga Autasi. O le ala foi lea na ou manatu ai, e taua tele le tofia o le Taitaifono o le Komiti o Tupe le Susuga ia Papalii Niko Lee Hang e avea ma Minisita Lagolago i le Faalapotopotoga lenei, e lagolago ai i le Minisita i lona tomai lautele i mataupu e aafia ai Faalapotopotoga Tumaoti.

4.1 Faalapotopotoga o Malosiaga faa-Eletise 2008-2009; 2009-2010.

Ua faamautuina se auivi e limataitaiina ai le faatinoga o galuega mo le faamaumauina o faamatalaga tau tupe a le Faalapotopotoga e pei ona fautuaina e le Ofisa o le Suetusi Sili. O suiga i tulaga tau tekonolosi o lo o ua faaaogaina nei e le Ofisa ua alagatai ai foi aoaoga e faamasani ai le aufaigaluega i le tuufaatasiaina o faamatalaga tau tupe a le Faalapotopotoga.

O lo o faagasolo foi i le taimi nei le toe iloiloinaí .

Tofa Lealailepule Rimoni Aiafi: Lau Afioga i le Fofoga Fetalai, se i taumafa se vai a le Afioga i le Palemia. O lena e misi le faitau, a oo i le parakalafa fou, ia amata.

FOFOGA FETALAI: O le Tali a le Malo Lealailepule, e pule lava le Palemia i le faitauga o lana Lipoti. E i ai foi nisi o lea e avatu le faaopoopoga i luga, lea tatou te matauina, ae onosai mai o lea o le a uma.

Tofa Lealailepule Rimoni Aiafi: O le matuai manaia lava a o lena e misi faamamafa ma tulaga faapena, e tatau ona detail mai. Ae manaia.

FOFOGA FETALAI: O lea ua maua le finagalo o le sui usufono. Tulai mai le Palemia e faaauau lau saunoaga.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Komiti mo Ofisa o le Palemene i le P.P.2013/2014 Nu.12, Lipoti a le Suetusi Sili a le Malo i le Fono Aoaofaitulafono mo le tausaga faaletupe faaiuina 30 Iuni 2010 ma le 30 Iuni 2011

Susuga Hon TUILAEPA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai, o se parakalafa fou:

Ua faamautuina se auivi e limataitaiina ai le faatinoga o galuega mo le faamaumauina o faamatalaga tau tupe a le Faalapotopotoga e pei ona fautuaina e le Ofisa o le Suetusi Sili. O suiga i tulaga tau tekonoosi o lo o ua faaogaina nei e le Ofisa ua alagatai ai foi aoaoga e faamasani ai le afaigaluega i le tuufaatasaina o faamatalaga tau tupe a le Faalapotopotoga.

O lo o faagasolo foi i le taimi nei le toe iloilo ina ato o le Faalapotopotoga i ana galuega faatino ae faapea foi tagata faigaluega e moomia. O lo o aofia ai foi le vaavaai lelei o vaega o auunaga e mafai ona faasee atu i tua i vaega tumaoti ma faasaina ai tupe faaalu a le Faalapotopotoga i le naunautaiga e siitia ai le faatinoga o galuega pe afai e faatauva mai i ai kamupani ma pisinisi tumaoti.

4.2 Faalapotopotoga o Elele o Samoa 2008-2009

Ua faamautuina e le Malo fautuaga mai le Komiti ma le Suetusi Sili e faasino tonu i le Faalapotopotoga. O le vaivai o taiala e puipuia ai faatinoga o galuega aemaise le magafagafa lelei o le afaigaluega na mafua ai ona tulai mai faaletonu i le Faalapotopotoga. Ua maea foi ona faatonuina e le Malo le Faalapotopotoga ina ia vaavaai lelei auala e faaleleia ma siitia ai tupe maua aemaise le tausaina lelei o tusi a le Faalapotopotoga e foia ai faaletonu e toe alia mai i le lumanai.

O tupe maua na fuafuaina mo le tausaga e pei ona iloilo sa le mafai ona ausia ona o atinae tetele e le i mafai ona tino mai tupe maua i totonu o le 12 masina ae faatoa ausia i tausaga mulimuli mai. Na faamautuina tupe maua mai tausaga i luma mai o le 2008 ma le 2009 mai le faatauina o fale i Tauese ma fesuaiga o fanua ma le Malo lea ua i ai nei le fale tele o le Tui Atua Tupua Tamasese i Sogi. O lo o faagasolo foi le faamautuina lelei o lisi i afioaga pei o Vaialele, Letogo ma Vaitele e ausia ai tupe maua sa fuafuaina.

O le mau a le Komiti i le siitia o tupe faaalu a le Faalapotopotoga e le sao ona e le o se tino i tupe na faaluina ae ua na o se fuainumera e faamautuina ai le faaititia o le tau po o le aoga o aseta (depreciation). Na o le faafaeina o malae tapolo ma pili eletise sa faamautuina i le siitia o tupe faaalu fuafua i tupe faaalu na fuafuaina, ae o isi uma vaega sa i totonu lava o tupe faaalu na fuafuaina.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Komiti mo Ofisa o le Palemene i le P.P.2013/2014 Nu.12, Lipoti a le Suetusi Sili a le Malo i le Fono Aoa Fautulafono mo le tausaga faaletupe faaiiua 30 Iuni 2010 ma le 30 Iuni 2011

I le mataupu e faatatau i le faaogaina o se Kamupani latou te sueina mai pisinisi mo le Faalapotopotoga, ua faamauiua lea tulaga ma ua aliali mai ai le le usitaia e le Komiti Faatonu ma le Pulega o taiala ma tulafono faatonutonu e faasino i le faafoeina o tauofoga a le Malo, peitai e leai se faamaoniga na togitupe le Minisita po o se tasi foi o le afaigaluega e le kamupani middleman.

O lo o manino lava faiga faavae a le Faalapotopotoga i fanua faatau e le afaigaluega, lea e faatauina i le 60% o le tau o le fanua. O lo o i ai uma faamaumauga i le Faalapotopotoga o fanua uma na faatauina e le afaigaluega i lalo o lea vaega o le faavae. O tupe faaalu uma foi i Komiti faufautua i le fausiaina o le maketi i Salelologa, Vaitele aemaise Komiti Faafoe mo fanua o lo o i lalo o le Faalapotopotoga o lo o faamauiua uma lava i vaega e fitoitonu i galuega faatino a le Minisita. O lisi tuua o lo o i ai nei e mo atinae tau i faatoaga ma o lo o galulue lava le Faalapotopotoga ina ia aoina uma mai nei vaegatupe.

O le konekarate foi mo le faamamaina o fanua ma togalaau i malae tapolo, na mulumulitaia lava le tuuina mai o quotes e 3 ma fai i ai le faaiuga e pei ona i ai nei konekarate mo le malae tapolo i Faleata ae faapea foi le maketi i Salelologa.

O nisi nei o mataupu ogaoga e pei ona laga mai e le Komiti, ma e pei ona faailoa muamua atu, ua maea ona tuuina atu tali a le Matagaluega ma Faalapotopotoga i le Komiti a o iloiloia le Lipoti a le Suetusi Sili ma e le o i ai se isi manatu faasili atu nai lo faamaumauga maumaututu na tuuina atu muamua.

Ua faamauiua foi e le Malo le moomia ona siitia le faatinoina o galuega, aemaise ai i lona tulaga lelei ma le faamaoni, e le gata i le Faalapotopotoga o Eleele o Samoa, ae faapea Matagaluega ma Faalapotopotoga uma a le Malo, aemaise lava i itu e tuuina atu ai galuega atinae i se faiga faataufo.

O lea ua mauaa taiala mo tauofoga o lo o taitaiina e le Matagaluega o Tupe ma o le lusi o lo o ua i ai o le faia lea o ni aoaoga faaauau e faamasani ai le afaigaluega uma a le Malo i nei foi ituaiga galuega aua e tele lava nai vaega e ao ona vaavaai lelei i ai ae le i amata le tauofoga o ni atinae tetele, e foia ai le toe siitia o le tau (variations) o le atinae pe a amata ona fausiaina mai le tau na fuafuaina mai i le amataga.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Komiti mo Ofisa o le Palemene i le P.P.2013/2014 Nu.12, Lipoti a le Suetusi Sili a le Malo i le Fono Aoa Fautulafono mo le tausaga faaletupe faaiiua 30 Iuni 2010 ma le 30 Iuni 2011

O manaoga tau Lipoti i lalo o le Tulafono mo le Pulega o Tupe a le Malo 2001 ma le Tulafono mo Faalapotopotoga a le Malo 2001 o lo o manino lava, ma o vaega ia o lo o faamalasia pea e le Matagaluega o Tupe i ana galuega faatino. E manatu foi le Malo o le a toe siitia lea galuega faatino pe a faatuina le Matagaluega mo Faalapotopotoga a le Malo ina ia manino matafaioi a Komiti Faatonu i le pulea lelei o nei aseta tetele a le Malo.

E avea ai foi lenei avanoa e momoli atu ai le faafetai tele a le Malo i le Komiti ma le latou Lipoti, aemaise foi le iloiloga tutoatasi a le Ofisa o le Suetusi Sili. E aoga mataupu laga e toe vaai i ai le Malo i ana galuega faatino, o tagata faigaluega aemaise le toe iloiloia o ana faiga faavae ina ia mautinoa o lo o gasolo i se tulaga manuia le atinaeina o le tamaoiga o si o tatou atunuu.

Lau Afioga i le Fofoga Fetalai, o le Tali atu lena pei ona manaomia e le Komiti.

FOFOGA FETALAI: Malo faafetai i lau Afioga i le Palemia.

Afioga Hon Palusalue Faapo II: Lau Afioga i le Fofoga Fetalai, na o sina avanoa laitiiti lava ma lou faaaloalo.

FOFOGA FETALAI: Se o le a tatou toe agai foi e fai le taimi ua uma ona faamalamalama atu. E leai se mea e mafai

Afioga Hon Palusalue Faapo II: Se ona o le Lipoti lea e aupito sili ona taua o lo o faatalitali i ai le atunuu, aemaise ai .

FOFOGA FETALAI: A lea ua uma ona tolaulau le Tali a le Malo. Palusalue, ia lea foi o le a ou toe taumafai e faamalamalama atu le mea ua uma ona faamalamalama atu muamua.

Afioga Hon Palusalue Faapo II: Leaga e ese lava tali ia e aumai ese tali o fautuaga a Komiti.

FOFOGA FETALAI: E le tulia i le mea lena, o lea ua uma ona avatu le suesuega. E le mafai ona tatou agai i le mea lena. O lona uiga a tatou agai loa i le mea lena, lona uiga e aulia taeao o tatou iinei. O lea ua uma ona ou faamalulu atu, tatou o ai lea i le mea lena.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Komiti mo Ofisa o le Palemene i le P.P.2013/2014 Nu.12, Lipoti a le Suetusi Sili a le Malo i le Fono Aoaio Faitulafono mo le tausaga faaletupe faaiiina 30 Iuni 2010 ma le 30 Iuni 2011

Afioga Hon Aeau Peniamina Leavaiseeta: Lau Afioga i le Fofoga Fetalai, faafetai e malamalama lelei lava i lau faamalamalama. Ae ua ou tulai atu ona o au o se tasi o le Komiti lea, OPC. Faafetai o lea ua faafofoga le Maotaí .

FOFOGA FETALAI: Malie Aeau, o lea o le a tauau inái o lea o le a talatala atu lava le tatou mataupuí .

Afioga Hon Aeau Peniamina Leavaiseeta: Lau Afioga, o lona uiga e sa ona fai se manatu i le Tali, e sa?

FOFOGA FETALAI: E le mafai, silasila i lalo, o lea la o le a ou tau atua, e le mafai. O lea e i lalo o le tatou Parliamentary Practice and Procedures lea, o lo o i ai uma lava faamaumauga o le mea lea. Faamolemole Fepuleai se i avatu seí

Afioga Hon Aeau Peniamina Leavaiseeta: Ua maumau lava la lo tatou taimi. A na pasia analeila eí í

FOFOGA FETALAI: E le o maumau. Aeau, tasi ae foi lau saunoaga, tatou o i ala o mea ma le Tulafono Tumau ma le tatou Parliamentary Procedure lea. A lea, lea ou te uu atua. O lo o mau lava i i ma atagia ai i i le tulaga o le tatou Tulafono Tumau ma faiga faavae a le tatou Palemene. O le faasilasilaga mulimuli lena a le Fofoga Fetalai i le mataupu lena.

Afioga Hon Palusalua Faapo II: Lau Afioga, e sili atu le aloaia o le Tulafono Tumau.

FOFOGA FETALAI: O ai la e faauigaina le Tulafono Tumau? O oe po o au?

Afioga Hon Palusalua Faapo II: O tatou uma lava.

FOFOGA FETALAI: E leai la. O lea la ua ou fai atua le mea.

Afioga Hon Palusalua Faapo II: A silasila i ai, e leai ma se mea o aumaia e sa felafolafoaiga.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Komiti mo Ofisa o le Palemene i le P.P.2013/2014 Nu.12, Lipoti a le Suetusi Sili a le Malo i le Fono Aoaofaitulafono mo le tausaga faaletupe faaiiua 30 Iuni 2010 ma le 30 Iuni 2011

FOFOGA FETALAI: Alaala i lalo. Palu, e le o i ai foi se mea o i i ina o tuu mai ai se mea e fai se felafolafoaiga. O le discretion la, o le discretion a le Fofoga Fetalai. A tatou o nei e fai le finauga lena ona sili lea lou sau e te saofai atu iinei ae ou alu atu i ina. Ia malilie sui usufono o lea ua uma ona ou faamalamalama atu a tatou Tulafono.

Na tuuina atu le Fesili ma ina ua manumalo le Ioe, na tulai loa le P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Komiti mo Ofisa o le Palemene i le P.P.2013/2014 Nu.12, Lipoti a le Suetusi Sili a le Malo i le Fono Aoaofaitulafono mo le Tausaga Faaletupe faaiiua 30 Iuni 2010 ma 30 Iuni 2011 ua faamaonia.

FOFOGA FETALAI: O le a fai se malologa mo le tatou malologa masani o le afiafi.

Afioga Hon Palusalua Faapo II: Lau Afioga i le Fofoga Fetalai, sa tatau ona aumai uma le Fesili - e leai.

FOFOGA FETALAI: Alaala i lalo. Alaala i lalo, a fai atu loa lau faatonuga ona e alaala lea i lalo. *(I le Taitai o le Itu Agai o lo o tulai).*

O le a faataatia ese Taulumaga a le Fono Aoaofaitulafono mo lana malologa masani o le afiafi.

Na faataatia ese Taulumaga a le Fono Aoaofaitulafono mo lana malologa masani i le itula e 4:56 i le afiafi ma toe faaauau i le itula e 5:30 i le afiafi.

FOFOGA FETALAI: E fai le tatou malologa o lo o faagasolo pea nisi o Tali a le Malo e pei ona faafogafoga i ai le Maota ma e manatu o le a tatou papa-aveloa mo a tatou galuega faaauau.

E talitonu o lea ua maua le faamalosi tino e ala i le tatou taumafaga ti i le afiafi nei, ma e i ai le agaga maualuga ua faafoisia lo outou malosia o le tino, o le agaga ma le mafaufau atonu e faatonutonu folau ai i aai o finagalo o lo tatou Maota i lenei itula o le afiafi.

Afioga Hon Palusalua Faapo II: Lau Afioga i le Fofoga Fetalai, ou te tulai atu ma le faaloalof ..

FOFOGA FETALAI: Tulai mai lau Afioga i le Taitai o le Itu Agai.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Komiti mo Ofisa o le Palemene i le P.P.2013/2014 Nu.12, Lipoti a le Suetusi Sili a le Malo i le Fono Aoa Fautulafono mo le tausaga faaletupe faaiuina 30 Iuni 2010 ma le 30 Iuni 2011

Afioga Hon Palusalue Faapo II: Ou te avatu malu i puega i se taimi ua tuanai. E faamalulu atu i lau Afioga i le Fofoga Fetalai, leaga o au ou te tausi mamalu tele i lau Afioga i le Fofoga Fetalai. O le mea lea, o a foi ni upu ua laavale - ona pau lava lea lau Afioga i le Fofoga Fetalai, o le issue lea na uma atu nei i le Lipoti lea leaga na faamavae ai le Minisita a le Malo.

FOFOGA FETALAI: O lea ua ou maua Palu.

Afioga Hon Palusalue Faapo II: O le ala lea e mafua ai ona ou tutulai atu.

FOFOGA FETALAI: Aua le faaaogaina lau faatoesega e toe ui mai ai foi aua o lea foi o le a e toe taamilo i le ogasami lea e taumafai atu.

Afioga Hon Palusalue Faapo II: Ua ou tulai atu la e faatu le lafo, *Tatou pasia ia Lipoti ia ona ua alofa atu i le Afioga i le Minisita aua e leai se aoga e le mafai ona fai i ai ni fesili.*

E le i faaluaina le lafo.

FOFOGA FETALAI: O lea ua maua atu lou finagalo.

Afioga Hon Palusalue Faapo II: Ua faaletonu mai le tau, e tataua ona tatou vave o i aiga, a o le lafo lea ma lou faaaloalo lau Afioga i le Fofoga Fetalai.

FOFOGA FETALAI: Lau Afioga i le Taitai o le Itu Agai, ua e silasila mai o lea ua toe foi mai le tatou Fono mai le malologa. A e silasila mai ou te le i toe agai atu i lau Afioga i le taimi ua sola, ona e malamalama lea ua fou le taimi ua fou foi mafauauga i le tatalo leleoa i le Atua, ae tau ina ou fai atu i lau Afioga i le Taitai o le Itu Agai Palusalue, ia fua se tapu i lo ta va faafeagai ai.

A silasila ma faafogafoga le Maota i Taulumaga o le tatou Paeaiga lenei i le fa tausaga talu ai, o lenei lava e olo le fua ma avatu le faaaloalo i lau Afioga i le Taitai o le Itu Agai, mai lava i le uluai aso e oo mai i le taimi lenei. A o le mea lea e matauina, Palusalue ua latalata ina tatou oo i le tulaga o le ova atu o tuleiga ma saunoaga agai i le mamalu o le Nofoa. O le taimi muamua lenei o lea ua e tulai mai ai e te faatoese i le Fofoga Fetalai ma ia faasaosao tulaga e pei ona e taumafai mai i ai. Ana leai le Agaga o le Atua, ua leva lava ona e i fafo i o. O le tautinoga lena, ae ava tele atu leaga o oe o le tagata ua tau matuaina i le tatou Paeaiga ma le Palemene. O oe foi ua ave ma Taitai o le Itu Agai i lenei vaitau. Se i silasila i le mea lea e ava atu ai? Se faaitaiga i totonu o le Maota lenei se tagata ua taua o se Taitai ae tulai mai ai ni mea faapea ua e fesiligia le faaiuga a le Nofoa? O lea lava e folo i le manava. Ona e a? E ava, leaga e le o lau Afioga ae ava i le itumalo.

27 IANUARI 2015

P.P.2014/2015 Nu.185, Tali Atu a le Malo i le P.P.2013/2014 Nu.56, Lipoti a le Komiti mo Ofisa o le Palemene i le P.P.2013/2014 Nu.12, Lipoti a le Suetusi Sili a le Malo i le Fono Aoa Fautulafono mo le tausaga faaletupe faaiiuna 30 Iuni 2010 ma le 30 Iuni 2011

E te tu ma e sasau ma e le manatu i le tapuaiga a le paia i Aiga Sa-Tunumafono, o le Vaa Nofotolu e te tausia; o lena e te silafia.

Ona ou manatu lea lau Afioga i le Taitai o le Itu Agai, e faapena se lagona. A o tulaga i lo tatou va nonofo ma Tulafono Tumau ma mea uma, e malamalama mea uma i le taumafai atu. O lea foi ou te avatua avanoa. O nisi foi taimi e matau le atunuu, ua ou tuu atu tele avanoa ia te outou. A o lou talitonuga ma lou manatu, ona o outou o le Itu itiiti o la tatou galuega. E tataua pea ona avatu le avanoa ina ia maua outou avanoa tou te tali mai ai i mea ia e taumafai atu ai le Malo, ae aua le avea le tuu atu o avanoa e fai ma mea tou te le vaai ai i lo tatou va nonofo ai.

Ua ou talia lau faatoesega Palu ma aua ne i toe faia. Ia ulimasalo la tatou folauga i lenei Paeaiaga. Ia fai oe ma faata, ia fai oe ma faataitaiga lelei mo le lumanai ma le agai i luma o a tatou Fono. Po o fea e agai i ai lou malaulau i le finau i le Malo, aua ne i agai mai i le Nofoa. O le a e agai mai i le Nofoa o lea e te malu ai? Aua e te agai mai o lea ou te fuafua atua lo ta va faafeagai ai.

O nisi o taimi o lea lava e mau le toovae ma mau le faamalumalu. O lea ua e talanoa tonu i le Lipoti, ae na e talanoa nei i le Lipoti na aupito sili ona fue ai faaiuga a le Fofoga Fetalai i luga o nusipepa. ðO fea le Lipoti, o fea ua fai i ai, o le a le mea ua tuai ai ona aumai? ð O lea ua aumai, a o lea ua outou fai mai e pasia faapea ma nunumi uma ai tali a le Malo e le faia.

Malie le Taitai o le Itu Agai ou te le talia lau lafo, tuu pea le avanoa i le Malo o le a le itula e oo i ai Taulumaga o le afiafi ma le po lenei, o le tulaga lena e oo i ai. Ua uma ona faataatia a tatou galuega ma ua uma ona pasia le lafo. A o le tulaga i lo ta feeseeseaiga Palusalua, e lagona le loto faamagalalo o le Fofoga Fetalai, leaga e le o oe o se isi. E le gata o oe o le Tootoouli o le atunuu ua loa foi lou soifua i totonu o le Palemene, ma e fai ou tofi i le lotu. O le agaga lea ia lavapapale ma ia maua le agaga o lo tatou galulue felagolagomai ina ia taoto i lagatonu a tatou galuega.

O le faasilasilaga lea a le Fofoga Fetalai, ia malu avea i fale foi i le faafofogaaga a le Maota i lenei itula o le afiafi. Lau Afioga i le Palemia ma lau Kapeneta, o le agaga ma le faamoemoe ina ia taatia i lagatonu a tatou galuega, ia lavapapale ma maua le onosai e faaauu ai a tatou galuega i lenei afiafi.

P.P.2014/2015 NU.46, TALI ATU A LE MALO I LE P.P.2013/2014 NU.38, LIPOTI A LE KOMITI O OFISA O LE PALEMENE I LE P.P.2010/2011 NU.13, FAAMATALAGA O TUPE O LE PENISIONE MO LE PALEMENE MO LE TAUSAGA FAALETUPE FAAIUINA ASO 30 IUNI 2010

FOFOGA FETALAI: Tulai mai lau Afioga i le Palemia.

27 IANUARI 2015

P.P.2014/2015 Nu.46, Tali Atu a le Malo i le P.P.2013/2014 Nu.38, Lipoti a le Komiti o Ofisa o le Palemene i le P.P.2010/2011 Nu.13, Faamatalaga o Tupe o le Penisione mo le Palemene mo le tausaga faaletupe faaiuina aso 30 Iuni 2010

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai, e momoli atu foi le faamalo i le Maota ona o lea ua toe taliu mai i le malologa, ua sao i alo le taligasua. E faamalo foi i lau Afioga i le Taitai o le Itu Agai ona ua matauina lava lou taumafai e fesoasoani mai i le avega o lo o tauave e lenei Itu o le Maota, ae o le a onosai mai pea ae se i matou taumafai atu.

Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoa le P.P.2014/2015 Nu.46 o lo o tuuina atu ai Tali a le Malo i le P.P.2013/2014 Nu.38, Lipoti a le Komiti o Ofisa o le Palemene i le P.P.2010/2011 Nu.13, Faamatalaga o Tupe o le Penisione mo le Palemene mo le Tausaga Faaletupe faaiuina aso 30 Iuni 2010 e tusa ai ma le Tulafono Tumau 54.*

Faaluaina e le Sui Palemia.

FOFOGA FETALAI: Tulai mai lau Afioga i le Palemia.

TALI ATU A LE MALO I LE P.P. 2010/2011 NU.13, FAAMATALAGA O TUPE O LE PENISIONE MO LE PALEMENE MO LE TAUSAGA FAALETUPE FAAIUINA ASO 30 IUNI 2010.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai ou te tuuina atu ma le faaaloalo tali tusitusia a le Ofisa o le NPF i mataupu ua fautuaina o lo o tuuina mai i le lipoti e pei ona taua i luga ma o le a faagasolo atu i numera e pei ona i ai i lea lipoti.

Fautuaga 1:

Silasila i ni Teuteuga Talafeagai o le Tulafono o le Penisione mo le Palemene e faatulafonoina ai le avea o le Komiti Faatonu o le Faaputugatupe mo le Lumanai Manuia o Tagata ma Komiti Faatino o le Penisione mo le Palemene ae faataape le Komiti Faatino o lo o i ai nei ina ia faasaoina ai tupe faaalu.

Tali a le NPF:

Ua maea ona faia suiga i le Komiti Faatino o le Penisione Faa-Palemene e le Kapeneta mamalu. KOMITI FAATINO FOU:- “LEAI NI ALAUNI & NI TOTOGI O FAATONU.”

27 IANUARI 2015

P.P.2014/2015 Nu.46, Tali Atu a le Malo i le P.P.2013/2014 Nu.38, Lipoti a le Komiti o Ofisa o le Palemene i le P.P.2010/2011 Nu.13, Faamatalaga o Tupe o le Penisione mo le Palemene mo le tausaga faaletupe faaiuina aso 30 Iuni 2010

Ua maea ona ioeina e le Kapeneta suiga ua i ai nei sui mamalu o le Komiti Faatino mo le Penisione Faa-Palemene F.K. (12) i le 30 Aukuso 2012. O lenei suiga ua tofia ai Sui Faatonu mai Matagaluega ma Faalapotopotoga a le Malo e pei ona faailoa atu i lalo:

1. Minisita o Tupe ó Taitaifono.
2. Ofisa Sili o Pulega, Matagaluega o Tupe.
3. Loia Sili, Ofisa Loia Sili.
4. Failautusi o le Fono Aoao Faitulafono.
5. Ofisa Sili o Pulega, SNPF.

O sui mamalu e pei ona taua i luga e leai ni alauni po o ni totogi o galulue ai i le Komiti Faatino mo le Penisione Faa-Palemene, ona o i latou o lo o faigaluega i totonu o Galuega a le Malo.

Fautuaga 2:

Saunia ma tuuina atu faamatalaga o paleni o Saofaga mo tausaga taitasi i Sui Faisaofaga taitasi o le Penisione a le Palemene, ina ia silafia ai le faagasologa o le faagaioiga o le Penisione.

Tali a le NPF:

O lo o mafai ona faatinoina le tulaga e pei ona fautuaina ai le Ofisa e le Komiti, pe a talosaga mai le sui mamalu i se faamalamalamaga o ana saofaga i so o se taimi.

Ua talia e le NPF le fautuaga a le Komiti e pei ona tuuina mai mo sui mamalu, o lea o le a saunia ai e le Ofisa kopi o faamatalaga o saofaga a sui mamalu o le Penisione, i le maea ai ona tuuina aloaia mai Lipoti a Suetusi i tausaga taitasi.

O le a faaopoopo i le tau o galuega fai mo le Penisione mo le Palemene lenei auaunaga.

Tuuina atu ma le faaaloalo tele.

Na tuuina atu le Fesili ma ina ua manumalo le Ioe, na tulai loa le P.P.2014/2015 Nu.46, Tali Atu a le Malo i le P.P.2013/2014 Nu.38, Lipoti a le Komiti o Ofisa o le Palemene i le P.P.2010/2011 Nu.13, Faamatalaga o Tupe o le Penisione mo le Palemene mo le Tausaga Faaletupe faaiuina aso 30 Iuni 2010 ua faamaonia.

27 IANUARI 2015

**P.P.2014/2015 NU.49, TALI ATU A LE MALO I LE
P.P.2013/2014 NU.43, LIPOTI A LE KOMITI O OFISA O LE
PALEMENE I LE P.P.2012/2013 NU.18, LIPOTI FAALETAUSAGA
A LE FAALAPOTOPOTOGA O TAU MO FAALAVELAVE
FAAFUASEI MO LE TAUSAGA FAALETUPE 2010/2011**

FOFOGA FETALAI: Tulai mai lau Afioga i le Minisita mo Galuega tau Alamanuia ma Atinae a le Malo ma le Komisi o Galuega a le Malo, Hon Lautafi Fio Selafi Purcell.

Afioga Hon LAUTAFI FIO SELAFI PURCELL (Minisita mo Galuega tau Alamanuia ma Atinae a le Malo): E faafetai atu i lau Afioga i le Fofoga Fetalai. Lau Afioga i le Fofoga Fetalai ou te faatu le lafo, *Ina ia faamaonia e le Fono Aoa le P.P.2014/2015 Nu.49, Tali atu a le Malo i le P.P.2013/2014 Nu.43, Lipoti a le Komiti o Ofisa o le Palemene i le P.P.2012/2013 Nu.18, Lipoti Faaletausaga a le Faalapotopotoga o Tau mo Faalavelave Faafuasei mo le Tausaga Faaletupe 2010/2011 e tusa ai ma le Tulafono Tumau 54.*

Faaluaaina e le Minisita mo le Soifua Maloloina.

FOFOGA FETALAI: Tulai mai lau Afioga i le Minisita.

**TALI ATU I FAUTUAGA I LE P.P.2013/2014 NU.43, E FAATATAU I
LE LIPOTI FAALETAUSAGA A LE FAALAPOTOPOTOGA O
TAU MO FAALAVELAVE FAAFUASEI 2010/2011.**

Afioga Hon LAUTAFI FIO SELAFI PURCELL: Lau Afioga i le Fofoga Fetalai mo le silafia e le Maota atoa ma le faafofogaaga a le atunuu, ou te faitauina tali o lo o tuuina atu i lenei Pepa. E faamalulu atu i lau Afioga i le Fofoga Fetalai faapea le mamalu o le Maota ona e le o maua iinei fautuaga sa tuuina mai, ae na o tali ia o le a ou taumafai e tolalauina atu.

(1). **Talosaga mo Tau.**

- O lo o lima taitaiina le faatinoina o le auaunaga a le Faalapotopotoga o Tau mo Faalavelave Faafuasei i faiga faavae ma taiala ua taatitia. O le manulauti o le faamoemoe ia ausia ona sini autu e ala lea i le vave ona totogi atu tau i tagata ua aafia, ma uunaia, faalauiloa tulaga tau saogalemu.
- E fialia foi e faailoa atu, ua mafai ona faagaioi talosaga ma totogi atu tau i le aso e faaoo mai ai po o le aso e sosoo ai pe afai e faaoo mai uma mea moomia mo le faagaioiina o lea talosaga. Ua faaaogaina nisi metotia fou ina ia faaleleia atili ma vave ona maua e tagata mafatia se tau, po o fesoasoani talafeagai.

27 IANUARI 2015

P.P.2014/2015 Nu.49, Tali Atu a le Malo i le P.P.2013/2014 Nu.43, Lipoti a le Komiti o Ofisa o le Palemene i le P.P.2012/2013 Nu.18, Lipoti Faaletausaga a le Faalapotopotoga o Tau mo Faalavelave Faafuasei mo le tausaga Faaletupe 2010/2011

(2). **Tupe a le Faalapotopotoga.**

- O lo o tausisia ma mulimulitai i taiala ua faataoto mo le aoina ma le malupuipua o tupe a le Faalapotopotoga. O lo o tilotilo foi le Faalapotopotoga i auala e vave ona mau ai nisi tupe faasili ia faatupulaia ma tumau ai pea i tulaga lelei le alualu i luma o tupe a le ACC.

(3). **Polokalame Faalauiloa.**

Auala o Femalagaaiga – (Tau Taavaleafi).

O le sao taua o le ACC i le saogalemu i auala o femalagaaiga, o le tuuina atu lea o faamaumauga o faalavelave tutupu mo polokalame faalauiloa lea e galulue faatasi ai ma le ACC i aoga tulagalua ma pre-schools, Komiti a Pulenuu ma isi Faalapotopotoga tumaoti. E le aofia ai polokalame faalauiloa o le saogalemu e ala i Radio Safety Ads i luga o leitio faasalalau a le 2AP ma le 98FM, lea ua 4 tausaga sosoo o faia pea. O lo o faapea foi ona uunaia le saogalemu i Workshops o lo o fai a le ACC ma Employers ma a latou tagata faigaluega i le faalauiloina o galuega ma matafai oi a le ACC.

I le tulaga maualuga o le fuainumera o e maliliu mai faalavelave o auala o femalagaaiga, o lo o atagia ai se ata tuga (severity) o faalavelave o lo o maliliu ai i latou, lea e pei ona faailoa atu i luga, o le tele e mafua mai i le soona saosaoa ma le ave taavale ona.

3.1 Faalavelave tutupu i Nofoga o Galuega:

O se tasi o itu taua ua matauina i le vaega lea o le saogalemu o nofoaga o galuega, ona o le sootagata vavalalata o le ACC ma isi stakeholders aemaise employers ma le MCIL e ala i le galulue faatasi. E pei lava o nisi o upu masani, without consultations confrontations will prevail ma o le a faafaigata foi ona mau le sini o se taumafaiga.

I le faatinoina o galuega a le Safety Promotion ma le Rehabilitation e tusa o lana Manual, o lo o i ai se Hazard Report Form e galulue ai alii ma tamaitai Safety Promotion Officers i le faiga o la latou galuega suesue.

27 IANUARI 2015

P.P.2014/2015 Nu.49, Tali Atu a le Malo i le P.P.2013/2014 Nu.43, Lipoti a le Komiti o Ofisa o le Palemene i le P.P.2012/2013 Nu.18, Lipoti Faaletausaga a le Faalapotopotoga o Tau mo Faalavelave Faafuasei mo le Tausaga Faaletupe 2010/2011

Ma o faalavelave tutupu uma e low le assessment, e fai lava e le Safety Promotion Officer le fautuaga mo se fofo i le e ona le galuega ma follow-up e ia i se taimi talafeagai. Ae o faalavelave tutupu uma e Medium pe High le Assessment, e tataua ona refer i le MCIL (for private sectors) ma le PSC (for Government Ministries) mo le faamalosi ma le tuliloaina i se taimi mulimuli ane ai.

3.2.1. Faalavelave e Aafia ai Tagata Faigaluega i le Maca ai o Galuega:

O le faalauiloaina o ituaiga faalavelave nei i tagata faigaluega, o lo o faatino faatasi lava i le taimi o faalauiloa ai le saogalemu i nofoaga o galuega faatasi ai ma fautuaga e tuuina i aiga i le taimi e asia ai le nofoaga na tupu ai le faalavelave.

Aotelega:

E ui o lo o ua agai i luga le aofai o faalavelave faafuasei, tagata manunua ma e maliliu mai faalavelave tau auala o femalagaaiga, peitai, e i ai le manatu o se siitaga lava e ono taliaina (acceptable) pe a fua i le gasologa o faalavelave tutupu tau auala o femalagaaiga i le lima tausaga talu ai, aemaise o le faatupulaia pea o le numera o taavale-afi auina mai i totonu o le atunuu. O le maualuga o le numera o e maliliu mai i faalavelave o lo o atagia ai se tulaga matuia (severity) o ia faalavelave. I le tulaga o faalavelave i nofoaga o galuega, o lo o faaauau pea le gasologa o le faaitiitia na amataina mai le tausaga faaletupe 2011/2012. Ma afai e faaauauina le gasologa o lo o i ai nei, e oo atu i le aso 30 Iuni 2014 e uma ai le tausaga faaletupe, o lo o pau pea i lalo le fuainumera. O faalavelave e aafia ai tagata faigaluega a ua maea galuega o lo o faatumauina le pau maualalo i le 27 mai le maualuga e 40 sa i ai i le tausaga faaletupe 2008/2009.

(4). Fausiaina o le Maketi i Fugalei.

E le o toe po se lilo i foliga vaaia o le galuega o le fausiaina o le maketi e pei ona fautuaina

O so o se poloketi tele faapenei, e i ai lava ma ona faafitauli, peitai o lo o mulimulitai lava le Taitaifono ma le Komiti Faatonu i fautuaga a le Afioa i le Minisita aemaise le FK a le Kapeneta e tuuina mai i lea taimi i lea taimi.

27 IANUARI 2015

P.P.2014/2015 Nu.49, Tali Atu a le Malo i le P.P.2013/2014 Nu.43, Lipoti a le Komiti o Ofisa o le Palemene i le P.P.2012/2013 Nu.18, Lipoti Faaletausaga a le Faalapotopotoga o Tau'i mo Faalavelave Faafuasei mo le tausaga Faaletupe 2010/2011

O lo o faapea ona logoina nei itutino o le Malo i le gasologa o le galuega, po o nisi mea e manatu le Taitaifono ma le Komiti Faatino e alagatau ona logoina ai le Minisita, le Palemia ma le Kapeneta.

Atonu o le vaega lea o le lipoti mulimuli lau Afioga i le Fofoga Fetalai ma le mamalu o le Maota. O lea ua silafia ua maea le maketi ma ua tulai mai o se maketi e fiafia i ai lo tatou atunuu. O le tali atu lea lau Afioga i le Fofoga Fetalai.

Na tuuina atu le Fesili ma ina ua manumalo le Ioe, na tulai loa le P.P.2014/2015 Nu.49, Tali Atu a le Malo i le P.P.2013/2014 Nu.43, Lipoti a le Komiti o Ofisa o le Palemene i le P.P.2012/2013 Nu.18, Lipoti Faaletausaga a le Faalapotopotoga o Tau'i mo Faalavelave Faafuasei mo le Tausaga Faaletupe 2010/2011 ua faamaonia.

P.P.2014/2015 NU.50, TALI ATU A LE MALO I LE P.P.2013/2014 NU.57, LIPOTI A LE KOMITI O GALUEGA, FELAUAIIGA MA SIOSIOMAGA I LE P.P.2011/2012 NU.60 & P.P.2011/2012 NU.92, FAAMATALAGA O SINI AUTU A LE FAALAPOTOPOTOGA O LE MALOSI FAA-ELETISE MO LE VAITAIMI 2012-2014 MA LE LIPOTI FAALETAUSAGA A LE FAALAPOTOPOTOGA O LE MALOSI FAAELETISE MO LE TAUSAGA FAALETUPE FAAIUINA ASO 30 IUNI 2011

FOFOGA FETALAI: Tulai mai lau Afioga i le Minisita mo Galuega, Felauaiga ma Atinae Esee.

Afioga Hon MANUALESAGALALA ENOKATI POSALA: Lau Afioga i le Fofoga Fetalai ma le paia maualuga o lenei Maota, ae ou te le i oo i le faatuina o le lafo, e momoli atu vaimalu i puega i lau Afioga i le Fofoga Fetalai i le faatautaiga o le Maota leaga o la e faafofoga mai lo ma itumalo o Safata. E a Ulu tafega ae selefutia ai Vaisigano, leaga o le Maota lenei e faafoe i le uta a le poto. E fetalai, ina ne i manao tele i le iā ae maumau ai le upega. Ua faamalo le lavapapale ma toā le tai i le Maota. O faaletonu o le Afioga Palusalua, o le faaletonu foi lea o Manualesagalala o le tasi o sui usufono mo le itumalo o Safata, ae faafetai ua fale i le Atua outou finagalo ua mafai ai ona toa malie le mataupu e pei ona i ai.

O le faafofoga foi a lo matou itumalo i la outou tapuaiga, ia tapuaia faiva. O ni faaletonu, tatou saili i le Atua e fesoasoani mai i le vaivai.

27 IANUARI 2015

P.P.2014/2015 Nu.50, Tali Atu a le Malo i le P.P.2013/2014 Nu.57, Lipoti a le Komiti o Galuega, Felauaiga ma Siosiomaga i le P.P.2011/2012 Nu.60 & P.P.2011/2012 Nu.92, Faamatalaga o Sini Autu a le Faalapotopotoga o le Malosi Faa-Eletise mo le vaitaimi 2012-2014 ma le Lipoti Faaletausaga a le Faalapotopotoga o le Malosi Faaeletise mo le tausaga Faaletupe Faaiuina aso 30 Iuni 2011

Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoa le P.P.2014/2015 Nu.50, o lo o tuuina atu ai Tali a le Malo i le P.P.2013/2014 Nu.57, Lipoti a le Komiti o Galuega, Felauaiga ma Siosiomaga i le P.P.2011/2012 Nu.60 & P.P.2011/2012 Nu.92, Faamatalaga o Sini Autu a le Faalapotopotoga o le Malosi Faa-Eletise mo le vaitaimi 2012-2014 ma le Lipoti Faaletausaga a le Faalapotopotoga o le Malosi Faa-Eletise mo le Tausaga Faaletupe faaiuina aso 30 Iuni 2011 e tusa ai ma le Tulafono Tumau 54.*

Faaluaina e le Minisita mo Galuega Tau Alamanuia ma Atinae a le Malo.

Afioga Hon Palusalue Faapo II: Lau Afioga i le Fofoga Fetalai í

FOFOGA FETALAI: Palu, o le a le mea lea e te tulai mai ai?

Afioga Hon Palusalue Faapo II: Lau Afioga i le Fofoga Fetalai, o au e tumu i le ava i lou uso a sui usufono vaeatu le Afioga i le Minisita.

FOFOGA FETALAI: O le a le faaletonu o le saunoaga a le Minisita?

Afioga Hon Palusalue Faapo II: E leai se mea e ala ai ona faatoese fua ia. O lea ou te tulai atu o au o le Taitai o le Itu Agai. O lea e fai lou tiute faa-Taitai o le Itu Agai, ae e le o le faatoese fua on my behalf, e le fetai.

FOFOGA FETALAI: O lea e taatia i lagatonu le mea lea. O le a le mea na e momoe mai ai mai fafo ae na e alu i fafo e te nofonono ai?

Afioga Hon Palusalue Faapo II: E leai, leaga e le fetai le mea lea.

FOFOGA FETALAI: Alaala i lalo. *(I le Taitai o le Itu Agai).*

Afioga Hon Palusalue Faapo II: Leaga o la e faafofoga mai lou itumalo e pei e foliga e sese lau mea lea e fai.

FOFOGA FETALAI: Alaala i lalo - ua fai atu faafia e te le alaala i lalo?

Afioga Hon Palusalue Faapo II: E tatau ona e faasaoa.

27 IANUARI 2015

FAAIUGA A LE FOFOGA FETALAI

FOFOGA FETALAI: Ou te manatu la ua tatou taunuu i le taunuuga na ou le manao e oo i ai. Sa ou maua le agaga o le loto faamagalo i le aso analeila, a o lea e matau atu e leai la ua tatau ona fai le faaiuga, ia tulai.

Satini o le Maota, ave le Taitai o le Itu Agai i fafo. O le a se i ou mafaufau po o le a le mea e fai ia te oe. Ua ova, ua tumu le fua, ua lava foi lea.

E faamalulu atu i lau Afioga i le Minisita. O lena e sagatonu lau o le fo i lau saunoaga leaga e le faaloaloavale le itumalo. O la e faafofoga tupu ma ee o le itumalo. O au foi lenei e Safata mai lava le tumuai e tau i tamatamaivae, a o le ava tele lea e fai atu.

Ua lava lea, lau Afioga i le Minisita, tasi ae foi atu lou finagalo. Ua ou talia ma le agaga faaloalo lau faamaulaloga e ala i le itu lea, ae ua ou manatu ua tatau ona aoai le Taitai o le Itu Agai.

Afioga Hon Aeau Peniamina Leavaiseeta: Lau Afioga i le Fofoga Fetalai í .

FOFOGA FETALAI: Alaala i lalo Aeau ó alaala i lalo. Ou te le toe tuu atua ni avanoa. Ua lava le taimi lea na ou faaloalo atu ai.

Tulai mai lau Afioga i le Minisita.

Na toe faaauau felafolafoaiga i le P.P.2014/2015 Nu.50, Tali Atu a le Malo i le P.P.2013/2014 Nu.57, Lipoti a le Komiti o Galuega, Felauaiga ma Siosiomaga i le P.P.2011/2012 Nu.60 & P.P.2011/2012 Nu.92, Faamatalaga o Sini Autu a le Faalapotopotoga o le Malosi Faaletise mo le vaitaimi 2012-2014 ma le Lipoti Faaletausaga a le Faalapotopotoga o le Malosi Faaletise mo le Tausaga Faaletupe faaiuina aso 30 Iuni 2011.

TALI ATU A LE MALO I LE P.P.2011/2012 NU.60, FAAMATALAGA O SINI AUTU – FAALAPOTOPOTOGA MALOSI FAALETISE MO LE VAITAIMI 2012 – 2014 MA LE P.P.2011/2012 NU.92, LIPOTI FAALETAUSAGA A LE FAALAPOTOPOTOGA MALOSI FAALETISE MO LE TAUSAGA FAALETUPE NA FAAIUINA I LE ASO 30 IUNI 2011.

Afioga Hon MANUALESAGALALA ENOKATI POSALA: Lau Afioga i le Fofoga Fetalai o Fautuaga a le Komiti.

1. Fautuaga a le Komiti:

I le maea ai o ana iloiloga, ua fautuaina ai e le Komiti le Malo ina ia:

- 1.1 Lagolago malosi poloketi o lo o faatino e le Faalapotopotoga mo se eletise gafataulimaina mo le atunuu, e pei o le:-

- Malosiaga e maua mai le la.
- Malosiaga o le Savili.
- Eletise e maua mai le:
 - suauu popo.
 - Patiki.
 - ma isi laau.

27 IANUARI 2015

P.P.2014/2015 Nu.50, Tali Atu a le Malo i le P.P.2013/2014 Nu.57, Lipoti a le Komiti o Galuega, Felauaiga ma Siosiomaga i le P.P.2011/2012 Nu.60 & P.P.2011/2012 Nu.92, Faamatalaga o Sini Autu a le Faalapotopotoga o le Malosi Faa-Eletise mo le vaitaimi 2012-2014 ma le Lipoti Faaletausaga a le Faalapotopotoga o le Malosi Faaeletise mo le tausaga Faaletupe Faaiiina aso 30 Iuni 2011

- Isi nofoaga fou o lo o maua ai le suavai.

Tali Atu:

- Ua maea ona komisi le 546kWp o le malosiaga mai le la e pei ona tatalaina i le aso 11 Aperila 2014. O lenei poloketi ua vaevaeina i ni vaega se tolu (i) Tanugamanono ó 150kWp, (ii) Vaitele ó 246kWp ma (iii) Salelologa ó 150kWp. Na faatupeina lenei poloketi i se tupe faameaalofa mai le Malo o Iapani e tauala mai i le Pacific Energy Community fund o lo o faatautaia e le Pacific Islands Forum Secretariat.
- Ua maea le 250kWp o le malosiaga o le la i luga o le Gym 3 i le malae taalo i Tuanaimato. Sa faatupeina lenei poloketi i se tupe faameaalofa mai le Malo o Niu Sila.
- O lo o faagasolo le faapipiina o le 2,200kWp o le malosiaga o le la i le malae tutuu solofanua i Tuanaimato. O lea poloketi o lo o faatupeina i se tupe faameaalofa mai le Malo o Niu Sila.
- O lo o faagasolo le faapipiina o le 250kWp po o le malosiaga o le la i Salelologa. O lea poloketi o lo o faatupeina i se tupe faameaalofa mai le Malo o Niu Sila.
- O lo o faagasolo le faapipiina o le 400kWp po o le malosiaga o le la i Asau. O lea poloketi o lo o faatupeina i se tupe faameaalofa mai le Malo o Niu Sila. O lo o faaauau ia fuafuaga mo lea poloketi.
- O lo o faagasolo le faapipiina o le 4,000kWp po o le malosiaga o le la o lo o faatinoina e le kamupani a le Greenpower. Latou te gaosia le eletise ma faatau mai i le EPC.
- O lo o faagasolo le faatalanoaina o le Power Purchase Agreement mo le 4,000kWp po o le malosiaga o le la o lo o faatinoina e le kamupani a le Solar mo Samoa.
- O lo o faagasolo le faatinoina o le Power Purchase Agreement ma le kamupani a le Biogen3 mo le 4,000kWp mai le susunuina o laau ma faatau mai i le EPC.

27 IANUARI 2015

P.P.2014/2015 Nu.50, Tali Atu a le Malo i le P.P.2013/2014 Nu.57, Lipoti a le Komiti o Galuega, Felauaiga ma Siosiomaga i le P.P.2011/2012 Nu.60 & P.P.2011/2012 Nu.92, Faamatalaga o Sini Autu a le Faalapotopotoga o le Malosi Faa-Eletise mo le vaitaimi 2012-2014 ma le Lipoti Faaletausaga a le Faalapotopotoga o le Malosi Faaeletise mo le tausaga Faaletupe Faaiuina aso 30 Iuni 2011

- O lo o faagasolo le faatalanoaina o le Power Purchase Agreement mo le 6,000kW mai le susunuina o pau taavale o lo o faatinoina e le kamupani a le Samoa Tyre Recycle. Latou te gaosia le eletise ma faatau mai i le EPC.
- O lo o faagasolo le faatalanoaina o le Power Purchase Agreement mo le 6,000kW mai le susunuina o le lapisi o lo o faatinoina e le kamupani a le Village Life Energy. Latou te gaosia le eletise ma faatau mai i le EPC.
- O lo o faagasolo le atinaeina o malosiaga o le suavai i (i) Faleaseela, (ii) Tafitoala, (iii) Tiapapata, (iv) Fuluasou, (v) Vaipu ma (vi) Faleata i Vailoa, Palauli.

2. Fautuaga a le Komiti:

- 2.1 Ave le faamuamua a le Faalapotopotoga mo le faaleleia o vaega o le auaunaga o lo o tulai mai ai le faafitauli o le eletise maumau e pei o le faaletonu i laina eletise ma le faafitauli i mita eletise ma mita eletise totogi muamua, ina ia oo atu i le isi lua tausaga o lumanai, ua i ai se faaitiitiga o le eletise maumau.

Tali Atu:

- O lo o faagasolo pea galuega a le Faalapotopotoga mo le faaitiitia o le eletise maumau. Mo le silafia e le Palemene, e i ai le eletise e faaaoga e afi ma masini e gaosi ai le eletise e tusa lea ma le 5% o le eletise gaosi, faatasi ai ma le eletise e leiloa i luga o laina eletise e tusa lea ma le 7% o le eletise o lo o tuuina atu mo le faaaogaina e le mamalu o le atunuu (for sales). O ia vaega e le mafai ona alofia aua e moomia e afi ma masini le eletise e ola ai pamu suauu, pamu vai, peapea e faamalu ai afi, moli, switchgears atoa ai ma le eletise e leiloa i le vevela (heat) i transformers ma laina eletise. O lona uiga e na o le 5 i le 6% le eletise o lo o leiloa i meter tamper, mita le faitaua, sese i le faitauga o mita, ma isi mafuaaga.
- Ua maea ona upgrade uma laina eletise ina ia tuuitiitia le eletise leiloa i transformers ma laina eletise ina ua faatupulaia le eletise e momoli atu i laina eletise (freeder loadings).

27 IANUARI 2015

P.P.2014/2015 Nu.50, Tali Atu a le Malo i le P.P.2013/2014 Nu.57, Lipoti a le Komiti o Galuega, Felauaiga ma Siosiomaga i le P.P.2011/2012 Nu.60 & P.P.2011/2012 Nu.92, Faamatalaga o Sini Autu a le Faalapotopotoga o le Malosi Faa-Eletise mo le vaitaimi 2012-2014 ma le Lipoti Faaletausaga a le Faalapotopotoga o le Malosi Faaeletise mo le tausaga Faaletupe Faaiuina aso 30 Iuni 2011

- O lo o faagasolo le galuega faifaipea i le siakiina o mita eletise mo i latou o lo o faaaogaina faasolitulafono le eletise.
- O lo o faaaauau pea le suiina o mita faitau ua faaletonu. Ua taofia le toe aumaia o mita cashpower. Ua faataitai nei nisi o mita totogi muamua o le JOY meter ma le Taslexus Tarus meter.
- O se tulaga masani le tulai mai o eseesea i le faitauina o mita mai le aofaiga o le eletise sa tuuina atu e faatau e fua i le taimi e faatinoina ai ia vala e lua. E masani ona iloa le aofai o le eletise e gaosia ma tuuina atu mo le faatauina atu i le masina atoa ae o le eletise e faatau atu (sales) e faalagolago i le faaaauau pea ma le taimi e faitauina ai mita. Mo le faaleleia atili o lea tulaga, ua tagai ai nei le Faalapotopotoga i le faaaogaina o SMART Meters.
- Ua faatulaga foi e le Faalapotopotoga e ala i le faaaogaina o se polokalame faakomepiuta e faamaumau ai ana aseta uma (GIS System), se faafanua mo laina uma o lo o tufatufaina atu ai le eletise i le atunuu lautele (distribution feeders), ma o le a fesoasoani tele lenei faiga e iloa ai le eletise maumau i laina eletise ma le nofoaga tonu o lo o aafia ai.
- Ua maea foi ona faapipiina i luga o le system mita (revenue meters) mo laina eletise o lo o tufatufaina atu ai le eletise mo le lautele (distribution feeders), ma ua mafai ai ona iloa le aofai o le eletise i kWh lea o le a tufatufaina atu i le atunuu lautele.

3. Fautuaga a le Komiti:

- 3.1 Uunaia le faamalositia o Polokalame Faalauiloa a le Faalapotopotoga i le Televise ma le Leitio mo le silafia e le atunuu o mafuaaga o le motusia faafuasei o le eletise i le tele o taimi, ina ia faaitiitia ai faitioga a le atunuu i le motusia soo o le eletise e aunoa ma ni faasilasilaga mo lo latou silafia.

Tali Atu:

- O lo o faaaauau pea le faasalalauina i le atunuu o galuega faatino a le Faalapotopotoga e aafia ai le tapeina o le eletise.

27 IANUARI 2015

P.P.2014/2015 Nu.50, Tali Atu a le Malo i le P.P.2013/2014 Nu.57, Lipoti a le Komiti o Galuega, Felauaiga ma Siosiomaga i le P.P.2011/2012 Nu.60 & P.P.2011/2012 Nu.92, Faamatalaga o Sini Autu a le Faalapotopotoga o le Malosi Faa-Eletise mo le vaitaimi 2012-2014 ma le Lipoti Faaletausaga a le Faalapotopotoga o le Malosi Faaeletise mo le tausaga Faaletupe Faaiiuna aso 30 Iuni 2011

- O lo o faasalalau foi le pe faafuasei o le eletise i taimi e tulai mai ai.
- O lo o faagasolo polokalame faalauiloa a le Faalapotopotoga e le gata i atinae o lo o faagasolo, ae faapea foi le suiga o le tau o le eletise ma isi auunaga.

4. Fautuaga a le Komiti:

- 4.1 Tausisia pea le Faaiuga a le Kapeneta lea ua faamutaina ai le toe tuuina atu o ni iunite tau eletise mo le faaaogaina e le Komiti Faatino ma sui o le Pulega, e aunoa ma se tupe totogi.

Tali Atu:

I le taimi nei, e le o toe maua e le Komiti Faatonu, Pulega ma le Aufaigaluega le faamanuiaga o eletise maua fua.

5. Fautuaga a le Komiti:

- 5.1 Faaauau pea galuega mo le faapipiina o mita eletise totogi muamua ma ia mautinoa le lelei atoatoa o ia masini. Fautuaina foi le silasila o le Faalapotopotoga i nisi ituaiga masini (mita eletise totogi muamua) e sui ai le ituaiga masini o lo o i ai nei, ona e vave leaga ina ia foia ai le faafitauli o le maumau o le eletise ma faaitiitia ai foi vaegatupe faaalu i galuega mo le fuaina o mita ma taavale o lo o faaaogaina ai.

Tali Atu:

- O lo o faaaauau pea le faapipiina o mita totogi muamua.
- Ua taofia le toe aumaia o mita cashpower, ae ua faataitai nei nisi o mita totogi muamua o le JOY meter ma le Taslexus Tarus meter.
- O lo o silasila foi le Faalapotopotoga i le faaaogaina o mita e mafai ona faitau mai i le ofisa (smart meters) e sui ai mita a pisinisi ina ia faigofie ona faitau ma mataitu i taimi uma.

6. Fautuaga a le Komiti:

- 6.1 Faaleleia afi eletise suauu o lo o i ai nei i Savaii i ni afi eletise fou, ina foia ai faafitauli o le faaaauau pea o le motusia o le eletise aemaise lava i le vaitau o aso fiafia i le faaiuga o tausaga taitasi.

27 IANUARI 2015

P.P.2014/2015 Nu.50, Tali Atu a le Malo i le P.P.2013/2014 Nu.57, Lipoti a le Komiti o Galuega, Felauaiga ma Siosiomaga i le P.P.2011/2012 Nu.60 & P.P.2011/2012 Nu.92, Faamatalaga o Sini Autu a le Faalapotopotoga o le Malosi Faa-Eletise mo le vaitaimi 2012-2014 ma le Lipoti Faaletausaga a le Faalapotopotoga o le Malosi Faaeletise mo le tausaga Faaletupe Faaiiina aso 30 Iuni 2011

Tali Atu:

O lo o faaauau ona faaleleia afi suauu tuai o lo o i Salelologa, Savaii e talitali ai le fale eletise fou o lo o fuafua i Vaiaata. Ae ua uma foi ona pasia le Komiti o Tauofoga na tuuina atu i le Kapeneta, nisi o afi fou o le a faatau mai mo Savaii.

7. Fautuaga a le Komiti:

7.1 Vave faapipii se masini fou (new voltage regulator) i le poumoli o lo o tu lata ane i le pamuvai fou i Falealupo, e faatonotonu ai le fesuisui ai o le malosi o le eletise e faaoga e lea pamuvai. O le vave faapipii o lea masini o le a mafai ona faasaoina mai ai lea aseta taugata a le Malo mai le faaleagaina ona o le fesuisui ai o le malosi o le eletise ma mafai ai ona ausia faamoemoega lelei na fausia ai.

Tali Atu:

O lo o fai suesuega a le Faalapotopotoga i le faafitauli i le pamu vai i Falealupo. Mo le taimi nei o lo o taumafai e faalatalata le transformer i le pamu vai. E ao foi i le Pulega o le Suavai ona faapipii ni latou protection e pei o tulaga masani e puipuia ai le pamu vai.

8. Fautuaga a le Komiti:

8.1 Galulue faapaaga a le Faalapotopotoga ma le Matagaluega o Punaoa Faanatura ma le Siosiomaga mo punavai ma vaitafe o lo o tamaoaga i le suavai, e talafeagai mo le gaosia o le eletise.

Tali Atu:

O lo o galulue soosootauau le Faalapotopotoga ma le Matagaluega o le Punaoa Faanatura ma le Siosiomaga (MNRE), Matagaluega o Tupe (MOF) i le atinaeina o afi e alu i le suavai. O lo o faagasolo nei atinae i Faleaseela, Tafitoala, Fuluasou, Vaipu i Afulilo, Faleata i Vailoa Palauli.

Lau Afioga i le Fofoga Fetalai, e talosaga atu i lau Afioga ona o le faaiuga ua faia i lou uso a sui usufono, ia fesoasoani mai le Atua e toe talia ai, faafetai.

27 IANUARI 2015

P.P.2014/2015 Nu.50, Tali Atu a le Malo i le P.P.2013/2014 Nu.57, Lipoti a le Komiti o Galuega, Felauaiga ma Siosiomaga i le P.P.2011/2012 Nu.60 & P.P.2011/2012 Nu.92, Faamatalaga o Sini Autu a le Faalapotopotoga o le Malosi Faa-Eletise mo le vaitaimi 2012-2014 ma le Lipoti Faaletausaga a le Faalapotopotoga o le Malosi Faaeletise mo le tausaga Faaletupe Faaiiuna aso 30 Iuni 2011

Na tuuina atu le Fesili ma ina ua manumalo le Ioe, na tulai loa Tali Atu a le Malo i le P.P. 2014/2015 Nu. 60, Lipoti a le Komiti o Galuega, Felauaiga ma Siosiomaga i le P.P. 2011/2012 Nu. 60 & P.P. 2011/2012 Nu. 92, Faamatalaga o Sini Autu a le Faalapotopotoga o le Malosi Faaeletise mo le Vaitaimi 2012-2014 ma le Lipoti Faaletausaga a le Faalapotopotoga o le Malosi Faaeletise mo le Tausaga Faaletupe Faaiiuna aso 30 Iuni 2011 ua faamaonia.

FOFOGA FETALAI: Lau Afioga i le Minisita, o au e tumu i le ava atu i lau Afioga ona o oe o se tasi o le itumalo. E manatu foi o lea e faafofoga tapuai le atunuu ua faafofoga le Maota i lenei aso. Faafetai i lou fetepaaina ona o le tulaga sa i ai le tulaga sa talanoa atu ai le Taitai o le Itu Agai, e le o ni upu e avane ai, ae o i lea e iloa ai, e le moni le faatoesega na fai mai nei i le Fofoga Fetalai. O lea ua e faaopoopo mai e tusa e molimoli mai malu i puega i le faafofoga a le Maota, aemaise le faatoesega na aumai i le Fofoga Fetalai, o i e tau mai ai e le moni le upu na fai, ma ua tataua loa ona fai le faaiuga e tataua ona fai. O le ala lea lafo mai lau faautaga ma le mea ua e talosaga mai i ai, ia se i moe manatunatu le aso pei o le upu o le tamaloa Aana po o le a le mea e tataua ona fai, fesili i le Atua po o le a le faaiuga e aumai, o le faaiuga lena o le a tatou o i ai. Ae ua ou talia ma le faaaloalo lau faatoesega.

Afioga Hon Aeau Peniamina Leavaiseeta: I le ava e tataua ai ou te tulai ai i le pau o le Maota nei, aua ou te lagona e tataua, ioe, e leai e ava tele ma matau i lau faaiuga, ae tau lava ina faitau ane ai lau Afioga leaga o tiute fai i totonu o le Maota. O se leo e taumolimoli atu i lau Afioga ma le pau o le Maota nei, ua sasi foi le Afioga i le Taitai o lenei Vaega Faaupufai. Ioe ou te talitonu e le o agaga lea lau Afioga i le Afioga i le Taitai o le itu nei, na ona faataatia atu e valuvalusia aa o le fau i le faatofalaiga ma le tatalo, ia faale-Atua le faautaga ma le tofa, faatuatua tele, o le a lava le tanoa i lau Afioga, e tai alalo le ia a sa Saumani i le Maota nei. Ae tau ina faitau ane ai lagona, e ava tele, a o le tiute fai e tataua ona fai. O le tatalo lea ma le faamaualaloga i lau Afioga e tusa ai ma sasi foi a le Afioga i le Taitai o lenei Vaega Faaupufai, i le ava e tataua ai, faafetai.

FOFOGA FETALAI: Ia, lau Afioga i le Sui Taitai, e manatu o lea e faafofoga ma le manino le tatou Maota, aemaise le faafofogaaga a le tatou atunuu. Lau Afioga Aeau, a tu le too ae tepa i le ata i le savaliga o le tatou Paeaga lenei, paga lea, ia na ona matau lava ma le loto faanoanoa, ae sa olo lava le fua ma folo mea uma ona o lo tatou va faafeagai ai, ae matua atu le tuu i ina leaga o lau Afioga o le Sui Taitai, sa e saofai foi i le Nofoa lenei ou te taumafai atu ai.

27 IANUARI 2015

**P.P. 2014/2015 Nu. 60, Tali Atu a le Malo i le P.P. 2013/2014 Nu. 130,
Lipoti a le Komiti mo Ofisa o le Palemene i le P.P. 2012/2013 Nu. 74,
Lipoti i le Palemene a le Ofisa o le Komesina o Sulufaiga e tau i le Aso 30
Iuni 2012**

E le o se Nofoa o le Laaulialemalietoa po o lenei itumalo, o le Nofoa o Samoa, o se tagata la e le migao i le Fofoga Fetalai, o le le migao lena i le Palemene lenei, o le le migao lena i le faafofogaaga a Samoa ma lana tapuaiga. O le ala lea Aeau o le a sau matau i le aso lenei, ou te matua atu i ina, leaga o nisi foi taimi ia e le tau fai atu o lea lava ou te molimau atu i luma nei, o le tuualalo ma le faaoololomaau, ia o lea e tafitifiti ai le Taitai o le Itu Agai. Ae taatia maia lou finagalo, o lea ua uma ona ou fai atu o le a tatou momoe manatunatu i lenei afiafi, alafai i le taeao fou, ia ona tatou lagona lea o nisi musumusuga mai le Alii.

Ae faafetai mo le manatu mai ma le faamaualaloga ua tuuina mai i lau Afioga i le Sui Taitai o le Itu Agai.

**P.P. 2014/2015 NU. 60, TALI ATU A LE MALO I LE P.P. 2013/2014
NU. 130, LIPOTI A LE KOMITI MO OFISA O LE PALEMENE I LE
P.P. 2012/2013 NU. 74, LIPOTI I LE PALEMENE A LE OFISA O LE
KOMESINA O SULUFAIGA E TAU I LE ASO 30 IUNI 2012**

FOFOGA FETALAI: Tulai mai lau Afioga i le Minisita mo le Ofisa o le Komesina o Sulufaiga.

Tofa Hon TOLOFUAIVALELEI FALEMOE LEIATAUA: Lau Afioga i le Fofoga Fetalai e tulai lava ma le faaaloalo e faatu le lafo, *Ina ia faamaonia e lenei Fono Aoa o le P.P. 2014/2015 Nu. 60 o lo o tuuina atu ai Tali a le Malo i le P.P. 2013/2014 Nu. 130, Lipoti a le Komiti mo Ofisa o le Palemene i le P.P. 2012/2013 Nu. 74, Lipoti i le Palemene a le Ofisa o le Komesina o Sulufaiga e tau i le aso 30 Iuni 2012, e tusa ai ma le Tulafono Tumau 54.*

Faaluaina e le Minisita mo Galuega Tau Alamanuia ma Atinae a le Malo, le Minisita mo Fesootaiga ma Faamatalaga Tekonolosi ma le Minisita mo le Soifua Maloloina.

FOFOGA FETALAI: Tulai mai lau Afioga i le Minisita.

Tofa Hon TOLOFUAIVALELEI FALEMOE LEIATAUA: Lau Afioga i le Fofoga Fetalai, mo le silafia e lenei Maota atoa ai ma le faafogafogaaga a le atunuu, ou te faitauina Tali o lo o tuuina atu i lenei Pepa, ma e mo le saga faamaninoina o lenei Tali, ia o lea ua i ai le manatu lau Afioga i le Fofoga Fetalai, o le a ou faitauina muamua ia le Fautuaga mai le Komiti ia ma faapena ona mulimuli faitau atu lona Tali. Ma e o le Fautuaga mai le Komiti o lo o taina i le lomitusi vaivai, a o le Tali a le Malo, ua taina i le lomitusi ua malosilona lanu ina ia eseese ai.

27 IANUARI 2015

**P.P. 2014/2015 Nu. 60, Tali Atu a le Malo i le P.P. 2013/2014 Nu. 130,
Lipoti a le Komiti mo Ofisa o le Palemene i le P.P. 2012/2013 Nu. 74,
Lipoti i le Palemene a le Ofisa o le Komesina o Sulufaiga e tau i le Aso 30
Iuni 2012**

Lau Afioga o le Fautuaga muamua.

TALI ATU A LE MALO I LE P.P. 2013/2014 NU. 130, LIPOTI A LE KOMITI O OFISA O LE PALEMENE I LE P.P. 2012/2013 NU. 74, LIPOTI I LE PALEMENE A LE OFISA O LE KOMESINA O SULUFAIGA E TAU I LE ASO 30 IUNI 2012.

Fautuaga 1:

- (i) Faatulaga ni vaegatupe mo avanoa faigaluega moomia o le Ofisa o le Komesina o Sulufaiga, ona o le toagaogao o le aufaigaluega i le taimi nei, ae o lo o tele galuega o lo o fia faatinoina.

Tali:

O lea ua faagaioi le faatinoina o le fautuaga mo le faatulagaina o ni vaegatupe mo avanoa faigaluega moomia o le Ofisa o le Komesina o Sulufaiga, ona o le toagaogao o le aufaigaluega, ae o lo o tele galuega o lo o fia faatinoina;

Fautuaga 2:

- (ii) E fautuaina le Ofisa o le Komesina o Sulufaiga, ina ia faatino ni Polokalame Faalauiloa mo le atunuu lautele, e silafia ai le taua o le auaunaga o lo o faatinoina.

Tali:

Ua fuafuaina foi le faatinoina o Polokalame Faalauiloa mo le atunuu lautele, e silafia ai le taua o le auaunaga o lo o feagai ma le Ofisa o le Komesina o Sulufaiga, pe a maea ona tofia i le aufaigaluega moomia;

Fautuaga 3:

- (iii) Ia tuufaatasia le Lipoti Faaletausaga ma faamatalaga o tupe a le Ofisa o le Komesina o Sulufaiga i le isi Tausaga Faaletupe.

Tali:

O le tali a le Malo e ala i le Komesina o Sulufaiga, ua toeitiiti lava maea le faatinoina o le Lipoti Faaletausaga mo le Tausaga Faaletupe e tau ia Iuni 2013-2014, ma ua fuafuaina e tuuina atu i le Palemene i se taimi o lenei masina.

Lau Afioga i le Fofoga Fetalai, o le agaga faafetai lea i le Malo ona o lea ua tafa le finagalo o le Matagaluega o Tupe.

27 IANUARI 2015

**P.P. 2014/2015 Nu. 60, Tali Atu a le Malo i le P.P. 2013/2014 Nu. 130,
Lipoti a le Komiti mo Ofisa o le Palemene i le P.P. 2012/2013 Nu. 74,
Lipoti i le Palemene a le Ofisa o le Komesina o Sulufaiga e tau i le Aso 30
Iuni 2012**

Sa latou le lagolagoina lenei vaega o le afaigaluega faaopoopo a le Matagaluega, ae peitai e pei ona silafia i le Tala Faatatau Faaopoopo Muamua o le Tupe o lenei tausaga seia oo ia Iuni i le tausaga nei i le 2015, ia o lea ua i ai i totonu le \$30,000 e fesoasoani i le totogi o se tagata faigaluega se toatasi, ia ae o lo o moomia pea nisi tagata faigaluega.

Ae faafetai mo lenei tali mai, o Fautuaga a le Komiti, ia o lea ua tali mai le Malo, ia talosia ia ia manuia galuega a lenei vaega o lala a lo tatou Malo, aua le manuia o ona tagata soifua.

Ia o le faaaliga lea ma le agaga faaloalo, ia manuia le Fono.

Na tuuina atu le Fesili ma ina ua manumalo le Ioe, na tulai loa Tali a le Malo i le P.P. 2013/2014 Nu. 130, Lipoti a le Komiti mo Ofisa o le Palemene i le P.P. 2012/2013 Nu. 74, Lipoti i le Palemene a le Ofisa o le Komesina o Sulufaiga e tau i le aso 30 Iuni 2012 ua faamaonia.

**P.P. 2014/2015 NU. 61, TALI ATU A LE MALO I LE P.P. 2013/2014
NU. 96, LIPOTI A LE KOMITI O MATAUPU TAU AOGA, SAIENISI,
FESOOTAIGA MA FAAMATALAGA TEKONOLOSI I LE P.P.
2013/2014 NU. 20, LIPOTI FAALETAUSAGA A LE IUNIVESITE
AOAO O SAMOA MO LE TAUSAGA FAALETUPE FAAIUINA ASO
30 IUNI 2011**

FOFOGA FETALAI: Tulai mai lau Afioga i le Minisita mo Aoga, Taaloga ma Aganuu.

Afioga Hon MAGELE MAULIU: Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoa le P.P. 2014/2015 Nu. 61 o lo o tuuina atu ai Tali a le Malo i le P.P. 2013/2014 Nu. 96, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P. 2013/2014 Nu. 20, Lipoti Faaletausaga a le Iunivesite Aoa o Samoa mo le Tausaga Faaletupe faaiiuna aso 30 Iuni 2011, e tusa ai ma le Tulafono Tumau 54.*

Faaluaina e le Minisita mo Punaoa Faanatura ma le Siosiomaga, le Minisita mo Tina ma Tamaitai, Atinae o Nuu ma Afioga ma Agafesootai, le Minisita mo Fesootaiga ma Faamatalaga Tekonolosi, le Minisita mo Galuega, Felauaiga ma Atinae Esee ma le Minisita mo Leoleo & Falepuipui.

FOFOGA FETALAI: Tulai mai lau Afioga i le Minisita.

27 IANUARI 2015

**P.P. 2014/2015 Nu. 61, Tali Atu a le Malo i le P.P. 2013/2014
Nu. 96, Lipoti a le Komiti o Mataupu tau Aoga, Saienisi, Fesootaiga ma
Faamatalaga Tekonolosi i le P.P. 2013/2014 Nu. 20, Lipoti Faaletausaga a
le Iunivesite Aoao o Samoa mo le tausaga faaletupe faaiiuna aso
30 Iuni 2011**

Afioga Hon MAGELE MAULIU: Lau Afioga i le Fofoga Fetalai mo le silafia e le Maota atoa ai ma le faafofogaaga a le atunuu, ou te faitauina Tali o lo o tuuina atu i lenei Pepa.

**TALI ATU I FAUTUAGA A LE KOMITI O MATAUPU TAU AOGA,
SAIENISI, FESOOTAIGA & FAAMATALAGA TEKONOLOSI I LE
P.P. 2013/2014 NU. 20, LIPOTI FAALETAUSAGA A LE IUNIVESITE
AOAO O SAMOA MO LE TAUSAGA FAALETUPE 1 IULAI 2010
FAAIUINA ASO 30 IUNI 2011.**

Fautuaga:

1. Silasila i ni auala talafeagai e faaleleia ai auaunaga o lo o manaomia e tali atu ai i aafiaga o le siitia pea o le faitauaofai o tagata aooga i totonu o le Iunivesite i le Papaigalagala, e pei o le:
 - Moomia le faalateleina o le potutusi (library), potu Komepiuta ma potu aoga mo le faaleleia o auaunaga tau aooga ma polokalame tau suesuega i totonu o le Iunivesite.
 - Moomia le faaleleia o auaunaga tau initaneti (wireless) mo aoga ma suesuega a alo ma fanau o lo o aotauina i le Iunivesite.
 - Moomia le faaopoopoina o se tagata agavaa ma o lo o i ai ni ona faailoga taualoa mo le auaunaga i le vaauga o mataupu e patino i alii ma tamaiti aooga, pae ma auli (Counsellor).

Tali:

Ua aofia i totonu o le Fuafuaga o Taiala a le Iunivesite Aoao o Samoa 2010-2020 (NUS Strategic Plan 2010-2020) auala talafeagai ua talitonu le Iunivesite e matua moomia e tali atu ai i aafiaga o le siitia pea ole faitauaofai o tagata aooga i le Iunivesite i le Papaigalagala, e pei o le:

- fausia o se Faletusi (library) fou e i ai komepiuta mo suesuega, fausia o se Nofoaga Tutotonu mo Auaunaga Lagolago mo Tagata Aooga (Student Support Services Centre) e i ai potu Komepiuta faapitoa mo le faaaogaina e tagata aooga mo a latou suesuega; ma le fausia o se Nofoaga Tutotonu mo le faafoeina o aooga ma suesuega i mataupu tau Samoa. O le fausia o nei nofoaga fou o le a matua faaleleia ai auaunaga tau aooga faapea polokalame tau suesuega i totonu o le Iunivesite. E le gata i lea, ae o le a maua ai avanoa e faalatele ai potu aoga i faleaoga o i ai nei.

27 IANUARI 2015

**P.P. 2014/2015 Nu. 61, Tali Atu a le Malo i le P.P. 2013/2014
Nu. 96, Lipoti a le Komiti o Mataupu tau Aoga, Saienisi, Fesootaiga ma
Faamatalaga Tekonolosi i le P.P. 2013/2014 Nu. 20, Lipoti Faaletausaga a
le Iunivesite Aoao o Samoa mo le tausaga faaletupe faaiiuna aso
30 Iuni 2011**

- faamuamua ua tuuina atu pea i le faaleleia o auunaga tau initaneti ona o le taua tele mo aoaoga ma suesuega a alii ma tamaitai aooga i le Iunivesite, e le gata i masini moomia, faalauteleina o le ala o fesootaiga faa-Initaneti (bandwidth) ae faapea ai foi le siitia o agavaa ma tomai o le aufaigaluega i le Vaega o Faamatalaga, Fesootaiga ma Tekonolosi a le Iunivesite.
- siitia o le tulaga o auunaga faafautuaga mo tagata aooga, e pei ona maea ai ona tofia se Faufautua Tamaitai ua i ai faailoga taualoa manaomia (Bachelor of Social Work) mai i le Iunivesite i Niu Sila ma agavaa i le faatinoina o polokalame fesoasoani mo tupulaga talavou i Niu Sila ma Samoa nei. O le Faufautua Tamaitai lea ua faaopoopo atu i le Faufautua Alii o i ai nei. O le a galulue Faufautua e lua ma tagata aooga uma ua aafia a latou aoga ona o faafitauli o le soifuaga e aofia ai siosiomaga faaleaiga, faigauo ma le maualalo lava o le lagona lelei i lona lava tagata ma ona malosiaga. Ae mo faafitauli e patino i tamaitai aooga, o le a faapea ona tauaveina e le Faufautua Tamaitai.

Ma le faaaloalo lau Afioga i le Fofoga Fetalai.

Na tuuina atu le Fesili ma ina ua manumalo le Ioe, na tulai loa le P.P.2014/2015 Nu.61, Tali Atu a le Malo i le P.P. 2013/2014 Nu. 96, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P. 2011/2012 Nu. 20, Lipoti Faaletausaga a le Iunivesite Aoao o Samoa mo le Tausaga Faaletupe faaiiuna aso 30 Iuni 2011 ua faamaonia.

**P.P. 2014/2015 NU. 62, TALI ATU A LE MALO I LE P.P. 2013/2014
NU. 63, LIPOTI A LE KOMITI O MATAUPU TAU AOGA, SAIENISI,
FESOOTAIGA MA FAAMATALAGA TEKONOLOSI I LE P.P.
2011/2012 NU. 55, LIPOTI FAALETAUSAGA A LE IUNIVESITE
AOAO O SAMOA MO LE TAUSAGA FAALETUPE FAAIUINA ASO
30 IUNI 2010**

FOFOGA FETALAI: Tulai mai lau Afioga i le Minisita mo Aoga, Taaloga ma Aganuu.

27 IANUARI 2015

P.P. 2014/2015 Nu. 62, Tali Atu a le Malo i le P.P. 2013/2014 Nu. 63, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P. 2011/2012 Nu. 55, Lipoti Faaletausaga a le Iunivesite Aoao o Samoa mo le tausaga faaletupe faaiuina aso 30 Iuni 2010

Afioga Hon MAGELE MAULIU: Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoao le P.P. 2014/2015 Nu. 62 o lo o tuuina atu ai Tali a le Malo i le P.P. 2013/2014 Nu. 63, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P. 2011/2012 Nu. 55, Lipoti Faaletausaga a le Iunivesite Aoao o Samoa mo le Tausaga Faaletupe faaiuina aso 30 Iuni 2010, e tusa ai ma le Tulafono Tumau 54.*

Faaluaina e le Minisita mo le Soifua Maloloina, le Minisita mo Punaoa Faanatura ma le Siosiomaga, le Minisita mo Galuega Tau Alamanuia ma Atinae a le Malo, ma le Minisita mo Leoleo & Falepuipui.

FOFOGA FETALAI: Tulai mai lau Afioga i le Minisita.

Afioga Hon MAGELE MAULIU: Lau Afioga i le Fofoga Fetalai mo le silafia e le Maota ma le faafofogaaga a le atunuu, ou te faitauina Tali o lo o tuuina atu i lenei Pepa.

TALI ATU I FAUTUAGA A LE KOMITI O MATAUPU TAU AOGA, SAIENISI, FESOOTAIGA MA FAAMATALAGA TEKONOLOSI I LE P.P. 2011/2012 NU. 55, LIPOTI FAALETAUSAGA A LE IUNIVESITE AOAO O SAMOA MO LE TAUSAGA FAALETUPE FAAIUINA ASO 30 IUNI 2010.

Fautuaga:

1. Ave le faamuamua i galuega talafeagai mo le foia o faafitauli ua taua i lalo o lo o taotaomia ai galuega e lagolago ai le atinae o aoaoga i totonu o le Iunivesite.
 - Potu Suesue faapitoa e faatotogaina i masini komepiute ua faapolokalameina i polokalame tau komepiuta, polokalame tau tausitusi, polokalame faapitoa, polokalame tau initaneti mo aoaoga e faatinoina i luga o upega tafailagi, mo suesuega a alo ma fanau;
 - Faalauteleina o potu komepiuta o lo o i ai nei ona ua siitia le aofai o tamaiti resitala aemaise ai o le tele o mataupu, e moomia le faaaoga o potu komepiuta;
 - Potu avanoa po o se nofoaga e malolo i ai tamaiti ma fai ai a latou meaaoga, ina ia taofia mai ai le feoai solo e tau saili se nofoaga paganoa ma le toafilemu e suesue ai a latou meaaoga.

27 IANUARI 2015

**P.P. 2014/2015 Nu. 62, Tali Atu a le Malo i le P.P. 2013/2014
Nu. 63, Lipoti a le Komiti o Mataupu tau Aoga, Saienisi, Fesootaiga ma
Faamatalaga Tekonolosi i le P.P. 2011/2012 Nu. 55, Lipoti Faaletausaga a
le Iunivesite Aoa o Samoa mo le tausaga faaletupe faaiuina aso
30 Iuni 2010**

Tali:

O tulaga ua tuuina mai i fautuaga, o faafitauli nei ua tele tausaga o feagai ma le Iunivesite i le taumafai malosi ai e faamalieina le faatinoga o ona tiute ma matafai oi faaletulafono aemaise i le tuuina atu o auunaga tatau ma moomia mo se tulaga maualuga i le aoaoina o alo ma fanau a Samoa.

E taumafai pea le Iunivesite Aoa o Samoa e ave le faamuamua i le faaleleia o auunaga faatekonolosi mo alii ma tamaitai aoga ina ia faafaigofie le faatinoga o vaega moomia o lo latou aoaoina faapea a latou meaaoga.

1. Ua i totonu o le Fuafuaga o Taiala 2010-2020 a le Iunivesite Aoa o Samoa auala ma gaoioiga ua ave i ai le faamuamua mo le foia o faafitauli ua loa ona taotaomia ai galuega e lagolago i le atinae o aoaoga i totonu o le Iunivesite.

- I le taimi nei, o lo o i ai potu faapitoa (Computer Laboratories) e fa (4) ua faatotogaina i masini komepiuta ua faapolokalameina i polokalame faakomepiuta eseese e faatino ai auunaga faa-Komepiuta e aofia ai avanoa e aoaoina ai tagata aoga ma latou faaogaina polokalame faakomepiuta mo a latou suesuega. Ua i ai foi masini komepiuta i faletusi e lua a le Iunivesite mo le faia o suesuega a tagata aoga. E i ai foi potu komepiuta a nisi o Saofaiga mo le faaogaina e tagata aoga o ia Saofaiga e fai ai a latou meaaoga. E faatau foi i tausaga taitasi masini komepiuta e faaopoopo i komepiuta o i ai i potu komepiuta faapitoa ma potu tusi. Ae peitai, ona o le maualuga pea o le fuainumera o alii ma tamaitai aoga i lea tausaga ma lea tausaga, e le i ausia lava le tulaga atoatoa ua naunau i ai mo leni auunaga. O le tuuina atu o aoaoga i isi vaega o Samoa faapea atunuu o le itulagi ma le lalolagi, e ala atu i faamatalaga ma auala faatekonolosi, o se galuega lea o lo o atinae i le taimi nei.
- O le faalauteleina o potu komepiuta o lo o i ai nei, ua aofia lea i totonu o le Fuafuaga o Taiala 2010-2020 a le Iunivesite.
- Ia i ai se potu po o se avanoa e malolo i ai tamaitai aoga ma fai ai a latou meaaoga;
I le taimi nei, e lata i le selau laulau ua faatulaga i avanoa talafeagai i faleaoga o i ai nei faapea lalo o tamaligi tetele e malolo i ai tagata aoga ma fai ai a latou meaaoga.

27 IANUARI 2015

**P.P. 2014/2015 Nu. 62, Tali Atu a le Malo i le P.P. 2013/2014
Nu. 63, Lipoti a le Komiti o Mataupu tau Aoga, Saienisi, Fesootaiga ma
Faamatalaga Tekonolosi i le P.P. 2011/2012 Nu. 55, Lipoti Faaletausaga a
le Iunivesite Aoao o Samoa mo le tausaga faaletupe faaiiina aso
30 Iuni 2010**

O le tele o avanoa ua faatutu ai nei laulau i faleaoga e leai se pisa ma e talafeagai e malolo ma fai ai meaaoga. Ae peitai, e fiafia tagata aoga e faapotopoto i polotito tetele o faleaoga ma pisapisao ai. Ua aofia i totonu o le Fuafuaga o Taiala 2010-2020 a le Iunivesite Aoao o Samoa, ma ua ave i ai le faamuamua mo le faatinoga le fuafuaga ua faamauiina i lalo:

Fausia o se Nofoga Tutotonu e i ai i totonu auaunaga uma mo le lagolagoina o tagata aoga e aofia ai potu komepiuta e fai ai meaaoga ma suesuega, potu e malolo i ai tagata aoga, o auaunaga tau fautuaga ma isi tulaga talafeagai mo le lagolagoina o tagata aoga.

2. Ua maea ona faatau ma faatulaga le afi faaleoleo i le Iunivesite ina ia le toe faalavelaveina vasega, faia o meaaoga ma suega a tagata aoga i le motusia soo o le eletise. O gaoioiga a le Iunivesite mo le faasaoina o tupe e pei o le 'Aso Faraile Pogisa' ua mafai ona faasaoina ai vaegatupe ua fesoasoani i le faatupeina o nisi o atinae taua a le Iunivesite. O nisi auala e maua mai ai le eletise o se tulaga lea o le a silasila i ai le Iunivesite i le lumanai.

E talitonu le Iunivesite Aoao o Samoa o alafua ma gaoioiga ua i totonu o lana Fuafuaga o Taiala, o le a foia ai faafitauli o lo o taotaomia ai galuega e lagolago ai le atinae o aoaoga i totonu o le Iunivesite, e pei ona tuuina mai i fautuaga a le Komiti o Mataupu tau Aoga, Saienisi, Fesootaiga ma Faamatalaga Tekonolosi.

Lau Afioga i le Fofoga Fetalai, faafetai.

Na tuuina atu le Fesili ma ina ua manumalo le Ioe, na tulai loa le Tali atu a le Malo i le P.P.2013/2014 Nu.63, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2011/2012 Nu.55, Lipoti Faaletausaga a le Iunivesite Aoao o Samoa mo le Tausaga Faaletupe faaiiina aso 30 Iuni 2010 ua faamaonia.

27 IANUARI 2015

P.P.2014/2015 NU. 63, TALI ATU A LE MALO I LE P.P.2013/2014 NU.121, LIPOTI A LE KOMITI O GALUEGA, FELAUAIIGA MA SIOSIOMAGA I LE P.P.2013/2014 NU.5, LIPOTI FAALETAUSAGA A LE FAALAPOTOPOTOGA O LE MALOSI FAA-ELETISE MO LE TAUSAGA FAALETUPE FAAIUINA ASO 30 IUNI 2012

FOFOGA FETALAI: Tulai mai lau Afioga i le Minisita mo Galuega, Felauaiga ma Atinae Eeseese.

Afioga Hon MANUALESAGALALA ENOKATI POSALA: Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoa le P.P.2014/2015 Nu.3, o lo o tuuina atu ai Tali a le Malo i le P.P.2013/2014 Nu.121, Lipoti a le Komiti o Galuega, Felauaiga ma Siosiomaga i le P.P.2013/2014 Nu.5, Lipoti Faaletausaga a le Faalapotopotoga o le Malosi Faa-Eletise mo le Tausaga Faaletupe faaiiuna aso 30 Iuni 2012, e tusa ai ma le Tulafono Tumau 54.*

Faaluaina e le Minisita mo Leoleo ma Falepuipui, Minisita mo Punaoa Faanatura ma le Siosiomaga, Minisita mo Aoga, Taaloga ma Aganuu ma le Minisita mo le Soifua Maloloina.

FOFOGA FETALAI: Tulai mai lau Afioga i le Minisita e saunoa.

Afioga Hon MANUALESAGALALA ENOKATI POSALA: Lau Afioga i le Fofoga Fetalai, o le Tali atu a le Malo i mataupu sa laga e le Komiti o Galuega, Felauaiga ma le Siosiomaga:

TALI ATU A LE MALO I LE P.P.2013/2014 NU.121, LIPOTI A LE KOMITI O GALUEGA, FELAUAIIGA MA SIOSIOMAGA I LE P.P.2013/2014 NU.5, LIPOTI FAALETAUSAGA A LE FAALAPOTOPOTOGA O LE MALOSI FAA-ELETISE MO LE TAUSAGA FAALETUPE FAAIUINA ASO 30 IUNI 2012.

1. Fautuaga a le Komiti:

Silasila i le ono faaauau o le atinae o le poloketi mo le eletise e gaosi mai i le malosi o le savili ona ua tele tausaga o taumafai mai lea galuega, e le i mautu lava ni faamaumauga e ono gafatia ai se gaosiga o le eletise, aemaise ai ua tele vaegatupe ua faaalu ai talu mai le amataga o lea galuega e oo mai i le taimi nei.

Tali:

1.1 Ua talia e le Faalapotopotoga le fautuaga a le Komiti.

1.2 Mo le silafia ua faatino nei le atinae e 500kw o le malosiaga o le savili i Vailoa Aleipata ma e faatupeina i se fesoasoani mai le Malo o Alapi (ABU DHABI).

27 IANUARI 2015

P.P.2014/2015 Nu. 63, Tali Atu a le Malo i le P.P.2013/2014 Nu.121, Lipoti a le Komiti o Galuega, Felauaiga ma Siosiomaga i le P.P.2013/2014 Nu.5, Lipoti Faaletausaga a le Faalapotopotoga o le Malosi Faa-Eletise mo le tausaga faaletupe faaiuina aso 30 Iuni 2012

- 1.3 Ua i ai foi se kamupani ua latou faailoa mai le latou fuafuaga (proposal) mo le gaosia o le eletise mai le malosiaga o le savili i le mauga o Lepue ma faatau mai i le EPC. O lo o faagasolo faatalatalanoaga o lenei atinae.

2. Fautuaga a le Komiti:

Ia faanatinati le faatinoina o le poloketi mo le suia o laina eletise tuai o lo o aafia i le eletise maimau, ina ia faasaoina ai ana tupe faaalu i le gaosia o le eletise.

Tali:

- 2.1 Ua talia e le Faalapotopotoga le Fautuaga a le Komiti.
2.2 Ua maea ona suia uma uaea tuai i le motu o Upolu.
2.3 Ua 90% o uaea o le motu o Savaii ua maea.

3. Fautuaga a le Komiti:

Ia uunaia le faatinoina o polokalame faaleaoaoga mo le tapueina o tomai o le afaigaluega i le faatinoina o lana auunaga.

Tali:

- 3.1 Ua talia e le Faalapotopotoga le fautuaga a le Komiti.
3.2 O poloketi uma o lo o faagasolo o lo o maua ai le avanoa e faatinoina ai polokalame faaleaoaoga mo le afaigaluega.

Na tuuina atu le Fesili ma ina ua manumalo le Ioe, na tulai loa le Tali atu a le Malo i le P.P.2013/2014 Nu.121, Lipoti a le Komiti o Galuega, Felauaiga ma Siosiomaga i le P.P.2013/2014 Nu.5, Lipoti Faaletausaga a le Faalapotopotoga o le Malosi Faa-Eletise mo le Tausaga Faaletupe faaiuina aso 30 Iuni 2012 ua faamaonia.

P.P.2014/2015 NU.64, TALI ATU A LE MALO I LE P.P.2013/2014 NU.119, LIPOTI A LE KOMITI O GALUEGA, FELAUAIIGA MA SIOSIOMAGA I LE P.P.2013/2014 NU.4, FAAMATALAGA O SINI AUTU A LE FAALAPOTOPOTOGA O LE MALOSI FAA-ELETISE MO LE VAITAIMI 2013-2015

FOFOGA FETALAI: Tulai mai lau Afioga i le Minisita mo Galuega, Felauaiga ma Atinae Eeseese.

27 IANUARI 2015

P.P.2014/2015 Nu.64, Tali Atu a le Malo i le P.P.2013/2014 Nu.119, Lipoti a le Komiti o Galuega, Felauaiga ma Siosiomaga i le P.P.2013/2014 Nu.4, Faamatalaga o Sini Autu a le Faalapotopotoga o le Malosi Faa-Eletise mo le vaitaimi 2013-2015

Afioga Hon MANUALESAGALALA ENOKATI POSALA: Lau Afioga i le Fofoga Fetalai mo le silafia e le Maota atoa ai ma le faafofogaaga a le atunuu, ou te faitauina Tali o lo o tuuina atu i lenei Pepa.

FOFOGA FETALAI: Malie lau Afioga i le Minisita se i faatu muamua mai le lafo.

Afioga Hon MANUALESAGALALA ENOKATI POSALA: Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoaio le P.P.2014/2015 Nu.64, o lo o tuuina atu ai Tali a le Malo i le P.P.2013/2014 Nu.119, Lipoti a le Komiti o Galuega, Felauaiga ma Siosiomaga i le P.P.2013/2014 Nu.4, Faamatalaga o Sini Autu a le Faalapotopotoga o le Malosi Faa-Eletise mo le Vaitaimi 2013-2015 e tusa ai ma le Tulafono Tumau 54.*

Faaluaina e le Minisita mo Leoleo ma Falepuipui, Minisita mo Punaoa Faanatura ma le Siosiomaga, Minisita mo Aoga, Taaloga ma Aganuu ma le Minisita mo le Soifua Maloloina.

FOFOGA FETALAI: Tulai mai lau Afioga i le Minisita e saunoa i le Tali.

Afioga Hon MANUALESAGALALA ENOKATI POSALA: Lau Afioga i le Fofoga Fetalai;

TALI ATU A LE MALO I LE P.P.2013/2014 NU.119, LIPOTI A LE KOMITI O GALUEGA, FELAUAIGA MA SIOSIOMAGA I LE P.P.2013/2014 NU.4, FAAMATALAGA O SINI AUTU A LE FAALAPOTOPOTOGA O LE MALOSI FAA-ELETISE MO LE VAITAIMI 2013-2015.

1. Fautuaga a le Komiti:

Silasila le Faalapotopotoga i le faatulagaina o sini autu e limataitaiina ai ana galuega faatino ina ia ogatasi ma aiaiga o lo o tuliloaina e lana Fuafuaga Autasi:

Tali:

- 1.1 E i ai le talitonuga o le Faalapotopotoga o lo o ogatasi ana sini autu e limataitaiina ai ana galuega faatino ina ia ogatasi ma aiaiga o lo o tuliloaina e lana Fuafuaga Autasi. Ae ua talia e le Faalapotopotoga le fautuaga ua tuuina mai.

27 IANUARI 2015

P.P.2014/2015 Nu.64, Tali Atu a le Malo i le P.P.2013/2014 Nu.119, Lipoti a le Komiti o Galuega, Felauaiga ma Siosiomaga i le P.P.2013/2014 Nu.4, Faamatalaga o Sini Autu a le Faalapotopotoga o le Malosi Faa-Eletise mo le vaitaimi 2013-2015

2. Fautuaga a le Komiti:

Ia faateleavave le faagasologa o Poloketi a le Faalapotopotoga e pei o le faaaogaina o le malosiaga eletise faafouina mo faamoemoega o se eletise gafataulimaina ma faatuatuaina e toomaga i ai ona o le siisii pea o le tau o le suau mo le gaosiina o le eletise.

Tali:

- 2.1 Ua maea ma komisi le 546Wp o le malosiaga mai le la e pei ona tatalaina i le Aso 11 Aperila 2014. O leni poloketi ua vaevaeina i ni vaega se tolu (i) Tanugamanono ó 150kWp, (ii) Vaitele ó 246kWp ma (iii) Salelologa ó 150kWp. O leni poloketi na faatupeina i se tupe faameaalofa mai le Malo o Iapani e tauala mai i le Pacific Energy Community Fund o lo o faatautaia e le Pacific Islands Forum Secretariat.
- 2.2 Ua maea le 250kWp o le malosiaga o le la i luga o le Gym 3 i Tuanaimato. Sa faatupeina leni poloketi i se tupe faameaalofa mai le Malo o Niu Sila.
- 2.3 O lo o faagasolo le faapipiina o le 2,200kWp o le malosiaga o le la i le malae tutuu solofanua i Tuanaimato. O lea poloketi o lo o faatupeina i se tupe faameaalofa mai le Malo o Niu Sila.
- 2.4 O lo o faagsaolo le faapipiina o le 250kWp o le malosiaga o le la i Salelologa. O lea poloketi o lo o faatupeina i se tupe faameaalofa mai le Malo o Niu Sila.
- 2.5 O lo o faagasolo le faapipiina o le 400kWp o le malosiaga o le la i Asau. O lea poloketi o lo o faatupeina i se tupe faameaalofa mai le Malo o Niu Sila.
- 2.6 O lo o faagsolo le faapipiina o le 4,000kWp o le malosiaga o le la o lo o faatinoina e le Kamupani a le Green Power. Latou te gaosia le eletise ma faatau mai i le EPC.
- 2.7 O lo o faagasolo le faatalanoaina o le Feagaiga (Power Purchase Agreement) mo le 4,000kWp o le malosiaga o le la o lo o faatinoina e le Kamupani a le Solar mo Samoa ma faatau mai i le EPC.
- 2.8 O lo o faagasolo le faatinoina o le Power Purchase Agreement ma le Kamupani a le Biogen3 mo le 4,000kW mai le susunuina o laau ma faatau mai i le EPC.

27 IANUARI 2015

P.P.2014/2015 Nu.64, Tali Atu a le Malo i le P.P.2013/2014 Nu.119, Lipoti a le Komiti o Galuega, Felauaiga ma Siosiomaga i le P.P.2013/2014 Nu.4, Faamatalaga o Sini Autu a le Faalapotopotoga o le Malosi Faa-Eletise mo le vaitaimi 2013-2015

- 2.9 O lo o faagasolo le faatalanoaina o le Power Purchase Agreement mo le 6,000kW mai le susunuina o pau taavale o lo o faatinoina e le Kamupani a le Samoa Tyre Recycle. Latou te gaosia le eletise ma faatau mai i le EPC.
- 2.10 O lo o faagasolo le faatalanoaina o le Power Purchase Agreement mo le 6,000kW mai le susunuina o le lapisi o lo o faatinoina e le Kamupani a le Village Life Energy. Latou te gaosia le eletise ma faatau mai i le EPC.
- 2.11 O lo o faagasolo le atinaeina o malosiaga o le suavai i (i) Faleaseela, (ii) Tafitoala, (iii) Tiapapata, (iv) Fuluasou, (v) Vaipu ma (vi) Faleata i Palauli.

3. Fautuaga a le Komiti:

Ia mafai ona ausia le 5% o le faaitiitia o le eletise maimau (non-technical losses) i totonu o le vaitaimi fuafuaina o le Faamatalaga o Sini Autu (2013-2015) ona ua faamaonia e le Komiti le siisii pea o eletise maimau mai tausaga ua tuana'i.

Tali:

- 3.1 O lo o faaauau pea galuega a le Faalapotopotoga mo le tuuaitiitia o le eletise maimau. Ua maea le System Loss Study sa faatinoina e le kamupani a le KEMA i le tausaga e 2011-2012 faatasi ai ma le Benchmarking sa faatinoina e le Pacific Power Association i le tausaga 2011-2012. O ia lipoti o lo o atagia ai o lo o feoloolo le tulaga o le eletise leiloa e fua i isi atunuu o le Pasefika e ui ina tele pea se tulaga moomia mo le faaleleia atili. O se tasi lea o sini autu o le Fuafuaga Autasi o lo o galulue i ai le Faalapotopotoga ina ia ausia. Ua mafai nei ona ausia e le Faalapotopotoga le 3-5% le eletise leiloa (non-technical loss). O se matatia maoae lea ua ausia e le Faalapotopotoga. E momoli atu ai le faamalo ma le faafetai i le Komiti Faatonu, Pulega ma le Aufaigaluega.
- 3.2 Ua maea ona upgrade uma laina eletise ina ia tuuaitiitia le eletise leiloa i transformers ma laina eletise ina ua faatupulaia le eletise e momoli atu i laina eletise (feeder overloads) ma ua tulai mai ai le technical losses i le 6.67% o le eletise tuuina atu mo le faatauina.

27 IANUARI 2015

P.P.2014/2015 Nu.64, Tali Atu a le Malo i le P.P.2013/2014 Nu.119, Lipoti a le Komiti o Galuega, Felauaiga ma Siosiomaga i le P.P.2013/2014 Nu.4, Faamatalaga o Sini Autu a le Faalapotopotoga o le Malosi Faa-Eletise mo le vaitaimi 2013-2015

- 3.3 O lo o faagasolo galuega faifaipea i le siakiina o mita eletise mo i latou o lo o faaoga faasolitulafono le eletise, ma tuuina atu i le tulafono.
- 3.4 O lo o faaauau le suiina o mita faitau ua faaletonu. Ua taofia foi le toe aumaia o mita cashpower. Ua faataitai nei nisi o mita tofogi muamua o le JOY meter.
- 3.5 Ua maea ona sui uma mita a le Afioaga o Magiagi, Faleatiu ma Tanugamanono i Prepayments Meters.

Ma le faaaloalo.

Na tuuina atu le Fesili ma ina ua manumalo le Ioe, na tulai loa le Tali atu a le Malo i le P.P.2013/2014 Nu.119, Lipoti a le Komiti o Galuega, Felauaiga ma Siosiomaga i le P.P.2013/2014 Nu.4, Faamatalaga o Sini Autu a le Faalapotopotoga o le Malosi Faa-Eletise mo le Vaitaimi 2013-2015

P.P.2014/2015 NU.69, TALI ATU A LE MALO I LE P.P.2013/2014 NU.88, LIPOTI A LE KOMITI O TUPE MAUA MA TUPE TOTOGI I LE P.P.2013/2014 NU.21, LIPOTI FAALETAUSAGA A LE FAALAPOTOPOTOGA INISIUA TAU SOIFUA A SAMOA MO LE TAUSAGA FAALETUPE 2011/2012

FOFOGA FETALAI: Tulai mai lau Afioaga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioaga i le Fofoga Fetalai ou te faatu le lafo, *Ina ia faamaonia e lenei Fono Aoa le P.P.2014/2015 Nu.69, o lo o tuuina atu ai Tali a le Malo i le P.P.2013/2014 Nu.88, Lipoti a le Komiti o Tupe Maua ma Tupe Totogi i le P.P.2013/2014 Nu.21, Lipoti Faaletausaga a le Faalapotopotoga Inisiua Tau Soifua a Samoa mo le Tausaga Faaletupe 2011/2012, e tusa ai ma le Tulafono Tumau 54.*

Faaluaina e le Sui Palemia, Minisita mo Galuega Tau Alamanuia ma Atinae a le Malo ma le Minisita mo Tina ma Tamaitai, Atinae o Nuu ma Afioaga ma Agafesootai.

FOFOGA FETALAI: Tulai mai lau Afioaga i le Palemia.

27 IANUARI 2015

P.P.2014/2015 Nu.69, Tali Atu a le Malo i le P.P.2013/2014 Nu.88, Lipoti a le Komiti o Tupe Maua ma Tupe Totogi i le P.P.2013/2014 Nu.21, Lipoti Faaletausaga a le Faalapotopotoga Inisiua tau Soifua a Samoa mo le tausaga faaletupe 2011/2012

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai e tusa ai ma le Lipoti a le Palemene ua taua i luga ma fautuaga ua tuuina mai e uiga i le Lipoti Faaletausaga a le Faalapotopotoga Inisiua Tau Soifua a Samoa mo le Tausaga Faaletupe 2011/2012, ua tuuina atu ai nei Tali e tusa o fautuaga a le Komiti.

TALI ATU A LE MALO I LE P.P.2013/2014 NU.88, LIPOTI FAALETAUSAGA A LE FAALAPOTOPOTOGA INISIUA TAU SOIFUA A SAMOA MO LE TAUSAGA FAALETUPE 2011/2012.

Fautuaga 1:

Ia faatinoina ma uunaia malosi polokalame faalauiloa a le Faalapotopotoga e faalauiloa ai i le atunuu lautele le taua o le faia o Inisiua Tau Soifua, ma faamanuiaga eseese e agavaa i ai Sui Faisaofaga.

Tali:

O lo o faaauau pea le faatinoina o polokalame faalauiloa a le vaega o le Maketi a le Faalapotopotoga i luga o leitio, nusipepa ma le TV ina ia silafia ai e le atunuu lautele ituaiga Inisiua Tau Soifua ma le taua o le faia o se inisiua, ma faalauiloa atu ai foi ma faamanuiaga e agavaa i ai Sui Faisaofaga.

Fautuaga 2:

Ia faailoa ma uunaia malosi e le Faalapotopotoga o Inisiua Tau Soifua a Samoa i le atunuu lautele le taua o le tausisia ma faatumauina le teuina pea o a latou saofaga tau inisiua seia aulia tausaga faatapulaaina e matua ai (mature). E manatu le Komiti e ao ona faatauaina lea tulaga ina ia agavaa ai le aufai-inisiua i faamanuiaga tau seleni ma ponesi e maua i le vaitaimi e matua ai a latou saofaga.

Tali:

E taua tele le malamalama o sui faisaoaga i le aoga o le faia o se inisiua i le Faalapotopotoga Inisiua Tau Soifua a Samoa. E fautuaina foi le aufai saofaga ina ia taofiofi o latou inisiua seia matua (mature) ma agavaa ai i faamanuiaga pe a matutua (maturity) faatasi ai ma ponesi (bonus).

27 IANUARI 2015

**P.P.2014/2015 Nu.69, Tali Atu a le Malo i le P.P.2013/2014 Nu.88,
Lipoti a le Komiti o Tupe Maua ma Tupe Totogi i le P.P.2013/2014
Nu.21, Lipoti Faaletausaga a le Faalapotopotoga Inisiua tau Soifua
a Samoa mo le tausaga faaletupe 2011/2012**

E tatau foi ona galulue faatasi tagata faigaluega uma a le Malo i le aoina faatasi mai lea o perime (premiums) mai totogi o le aufaigaluega. O se auala lea e fesoasoani ai i sui faisafaga ma faatumauina ai le faaauuina lea o le totogiina o inisiua seia matutua.

Fautuaga 3:

Ia tulituliloa ma faasalalau faalauaitele i le atunuu atoa ma atunuu i fafo, suafa o i latou o lo o i ai pea i le Faalapotopotoga a latou saofaga po o inisiua tau soifua ma tutua ae le i talaina i tua.

Tali:

O lea faasalalau faalauaitele i Samoa ma atunuu i fafo mo le silafia o le atunuu lautele i luga o le TV, leitio ma nusipepa suafa o i latou o lo o i ai pea saofaga po o inisiua ua matutua (maturity) ae le i talaina i tua.

Fautuaga 4:

Ia soalaupuleina e le Pulega ma le Komiti Faafoe nisi auala mo le faalauteleina atu o lana auaunaga i le faatinoina o isi inisiua e ese mai i inisiua tau soifua e pei ona faatinoina e le Faalapotopotoga i le taimi nei.

Tali:

O le a vaavaai totoa i ai le Pulega ma le Komiti Faafoe i nisi o ituaiga inisiua e ese mai i le vaega o mafai ona faatino i lalo o le Tulafono a le Faalapotopotoga Inisiua Tau Soifua 1976, aua le faalauteleina o le auaunaga i le mamalu o le atunuu mo le faaleleia atili o le soifua lautele o le atunuu ma ona tagata.

Fautuaga 5:

Ia silasila le Pulega ma le Komiti Faafoe mo le toe iloiloina o pasene o tului (interest) o lo o faaee atu i luga o nonogatupe laiti o lo o agavaa i ai le aufai saofaga.

Tali:

O le a vaavaai totoa i ai le Pulega ma le Komiti Faafoe ma toe iloilo pasene o tului o lo o i ai nei i luga o nonogatupe laiti e agavaa i ai le aufai saofaga.

O le tali atoa lena lau Afioga i le Fofoga Fetalai.

27 IANUARI 2015

**P.P.2014/2015 Nu.70, Tali Atu a le Malo i le P.P.2013/2014 Nu.65,
Lipoti a le Komiti o Mataupu tau Aoga, Saienisi, Fesootaiga ma
Faamatalaga Tekonolosi i le P.P.2011/2012 Nu.58 & P.P.2011/2012
Nu.59, Fuafuaga Autasi a le Falemeli o Samoa mo le vaitaimi 2012-2014
ma le Faamatalaga o Sini Autasi a le Falemeli o Samoa
mo le vaitaimi 2012-2014**

Na tuuina atu le Fesili ma ina ua manumalo le Ioe, na tulai loa le Tali a le Malo i le P.P.2013/2014 Nu.88, Lipoti Faaletausaga a le Faalapotopotoga Inisiua Tau Soifua a Samoa mo le Tausaga Faaletupe 2011/2012 ua faamaonia.

**P.P.2014/2015 NU.70, TALI ATU A LE MALO I LE P.P.2013/2014
NU.65, LIPOTI A LE KOMITI O MATAUPU TAU AOGA, SAIENISI,
FESOOTAIGA MA FAAMATALAGA TEKONOLOSI I LE
P.P.2011/2012 NU.58 & P.P.2011/2012 Nu.59, FUAFUAGA AUTASI A
LE FALEMELI O SAMOA MO LE VAITAIMI 2012-2014 MA LE
FAAMATALAGA O SINI AUTASI A LE FALEMELI O SAMOA
MO LE VAITAIMI 2012-2014**

FOFOGA FETALAI: Tulai mai lau Afioga i le Minisita mo Fesootaiga ma Faamatalaga Faatekonolosi.

Afioga Hon TUISUGALETAUA SOFARA AVEAU (Minisita mo Fesootaiga ma Faamatalaga Tekonolosi): Lau Afioga i le Fofoga Fetalai ou te tulai atu ma le faaaloalo e faatu le lafo, *Ina ia faamaonia e lenei Fono Aoa le P.P.2014/2015 Nu.70, o lo o tuuina atu ai Tali a le Malo i le P.P.2013/2014 Nu.65, Lipoti a le Komiti o Mataupu Tau Aoga, Saienisi, Fesootaiga ma Faamatalaga Tekonolosi i le P.P.2011/2012 Nu.58 & P.P.2011/2012 Nu.59, Fuafuaga Autasi a le Falemeli o Samoa mo le Vaitaimi 2012-2014 ma le Faamatalaga o Sini Autasi a le Falemeli o Samoa mo le Vaitaimi 2012-2014, e tusa ai ma le Tulafono Tumau 54.*

Faaluaina e le Minisita mo Galuega Tau Alamanuia ma Atinae a le Malo ma le Minisita mo Tina ma Tamaitai, Atinae o Nuu ma Afioga ma Agafesootai.

FOFOGA FETALAI: Tulai mai lau Afioga i le Minisita.

Afioga Hon TUISUGALETAUA SOFARA AVEAU: Lau Afioga i le Fofoga Fetalai, mo le silafia e le Maota atoa ai ma le faafofogaaga a le atunuu, ou te fia faitauina Tali o lo o tuuina atu i lenei Pepa.

27 IANUARI 2015

**P.P.2014/2015 Nu.70, Tali Atu a le Malo i le P.P.2013/2014 Nu.65,
Lipoti a le Komiti o Mataupu tau Aoga, Saienisi, Fesootaiga ma
Faamatalaga Tekonolosi i le P.P.2011/2012 Nu.58 & P.P.2011/2012
Nu.59, Fuafuaga Autasi a le Falemeli o Samoa mo le vaitaimi 2012-2014
ma le Faamatalaga o Sini Autasi a le Falemeli o Samoa
mo le vaitaimi 2012-2014**

TALI ATU A LE MALO I LE P.P.2013/2014 NU.65, LIPOTI A LE KOMITI O MATAUPU TAU AOGA, SAIENISI, FESOOTAIGA MA FAAMATALAGA TEKONOLOSI I LE P.P.2011/2012 NU.58 & P.P.2011/2012 Nu.59, FUAFUAGA AUTASI A LE FALEMELI O SAMOA MO LE VAITAIMI 2012-2014 MA LE FAAMATALAGA O SINI AUTASI A LE FALEMELI O SAMOA MO LE VAITAIMI 2012-2014.

Fautuaga 1:

Unaia pea le Polokalame Fuafuaina a le Faalapotopotoga mo faamoemoea ina ia mafai ona faaleleia le tulaga o ana tupe maua, aemaise o lana auaunaga mo le atunuu lautele.

Tali:

O lo o faagasolo pea e le Falemeli o Samoa, le faatinoina uma o ana fuafuaga, e pei ona tuuina atu i lana Fuafuaga ma Sini Autasi mo le vaitaimi 2012-2014. O nei fuafuaga e aofia ai le faaleleia ma le faaaauaina o le tuuina atu o auaunaga i Falemeli i nuu i tua, atoa ai ma Falemeli faa-itumalo i Savaii. O lo o faaaauau foi ona ausia tupe faasili e le Falemeli o Samoa, talu mai ona avefaa ma Faalapotopotoga Tumaoti a le Malo, i le tausaga e 2008.

Fautuaga 2:

Fautuaina le Faalapotopotoga, ina ia ave pea le faamuamua i le toe tapueina o vaega o lana auaunaga e fesootai ma ona matafaioi autu faaletulafono, ina ia faigofie ona taulai i ai le taumafaiga o isi atinae, ua fuafuaina mo le toe siitia o lana auaunaga.

Tali:

O lo o faaaauau pea ona faaleleia e le Faalapotopotoga ana auaunaga autu ma matafaioi faaletulafono, e tauala i le toe faaleleia ma le faafouina o Falemeli faa-Itumalo i Savaii, o systems o lo o faatinoina ai galuega tau meli, atoa ai ma le aoaoina pea o le aufaigaluega, i tomai faapitoa ma tuuina atu auaunaga tau meli i le maualuga e tatau ai. Peitai, o lo o tauave faatasi ma le faatosinaina mai, o nisi auaunaga fou, e fesoasoani ai i tulaga tau tupe maua a le Faalapotopotoga, ina ia mafai ai ona tuuina atu pea nei auaunaga i le mamalu o le atunuu i Savaii, i se tulaga faifaipea. E le gata i lea, ia mafai ona faaaauau pea ona manaomia nei auaunaga ma ausia ai ana matafaioi faaletulafono, o le maua lea o tupe faasili a le Faalapotopotoga ma totogi atu dividends i le Malo.

27 IANUARI 2015

**P.P.2014/2015 Nu.70, Tali Atu a le Malo i le P.P.2013/2014 Nu.65,
Lipoti a le Komiti o Mataupu tau Aoga, Saienisi, Fesootaiga ma
Faamatalaga Tekonolosi i le P.P.2011/2012 Nu.58 & P.P.2011/2012
Nu.59, Fuafuaga Autasi a le Falemeli o Samoa mo le vaitaimi 2012-2014
ma le Faamatalaga o Sini Autasi a le Falemeli o Samoa
mo le vaitaimi 2012-2014**

Fautuaga 3:

Silasila le Faalapotopotoga i ni auala e faafetaiai ai faafitauli o lo o feagai ai i le tulaga o maketi o fesootaiga ona o le televave o le tekonolosi fou ua oo mai i Samoa e pei ona i ai telefoni feaveai, o imeli, initaneti ma isi.

Tali:

O lo o faatinoina e le Faalapotopotoga nisi auaunaga fou e faaopoopo i ana auaunaga autu, e pei o auaunaga faafaletupe, o tupe faamomoli i Samoa ma atunuu mamao, o auaunaga faa-initaneti, o pili totogi mo le vai, e totogi mo le telefoni, eletise ma isi. O lenei taumafaiga, ina ia mautinoa e tulaga lelei ma manaomia pea ana auaunaga faatino. E le gata i lea, o le fesoasoani o nei auaunaga faaopoopo i tupe maua a le Faalapotopotoga, aemaise lava i le suiga o fesootaiga ua faaogaina tele e le mamalu o le atunuu i lenei foi vaitau.

Ma le faaloalo.

Na tuuina atu le Fesili ma ina ua manumalo le Ioe, na tulai loa le P.P.2014/2015 Nu.70, Tali atu a le Malo i le P.P.2013/2014 Nu.65, Lipoti a le Komiti o Mataupu Tau Aoga, Saienisi, Fesootaiga ma Faamatalaga Tekonolosi i le P.P.2011/2012 Nu.58 & P.P.2011/2012 Nu.59, Fuafuaga Autasi a le Falemeli o Samoa mo le Vaitaimi 2012-2014 ma le Faamatalaga o Sini Autasi a le Falemeli o Samoa mo le Vaitaimi 2012-2014 ua faamaonia.

FOFOGA FETALAI: Ia, ou te manatu o lea ua tatou taunuu i le tatou taimi malolo faatulagaina, ae lafo atu i lau Afioga i le Palemia e tulai mai.

LAFO MO LE FAAAUAUINA O ITULA FONO

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai ou te tulai atu e faatu le lafo, *Ina ia tatou faia se malologa ona tatou toe omai lea faauma, e le o toe umi nai Pepa ia e totoo pe a ma se itula, ona tatou malolo ai lea mo lenei afiafi.*

Faaluaina e le Minisita mo Galuega Tau Alamanuia ma Atinae a le Malo ma le Afioga i le Sui Palemia.

Na faamaonia le lafo.

27 IANUARI 2015

Lafo mo le Faaauauina o Itula Fono

FOFOGA FETALAI: Ia, o lea ua sauni le tatou taumafataga o le afiafi. E momoli atu le agaga faafetai. O le a faataatia ese Taulumaga a le Fono Aoao Faitulafono mo lana malologa o le afiafi.

Na faataatia ese Taulumaga a le Fono Aoao mo lana malologa i le itula e 7:02 i le po ma toe faaauau i le itula e 7:34 i le po.

FOFOGA FETALAI: Ia, o lea ua tatou toe taliu mai i le tatou malologa masani. E i ai le faamoemoe ua maea ona palegaauau le taliga o le sua ma le tautega. E faamalulu atu foi i se taumafaiga vaivai a le Afioga i le Failautusi o le Fono.

E momoli atu foi le faafetai i le Malo ona o le manatu mai i le tatou galuega. E pei lava ona tatalo atu le Fofoga Fetalai i le amataga o le Fonotaga o lenei masina ona o le tele ma le anoanoai o le tatou galuega o lo o faagasolo.

O lenei afiafi, o lea ua logo ÷ logo ÷a le faafofoga a Samoa i le tele ma le anoanoai o mataupu ma mea uma sa tuufesili ai le atunuu e le gata i luga o leitio faasalalau, a o nusipepa. O lea ua aumai le tali a le Malo i nisi o Lipoti sa fuafuaina i le taimi talafeagai e tuuina mai ai, o lea ua tatou aleaga faatasi i lenei afiafi. E momoli atu le faafetai tele i le onosai o lau Afioga i le Palemia ma lau Kapeneta, malo foi le onosai ma le faapalepale i le paia ma le mamalu o le tatou Maota. E le o toe umi, masalo na o nai itula ona tatou malolo ai lea.

P.P.2014/2015 NU.71, TALI ATU A LE MALO I LE P.P.2013/2014 NU.100, LIPOTI A LE KOMITI O MATAUPU TAU AOGA, SAIENISI, FESOOTAIGA MA FAAMATALAGA TEKONOLOSI I LE P.P.2012/2013 NU.57, FUAFUAGA AUTASI FALEMELI O SAMOA 2013-2015 & P.P.2012/2013 NU.58, FAAMATALAGA O SINI AUTASI A LE FALEMELI O SAMOA 2013-2015

FOFOGA FETALAI: Tulai mai le Minisita mo Fesootaiga ma Faamatalaga Tekonolosi.

Afioga Hon TUISUGALETAUA SOFARA AVEAU: Faafetai i lau Afioga i le Fofoga o le Maota mo le avanoa aemaise foi o le faiga malologa e pei ona i ai le faasiliga malosi.

Ou te tulai atu ma le faaaloalo lau Afioga i le Fofoga Fetalai e faatu le lafo, *Ina ia faamaonia e lenei Fono Aoao le P.P.2014/2015 Nu.71 o lo o tuuina atu ai Tali a le Malo i le P.P.2013/2014 Nu.100, Lipoti a le Komiti o Mataupu Tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.57, Fuafuaga Autasi Falemeli o Samoa 2013-2015 & P.P.2012/2013 Nu.58, Faamatalaga o Sini Autasi a le Falemeli o Samoa 2013-2015, e tusa ai ma le Tulafono Tumau 54.*

27 IANUARI 2015

P.P.2014/2015 Nu.71, Tali Atu a le Malo i le P.P.2013/2014 Nu.100, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.57, Fuafuaga Autasi Falemeli o Samoa 2013-2015 & P.P.2012/2013 Nu.58, Faamatalaga o Sini Autasi a le Falemeli o Samoa 2013-2015

Faaluaina e le Minisita mo Galuega Tau Alamanuia ma Atinae a le Malo, Minisita mo Tina ma Tamaitai, Atinae o Nuu ma Afioga ma Agafesootai ma le Minisita mo le Soifua Maloloina.

FOFOGA FETALAI: Tulai mai lau Afioga i le Minisita.

Afioga Hon TUISUGALETAUA SOFARA AVEAU: Lau Afioga i le Fofoga Fetalai, mo le silafia e le Maota atoa aemaise foi o le faafofogaaga a le atunuu, ou te faitauina Tali o lo o tuuina atu i lenei Pepa.

TALI ATU A LE MALO I LE P.P.2013/2014 NU.100, LIPOTI A LE KOMITI O MATAUPU TAU AOGA, SAIENISI, FESOOTAIGA MA FAAMATALAGA TEKONOLOSI I LE P.P.2012/2013 NU.57, FUAFUAGA AUTASI FALEMELI O SAMOA 2013-2015 & P.P.2012/2013 NU.58, FAAMATALAGA O SINI AUTASI A LE FALEMELI O SAMOA 2013-2015.

E tusa ai ma fautuaga na tuuina mai e le Komiti e uiga i le Fuafuaga Autasi a le Falemeli o Samoa 2013-2015, ma e tali atu le Falemeli o Samoa e faapea:

1. Mo le fautuaga muamua:
 - I. O lo o faaauau pea le faalauiloaina o auaunaga a le Falemeli o Samoa i luga o leitio ma televise mo le mamalu o le atunuu. E faapea foi ona asiasia e le vaega o Maketi ma Fefaatauaiga, o paaga faapisinisi atu a le Falemeli, ina ia mautu ma mafana fesootaiga faapisinisi, ma faalauiloa ai auaunaga fou.
 - II. Ua mafai ona faatosina mai nisi auaunaga fou e faatinoina e le Falemeli i ona lala i Matafele ma Savaii, i ana faiga paaga ma le aufaapisinisi. O nei auaunaga, e aofia ai tupe faamomoli, talaina o penisione a le aumatutua, auaunaga faafaletupe e tauala mai i le Faletupe o Samoa (NBS), faatauina o iunite i le Faaputugatupe o Mavaega Tausi o Samoa, ma isi.
 - III. Ua mafai foi ona sainia faiga paaga ma pisinisi i atunuu mamao mo Tupe Faamomoli mai so o se atunuu o le lalolagi, faatasi ai ma le faiga paaga ma le Kamupani meli tumaoti i Ausetalia.

27 IANUARI 2015

P.P.2014/2015 Nu.71, Tali Atu a le Malo i le P.P.2013/2014 Nu.100, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.57, Fuafuaga Autasi Falemeli o Samoa 2013-2015 & P.P.2012/2013 Nu.58, Faamatalaga o Sini Autasi a le Falemeli o Samoa 2013-2015

2. O le fautuaga lona lua i le faatinoina o le Poloketi o le Postcode e faapea:
 1. O lea ua maea le poloketi mo le Postcode a Samoa, ma faalauiloa aloaia mo le faaaogaina e le mamalu o le atunuu i le Aso 15 Aperila 2014. O lenei poloketi, e le gata ina ia faaitiitia ai meli lafo sese, ae faapea foi lona faaaogaina mo oloa e faatauina i luga o initaneti.

Ma le faaaloalo i lau Afioga.

Na tuuina atu le Fesili ma ina ua manumalo le Ioe, na tulai loa le P.P.2014/2015 Nu.71, o lo o tuuina atu ai Tali a le Malo i le P.P.2013/2014 Nu.100, Lipoti a le Komiti o Mataupu Tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.57, Fuafuaga Autasi Falemeli o Samoa 2013-2015 & P.P.2012/2013 Nu.58, Faamatalaga o Sini Autasi a le Falemeli o Samoa 2013-2015 ua faamaonia.

P.P.2014/2015 NU.72, TALI ATU A LE MALO I LE P.P.2013/2014 NU.124, LIPOTI A LE KOMITI O FAAFOEGA TAU PULEGA A LE MALO I LE P.P.2011/2012 NU.42, LIPOTI FAALETAUSAGA A LE FALEMELI O SAMOA MO LE TAUSAGA FAALETUPE 2009/2010

FOFOGA FETALAI: Tulai mai lau Afioga i le Minisita mo Fesootaiga ma Faamatalaga Tekonolosi.

Afioga Hon TUISUGALETAUA SOFARA AVEAU: Lau Afioga i le Fofoga Fetalai ou te tulai atu e faatu le lafo, *Ina ia faamaonia e lenei Fono Aoa le P.P.2014/2015 Nu.72, o lo o tuuina atu ai Tali a le Malo i le P.P.2013/2014 Nu.124, Lipoti a le Komiti o Faafoega Tau Pulega a le Malo i le P.P.2011/2012 Nu.42, Lipoti Faaletausaga a le Falemeli o Samoa mo le Tausaga Faaletupe 2009/2010, e tusa ai ma le Tulafono Tumau 54.*

Faaluaina e le Minisita mo Galuega Tau Alamanuia ma Atinae a le Malo, Minisita mo Tina ma Tamaitai, Atinae o Nuu ma Afioga ma Agafesootai ma le Minisita mo le Soifua Maloloina.

FOFOGA FETALAI: Tulai mai lau Afioga i le Minisita.

27 IANUARI 2015

**P.P.2014/2015 Nu.72, Tali Atu a le Malo i le P.P.2013/2014 Nu.124,
Lipoti a le Komiti o Faafoega tau Pulega a le Malo i le P.P.2011/2012
Nu.42, Lipoti Faaletausaga a le Falemeli o Samoa mo le tausaga
Faaletupe 2009/2010**

Afioga Hon TUISUGALETAUA SOFARA AVEAU: Lau Afioga i le Fofoga Fetalai, mo le silafia e le Maota atoa ma le faafofogaaga a le atunuu, ou te faitauina Tali o lo o tuuina atu i lenei Pepa.

TALI ATU A LE MALO I LE P.P.2013/2014 NU.124, LIPOTI A LE KOMITI O FAAFOEGA TAU PULEGA A LE MALO I LE P.P.2011/2012 NU.42, LIPOTI FAALETAUSAGA A LE FALEMELI O SAMOA MO LE TAUSAGA FAALETUPE 2009/2010.

Fautuaga 1:

Ia faaauau ma uunaia malosi le auaunaga o lo o faatinoina e le Pulega o le Falemeli o Samoa mo le atunuu, aemaise lava i nuu i tua, ona o le toatele o le atunuu e le maua ni masini komepiuta e avanoa ai e faaoga i fesootaiga tau tekonolosi faaonaponei.

Tali:

O lo o faaauau pea le faaleleia o Falemeli i nuu i tua mo le tuuina atu o auaunaga lelei mo le mamalu o le atunuu. Ua i ai foi auaunaga faainitaneti i le Falemeli i Salelologa, Falemeli i Tuasivi, ma le Falemeli i Fagamalo. O Falemeli i Asau ma Salailua, ua fuafuaina foi e faatuina ai auaunaga faainitaneti, pe a oo atu i ai laina o fesootaiga faainitaneti (Broadband).

Fautuaga 2:

Ia faatinoina ni polokalame faalauiloa a le Pulega mo le faatosina mai o le mamalu o le atunuu e faaoga lana auaunaga aua le siitia ai o ana tupe maua.

Tali:

O lo o faaauau pea polokalame faalauiloaina, i auaunaga eseease a le Falemeli o Samoa, i luga o leitia ma televise. O lo o faaauau foi ona faalauiloa atu le Falemeli o Samoa, mo faiga paaga ma pisinisi tumaoti i atunuu mamao, e fesoasoani ai i le tuutiitia pea o meli lafo, i totonu o si o tatou atunuu.

Ma le faaaloalo.

Na tuuina atu le Fesili ma ina ua manumalo le Ioe, na tulai loa le P.P.2014/2015 Nu.72, Tali a le Malo i le P.P.2013/2014 Nu.124, Lipoti a le Komiti o Faafoega Tau Pulega a le Malo i le P.P.2011/2012 Nu.42, Lipoti Faaletausaga a le Falemeli o Samoa mo le Tausaga Faaletupe 2009/2010 ua faamaonia.

27 IANUARI 2015

P.P.2014/2015 NU.74, TALI ATU A LE MALO I LE P.P.2013/2014 NU.120, LIPOTI A LE KOMITI O OFISA O LE PALEMENE I LE P.P.2012/2013 NU.5 & P.P.2013/2014 NU.2, LIPOTI FAALETAUSAGA O LE PENISIONE O LE PALEMENE MO LE TAUSAGA 2010/2011 MA LE TAUSAGA 2011/2012

FOFOGA FETALAI: Tulai mai lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoa le P.P.2014/2015 Nu.74 o lo o tuuina atu ai Tali a le Malo i le P.P.2013/2014 Nu.120, Lipoti a le Komiti o Ofisa o le Palemene i le P.P.2012/2013 Nu.5 & P.P.2013/2014 Nu.2, Lipoti Faaletausaga o le Penisione o le Palemene mo le Tausaga 2010/2011 ma le Tausaga 2011/2012, e tusa ai ma le Tulafono Tumau 54.*

Faaluaina e le Sui Palemia, Minisita mo Fesootaiga ma Faamatalaga Tekonolosi ma le Minisita mo Tina ma Tamaitai, Atinae o Nuu ma Afioga ma Agafesootai.

FOFOGA FETALAI: Tulai mai lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai, ou te tulai atu e tuuina atu ma le faaloalo Tali tusinga a le Ofisa o le NPF i mataupu ua fautuaina o lo o tuuina mai i le Lipoti e pei ona taua i luga ma o le a faagasolo atu i numera e pei ona i ai i le Lipoti.

TALI ATU A LE MALO I LE P.P.2013/2014 NU.120, LIPOTI A LE KOMITI O OFISA O LE PALEMENE I LE P.P.2012/2013 NU.5 & P.P.2013/2014 NU.2, LIPOTI FAALETAUSAGA O LE PENISIONE O LE PALEMENE MO LE TAUSAGA 2010/2011 MA LE TAUSAGA 2011/2012.

Fautuaga 1:

Silasila totoa le Malo i ni avanoa e auina atu ai nai alo ma fanau i atunuu i fafo i le taimi nei mo ni polokalame faale-aoaoga po o ni avanoa e aoaina ai le tomai ma le poto faapitoa i tulaga tau tupe o Penisione. Ua tatau foi ona uunaia ma faamalosia se Polokalame mo lea Tomai Faapitoa i le Iunivesite Aoa o Samoa ina ia foia ai le auina mai o isi tomai faapitoa mai fafo mo lea auunaga, ma faasaoina ai foi nisi vaegatupe a le atunuu o lo o totogi ai latou mai fafo.

Tali a le NPF i le Fautuaga 1:

E faamauina le finagalo faaalua o le Komiti mamalu e pei ona tuuina mai faa-fautuaga i le Ofisa nei.

27 IANUARI 2015

**P.P.2014/2015 Nu.74, Tali Atu a le Malo i le P.P.2013/2014 Nu.120,
Lipoti a le Komiti o Ofisa o le Palemene i le P.P.2012/2013 Nu.5 &
P.P.2013/2014 Nu.2, Lipoti Faaletausaga o le Penisione o le Palemene
mo le tausaga 2010/2011 ma le tausaga 2011/2012**

Mo le silafia, sa oo i ai feutanaiga ma sailiiliga a le Komiti Faatonu ma le Pulega i nai tausaga ua mavae atu, ona o se tofa na ae, e auina se tagata faigaluega a le NPF, e aoga ma koleni mai i lenei tomai faapitoa Ausetalia po o Niu Sila.

Na afua lenei sailiiliga ona o le manatu e pei ona faaalua e le Komiti mo le Palemene, ia faasaoina tpe a le Penisione Faa-Palemene, o lo o totogi ai lenei auunaga faapitoa.

Peitai ane, i le maea ai o sailiga ma fesootaiga ma le Ofisa o Sikolasipi a le Malo, na faailoa mai ai, e fai lava si maualuga o tulaga tau aoaoga e tataua ona ausia muamua e se tasi e auina atu e aoga faapitoa mo lenei tomai.

I le maea ai o le 3-4 tausaga muamua, e moomia le toe aoga ma galue ai pea i atunuu i fafo o lea sui, mo le puepueina o le tomai masani i galuega faatino.

Ona o ia tulaga, aemaise ai o le tau e faaaoaga ma tausi ai le nofo ai i fafo o se Sui faigaluega mai le NPF, ua toe faapafala ai lenei finagalo na ae, ae manatu ai e tuu atu ia i le Ofisa o Sikolasipi a le Malo e tagai i ai, faatasi ai ma le Iunivesite Aoao o Samoa, ina ia i ai ni alo o le atunuu e filifilia e aotauina i lenei tomai faapitoa i le lumanai.

E manatu le Ofisa, ona pau lea o se auala e mafai ai ona foia le totogi atu o tupe i Konesale faapitoa, latou te iloilo ina le lelei au iluma o le Penisione Faa-Palemene, ma tuuina mai ni fautuaga mausali, e fuafua i ai le faagasologa o auunaga faapenei.

E le gata i lea, e tusa pe i ai se tasi o le aufaigaluega e i ai le poto faapitoa, e tataua ona faatinoina se iloilo tutoatasi (independent actuarial review) ina ia iloa ai le taatiaga manino o aseta a le NPF pe talafeagai ma penisione fuafuaina.

Na tuuina atu le Fesili ma ina ua manumalo le Ioe, na tulai loa le P.P.2014/2015 Nu.74, Tali atu a le Malo i le P.P.2013/2014 Nu.120, Lipoti a le Komiti o Ofisa o le Palemene i le P.P.2012/2013 Nu.5 & P.P.2013/2014 Nu.2, Lipoti Faaletausaga o le Penisione o le Palemene mo le Tausaga 2010/2011 ma le Tausaga 2011/2012 ua faamaonia.

27 IANUARI 2015

P.P.2014/2015 NU.75, TALI ATU A LE MALO I LE P.P.2013/2014 NU.66, LIPOTI A LE KOMITI O MATAUPU TAU AOGA, SAIENISI, FESOOTAIGA MA FAAMATALAGA TEKONOLOSI I LE P.P.2012/2013 NU.6, P.P.2012/2013 NU.7 & P.P.2012/2013 NU.8, LIPOTI FAALETAUSAGA A LE MATAGALUEGA O AOGA, TAALOGA MA AGANUU MO TAUSAGA FAALETUPE 2008/2009, 2009/2010 MA LE 2010/2011

FOFOGA FETALAI: Tulai mai lau Afioga i le Minisita mo Aoga, Taaloga ma Aganuu.

Afioga Hon MAGELE MAULIU: Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoa le P.P.2014/2015 Nu.75 o lo o tuuina atu ai le Tali a le Malo i le P.P.2013/2014 Nu.66, Lipoti a le Komiti o Mataupu Tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.6, P.P.2012/2013 Nu.7 & P.P.2012/2013 Nu.8, Lipoti Faaletausaga a le Matagaluega o Aoga, Taaloga ma Aganuu mo Tausaga Faaletupe 2008/2009, 2009/2010 ma le 2010/2011, e tusa ai ma le Tulafono Tumau 54.*

Faaluaina e le Minisita mo le Soifua Maloloina, Minisita mo Punaoa Faanatura ma le Siosiomaga ma le Minisita mo Leoleo ma Falepuipui.

FOFOGA FETALAI: Tulai mai lau Afioga i le Minisita mo Aoga, Taaloga ma Aganuu.

Afioga Hon MAGELE MAULIU: Lau Afioga i le Fofoga Fetalai, o le tali atu lea a le Malo i le fautuaga a le Komiti.

TALI ATU A LE MALO I LE P.P. 2013/2014 NU. 66, LIPOTI A LE KOMITI O MATAUPU TAU AOGA, SAIENISI, FESOOTAIGA MA FAAMATALAGA TEKONOLOSI I LE P.P.2012/2013 NU. 6, P.P. 2012/2013 NU. 7 & P.P.2012/2013 NU. 8, LIPOTI FAALETAUSAGA A LE MATAGALUEGA O AOGA, TAALOGA MA AGANUU MO TAUSAGA FAALETUPE 2008/2009, 2009/2010 MA LE 2010/2011.

1. **Faamallosia aiaiga o le Tulafono o lo o faamallosia ai le auai atu o tamaiti i le aoga i itula aoga, ona o lo o molimauina nisi o tamaiti e le o usitaia aiaiga o le Tulafono. E tatau foi ona i ai ni aiaiga mo tamaiti o lo o faaaoga i faatauga oloa i nofoaga faitele i taimi e tuua ai le aoga.**

Tali:

O polokalame nei o lo o faatino e le Matagaluega e tali atu ai i le Tulafono e faamallosia le auai uma o tamaiti i le aoga:

- i. *Totogiina o Pili Aoga (SSFGS) i Aoga Tulagalua.*

27 IANUARI 2015

P.P.2014/2015 Nu.75, Tali Atu a le Malo i le P.P.2013/2014 Nu.66, Lipoti a le Komiti o Mataupu tau Aoga, Saienisi, Fesoataiga ma Faamatalaga Tekonolosi i le P.P.2012/2013 Nu.6, P.P.2012/2013 Nu.7 & P.P.2012/2013 Nu.8, Lipoti Faaletausaga a le Matagaluega o Aoga, Taaloga ma Aganuu mo tausaga faaletupe 2008/2009, 2009/2010 ma le 2010/2011

O le polokalame leni na amata faalauiloa i le 2010, ma o lo o faatupeina e Malo o Ausetalia ma Niu Sila, ma le Malo o Samoa. Na amata faatupe e Niu Sila ma Ausetalia i le tausaga muamua, ma lagolago ai loa le Malo o Samoa i le tausaga lona lua. E faamaea le fesoasoani a Niu Sila ma Ausetalia i le 2014 ona tauave atoa loa e le Malo o Samoa leni polokalame. O leni faamamaavega ua ave ai le faataua i le lagolagoina o Tulaga Moomia ma ona naunautaiga e aofia ai:

- (a) Totogi ai e le Malo pili aoga mo tamaiti aoga i aoga tulagalua (a le Malo ma Ekalesia)
- (e) ave le fesoasoani e lagolago ai aoga e ala i seleni e faatino ai galuega aua le faaleleia o aoga.

Talu ona amata leni polokalame, ua maitauina le siitia o le tulaga o alagaoa mo le aoaoina i aoga. Ua mafai foi ona faatinoina e Pule Aoga faaiuga talafeagai mo le faatauina o alagaoa ma aseta e lagolago ai polokalame i totonu o potu aoga. O leni foi polokalame ua mafai ai ona faamautuina le galulue faatasi o aoga ma Komiti o Aoga. O le vaai mamao ina ia alu aoga fesoasoani o lo o faatupe ai aoaoga ina ia siitia le tulagao aoaoga i aoga tulagalua, faapea ai ma le siitia o le tulaga o tamaiti e aoaoina mai lea tausaga i lea tausaga e pei ona faailoa atu i le Siata o lo o i lalo.

Aofai o Tamaiti mo Aoga uma, 2004 – 2013

Year	Primary								Total
	1	2	3	4	5	6	7	8	
2004	5,704	5,257	5,383	5,134	5,045	4,652	4,620	4,378	40,173
2005	5,471	5,130	5,153	5,248	5,041	4,921	4,591	4,519	40,074
2006	5,407	4,867	4,895	5,099	5,146	4,835	4,810	4,461	39,520
2007	5,273	4,930	4,855	4,922	5,066	5,032	4,789	4,601	39,468
2008	5,239	4,919	4,895	4,955	4,789	4,969	4,906	4,704	39,376
2009	5,263	4,830	4,983	4,925	4,899	4,763	4,896	4,820	39,379
2010	6,086	5,106	4,970	4,953	4,914	4,842	4,842	4,887	40,600
2011	5,470	5,169	4,849	4,906	4,735	4,729	4,571	4,683	39,114
2012	5,449	5,059	5,130	4,843	4,748	4,640	4,626	4,578	39,073
2013	5,975	5,263	5,145	5,199	4,818	4,782	4,645	4,711	40,538

Source: MESC Statistical Digest 2013

ii. Polokalame Faalauiloa i Nuu ma Afioga.

O lo o faaauau pea polokalame faaleaoaoga ma faalauiloa i nuu ma afioga aua le faamalamalamaina atili ma faalauiloa le tulaga o le Tulafono. O nei polokalame o lo o galulue faatasi ai ma le Matagaluega o Tina ma Tamaitai, Atinae o Nuu ma Agafesootai, ma le Matagaluega o Leoleo ma Falepuipui.

27 IANUARI 2015

P.P.2014/2015 Nu.75, Tali Atu a le Malo i le P.P.2013/2014 Nu.66, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.6, P.P.2012/2013 Nu.7 & P.P.2012/2013 Nu.8, Lipoti Faaletausaga a le Matagaluega o Aoga, Taaloga ma Aganuu mo tausaga faaletupe 2008/2009, 2009/2010 ma le 2010/2011

iii. Asiasiga o le taulaga ma nuu tulalata i Apia i taimi o aoga. O lo o faagasolo foi polokalame faalauiloa mo le Tulafono mo Aoga 2009. O nei polokalame e aofia ai:

- *Faatalatalanoaga i le TV/Lali*
- *Faatalatalanoaga i le Leitio*
- *Faatalatalanoaga ma Sui o Nuu/Pulenuu/Sui Tamaitai o Nuu*
- *Polokalame faaleaoga i nuu ma afioaga*

v. Tulafono Faatonutonu mo le Tulafono mo Aoga 2009.

Ua amata le galuega o le tuufaatasia o Tulafono Faatonutonu mo le Tulafono mo Aoga 2009. O nei Tulafono Faatonutonu e lagolagoina ai le Tulafono mo Aoga ma ona aiaiga faaletulafono.

2. Fautuaina le Matagaluega ina ia taumafai pea e saili po o fea tonu o lo o faapogai mai ai le tulaga faaetonu o iuga o suega a tamaiti. Tatau foi ona uunaia pea Asiasiga e tuliloa ai le faatinoga o le galuega faafiaoga i aoga uma a le atunuu, aemaise lava i Aoga Tulagalua.

i. Fautuaina le Vaega e Mataitu, Lauilili ma iloiloga galuega a le faiaoga (MERD).

Ua i ai nei le Vaega e Mataitu, lauiliu ma iloilo le galuega a le faiaoga i le saofaiga a le Matagaluega. O lenei Vaega e patino tonu la latou auunaga i le mataituina, lauiliu ma iloilo galuega a le faiaoga pe o talafeagai ma lelei ina ia ausia tulaga moomia (standards). O i latou foi e fautuaina aoaga talafeagai mo le aufaigaluega i aoga. O le isi a latou matafaioi o le iloilo lea o le tulaga o lo o i ai le galuega faiaoga taitoatasi.

O lenei foi Vaega o le a nafa ma le lesitalaina faaletulafono ma faamaonia faiaoga i totonu o Samoa.

ii. Talanoaina le Tulafono mo Faiaoga.

O lo o faagasolo foi galuega mo le talanoaina o le Tulafono mo faiaoga. Ua maea tapenaina le Tulafono mo faiaoga, ma o le a amatalia faatalatalanoaga ma faiaoga ma le mamalu lautele o le atunuu ia Aperila 2014. O le faamoemoe, e faataatia i le Lauilili Fono a le Palemene lenei Tulafono ae le i maea le 2014.

27 IANUARI 2015

P.P.2014/2015 Nu.75, Tali Atu a le Malo i le P.P.2013/2014 Nu.66, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.6, P.P.2012/2013 Nu.7 & P.P.2012/2013 Nu.8, Lipoti Faaletausaga a le Matagaluega o Aoga, Taaloga ma Aganuu mo tausaga faaletupe 2008/2009, 2009/2010 ma le 2010/2011

O lenei Tulafono e aofia ai le:

- Resitalaina faaletulafono o faiaoga uma e galulue i Samoa
- Faatuina lea o le Fono Aoao (Council) mo le vaia lelei o le auunaga faafiaoga i totonu o Samoa.
- Amioga Pulea ma Tulafono faale-faiaoga
- Faatulagaga o le Galuega faa-faiaoga.

iii. Taiala Aoao o le Atinae o Faiaoga (NTDF)

O le tulaga lelei o faiaoga, o se tasi lea o vaega taua e fua i ai le aoaoina o fanau. O le faiga faavae o le Auivi o Galuega a Faiaoga o se auala lea ua tuufaatasia e vaia lelei ai le tulaga lelei o faiaoga. O lenei taiala e aofia ai le tuufaatasia ma le faatino tulafono e resitala ai faiaoga, mataitu ai tulaga lelei o faiaoga, totogi ma aoaga talafeagai. O le auga ina ia siitia le tulaga o le auunaga faafiaoga, ma faaleleia tulaga i avanoa faigaluega, aemaise o le tomai ma agavaa mo le galuega faafiaoga.

O le Taiala Aoao o le Atinae o Faiaoga o se faiga faavae o le Auivi o Galuega a Faiaoga aua le vaia lelei o faiaoga, iloilo tulaga lelei o le galuega ma siitia tulaga e faatino ai le galuega ma faatalanoa totogi. O le faatinoina o le NTDF e mafai ai ona faatino le teacher appraisal processes o le mataituina lea o le galuega a le faiaoga aua le ofoina o metotia ma aoaga talafeagai, aemaise o le toe iloilo o le faatinoina o le galuega i totonu o aoga mo le siitia o le aoaoina o alo ma fanau.

iv. Suesuega i le Matematika ma le Numerā.

Ua maea faatino le suesuega i le tulaga o lo o i ai le Numerā ma le Matematika i totonu o Aoga Tulagalua. O lenei suesuega na faatino e le Iunivesite Aoao o Samoa ma o lo o faailoa mai ai itu e tataua ona toe silasila i ai le Matagaluega i le aoaoina o le Numerā i totonu o aoga tulagalua. O lo o faailoa mai foi lenei lava suesuega le tulaga o lo o i ai le tomai o faiaoga i le aoaoina o le Matematika i aoga, ma ofo mai ai foi auala e ao ona toe silasila i ai i latou o lo o faatinoina aoaoga mo faiaoga.

O le suesuega foi lenei o lo o faailoa mai ai mafuaaga o le faaletonu o le aoaoina o le Matematika i aoga tulagalua. O lo o galulue le Matagaluega e faatino fautuaga o lenei suesuega.

27 IANUARI 2015

P.P.2014/2015 Nu.75, Tali Atu a le Malo i le P.P.2013/2014 Nu.66, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.6, P.P.2012/2013 Nu.7 & P.P.2012/2013 Nu.8, Lipoti Faaletausaga a le Matagaluega o Aoga, Taaloga ma Aganuu mo tausaga faaletupe 2008/2009, 2009/2010 ma le 2010/2011

v. Faatulagaga o Tomai ma Agavaa o Faafaiaoga (Teacher Standards).

Ua maea tapena foi le faatulagaga o tomai ma agavaa faafaiaoga aua le mataituina ma le iloiloina o le galuega faafaiaoga. O lenei faatulagaga o lo o atagia ai agavaa moomia ma tomai talafeagai mo le faatinoina o le galuega faafaiaoga i totonu o aoga.

O le faatulagaga o Tomai ma Agavaa o Faiaoga e aofia uma ai faiaoga i Samoa. O lo o faailoa ai manaoga talafeagai (Criteria) mo le galuega faafaiaoga e atagia ai le aoaoina o alo ma fanau, e afua mai i faatinoga ma aoaoga lelei.

O le Faatulagaga o Tomai ma Agavaa o Faiaoga e faaautu lea i tomai ma le agavaa, o le silafia ma amioga lelei e faatino ai le galuega. E faailo foi nei faatulagaga i faiaoga pasi, faiaoga resitala (pe a maea le lua tausaga o galue i totonu o aoga) ma le faiaoga ua lelei atoatoa lana auaunaga.

O faatulagaga o tomai ma agavaa e lauilu ai ma iloilo le auaunaga ma le galue a le faiaoga pe a maea le lua tausaga o galue i totonu o aoga, ma mafai ai ona siitia lona tulaga e avea ai o se faiaoga resitala faamaonia.

vi. Mataupu Aoaoina fou mo Aoga Tulagalua.

O le 2012 na amata faatino ai le faaaogaina o Tusi Aoga mo Mataupu Aoaoina e pei ona i ai le galuega sa faatino e suia ai mataupu mo aoga tulagalua, ae faamamaluina le 2013. O lenei polokalame na tuufaatasia ai tusi aoga mo mataupu e 7, ua aofia ai ma mataupu fou e lua, o le Soifua Maloloina ma Taaloga ma le Faatinoga o Lagona (Expressive Arts) e faaopoopo i le lima sa i ai muamua o le Saienisi, Suesuega i Olaga o Tagata, Matematika, Gagana Samoa, ma le Gagana Peretania. O le sini o mataupu aoaoina ua ave ai le faataua i le tamaitiiti ma lona ola aoaoina.

vii. Polokalame mo le Faitau Tusi ma le Tusitusi i Aiga (Home School Literacy Programme).

O lenei polokalame ua aotauina ai sui o le atunuu e aofia ai ma faletua o faafeagaiga ina ia mafai ai ona o latou ofo atu le fesoasoani i le faitautusi ma le tusitusi a tamaiti i nuu ma afioaga.

27 IANUARI 2015

P.P.2014/2015 Nu.75, Tali Atu a le Malo i le P.P.2013/2014 Nu.66, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.6, P.P.2012/2013 Nu.7 & P.P.2012/2013 Nu.8, Lipoti Faaletausaga a le Matagaluega o Aoga, Taaloga ma Aganuu mo tausaga faaletupe 2008/2009, 2009/2010 ma le 2010/2011

Na amata aoaoga i faletua o faafeagaiga ona o la latou pitolaau i aoga a faifeau ma aoga Aso Sa e faaofi ai le faitautusi. O lenei polokalame o lo o faagasolo i le taulaga i Apia, ma le naunautaiga ina ia faasoa atu i nuu i tua.

viii. Komiti o le Faitautusi ma le Tusitusi (Literacy Task Force).

O le Komiti o le Faitautusi ma Tusitusi, o la latou matafaioi o le ofo atu lea o le fesoasoani mo faiaoga o lo o aoaoina tamaiti e faailoa mai e le Suega a le SPELL 1 ma le SPELL 2 o lo o i ai i le tulaga e le lelei le faitautusi ma le tusitusi. E faagasolo le polokalame i aoga tulagalua e faatino ai le aoaoina o le faaleoina o upu (phonics) ma le iloilo o mataitusi ia mafai ona iloa e le tamaititi foliga o mataitusi ma faaleo ina ia mafai ai ona soo ma maua ai le fuaiupu.

ix. Pololokalame mo le faaleleia o le Faitautusi ma le Tusitusi (PaBER).

O le polokalame mo le faaleleia o le faitautusi ma le tusitusi (PaBER) o se polokalame na pasia e le Fono a Minisita o Aoga a le Pasefika ia Oketopa 2010, ae faatupeina e le Malo o Ausetalia. O lenei polokalame e amata faataitai ia Samoa, Papua Niu Kini ma Solomona, e sailiili ai auala talafeagai e siitia ai le tulaga o le faitautusi ma le tusitusi mo alo ma fanau o le Pasefika. Na amata le polokalame ia Iulai 2012. O lenei foi Polokalame o le a fesoasoani ia i latou e tuufaatasia faiga faavae i faamaumauga talafeagai e faamalositia ai auala mo le siitia o tomai ma agavaa o tamaiti o le Pasefika.

E fa vaega taua o lenei polokalame: (a) Tulaga lelei o faiaoga; (e) Mataupu Aoaoina ma Alagaoa; (i) Faafoega lelei ma le Vaaia lelei o Aoga; (o) Auala o Fuataga.

3. Silasila totoa le Matagaluega i le taua o lona sao i le faafoega o Aoga i nuu i tua, ina ia maua le femalamalamaai o Komiti o Aoga ma Faiaoga ina ia mausali ai le galuega faatasi mo le faaleleia o le auunaga aua le lumanai manuia o alo ma fanau ma le tulaga saogalemu o faleaoga mo fanau aoga.

i. Maliega ma Aoga (School Agreements).

27 IANUARI 2015

P.P.2014/2015 Nu.75, Tali Atu a le Malo i le P.P.2013/2014 Nu.66, Lipoti a le Komiti o Mataupu tau Aoga, Saienisi, Fesoootaiga ma Faamatalaga Tekonolosi i le P.P.2012/2013 Nu.6, P.P.2012/2013 Nu.7 & P.P.2012/2013 Nu.8, Lipoti Faaletausaga a le Matagaluega o Aoga, Taaloga ma Aganuu mo tausaga faaletupe 2008/2009, 2009/2010 ma le 2010/2011

Ua maea ona toe iloilo Maliega ma Komiti o Aoga mo le faamautuina o le galulue faapaaga a le Matagaluega ma Komiti o Aoga i aoga taitasi.

ii. Taiala o Tulaga Moomia mo le Fausia o Faleaoga.

O se tasi leni o Vaega taua o le fesoasoani ma le lagolago o lo o ofoina mai e le Malo o Ausetalia mo le fausia o aoga sa aafia i le afa o Eveni i le 2012, o le tuu faatasia lea o se Taiala faigofie mo aoga. O nei Taiala e faaautu i le faafaigofieina o faamatalaga ma tulaga moomia mo faleaoga fou i galuega atinae i Samoa, ma le faatinoina o maliliega. O nei Taiala ma ona poloaiga e aofia uma ai Faalapotopotoga e fuafua e fausia faleaoga o nuu ma afioaga, Komiti o Aoga, paaga mai fafo ma galuega atinae.

iii. Tapulaa Moomia (MSS).

O le siitia ma le faaleleia o aoaoga e le o se mataupu fou. E tuu faatasi ai le *'Whole School Approach'* aua le faaleleia o aoga. E tolu vaega taua o leni taumafaiga: (a) ia mulimulitai i se faatinoga o se ata faataitai o fuafuaga faaletausaga mo le faaleleia o aoga, (e) siitia le tulaga lelei o le vaaia ma le faatautaiga o aoga, (i) o se maliliega e fesootei ai le faaleleia o aoga, atinae o le auaunaga ma le faataua a le Matagaluega.

O Tapulaa Moomia o se auala ua taumafai e fesoasoani ai ma faailo tulaga o i ai aoga aua le silafia e le Pule Aoga, Komiti o Aoga, Vaega mo le Faafuaga o Aoga, faapea faiaoga aua le lagolagoina o le aoaoina ma le faatinoina o galuega i aoga. O le Tapulaa Moomia o manaoga talafeagai o le tulaga e tataua ona i ai aua le aoaoina o alo ma fanau. E fa vaega o leni taumafaiga: (i) Siosiomaga o le Aoga; (ii) aoaoina ma le vaaia lelei o le aoga; (iii) Tomai ma Agavaa o le Faiaoga, i auala ma metotia e faatinoina ai le Galuega; ma le (iv) Fuataga o Galuega a Tamaiti. O nei vaega e fua i ai le tulaga o le ausia ma le lelei o i ai le aoga.

4. Silasila i le faafitauli o le toagaogao o Faiaoga, ina ia mafai ona o faatasi le faaleleia o le Polokalame mo Aoaoga (Curriculum) ma le i ai o faiaoga agavaa mo le faatinoina o le galuega.

27 IANUARI 2015

P.P.2014/2015 Nu.75, Tali Atu a le Malo i le P.P.2013/2014 Nu.66, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.6, P.P.2012/2013 Nu.7 & P.P.2012/2013 Nu.8, Lipoti Faaletausaga a le Matagaluega o Aoga, Taaloga ma Aganuu mo tausaga faaletupe 2008/2009, 2009/2010 ma le 2010/2011

i. Faalauteleina o le Tomai i Mataupu o le Faasaienisi (Science Up skilling – USP).

O lenei polokalame ua galulue faatasi ai le Matagaluega ma le Iunivesite o le Pasefika i Saute (USP). E totogiina e le Malo o Samoa avanoa e aotauina ai faiaoga e 60 mo lenei polokalame ó 50 o faiaoga o aoga a le Malo, ma le 10 mo aoga a Ekalesia. O faiaoga o le a aoaina ma faamanuiaina i faailoga faasaienisi.

O le polokalame e ofoina e faalautele ai le tomai o faiaoga o lo o ua galulue i aoga i le faasaienisi. Ua fuafua foi le faatinoina o le polokalame e faaoga ai masini tekonolosi e aoga mai ai faiaoga i nuu ma afioaga o aumau ai ma galulue, ae faatoa mafuta ma le faiaoga i taimi o tuuaga a aoga.

O lo o faaauau foi le polokalame mo le aotauina o faiaoga i le Iunivesite Aoa o Samoa.

ii. Faiaoga Lagolago (Teacher Mentors).

O faiaoga nei ua aotauina e ofo le lagolago ma le fesoasoani i faiaoga fou a o amata ai le galuega faafaiaoga. O i latou nei o lo o galulue i aoga. E fesoasoani foi i le tapenaina o le faiaoga fou i auala uma ma tapulaa moomia e mafai ai ona resitala ma avea ma faiaoga faamaonia.

iii. Avanoa Sikolasipi.

O le tausaga e 2015 e amata ai se polokalame faataitai (pilo programme) e ala mai ai avanoa sikolasipi a Ausetalia ma Niu Sila, ma ua ave i ai le faamuamua i le Vaega o Aoaoga ma le Vaega o le Soifua Maloloina. E 12 sikolasipi ua ofoina mo tamaiti o le tausaga faasauni (UPY) i le Vasega Faasaienisi (Faculty of Science ó Foundation) e filifilia le faiaoga e avea ma a latou galuega, e aoaina ai i atunuu i fafo pe a ausia togi faatapulaa. O lo o ave le faamuamua i lalo o lenei polokalame i le sailia o i latou e faiaoga i mataupu o le Matematika ma le Faasaienisi ona o le utiuti o le numera o lo o i ai mo nei mataupu. O tausaga e lua mulimuli ane o lenei polokalame faataitai o le a siitia ai le aofai o avanoa i le 15, ma o le a faasafua ai nisi o avanoa mo faiaoga o lo o galulue aua le faalauteleina o le tomai e le gata i le aoaina o le Matematika ma le Faasaienisi, ae o le faaleleia o le faitautusi ma le tusitusi.

27 IANUARI 2015

P.P.2014/2015 Nu.75, Tali Atu a le Malo i le P.P.2013/2014 Nu.66, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.6, P.P.2012/2013 Nu.7 & P.P.2012/2013 Nu.8, Lipoti Faaletausaga a le Matagaluega o Aoga, Taaloga ma Aganuu mo tausaga faaletupe 2008/2009, 2009/2010 ma le 2010/2011

O lo o faaauau pea le auunaga a le Malo e auala atu i le Matagaluega e aoga faasikolasipi ai i latou ua fia avea ma faiaoga i le Aoga Faafaioga i le Iunivesite Aoao o Samoa (AoS).

iv. *Aoga Faafaioga – Iunivesite Aoao o Samoa (FoE).*

O lo o faaauau foi ona aoaina faiaoga i le Aoga Faafaioga i le Iunivesite Aoao o Samoa. O le tausaga foi lenei (2014) ua amata ai ona suia le faailoga e aoaina ma suesue i ai faiaoga mai le Tipiloma i le Tikeri. O faiaoga o le a faauina o lea o latou maua le Tikeri o Aoaoga (Bachelor of Education). O lenei Tikeri o le faailoga maualalo lea o le a ofoina mo faiaoga.

Lau Afioga i le Fofoga Fetalai, ma le faaaloalo lava.

Na tuuina atu le Fesili ma ina ua manumalo le Ioe, na tulai loa le P.P.2014/2015 Nu.75, Tali a le Malo i le P.P.2013/2014 Nu.66, Lipoti a le Komiti o Mataupu Tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.6, P.P.2012/2013 Nu.7 & P.P.2012/2013 Nu.8, Lipoti Faaletausaga a le Matagaluega o Aoga, Taaloga ma Aganuu mo Tausaga Faaletupe 2008/2009, 2009/2010 ma le 2010/2011 ua faamaonia.

P.P.2014/2015 NU.76, TALI ATU A LE MALO I LE P.P.2013/2014 NU.136, LIPOTI A LE KOMITI O LE SOIFUA MALOLOINA, GALUEGA TAU LE VA FEALOAI, MATAUPU TAU LOTOIFALE MA ATINAE O AFIOAGA MA AGAFESOOTAI I LE P.P.2012/2013 NU.55 & P.P.2013/2014 NU.74, LIPOTI FAALETAUSAGA A LE FAAPUTUGATUPE MO LE LUMANAI MANUIA O TAGATA SAMOA 2012 MA LE TAUSAGA 2013

FOFOGA FETALAI: Tulai mai lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau afioga i le Fofoga Fetalai ou te faatu le lafo, *Ina ia faamaonia e lenei Fono Aoao le P.P.2014/2015 Nu.76 o lo o tuuina atu ai Tali a le Malo i le P.P.2013/2014 Nu.136, Lipoti a le Komiti o le Soifua Maloloina, Galuega Tau le Va Fealoai, Mataupu Tau Lotoifale ma Atinae o Afioaga ma Agafesootai i le P.P.2012/2013 Nu.55 & P.P.2013/2014 Nu.74, Lipoti Faaletausaga a le Faaputugatupe mo le Lumanai Manuia o Tagata Samoa 2012 ma le tausaga 2013, e tusa ai ma le Tulafono Tumau 54.*

27 IANUARI 2015

P.P.2014/2015 Nu.76, Tali Atu a le Malo i le P.P.2013/2014 Nu.136, Lipoti a le Komiti o le Soifua Maloloina, Galuega tau le Va Feloai, Mataupu tau Lotoifale ma Atinae o Afioga ma Agafesootai i le P.P.2012/2013 Nu.55 & P.P.2013/2014 Nu.74, Lipoti Faaletausaga a le Faaputugatupe mo le Lumanai Manuia o Tagata Samoa 2012 ma le tausaga 2013

Faaluaina e le Sui Palemia ma le Minisita mo Galuega Tau Alamanuia ma Atinae a le Malo.

FOFOGA FETALAI: Tulai mai lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai, e fia tuuina atu ma le faaaloalo tele tali tusitusia a le Ofisa o le NPF, i mataupu ua fautuaina ai le Ofisa o lo o tuuina mai i le lipoti e pei ona taua i luga. O le a faagasolo atu se tali fuaitau atu a le Ofisa nei, i numera e pei ona i ai i lea lipoti.

TALI ATU A LE MALO I LE P.P.2013/2014 NU.136, LIPOTI A LE KOMITI O LE SOIFUA MALOLOINA, GALUEGA TAU LE VA FEALOAI, MATAUPU TAU LOTOIFALE MA ATINAE O AFIOAGA MA AGAFESOOTAI I LE P.P.2012/2013 NU.55 & P.P.2013/2014 NU.74, LIPOTI FAALETAUSAGA A LE FAAPUTUGATUPE MO LE LUMANAI MANUIA O TAGATA SAMOA 2012 MA LE TAUSAGA 2013.

Fautuaga 1:

Ia silasila le Pulega i ana faiga faavae mo le toe iloiloaina , pe ua talafeagai ona siitia pasene o ana faamanuiaga e faamatuu atu i le mamalu o le atunuu i ana sui faisaofaga i tausaga taitasi.

Tali:

Ua faamauiina foi le fautuaga mai le Komiti mo toe asiasia o nei faiga faavae aemaise ai o pasene ma tului talafeagai ai ma tupe maua a le NPF. Ae mo le silafia e le Komiti, o lo o faatulafonoia ia le i lalo ifo o le 4% le pasene i le tausaga. O pasene totogiina atu i tausaga taitasi e fua i tupe mama i le tausaga ae le fuaina i lalo i ni faiga faavae. A silasila le Komiti i tala o le tupe, o lo o manino o lo o totogi atoa atu lava tupe mama o lo o faamauiina i tausaga taitasi ma o le i ai i se evalasi e tusa ma le 7%. A silasila le Komiti i Tala o le Tupe, o lo o manino ai le faavasegaina o aseta o lo o faafaigaluegaina aua tupe maua ma e oo atu i le 98% o lo o taatia i Samoa nei. Mo le silafia e le Komiti e oo i isi atunuu o le Pasefika e pei o Fiti e maualuga atu le tamaoiga, e na o le tai 5% i le 5.75% o lo o tuuina atu i o latou sui.

O fuafuaga alu mamao a le Komiti Faatonu o lo o i ai nei, ia tuuina atu se vaega o aseta e oo atu i le 10% e faafaigaluegaina i fafo atu o Samoa ina ia siitia ai tupe maua aua e pau lea o le auala e siitia atili ai tupe mama ona mafai lea ona siitia pasene e totogiina atu i sui e sili atu i le 7% o lo o i ai nei.

27 IANUARI 2015

P.P.2014/2015 Nu.76, Tali Atu a le Malo i le P.P.2013/2014 Nu.136, Lipoti a le Komiti o le Soifua Maloloina, Galuega tau le Va Feloai, Mataupu tau Lotoifale ma Atinae o Afioga ma Agafesootai i le P.P.2012/2013 Nu.55 & P.P.2013/2014 Nu.74, Lipoti Faaletausaga a le Faaputugatupe mo le Lumanai Manuia o Tagata Samoa 2012 ma le tausaga 2013

Ma o le a galulue i ai le Komitii ma le aufaigaluega ia ausia lea tulaga aua le siitia o pasene mo sui o le NPF.

Fautuaga 2:

Ina ia silasila i tulaga o faamanuiaga mo sui faisaofaga ona ua matauina i Sailiiliga a le Komiti ua na o pasene ma meaalofo tau maliu ma isi o lo o agavaa ai sui faisaofaga.

Tali:

Mo le silafia e le Komiti, o le sini autu o le NPF, ia tele se faaputugatupe a le sui e faaputupu i le taimi o faigaluega ai e toomaga i ai pe a malolo ritaea mai galuega. O le matafaioi la a le Komiti Faatonu ma le aufaigaluega, ia teu faafaigaluega tupe ina ia faatupe ai ni pasene ia faaopoopo i tausaga uma ina ia tupu ma tele le faaputugatupe seia oo ina 55 tausaga pe sili atu. A maliu la le sui e lei oo i le taimi e ritaea ai, ona maua lea o le faamanuiaga tau maliu e faaopoopo i ana saofaga. E na o le pau lava ia o faamanuiaga o lo o aiaia i lalo o le Tulafono. O isi faamanuiaga o lo o i ai nei o le agavaa lea o le sui i nonogatupe mai i le NPF ma e aiai uma i lalo o faiga faavae mo nonogatupe. O se manatu faaiu i le mataupu e pei ona laga, o le faamanuiaga e pito i sili ona taua, ia tele ma lava le faaputugatupe a le sui e faaputupu i le taimi na faigaluega ai, e tua i ai pe a oo ina malolo ritaea mai galuega.

Fautuaga 3:

Ina ia silasila i auala e mafai ai ona aoina mai ai nonogatupe faaletonu ona ua maitauina e le Komiti se vaegatupe tele a le Faaputuga Tupe o lo o faapea ona le mafai ona toe aoina mai nonogatupe ua le totogia.

Tali:

Ua faamauiina le finagalo o le Komiti aua o le fua taualuga foi lea o le faamoemoe o faiga faavae mo le faafaigaluegaina o tupe a le NPF ia maualuga tupe maua e fuafua i aafiaga e ono foia ina ia siitia pea i tausaga taitasi faamanuiaga e faasafua atu i ona sui.

Manatu aoatetele e tusa ai o fautuaga:

O lo o galulue pea le Komiti Faatonu aemaise ai o le Pulega e faatino fautuaga uma e tuuina mai, e tusa ma aiaiga o le Tulafono ua lima taitaiina ai galuega faatino a le Faaputuga-Tupe aua le manuia lautele o ana sui faisaofaga.

27 IANUARI 2015

P.P.2014/2015 Nu.77, Tali Atu a le Malo i le P.P.2013/2014 Nu.115, Lipoti a le Komiti o le Soifua Maloloina, Gagluega tau le Va Fealoai, Mataupu tau Lotoifale ma Atinae o Afioga ma Agafesootai i le P.P.2013/2014 Nu.73, Faamatalaga o Galuega ma Tala o Tupe a le Faaputugatupe mo Faamanuiaga mo Tagata Matutua i Samoa 2012/2013

Na tuuina atu le Fesili ma ina ua manumalo le Ioe, na tulai loa le P.P.2014/2015 Nu.76, Tali a le Malo i le P.P.2013/2014 Nu.136, Lipoti a le Komiti o le Soifua Maloloina, Galuega Tau le Va Fealoai, Mataupu Tau Lotoifale ma Atinae o Afioga ma Agafesootai i le P.P.2012/2013 Nu.55 & P.P.2013/2014 Nu.74, Lipoti Faaletausaga a le Faaputugatupe mo le Lumanai Manuia o Tagata Samoa 2012 ma le tausaga 2013, e tusa ai ma le Tulafono Tumau 54.

P.P.2014/2015 NU.77, TALI ATU A LE MALO I LE P.P.2013/2014 NU.115, LIPOTI A LE KOMITI O LE SOIFUA MALOLOINA, GALUEGA TAU LE VA FEALOAI, MATAUPU TAU LOTOIFALE MA ATINAE O AFIOAGA MA AGAFESOOTAI I LE P.P.2013/2014 NU.73, FAAMATALAGA O GALUEGA MA TALA O TUPE A LE FAAPUTUGATUPE MO FAAMANUIAGA MO TAGATA MATUTUA I SAMOA 2012/2013

FOFOGA FETALAI: Tulai mai lau Afioga i le Palemia.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai ou te faatu le lafo, *Ina ia faamaonia e leni Fono Aoa le P.P.014/2015 Nu.77, o lo o tuuina atu ai Tali a le Malo i le 2013/2014 Nu.115, Lipoti a le Komiti o le Soifua Maloloina, Galuega Tau le Vafealoai, Mataupu Tau Lotoifale ma Atinae o Afioga ma Agafesootai i le P.P.2013/2014 Nu.73, Faamatalaga o Galuega ma Tala o Tupe a le Faaputugatupe mo Faamanuiaga mo Tagata Matutua i Samoa 2012/2013, e tusa ai ma le Tulafono Tumau 54.*

Faaluaina e le Minisita mo Galuega Tau Alamanuia ma Atinae a le Malo, Minisita mo Fesootaiga ma Faamatalaga Tekonolosi ma le Minisita mo Tina ma Tamaitai, Atinae o Nuu ma Afioga ma Agafesootai.

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: Lau Afioga i le Fofoga Fetalai mo le silafia e le Maota atoa ai ma le faafofoga a le atunuu, ou te tuuina atu Tali o lo o tuuina i leni Pepa.

27 IANUARI 2015

P.P.2014/2015 Nu.77, Tali Atu a le Malo i le P.P.2013/2014 Nu.115, Lipoti a le Komiti o le Soifua Maloloina, Gagluega tau le Va Fealoai, Mataupu tau Lotoifale ma Atinae o Afioga ma Agafesootai i le P.P.2013/2014 Nu.73, Faamatalaga o Galuega ma Tala o Tupe a le Faaputugatupe mo Faamanuiaga mo Tagata Matutua i Samoa 2012/2013

TALI ATU A LE MALO I LE P.P.2013/2014 NU.115, LIPOTI A LE KOMITI O LE SOIFUA MALOLOINA, GALUEGA TAU LE VA FEALOAI, MATAUPU TAU LOTOIFALE MA ATINAE O AFIOAGA MA AGAFESOOTAI I LE P.P.2013/2014 NU.73, FAAMATALAGA O GALUEGA MA TALA O TUPE A LE FAAPUTUGATUPE MO FAAMANUIAGA MO TAGATA MATUTUA I SAMOA 2012/2013.

E fia tuuina atu ma le faaaloalo tele, tali tusitusia a le Ofisa o le NPF i mataupu ua fautuaina ai le Ofisa, o lo o tuina mai i le lipoti e pei ona taua i luga, ma o le a faagasolo atu i numera e pei ona i ai i lea lipoti.

Fautuaga 1:

Fautuaina le Faaputuga-tupe ina ia tagai pea i ni auala e mausali ai pea le faagasologa lelei o le faatinoga o le auaunaga aua tama ma tina matutua o Samoa.

Tali:

E faamauina le faafetai a le Ofisa nei i fautuaga ua tuuina mai e le Komiti mamalu, aua ni tulaga e fia faaleleia atili o le auaunaga mo nai o tatou tama ma tina matutua.

O le a tinou ma faaauuina pea e le Ofisa o Faamanuiaga mo Tagata Matutua o Samoa le sailia o auala lelei uma, e faatino ai le tautua ma le auaunaga ofoina atu mo nai tina ma tama matutua o si o tatou atunuu, e pei ona fautuaina ai.

Fautuaga 2:

Fautuaina le Faaputuga-tupe ina ia tuliloaina o lo o lelei atoatoa ona maua faamanuiaga uma, e ao ona maua e le au matutua mai auuanaga talafeagai.

Tali:

O le a faaauuina pea le galulue punouai o le Ofisa ma le aufaigaluega ina ia mautinoa o lo o totogi atu faamanuiaga uma e agavaa i ai tama ma tina matutua i taimi talafeagai e ala i auuanaga vavave ma lelei faatino mo i latou. E faaauau foi le lesitalaina uma o i latou uma, e faamalieina aiaiga ma ua faamaonia, ua agavaa ona maua faamanuiaga o peinisione mo le aumatutua o si o tatou atunuu.

27 IANUARI 2015

P.P.2014/2015 Nu.77, Tali Atu a le Malo i le P.P.2013/2014 Nu.115, Lipoti a le Komiti o le Soifua Maloloina, Gagluega tau le Va Fealoai, Mataupu tau Lotoifale ma Atinae o Afioga ma Agafesootai i le P.P.2013/2014 Nu.73, Faamatalaga o Galuega ma Tala o Tupe a le Faaputugatupe mo Faamanuiaga mo Tagata Matutua i Samoa 2012/2013

Manatu aoatetele e tusa ai o fautuaga:

So o se faamanuiaga e maua pe totogi atu i le au matutua, e aiaia uma lea i lalo o le Tulafono o lo o faagaioia ai nei faamanuiaga ua faamatuu mai e le Malo.

Na tuuina atu le Fesili ma ina ua manumalo le Ioe, na tulai loa le P.P.014/2015 Nu.77, Tali a le Malo i le 2013/2014 Nu.115, Lipoti a le Komiti o le Soifua Maloloina, Gagluega Tau le Vafealoai, Mataupu Tau Lotoifale ma Atinae o Afioga ma Agafesootai i le P.P.2013/2014 Nu.73, Faamatalaga o Galuega ma Tala o Tupe a le Faaputugatupe mo Faamanuiaga mo Tagata Matutua i Samoa 2012/2013, e tusa ai ma le Tulafono Tumau 54.

P.P.2014/2015 NU.79, TALI ATU A LE MALO I LE P.P.2012/2013 NU.87, LIPOTI A LE KOMITI O GALUEGA, FELAUAIIGA MA SIOSIOMAGA I LE P.P.2011/2012 NU.61, FUAFUAGA AUTASI MA FAAMATALAGA O SINI AUTU A LE PULEGA O LE SUAVAI MO LE VAITAIMI 2012-2014

FOFOGA FETALAI: Tulai mai lau Afioga i le Minisita mo Galuega, Felauaiga ma Atinae Eseeese.

Afioga Hon MANUALESAGALALA ENOKATI POSALA: Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoa le P.P.2014/2015 Nu.79, o lo o tuuina atu ai Tali a le Malo i le P.P.2012/2013 Nu.87, Lipoti a le Komiti o Galuega, Felauaiga ma Siosiomaga i le P.P.2011/2012 Nu.61, Fuafuaga Autasi ma Faamatalaga o Sini Autu a le Pulega o le Suavai mo le Vaitaimi 2012-2014, e tusa ai ma le Tulafono Tumau 54.*

Faaluaina e le Minisita mo le Soifua Maloloina, Minisita mo Aoga, Taaloga ma Aganuu, Minisita mo Punaoa Faanatura ma le Siosiomaga ma le Minisita mo Leoleo ma Falepuipui.

FOFOGA FETALAI: Tulai mai lau Afioga i le Minisita e faitau le Tali.

Afioga Hon MANUALESAGALALA ENOKATI POSALA: Lau Afioga i le Fofoga Fetalai, mo le silafia e le Maota atoa ai ma le faafofoga a le atunuu, ou te faitauina Tali ua tuuina mai i le Pepa.

27 IANUARI 2015

**P.P.2014/2015 Nu.79, Tali Atu a le Malo i le P.P.2012/2013 Nu.87,
Lipoti a le Komiti o Galuega, Felauaiga ma Siosiomaga i le P.P.2011/2012
Nu.61, Fuafuaga Autasi ma Faamatalaga o Sini Autu a le Pulega o le
Suavai mo le Vaitaimi 2012-2014**

**TALI A LE MALO I LE P.P. 2012/2013 NU 87, LIPOTI A LE
KOMITI O GALUEGA FEALUAIGA & SIOSIOMAGA I LE
P.P.2011/2012 NU 61 FUAFUAGA AUTASI MA FAAMATALAGA O
SINI AUTU A LE PULEGA O LE SUAVAI MO LE VAITAIMI 2012-
2014.**

Fautuaga:

1. E fautuaina le faanatinati o le fesootai atu o ala paipa o tane o faleletaua o le Maota o le Malo i Matagalalua ma le Maota o le Matagaluega o Faamasinoga ma Pulega Tau Faamasinoga i le nofoaga o lo o vaimama ai suavai lafoai i Sogi, ina ia foia ai le faafitauli i tane o ia faleletaua ma ia ogatasi ai ma aiaiga faava o Malo o le siosiomaga.

Tali:

O lo o faagasolo nei le poloketi mo le faasopolia o nofoaga i Sogi ma Mulinuu i le laina o paipa mo le aoina o le suavai lafoai. O le tausaga faaletupe 2013-2014 lea sa amatalia ai lenei galuega ma o le a faamaea i le tausaga nei 2014-2015. O lenei galuega o le mafai ai ona fesootai le Maota o le Malo i Matagalalua faapea le Maota o le Matagaluega o Faamasinoga ma isi fale o le Malo ma pisinisi i Sogi ma Mulinuu, mo le aoina ma le faamamaina o le suavai lafoai.

Fautuaga:

2. Manaomia le galulue faatasi o le Matagaluega o Tupe ma le Pulega o le Suavai mo le vave faatinoina o isi poloketi ina ia vave maua se suavai mo afioaga o lo o manaomia le suavai.

Tali:

O le taimi nei ua tele ina faasopolia uma afioaga o lo o i lalo o le auaunaga a le Pulega o le suavai i le suavai maua. Vagana ai nisi o pitonuu maualuluga ma nofoaga maouta o lo o faaauau ai pea galuega ma atinae mo le suavai e faamoemoe lava foi i tupe o lo o mafai ona faasoaso mai i Tala o le Tupe a le Malo. O lo o i ai le fuafuaga mo Atinae tetele a le Pulega o lo o faapea ona galulue soosoo tauau ai ma le Matagaluega o Tupe i lona faatinoina, i lalo o le polokalame mo tupe fesoasoani a le Malo.

Fautuaga:

3. Ia vave faapipii se masini fou (new voltage generator) i le pou moli o lo o tu lata ane i le pamu vai fou i Falealupo, e faatonutonu ai le fesuisui ai o le malosi o le eletise e faaoga e lea pamu vai.

27 IANUARI 2015

**P.P.2014/2015 Nu.79, Tali Atu a le Malo i le P.P.2012/2013 Nu.87,
Lipoti a le Komiti o Galuega, Felauaiga ma Siosiomaga i le P.P.2011/2012
Nu.61, Fuafuaga Autasi ma Faamatalaga o Sini Autu a le Pulega o le
Suavai mo le vaitaimi 2012-2014**

O le vave faapipii o lea masini o le a mafai ai ona puipuia mai lea pamu vai taugata mai le faaleagaina ona o le fesuisuia o le malosi o le eletise ma mafai ai ona faasaina mai ai nisi vaegatupe a le Malo i le toe faatauina mai o se isi pamu vai pe a faaleagaina le pamu vai fou taugata o lo o i ai nei.

Tali:

Ua faamauina le fautuaga mo le agai i luma. Mo le silafia e le Komiti mamalu o le taimi nei o lo o faaogaina e le Pulega se afi (generator) mo leni pamuvai, ona o le faaeteetega i aafiaga e pei ona taua i le fautuaga. Ua atoa nei le tolu tausaga o lo o faatautaia le pamu i leni faiga ma o lo o tulaga lelei lava lona faatinoga.

Fautuaga:

4. Fautuaina malosi le ave o le faamuamua a le Pulega o le Suavai i le fausia o nisi faatanoa vai fou faaopoopo mo le teuina ai o le suavai i vaega o le auaunaga o lo o tamaoaiga ai le suavai aemaise lava i Fuluasou, ina ia foai ai le faafitauli o le tau faasoasoa o le suavai.

Tali:

Fautuaina malosi le ave o le faamuamua a le Pulega o le Suavai i le fausia o nisi faatanoa vai fou faaopoopo mo le teuina ai o le suavai moomia e paaga a le Pulega, peitai sa maitauina o le faafitauli o lo o i ai nei o le tele o le suavai maumau ma le maua e ala i le liki i le laina, ma suavai o lo o viliina faasolitulafono. Olo o i ai poloketi o faatini i le taimi nei mo le toe suia o laina tuai ma laina ua i totonugalemu o auala, faatasi ai ma polokalame mo le sailia o paaga o lo o faaoga faasolitulafono le suavai. E manatu afai ae mautu ia tulaga, o le a tele le suavai e faasaina ina ia faatumauina ma lava pea le faasoa o le suavai. O lo o silasila foi le Pulega i le itu tau fanua moomia mo le fausia o nisi faatanoa i le lumanai pe a tumau pea le manaomia.

Fautuaga:

5. Fautuaina le Pulega ole Suavai ina ia faatinoina loa fesuaiga o paipa PVC i le isi ituaiga paipa fou o le Poly E pipe, ona e umi lona aoga ma mafai ona faaititia ai le suavai maumau e mafua mai ona o paipa papa, e pei ona maitauina e le Komiti le atu i le 70% o le suavai maumau e afua mai i paipa papa.

27 IANUARI 2015

**P.P.2014/2015 Nu.79, Tali Atu a le Malo i le P.P.2012/2013 Nu.87,
Lipoti a le Komiti o Galuega, Felauaiga ma Siosiomaga i le P.P.2011/2012
Nu.61, Fuafuaga Autasi ma Faamatalaga o Sini Autu a le Pulega o le
Suavai mo le vaitaimi 2012-2014**

Tali:

O se tasi lenei o laasaga ua faagasolo nei lona fatinoina e le Pulega, ona o mafuaaga ua taua e le Komiti mamalu. Ua avea nei ma se tasi o tapulaa i le taiala mo galuega faainisinia a le Pulega le faamlosia o le faaaogaina o le paipa PE mo soo se galuega e manaomia ai paipa i le tele e 110mm le tele pe i lalo ifo. O lo o faatino foi polokalame faaleaoaoga mo le siitia o le iloa o le afaigaluega i le faaaogaina ma le faapipiina o nei paipa i galuega faatino. Ua auai atu foi nisi o le afaigaluega a le Pulega o le suavai mo le maitauina o se tasi o fale gaosi oloa i Fiti (Tubemakers Fiji Ltd) o lo o latou fausia nei ituaiga paipa pe talafeagai ona faatauina mai ai paipa PE nei mo galuega faatino a le Pulega.

Fautuaga:

6. Faamalosia le galulue faatasi o le Pulega o le Suavai ma le Matagaluega o Punaoa Faalenatura ma Siosiomaga mo le faasaoina o eleele o lo o pueina ai le suavai, ina ia mautinoa le lava o le suavai e tua i ai le auaunaga, ona na maitauina e le Komiti le tau faasoasoa o le suavai i vaitau mugala.

Tali:

Ua faamauina le fautuaga ma o se tasi lenei o itu o lo o faatinoina pea i lalo o le Vaega autu mo le suavai (Water Sector) o lo o galulue faatasi ai le Pulega ma le Matagaluega mo le ausia o lea tulaga. O le Ofisa Sili o le Matagaluega o lo o avea foi ma se sui o le Komiti Faatonu a le Pulega o le Suavai, ma o lo o auala atu ai nei o atinae o galulue faatasi ai ofisa e lua.

Fautuaga:

7. Silasila le Pulega ole suavai i le tatau ona toe faaleleia uma pamuvai tuai o vai vili o lo o i ai i le taimi nei i Upolu ma Savaii.

Tali:

Ua faamauina le fautuaga. O lo o galulue vava lalata le Pulega o le suavai ma le vaega o le suavai o le Matagaluega o Punaoa Faalenatura ma le Siosiomaga, i saililiga i pamu, vai tuai ma vai vili tuai e mafai ona toe faaaogaina. O le tele o nisi o vai vili tuai ua le toe faaaogaina e mafua ona ua ausia le suavai mai (sua lua) pe ua le saogalemu le suavai o maua ai. O lo o ave le faamamafa ma taumafaiga a le Pulega i le putiputi o le suavai o lo o maua i le fogaeleele (surface water) ona e taugofie lona fatinoina nai lo le taugata o le pamuina mai o le suavai mai le manava o le eleele.

27 IANUARI 2015

P.P.2014/2015 Nu.80, Tali Atu a le Malo i le P.P.2013/2014 Nu.134, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.23, P.P.2012/2013 Nu.78 & P.P.2012/2013 Nu.79, Lipoti Faaletausaga a le Pulega o Fale ma Malae Taalo a Samoa 2008/2009, 2009/2010 & 2010/2011

Peitai o lo o i ai i fuafuaga a le Pulega le i ai pea o vai vili faaleoleo mo taimi mugala e faaitiitia ai le suavai maua i vaitafe ma vaipuna.

Na tuuina atu le Fesili ma ina ua manumalo le Ioe, na tulai loa le P.P.2014/2015 Nu.79, Tali a le Malo i le P.P.2012/2013 Nu.87, Lipoti a le Komiti o Galuega, Felauaiga ma Siosiomaga i le P.P.2011/2012 Nu.61, Fuafuaga Autasi ma Faamatalaga o Sini Autu a le Pulega o le Suavai mo le Vaitaimi 2012-2014, ua faamaonia.

P.P.2014/2015 NU.80, TALI ATU A LE MALO I LE P.P.2013/2014 NU.134, LIPOTI A LE KOMITI O MATAUPU TAU AOGA, SAIENISI, FESOOTAIGA MA FAAMATALAGA TEKONOLOSI I LE P.P.2012/2013 NU.23, P.P.2012/2013 NU.78 & P.P.2012/2013 NU.79, LIPOTI FAALETAUSAGA A LE PULEGA O FALE MA MALAE TAALO A SAMOA 2008/2009, 2009/2010 & 2010/2011

FOFOGA FETALAI: Tulai mai lau Afioga i le Minisita mo Galuega Tau Alamanuia ma Atinae a le Malo.

Afioga Hon LAUTAFI FIO SELAFI PURCELL: Faafetai i lau Afioga i le Fofoga Fetalai. Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoa le P.P.2014/2015 Nu.80, o lo o tuuina atu ai Tali a le Malo i le P.P.2013/2014 Nu.134, Lipoti a le Komiti o Mataupu Tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.23, P.P.2012/2013 Nu.78 & P.P.2012/2013 Nu.79, Lipoti Faaletausaga a le Pulega o Fale ma Malae Taalo a Samoa 2008/2009, 2009/2010 & 2010/2011, e tusa ai ma le Tulafono Tumau 54.*

Faaluaina e le Minisita mo Tupe Maua, Minisita mo Fesootaiga ma Faamatalaga Tekonolosi ma le Minisita mo Tina ma Tamaitai, Atinae o Nuu ma Afioga ma Agafesootai.

FOFOGA FETALAI: Tulai mai lau Afioga i le Fofoga Fetalai.

Afioga Hon LAUTAFI FIO SELAFI PURCELL: Lau Afioga i le Fofoga Fetalai, mo le silafia e le Maota atoa ai ma le faafofoga a Samoa pe a o i ai lava nisi o faafogafoga mai i lenei po, ou te tulai atu e tuuina atu Tali o i totonu o lenei Pepa.

27 IANUARI 2015

P.P.2014/2015 Nu.80, Tali Atu a le Malo i le P.P.2013/2014 Nu.134, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.23, P.P.2012/2013 Nu.78 & P.P.2012/2013 Nu.79, Lipoti Faaletausaga a le Pulega o Fale ma Malae Taalo a Samoa 2008/2009, 2009/2010 & 2010/2011

TALI ATU A LE MALO I LE P.P.2013/2014 NU.134, LIPOTI A LE KOMITI O MATAUPU TAU AOGA, SAIENISI, FESOOTAIGA MA FAAMATALAGA TEKONOLOSI I LE P.P.2012/2013 NU.23, P.P.2012/2013 NU.78 & P.P.2012/2013 NU.79, LIPOTI FAALETAUSAGA A LE PULEGA O FALE MA MALAE TAALO A SAMOA 2008/2009, 2009/2010 & 2010/2011.

Fautuaga:

1. **Ina ia toe iloiloina le aofai o le Komiti Faatonu a le Pulega ina ia ogatasi ma aiaiga o le Tulafono.**

Tali:

Ua mulimulitaia nei e le Pulega taiala e pei ona faataatia mai e le Malo i Komiti Faafoe ma ua na o le toafitu (7) sui o le Komiti ua i ai nei.

Fautuaga:

2. **Ina ia toe silasila le Pulega i le tuufaatasia o ana lipoti faaletausaga ina ia auiliili ma maioio mai faaupuga ma faamatalaga a le Pulega i galuega tauave a le Pulega e pei ona maitauina e le Komiti i ana Lipoti faaletausaga ua iloiloina.**

Tali:

Ua taliaina e le Pulega fautuaga a le Komiti e pei ona tuuina mai e tusa ai ma le tuufaatasia o Lipoti faaletausaga ma o le a vaavaai totoa i ai le Pulega ina ia toe faaleleia lea tulaga.

Fautuaga:

3. **Ina ia auiliili mai e le Pulega i lana Lipoti faaletausaga tulaga o lo o i ai ia fale ma malae taalo.**

Tali:

Ua taliaina e le Pulega le fautuaga e pei ona tuuina mai e le Komiti ma o le a faapea ona faatinoina i Lipoti o le a tuuina mai i le Palemene i tausaga o lumanai.

27 IANUARI 2015

**P.P.2014/2015 Nu.86, Tali Atu a le Malo i le P.P.2013/2014 Nu.118,
Lipoti a le Komiti o le Soifua Maloloina i le P.P.2013/2014 Nu.46, Lipoti
Faaletausaga a le Faalapotopotoga o Mea Tau Fale a Samoa
mo le tausaga 2012**

Na tuuina atu le Fesili ma ina ua manumalo le Ioe, na tulai loa le P.P.2014/2015 Nu.80, Tali a le Malo i le P.P.2013/2014 Nu.134, Lipoti a le Komiti o Mataupu Tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.23, P.P.2012/2013 Nu.78 & P.P.2012/2013 Nu.79, Lipoti Faaletausaga a le Pulega o Fale ma Malae Taalo a Samoa 2008/2009, 2009/2010 & 2010/2011 ua faamaonia.

**P.P.2014/2015 NU.86, TALI ATU A LE MALO I LE P.P.2013/2014
NU.118, LIPOTI A LE KOMITI O LE SOIFUA MALOLOINA I LE
P.P.2013/2014 NU.46, LIPOTI FAALETAUSAGA A LE
FAALAPOTOPOTOGA O MEA TAU FALE A SAMOA
MO LE TAUSAGA 2012**

FOFOGA FETALAI: Tulai mai lau Afioga i le Minisita.

Afioga Hon LAUTAFI FIO SELAFI PURCELL: Lau Afioga i le Fofoga Fetalai ou te toe tulai atu foi e faatu le lafo, *Ina ia faamaonia e lenei Fono Aoa le P.P.2014/2015 Nu.86, Tali atu a le Malo i le P.P.2013/2014 Nu.118, Lipoti a le Komiti o le Soifua Maloloina i le P.P.2013/2014 Nu.46, Lipoti Faaletausaga a le Faalapotopotoga o Mea Tau Fale a Samoa mo le Tausaga 2012, e tusa ai ma le Tulafono Tumau 54.*

Faaluaina e le Minisita mo Tupe Maua, Minisita mo Fesootaiga ma Faamatalaga Tekonolosi ma le Minisita mo Tina ma Tamaitai, Atinae o Nuu ma Afioga ma Agafesootai.

FOFOGA FETALAI: Tulai mai lau Afioga i le Minisita.

Afioga Hon LAUTAFI FIO SELAFI PURCELL: Lau Afioga i le Fofoga Fetalai, mo le silafia e le Maota ma le faafofoga a le atunuu o Samoa, ou te faitauina atu Tali ua tuuina mai i totonu o lenei Pepa.

**TALI ATU A LE MALO I LE P.P.2013/2014 NU.118, LIPOTI A LE
KOMITI O LE SOIFUA MALOLOINA I LE P.P.2013/2014 NU.46,
LIPOTI FAALETAUSAGA A LE FAALAPOTOPOTOGA O MEA
TAU FALE A SAMOA MO LE TAUSAGA 2012.**

1. Fautuaga:

Fautuaina le Faalapotopotoga ina ia sailiilia pea i ni auala e atili ai ona fesoasoani i le atunuu. Mo se faamama avega ia latou nonogatupe, e pei o tului mama.

27 IANUARI 2015

**P.P.2014/2015 Nu.86, Tali Atu a le Malo i le P.P.2013/2014 Nu.118,
Lipoti a le Komiti o le Soifua Maloloina i le P.P.2013/2014 Nu.46, Lipoti
Faaletausaga a le Faalapotopotoga o Mea Tau Fale a Samoa
mo le tausaga 2012**

Tali:

O lo o tulimatai pea e le Faalapotopotoga auala eseese e maua ai le faamama avega i tului o nonogatupe. E faalagolago tele lea i se faaitiitia o tului o tupe faaune mai e pei o le punavai o lo o maua mai i le Faletupe Tutotonu ona toe nono atu lea i le mamalu o le atunuu i ni tului mama.

2. Fautuaga:

Ia mataala pea le Faalapotopotoga i le tulituliloaina o le totogiina o nonogatupe ua faamatuuina atu i le mamalu o le atunuu, ina ia aua nei tulai mai se tulaga faaletonu i le Tala o le Tupe a le faalapotopotoga e ono taofia ai lenei fesoasoani taua ua maua e le atunuu.

Tali:

O lo o laualuga ma faamuamua i galuega faatino a le faalapotopotoga le tulituli faamanatu i le totogi mai o nonogatupe i taimi faatulagaina i feagaiga ua osia. O le ogatotonu lea o le auaunaga ina ia maua pea tupe e toe faaavanoa mo le mamalu o le atunuu o lo o autovaa mai mo nonogatupe.

Na tuuina atu le Fesili ma ina ua manumalo le Ioe, na tulai loa le P.P.2014/2015 Nu.86, Tali atu a le Malo i le P.P.2013/2014 Nu.118, Lipoti a le Komiti o le Soifua Maloloina i le P.P.2013/2014 Nu.46, Lipoti Faaletausaga a le Faalapotopotoga o Mea Tau Fale a Samoa mo le Tausaga 2012 ua faamaonia.

**P.P.2014/2015 NU.87, TALI ATU A LE MALO I LE P.P.2013/2014
NU.123, LIPOTI A LE KOMITI O MATAUPU TAU AOGA, SAIENISI,
FESOOTAIGA MA FAAMATALAGA TEKONOLOSI I LE
P.P.2012/2013 NU.11 & P.P.2013/2014 NU.39, LIPOTI
FAALETAUSAGA A LE FAALAPOTOPOTOGA O SUESUEGA
FAASAIENISI A SAMOA MO LE TAUSAGA FAALETUPE
FAAIUINA ASO 30 IUNI 2011 MA LE ASO 30 IUNI 2012**

FOFOGA FETALAI: Tulai mai lau Afioa i le Minisita mo Punaoa Faanatura ma le Siosiomaga.

27 IANUARI 2015

P.P.2014/2015 Nu.87, Tali Atu a le Malo i le P.P.2013/2014 Nu.123, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.11 & P.P.2013/2014 Nu.39, Lipoti Faaletausaga a le Faalapotopotoga o Suesuega Faasaienisi a Samoa mo le tausaga faaletupe faaiuina aso 30 Iuni 2011 ma le aso 30 Iuni 2012

Tofa Hon FAAMOETAU LOA LEALAI AULOTO ULAITINO FAALE TUMAALII: Lau Afioga i le Fofoga Fetalai ou te faatu le lafo, *Ina ia faamaonia e leni Fono Aoa le P.P.2014/2015 Nu.87, o lo o tuuina atu ai Tali a le Malo i le P.P.2013/2014 Nu.123, Lipoti a le Komiti o Mataupu Tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.11 & P.P.2013/2014 Nu.39, Lipoti Faaletausaga a le Faalapotopotoga o Suesuega Faasaienisi a Samoa mo le Tausaga Faaletupe faaiuina aso 30 Iuni 2011 ma le aso 30 Iuni 2012, e tusa ai ma le Tulafono Tumau 54.*

Faaluaina e le Minisita mo Aoga, Taaloga ma Aganuu, Minisita mo Galuega Tau Alamanuia ma Atinae a le Malo, Minisita mo Leoleo ma Falepuipui ma le Minisita mo le Soifua Maloloina.

FOFOGA FETALAI: Tulai mai lau Afioga i le Minisita.

Tofa Hon FAAMOETAU LOA LEALAI AULOTO ULAITINO FAALE TUMAALII: Lau Afioga i le Fofoga Fetalai, o Tali nei a le Malo o lo o tuuina atu i leni Pepa, ma o le a ou faitauina atu.

TALI ATU A LE MALO I LE P.P.2013/2014 NU.123, LIPOTI A LE KOMITI O MATAUPU TAU AOGA, SAIENISI, FESOOTAIGA MA FAAMATALAGA TEKONOLOSI I LE P.P.2012/2013 NU.11 & P.P.2013/2014 NU.39, LIPOTI FAALETAUSAGA A LE FAALAPOTOPOTOGA O SUESUEGA FAASAIENISI A SAMOA MO LE TAUSAGA FAALETUPE FAAIUINA ASO 30 IUNI 2011 MA LE ASO 30 IUNI 2012.

Fautuaga 1:

Faatautaia ni polokalame faalauiloa a le Faalapotopotoga e faailoa atu ai i le atunuu lautele nisi o oloa fou ua mafai ona gaosia, ma faailoa atu foi ituaiga alaøa faalenatura eseese o lo o moomia ai le lagolago a le atunuu i le galueaiina, ina ia mafai ai pea ona maua i totonu o Samoa alaøa mo le gaosia o oloa eseese, mo faamoemoega o oloa auina atu i fafo, aemaise o le faaitiitita ai o oloa taugata auina mai fafo.

Tali:

O le tali i leni fautuaga ua uma ona tuu atu i tali i le Fautuaga muamua (1) i le P.P.2013/2014 Nu 62, ma le Fautuaga muamua (1) i le P.P.2013/2014 Nu 64.

27 IANUARI 2015

P.P.2014/2015 Nu.87, Tali Atu a le Malo i le P.P.2013/2014 Nu.123, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.11 & P.P.2013/2014 Nu.39, Lipoti Faaletausaga a le Faalapotopotoga o Suesuega Faasaienisi a Samoa mo le tausaga faaletupe faaiuina aso 30 Iuni 2011 ma le aso 30 Iuni 2012

Fautuaga 2:

Faamalosia le galulue faapaaga o le Faalapotopotoga ma le Pulega o le Suavai, Matagaluega o le Soifua Maloloina, Matagaluega o Faatoaga ma Faigafaiva, i le faaauau ai o galuega eseese faasaienisi i le tulaga o le mataituina o le suavai mama ma taumafa maloloina mo le atunuu lautele.

Tali:

O le tali i lenei fautuaga ua uma ona tuu atu i le tali i le Fautuaga lona tolu (3) i le P.P.2013/2014 Nu.62.

Fautuaga 3:

Silasila le Faalapotopotoga i nisi avanoa talafeagai e ono mafai ona maua ai ni paaga faava o Malo i le tulaga i tomai o suesuega faapitoa ma suesuega faasaienisi mo le faalauteleina o le tomai i le Faalapotopotoga mo le faaleleia o ana auaunaga mo le manuia o le atunuu.

Tali:

1. Na sainia ia Aokuso 2012 se Maliega Tusitusia o le Galulue Faatasi (Memorandum of Cooperation) i le va o le Faalapotopotoga ma le Iunivesite o Vitoria i Ueligitone (Victoria University of Wellington) i Niu Sila. O le faamoemoe o lea maliega ina ia faaleleia taunuuga o suesuega faasaienisi e faatino ma tauaveina e ia faalapotopotoga e lua. O lea feagaiga o lo o aofia ai le aiaiga i se faiga faaletausaga o se avanoa fou faasikolasipi e tasi e faatupeina atoatoa, mo se tagata faigaluega a le Faalapotopotoga e aoga ai faasikolasipi mo se faailoga tikeri o postgraduate o le Iunivesite o Vitoria, i le tulaga o le faailoga tikeri o le o Masters po o le faailoga tikeri o le o PhD i le amataga o le 2013. I lalo o lea lava feagaiga, o le a faapea ona aiaia ai se vaegatupe mo se sui e toatasi o le aufaigaluega a le Faalapotopotoga, e asiasi ai i le Iunivesite i tausaga taitasi e faatalatalanoa tulaga o le galulue faatasi i suesuega faasaienisi po o le faaaogaina foi o nofoaga o suesuega tau tomai faapitoa. E le gata i lea, ae o le a saunia foi e le Iunivesite se vaegatupe mo se avanoa faasikolasipi e tasi i se tagata aoga mai le Iunivesite o ia lea o le a ono maua se avanoa faasikolasipi e tasi i se tagata aoga mai le Iunivesite o ia lea o le a ono maua se avanoa i tuuaga o le faaiuga o le tausaga, i le Faalapotopotoga.

27 IANUARI 2015

P.P.2014/2015 Nu.87, Tali Atu a le Malo i le P.P.2013/2014 Nu.123, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.11 & P.P.2013/2014 Nu.39, Lipoti Faaletausaga a le Faalapotopotoga o Suesuega Faasaienisi a Samoa mo le tausaga faaletupe faaiuina aso 30 Iuni 2011 ma le aso 30 Iuni 2012

E lima(5) tausaga le umi o le vaitaimi o le feagaiga ma e ono mafai ona toe faaopoopo mo nisi vaitaimi e tai lima(5) tausaga i luga o le maliega a le Faalapotopotoga ma le Iunivesite. E toalua ni sui saenisi o le Faalapotopotoga o lo o aoga nei i le Iunivesite i le faailgoa o le õMastersõ ma le õPhDõ.

2. I le masina o Me 2013, e toalua le aufaigaluega tau tomai faapitoa a le Faalapotopotoga na maua i se polokalame faaaoaoga e lua vaiaso i mataupu tau le faitauga o meafaigaluega po o faiga o fua eseese e tusa ma faatulagaga. O lea aoaoga sa faia i le Institute o Cawthron i New Zealand, ma na faatupeina e le Polokalame o Fesoasoani a Ausetalia e taua o le Suesuega i laau toto ma Faatoaga mo Maketi i Fafo (õPacific Horticultural & Agricultural market Accessõ po o le õPHAMAõ), ina ia faapea ona maua ai agavaa moomia talafeagai, e taua tele i le famautinoaina o le lelei atoatoa o meafaigaluega ma maua ai taunuuga o suesuega e sao atoatoa. Ia Iuni 2013, na faatupeina ai foi e le PHAMA le auina mai i le Faalapotopotoga o se tagata tomai faapitoa e maualuga le aloaia o lona agavaa ma le poto masani, mai le Institute o Cawthron, e galue mo le tolu vaiaso, ina ia faaleleia ma siitia agavaa ma le mafai gafatia o le aufaigaluega a le Faalapotopotoga i le itu o le faaaogaina o metotia fou tau suesuega. O le autu o le polokalame faa-aoaoga leni e tolu vaiaso, o le faalateleina lea o le aotelega o le mafai gafatia tau suesuega ua aloaia ma faamaonia a le Faalapotopotoga, ia atiae le tomai faapitoa e faamalieina ai manaoga tau le faamaoniga aloaia, ma faamautinoa le i ai i le Faalapotopotoga o le mafai gafatia e tali atu ai i manaoga o i latou o manaomia le auaunaga a le Faalapotopotog, e le gata i lea a o le au gaosi oloa tulaga muamua ae faapena foi ia i latou o auina atu oloa i atunuu i fafo.

E toatolu ni Polofesa e taua o õHonorary Research Fellowsõ o lo o fesoasoani tele i le auaunaga o suesuega faasaienisi aemaise suesuega faasaienisi e faaaoaga i ai faatekonolosi i nei onapo. E toatasi mai le Iunivesite o Newcastle, Ausetalia (auaunaga faapitoa i tekonolosi õpostharvestõ), o le isi mai le Iunivesite o New South Wales, Ausetalia (auaunaga faapitoa i õbiofuelsõ), faapea ma se tasi ua loa lana tautua ae ua ritaea mai galuega i le Iunivesite o New South Wales, Ausetalia (auaunaga faapitoa i suauu maua mai i laau ma fualau aina).

27 IANUARI 2015

P.P.2014/2015 Nu.87, Tali Atu a le Malo i le P.P.2013/2014 Nu.123, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.11 & P.P.2013/2014 Nu.39, Lipoti Faaletausaga a le Faalapotopotoga o Suesuega Faasaienisi a Samoa mo le tausaga faaletupe faaiuina aso 30 Iuni 2011 ma le aso 30 Iuni 2012

O lo o i ai foi ma ni sui ua ofoina mai le latou tautua e aunoa ma se totogi, po o ãSenior Volunteersö, o le Malo o Iapani (ãJapan International Cooperation Agencyö po o le ãJICAö) ma le Malo o Niu Sila (ãNew Zealand Volunteer Services Abroadö po o le ãNZ-VSAö), o lo o galulue faatasi ma le Faalapotopotoga aua suesuega faapitoa i vaega o oloa gaosia o lo o manaomia le faatupeina ina ia agai pea i luma laasaga o le tulaga faapisinisi (ãproduct commercializationö), faapea ai foi ma suesuega faasaienisi i laau Samoa e i ai le mafai gafatia mo le atinaeina o vailaau gaosia mo le togafitia o gasegase (ãmedicinal herbsö), ma isi e pei o ãcosmeticsö.

Fautuaga 4:

Faamalosia le uunaia malosi o le Faalapotopotoga mo le siitia o ana auaunaga e ala atu i Fonotaga faatino i le atunuu ma le Pasefika i vaega tau suesuega faapitoa ma suesuega faasaienisi. O se tulaga e le gata i le siitia ai o lana auaunaga ae e fesoasoani foi i le itu tau tupe mo le faatinoina o ana gafataulima.

Tali:

I le masina o Aperila 2012, na tuufaatasia ai e le Faalapotopotoga se Fonotaga Faaleaoaoga Faaitulagi i luga o Suesuega faasaienisi mo le Atinae o Alamanuia o le Ulu a Atunuu o le Pasefika (ãPacific Island Countriesö). Na faatupeina e le Malo o Ausetalia e ala mai i ana polokalame o le Ofisa Tutotonu o Ausetalia mo Suesuega Faa-Faatoaga Faava o Malo (ãAustralian Centre for International Agriculture Researchö) ma le Suesuega Tau Faatoaga Faapisinisi a le Pasefika mo Fuafuaga Tau Atinae (ãPacific Agribusiness Research for Development Initiativeö), ma tuufatasia ai e le fonotaga ni tagata agavaa faapitoa i le Ulu mai faalapotopotoga a le Malo, faaleatunuu ma vaega o faalapotopotoga tumaoti mai Fiti, Kiripati ma Samoa, Iunivesite mai Ausetalia ma le Iunivesite o le Pasefika i Saute (ãUniversity of the South Pacificö), ma paaga tau atinae e pei o le Faalapotopotoga o Taumafa ma Faatoaga a Malo Aufaatasi (ãFood & Agriculture Organizationö). O le faamoemoe o leni fonotaga o le toe iloilo ina lea o gaoioiga tau suesuega ma atinae i vaega autu e lua o le alamanuia o Ulu ó oloa gaosi i le tulaga muamua ma faiga faatekonolosi e faaaogaina ai fua o faaeleeleaga, ma faamuamua ai nisi suesuega faasaienisi o le lumanai, ma faatauaina ai ni gaoioiga soofaatasi, e faauau ai ona faagasolo le atinae gafataulima ma le taua o le alamanuia o Ulu.

27 IANUARI 2015

P.P.2014/2015 Nu.87, Tali Atu a le Malo i le P.P.2013/2014 Nu.123, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.11 & P.P.2013/2014 Nu.39, Lipoti Faaletausaga a le Faalapotopotoga o Suesuega Faasaienisi a Samoa mo le tausaga faaletupe faaiiina aso 30 Iuni 2011 ma le aso 30 Iuni 2012

O se mataupu taua sa faatalatalanoaina i lea fonotaga o le itu talafeagai e faaono avea ai le Faalapotopotoga ma nofoaga tutotonu mo suesuega faatekonolosi mo le Ulu o lona tulaga gafatia ma le mafaia ua faavaeina. O lo o faaauau pea ia faatalatalanoaga i lenei fuafuaga taua.

Fautuaga 5:

Silasila le Faalapotopotoga i le faaleleia o le faatinoina o ana auaunaga faafaufautua o lo o faipaaga ai ma isi Matagaluega ma Faalapotopotoga a le Malo ma Vaega Tumaoti, ina ia siitia ai ana tupe maua e fesoasoani ai i ana galuega faatino ma lagolago ai foi i fesoasoani a le Malo e ala i le vaega tupe faatatauina i tausaga faaletupe taitasi.

Tali:

O le tali i lenei fautuaga ua uma ona tuu atu i le tali i le Fautuaga lona fa(4) i le P.P.2013/2014 No.64

O lea e talosagina ai lenei Fono Aoa, ina ia faamaonia le P.P. 2012/2013 Nu 11 & P.P. 2013/2014 Nu 39, Lipoti Faaletausaga a le Faalapotopotoga o Suesuega Faasaienisi a Samoa mo le tausaga faletupe faaiiina aso 30 Iuni 2011 ma le tausaga faaletupe faaiiina aso 30 Iuni 2012.

Na tuuina atu le Fesili ma ina ua manumalo le Ioe, na tulai loa Tali Atu a le Malo i le P.P 2012/2013 Nu 11 & P.P.2013/2014 Nu. 39, Lipoti Faaletausaga a le Faalapotopotoga o Suesuega Faasaienisi a Samoa mo le tausaga faaletupe faaiiina aso 30 Iuni 2011 ma le tausaga faaletupe faaiiina aso 30 Iuni 2012 ua faamaonia.

Tofa Lealailepule Rimoni Aiafi: Lau Afioga i le Fofoga Fetalai. Ma lou faaaloalo lava pe maua se avanoa se i tau mapu foi le Afioga i le Minisita.

FOFOGA FETALAI: O le a le mea lea e te tulai mai ai?

Tofa Lealailepule Rimoni Aiafi: Ma lou ava tele lau Afioga i le Fofoga Fetalai, ua matua logo -i logo -a i le lava tapena o le Malo i le taliga o fesili. E leai se mea o toe faanefu, ua manino atoa so o se Matagaluega. E inisi le fesili ae fa parakalafa o le tali. Ua matua faamalieina lenei Itu i le afio atu o le Caretaker Leader, le Afio atu o le Taitai fou o lenei Vaega ma lenei Vaega ona ua matua faamalieina i Tali a le Malo ua tuuina mai.

27 IANUARI 2015

P.P.2014/2015 Nu.87, Tali Atu a le Malo i le P.P.2013/2014 Nu.123, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.11 & P.P.2013/2014 Nu.39, Lipoti Faaletausaga a le Faalapotopotoga o Suesuega Faasaienisi a Samoa mo le tausaga faaletupe faaiuina aso 30 Iuni 2011 ma le aso 30 Iuni 2012

I lou ava tele ma lou faaaloalo ou te tu atu ai e faatuina le lafo ina ia pasia le tele o a tatou Pepa aua o lea ua tea le afa.

E le faapea foi faatoa fai lea tulaga lau Afioga i le Fofoga Fetalai. O lena e te silafia, e masani lava ona fai pe afai ua loto malie le Palemene ma ua faamalieina e tusa ai ma tali mai a le Malo, ae e faamalo atu i lau Afioga i le Palemia ma le Kapeneta mo tapenaga matautia.

O le lafo lea ma le faaaloalo.

FOFOGA FETALAI: O lea ua maua lou finagalo Leala, vaeane foi le tuleiga ma le saunoaga. E le seetia foi le Nofoa i le malu o le tai taeao. A outou silasila lelei i le mataupu lena, e le o se mataupu e tataua ona tatou tago faatumutumulima i ai leaga o le mataupu ua leva ona tatou vavao ai. E le tataua foi la ona tatou o e faataga fai le galuega lena leaga ua leva ona laulauvivilu ai nusipepa ma le toatele o lena Itu, òO fea lipoti nei?ò Na tuuaia ai Fepuleai lea ma Au i le faasologa o galuega a le Malo. Na tuuaia le Malo i le tuai ona tali mai. O lea la e fua le faaiuga a le Nofoa i leí .ou te musu e valetuulima galuega ua uma ona fai e le Kapeneta ma le Palemene. O lea ua outou vaavaai i tali, faatoa faatino lea o le mea lea ae se i faafofoga mai le atunuu leaga o lea e faamasino mai le atunuu i a tatou mea ia e fai.

E manatu tele atu i lena Itu o le Maota ona o le tulaga i lo outou naunau mai e fesiligia, fesiligia, fesiligia ma faapea e leiloa pe sau afea. O upu na o lea sa lafo i le Maota, ae ua ou manatu o fea o le a fai i ai tali ua gapatia ai Ofisa Sili o Matagaluega aemaise o tali mai a le Malo i Minisita ma Faalapotopotoga?

O le ala foi lea e pei ona saunoa le Palemia i le taimi ua sola, ua sauni le Malo e tali. A o le a lafo atu i lau Afioga i le Palemia po o le a se faautautaga.

Tofa Lealailepule Rimoni Aiafi: O lea o le a faalua mai le lafo.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai, toeitiiti lava uma a tatou Pepa. Ou te faamalie atu i le Afioga i le sui usufono, ou te manatu a ta loa le itula e 9:00 tatou malolo loa, tatou toe omai taeao e faauma pe afai ua fia malolo le la Itu.

O le taua o le mataupu lena ona e le na o tatou, ae mo le atunuu o lo o faafogafoga mai. Ana faapea e leai mea ia e alu atu i fafo, ua leva lava ona ou faapea atu ua lava loa i nei, ae leaga o lea e taoto lafoga e taua tele mo le Malo a o faafogafoga mai foi lo tatou atunuu, o i ina foi e maua ai so latou malamalamaaga i le tele o fesili sa tuuina mai e le Komiti, lea sa ou tulai atu ai ma ou fautuaina le Maota nei, e tuu mai se avanoa ona o lea sa noatia Ofisa Sili o Matagaluega i taliga-malo sa feagai ma le Malo i le Fonotaga tele a Malo Afaatasi sa fai mai i nei. O le ala lea na mafua ai ona le oo mai Tali nei ia Novema ma Tesema.

27 IANUARI 2015

P.P.2014/2015 Nu.87, Tali Atu a le Malo i le P.P.2013/2014 Nu.123, Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le P.P.2012/2013 Nu.11 & P.P.2013/2014 Nu.39, Lipoti Faaletausaga a le Faalapotopotoga o Suesuega Faasaienisi a Samoa mo le tausaga faaletupe faaiiina aso 30 Iuni 2011 ma le aso 30 Iuni 2012

O lea la ua faaauau le tatou Fonotaga ia Ianuari, o lea toeitiiti lava uma, ae onosai. O le a tatou toe omai a taeao e faauma pe a le uma i le po nei leaga o lea e i ai nai isi Tulafono Tau Faaofi. Masalo na o le taeao sesegi lava a taeao, ae se i tau faauma atu nai mea ia o lea toeitiiti ta le itula e 9:00.

Tofa Lealailepule Rimoni Aiafi: Lau Afioga i le Fofoga Fetalai, ua uma foi se manatu o lenei itu. E leai, o le tuualalo lava aua o a tatou galuega e faapea ona faasoa. O lea ua matou maitau atu i le lava tapena o le Malo, ae leai e le fesiligia e lenei Itu aua atonu o nisi lava o lenei Itu. A o lea ua saunua le Palemia tatou te toe usu mai taeao a o le a saili malosi, atonu ua lava lea.

A o le tatalo o lea ua uma ona pai atu le tama o lenei Itu, le Afioga i le Sui Taitai e tusa ai foi ma lo matou Taitai, ia alofagia ua lava lenei po e faasala ai si alii vaeane le paia o le Maota.

O le toe soso atu lea i ou tafatafa leaga o lau pule e leai se isi o matou e latalata i ai, a o lau faautautaga e faamoemoe i ai leaga o oe e tausia aiga e lua o Samoa, a o le Palemene o Samoa.

Ia alofagia le Afioga i le Taitai o lenei Itu leaga o lona sese ma lona sasi, o le faatamala foi lea o lenei Itu. O le tuualalo lea lau Afioga ia faale-Atua lou finagalo ma ia alofagia. Na ona soso atu lava i lau Afioga ma le faaaloalo lava, ae afai e leai e le tafa lou finagalo, ua ou ofo atu lou tagata ou te alu ou te malolo ae toe faafoi mai le Taitai pe afai o lea lou finagalo. Ae ou te tatalo atu i lau Afioga aua e leai se isi, leaga o taua e toa tolusefulu faifeau na faamanuaina taua i lo ta tofi ae ta te le i omai. E le galo ia te au lea po.

O le toe soso atu lea ma le agaga faamaualalo ma le ava tele i lau Afioga i le Fofoga Fetalai a o le i tuua le tatou Fonotaga i lenei afiafi. Ma le faaaloalo lava.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai. E faigata lava le mea lea o le ava i le faaoololomaau a le la foi Itu. Afai o le tulaga lea, ia o le a ou faaluaina le lafo ia talia loa e le Palemene nai vaega ia e totoe ma tatou toe omai ai taeao se i faauma nai Tulafono ia e totoe. E uma lava i le taeao sesegi ona tatou malolo ai lea, a o Tali uma ia o lo o totoe e le o toe tele. O lea la ua ou tulai atu o le a faapea ona faatamalii le tatou Fonotaga, a o le a ou faaluaina le lafo ina ia talia loa le lafo faatu ua aumai, tatou aveva loa nai Tali laiti ia e totoe ua talia atoa e le Palemene.

FOFOGA FETALAI: Faafetai i lau Afioga i le Palemia e ala i le lafo faatu. O lea ua matauina o le finagalo o lau Afioga o le itula e 9:00, a o lea ua ta tonu le itula e 9:00 i le tatou uati. Po o fea o i ai le finagalo o lau Afioga i le Palemia ona o nai mea ia e totoe e toe luasefulu ma ona tupu a tatou Tali. O lona uiga a tuu atu e faaauau faatoa tatou taape ua ta le vaveao.

27 IANUARI 2015

Lafo mo le Tolopoina

O le ala lea o le toe fesili atu i lau Afioga, po o le a tatou malolo loa ae toe faaauau a tatou galuega i le aso a taeao?

LAFO MO LE TOLOPOINA

Susuga Hon TUILAEPFA FATIALOFA LUPESOLIAI AIONO NEIOTI SAILELE MALIELEGAOI: O le tulaga lena, e alofa atu leaga o lea uaí .afai o lea, o lea e i ai le isi a tatou Fonotaga toe lua foi vaiaso. A o le a talia le lafo ua tuuina mai mo le talia atoa o Tali nei, ae taatia atu a tatou Tulafono Tau Faaofi na e totoe se i tatou toe omai i le lua vaiaso ne i te i ua gasegase se isi, a o le agaga ia o le fia galuega e le uma. E le uma le fai aso o le Atua, ae ou te faatu atu le lafo, *Ina ia talia loa fautuaga ia e pei ona aumai e le tatou Maota nei ma tatou malolo ai loa i lenei po, ae tatou omai i le lua vaiaso o lo o lumanai ai i le isi a tatou Fonotaga ma faamaea loa mea ia o lo o totoe.*

Faaluaina e le Afioga i le Sui Palemia ma le Minisita mo Galuega Tau Alamanuia ma Atinae a le Malo.

Na faamaonia le lafo.

FOFOGA FETALAI: Ou te manatu o lea ua tatou taunuu i le tatou taimi malolo e pei ona faatuina le lafo e le Afioga i le Palemia, atoa ai foi ma se faautautaga na oo mai i le Fofoga o Alii o le Itu Agai. I le agaga faaaloalo ou te momoli atu le faafetai ma le faamalo i le paia ma le mamalu maualuga o le tatou Maota i lenei afiafi. E talitonu ua taunuu i se tasi o taunuuga sa o tatou manaonao i ai ona o le tele o a tatou galuega tuua sa o tatou feagai ai ona o a tatou polokalame. E tulaga ese foi lenei afiafi ona faatoa tatou alu lea i le ogasami o le tuuina mai o Tali Tusitusia ma tali o lipoti o Komiti Filifilia sa tuuina atu i le Malo, ma e i ai foi lona tulaga o le tele o lona taua i le faasologa o a tatou galuega, aemaise le faafogafoga mai a si o tatou atunuu. E talitonu foi o lenei afiafi ua manino ma malamalama tulaga uma sa feagai ai, i le galuega tele sa feagai ai ma lo outou paia ma lo outou mamalu i Taitaifono, Sui Taitaifono, aemaise o Komiti faa-Palemene atoa sa outou mafatia ma gase aua le tapenaina o lipoti nei.

E le faaitiitia foi le agaga faafetai atu i lau Afioga i le Taitai o le Malo. Ua matua lagona le agaga faafetai ona o le tulaga o lea ua matua tolaulau ma folafolaina i le faafogogaaga a le Maota aemaise le faafogoga tapuai mai a Samoa, o lea lava ua tatou o e tulituliaupu le faataunuuina o lo tatou valaauina ma galuega. E talitonu foi ua manino le mata o le vai i le faafogogaaga i nisi o lipoti, aemaise nisi o lipoti taua ma tali mai a le Malo sa tuufesili i ai le atunuu i le tele o nei taimi po o a faatulagaga a le Palemene i ona faiga faavae, atoa ai ma ona Tulafono e limataitaiina ai lo tatou Maota.

E momoli atu foi vaimalu i puega i lenei itula afiafi ona o mea ua tulai mai i le tatou Fonotaga lenei.

27 IANUARI 2015

Lafo mo le Tolopoina

Le Palemene o Samoa, o au nei e tumu i le faaaloalo i le Maota aemaise le paia i sui mamalu; o outou lava o Tootoouli o le atunuu. O Samoa o le atunuu ua uma ona tofi e leai se isi na te toe ta tulaga pe toe fagota sagolegole i ai. A o le a sa outou maitau, ia outou finagalo malilie, o le Nofoa o le Palemene o le Nofoa o le atunuu. Afai e moni upu ma tala o le faaaloalo aemaise o le faamalumalu, tatou o ai laia i lena.

Lealailepule, o le agaga lena ua avatu. Ia fua se tapu ma ia i ai se aoga o mea ua tutupu. E le tau aoaia e Laupua Tamafaiga, o outou o nisi o Tootoouli o Samoa aemaise o la outou galuega o le faufautua ma ave le tuualalo i tulaga aloaia, ae aua nei avea le naunau ma mea sese. O le tatou Palemene e le tuu talaloaina, e le faaloaloavale foi. Ua uma ona i ai lona faavae papa o le Malo Tutoatasi o Samoa, ua uma ona i ai ona Tulafono Tumau e limataitaiina ai. Ua uma ona i ai Tulafono e faafoe ai faiga faavae, tu ma aga faa-Palemene. O ai la e faamamaluina ia mea? E faamamalu e le Palemene o Samoa. Ae ua avea le naunau ma avatu pea le tuualalo ma le faaaloalo i taimi uma, ua avea ma mea ua avatu ai le alofa o Misi ua soli ai le toga kapisi.

O lenei la afiafi faataa'i ma se leo ma o lea foi ua faalalolalo le Sui Taitai aemaise le paia o le Vaega Faaupufai, o lea lava ua lagona le pa'i mai o a outou talosaga ma le faatoesega. O lea foi na faalalolalo i le agaga mama se tasi o sui usufono mo Safata, ua ou talia ma aloaia, ae paga lea, ua outou vaai i aga a lo outou Taitai? E le o ni mea e aveane ai, ae lafo atu aua o outou o lo o mau iumaea. Ou te le iloa po o sao fautuaga na e fai pe leai, ae e lafo atu.

Silasila foi o lea e alaala i lena Itu o le Maota, e toalua Loia e gata ai Loia i le atunuu, e malamalama lelei. E le soona sii pe soona vaai ona e malamalama i le Tulafono. O lo o afio le Susuga i le Faafeagaiga, o lana matafaioi o le tatalo aua le manuia o le tatou Palemene. Lo outou paia ma lo outou mamalu, e le tau fai atu. O le Sui Taitai o le sa nofoia le Nofoa lea ou te saofai atu ai, tou te le maitaua le vevela o le mea lea e nofo atu ai, ae ava tele i lo tatou va nonofo ai. O lea, o a tulaga i le vaatele i lo outou talosaga mai, ia taatia mai o lea ua tolopo le Fono, ua faatu le lafo e le Afioga i le Palemia, se i aulia le masina fou sei moe manatunatu e pei ona ou fai atu. Ae ia fua ni tapu ma le tatou va nonofo ai ma tatou faamoemoe i le Alii, ia limataitaiina le tatou Fonotaga i le mea e tatau ona i ai.

Le Palemene aemaise le tapuaiga a Samoa i lenei afiafi, afai e sala uta ia tonu tai. Afai foi ua sipa le lamaga ma taulaulu se matou faamatalaga i lau faafogafoga Samoa, afai ua matou toliulu i le gaoga pe matou te faatama a le po i le gagana, e faamalulu atu, ae momoli mai pea lau tapuaiga aemaise o le tatalo leleoa a le Afaigaluega Paia a le Atua ina ia manuia le Palemene. O lea ua faatu le lafo mo le tolopoina o le Fonotaga seia aulia Fepuari. A o le i taape le Fonotaga, ou te tapa lau Afioga i le sui usufono mo le Vaa o Fonoti leaga o lea ua tuumuli atu le isi Feagaiga a le atunuu, ae tulai maia oe e fai oe ma sui o Feagaiga a Samoa e te faia le tatalo faaii e faaii ai le tatou Fono.

Na tolopo Taulumaga a le Fono Aoao i le itula e 9:12 i le po seia aulia le itula e 9:00 i le taeao o le Aso Lua, 17 Fepuari 2015.